

Cherokee Febr. 69

Field 1076

# 3273

Mohawk Book of Isaiah

NE

KAGHYADONGHSERA

NE

ROYADADOKENGHDY

NE

ISAIAH.

*In Mohawks  
Field No 1076*

---

NEW-YORK:

PRINTED FOR THE AMERICAN BIBLE SOCIETY.

---

*D. Fanshaw, Printer.*

.....

1839.

NE

KAGHYADONGHSERA

NE

ROYADADOKENGHDY

NE

ISAIAH.

---

CHAP. I.

I *Isaiah wáthorihhorarake ne Judah: 10. 16.*

NE jiyehhoriwakenh ne Isaiah ne royenhah ne Amoz, ne ji-nahhoden rotkaghthonh ne ji-niyutyèrenh ne Judah ony Jerusalem, ne raodeghniseràkonh ne Uzziah, Jotham, Ahaz, ony Hezekiah, ne radikoraghkowatshón ne Judah.

2 Jaronk, O karonghyakeh ; neony jathòndek, O onghwenja ; ásékenh ne Royàner rodewennenthonh : Nenkheyeghyaron ony kheyatheh kheyeghyaron ne exháokonhah, neony wáthonkerihhorarake wáthonkerihhotkáwe ne iih-neh :

3 Ne deyudinakares yuderyendare ne raotshènen royendèryh, nokhony ne ade-nàdyh ne rowen-niyú ne jiranondenthá : nok ne Israël-àka yagh-nénné dehho-naderyendare, akonkweda yaghta-dehhadiyádoreghthá.

4 Yuneghrakwah yunhàden, yakorighwaneraax-

konh ne ye-nakeronnyon, onkwehhòkon ne yako-  
daghkondanihhatye ne sewaderighwadewaghdonh,  
ne eghnekwaghsa ne wahhetken ne yakoyúden-  
honh, sewaxháokonhah nene akaonhhá nene ya-  
kohhetkenhónh ! akaonhhá wahhy nenronwade-  
wendeghdonh ne Royàner, ro-nonhhá nenronwá-  
nikonghraxhadonh ne Ró-nikonghriyughstonh ne  
Israel nenronwanákwison, ò-nenh èrenh niyeya-  
kawé-nonh nen-yakotswade-nyónh.

5 Oghnaah shèkonh kenh senhháok eghyenghsy-  
enghthake ? senhhaok kenh endisadonnonhhatye  
endisadonnonhhatye. Nen-o-nonjistakwèkonh de-  
yukonhhèndonghs, nokhony nen-aweryaghsakwè-  
konh yúnikonghraghdonghs.

6 Eghtyudaghsawe ne t'kentskaronghkwenh ne  
oghsida sháden-yáwen ony nao-nonjineh yagh-  
kaneká deskakwèkonh desewat ; ok daghnon ya-  
kolkarewaghdanyón, nokhony yakoyádkwarashón,  
nokhony nen-yutkenghse ne jiyako-nonghwakdan-  
yònni : ro-nonhhá ne ne yaghdehho-nadadewe-  
yennendabónh, yabhony né dehho-nadatnerengh-  
stonh, yabhony dehho-naden-ye-narhon nayúnet-  
skhaonh.

7 Ne jisewanakere èrenh sewe-nonghdènni  
kàyesé yudonhónh, sewade-nadatsháanyh wahhy  
yudeken : jonghwenja, thiyonghwenjade wadekí-  
visón waghdondonh ne nonwa jisewenderon, nèeh  
wahhy ne kàyesé yudonhónh, ne jiyakorighwakar-  
hathonh ne akaonghwenjayen tyuriwa.

8 Neony ne konwayenhah ne Zion eghyakon-  
wènderon ne jikénnitkanonghsaah ó-nenhharò-  
konh, jikakwadakwenh kayenthonh ne niwadén-  
henghraaghnehhah ne kanónhonserakeraghse, ji-  
niyught ne dayunadanhén.



9 Nyàre ne Royàner ne denghshonkwaghsnyé-ne ne shonkwayènnny ne onkyonhhakeh nekady àkwah nijorighwaah jodadenronh, nene eghnayonkwayádawenhónh ji-niyawenhónh ne Sodom, neony shádayonkwayádawenhónh ji-nihhodiýáda-wenhonh ne Gomorrah.

10 Jathòndek neraowènná ne Royàner, sewade-righwatsteristonh ne Sodom: jadahhonghsadat neraorighwakeh ne onkwa-Nìyoh, jonkwehhòkon ne Gomorrah.

11 Nene ji-nahhoden waderyéndònnyh naah ne kentyughkwá ne sewaneyonghtsera ne iih-neh? ràdon ne Royaner: Iih kananonh ne kaneyonghtsera ne kondìjin ne deyudinákarondonhah, neony nekèn-yé ne konwadinòndenah ne kondiryú; neony Yaghdewakeryéndiyuónh ne ao-nekwenghsakonh ne deyunakares, nedenhens ne niyakaah nediýudinákarondonhah, nedenhens tyutkenhhòkén ne kayádakeraghse.

12 Ne o-nenh ensewawe enkwatkaghthó ne akhèndonh, onghka ven-yerighwísake kén-ikenh nesewasnonkeh neneyádayonghskwaseraghkwe nakerighwisaaghtsera?

13 Toghsa shèkonh dondase-nihhah ne yaghthiýádeyurihhonde ne sewaneyonghtsera: kasera-kón sewatsháaghtha naah ne karighwaneraaxherakwèkonh ne iih-neh; ne nàsé neghnidaòkon nokhony ne yaondadokenghdonhhòkon, ne degshonkwaronghyenhhá ne yaedewatkennisa, Yaghdewakkwe-nyonh nehhaonkwe-nonghdonh: nèeh wahhy ne kayádaghdonghtsera, ne shádayàwen ne walkennisaaghtseriyuh.

14 Asé ne sewadeghnidá nokhony yetshikwadakwènnnyh yetshirihhowanaghdènnnyh ne jiwa-

dennyode kaghswenghse nakwadonnhets : wátho-  
dinikonrhàren ne iih-neh ; Nendek-wishenhhè-  
yonghse jikheyadaghkatste.

15 Neony ne o-nenh dendeghsaghjàdade Enkon-  
yadaghrontyénsé ; étho orighwiyú, ne o-nenh èsó  
ensewadernènayenghseke yaghná Thasnkwath-  
òndeke : ásèkenh nense desewanekwenghsohhare.

16 Sasade-nohhareh, sasadatkwadàkoh, sasarih-  
hòndyh ne wahhetken ne ji-nighsatyerhá yudagh-  
sawé akhèndonh ne K'kaghdekeh ; serighwaghtkaf  
ne wahhetkén ji-nighsatyerhá ;

17 Sadaderihhonnyenh nene aondaghserighwayè-  
ride : sjenhhayenghtserisak, sasadadewenniyú'n  
ne jiyaghdewendòre ; dejádòreght ne yaghdeyakó-  
nighshén ; ne shako-nek'waghseh nyakodegh-  
reonghsé.

18 Kase-neh o-nenhhok, neony kiasá ne enkarih-  
hónny kayádakwé-niyok yádedewatyeghst dewat-  
wèndònnyh, ràwenh ne Royaner : Ethosane ne  
sarighwaneraaxhera ániyught ji-niyught ne joda-  
konghkòwah, t'kàkonde enshadirakénne ji-niyught  
no-nyeghde ; ethosane o-nekwenghdara nihadiyá-  
dodenh akwah ji-niyught nyude-nekwenghdaradà-  
konh oron-yá thiyught, ánenhhadiyádodénne ji-ni-  
yught ne wérhìyuh.

19 Doká ne enjathondade neony enghjhisewa-  
wennaraghkwé, t'kàkonde ne ensewake ne jiwa-  
donghwenjiyuh :

20 Nok dòka enjaderaghyadaghkwe nokhony  
densewánikonghrakhaghsy dengbhisewawennot-  
káwe, ásharekòwah naah t'kàkonde ensewagh-  
donde : ikenh ne Royaner akwah raonhhá jiragh-  
sakaronde thodàdyh.

21 Dò niyught ne jideweghdaghkonh jikana-

dowànenh anáàwén ji-nìyught ne nyu-deghkòwah ! newahhy kananonh ne raojenhhayenghtsera ; atdakwarighsyonghtsera eghkayádarakare ìwat ; nok nonwá shakodíryughs.

22 Saristandron nen-yughskénrhare naah, ne sa-wine oghnekanoghs dekontyeghstonh :

23 Nene shekowànenh sheyádaneghrakwaghtá nenwahhy rodiwennadonh, (ro-nadewennontyonh ne jiyurihhowànenh,) nokhony ne shahhodityughkwah ne radinenghskwaghs: nìyádehhàdyh radinonwése ne adadàwyh, neony ne radighnonderatyé radighsere ne ji-niyuriwá ronwadirharatstènyh: yaghtádehhadiyádoreghthá ne yaghteyakónighshén, yakhony ne jideyuriwá ne yunadeghreonghse naonwadiyáddrenne.

24 Ne kady waghònny ràwenh ne Royaner, ne Royaner ne degshakoghsnyé, ne Enskat, róshatstenghseraneghrakwaght ne Israel, yuneghrakwah ; Iih t'kàkonde enkadadorishén ne ji-nádeyonké-nihhaghròdonghs, neony ayaweryéndiyú aonkeronghyákénde ne nyonké-nikonghraghs-wenghse :

25 Neony Entkennontshónneke ne souhhakeh, neony aoskón denjisahjadohhetste ne saghskènrhá nokhony akwèkonh èrenh enskahhawighdon ne saristakènrat :

26 Neony Iih enskyèride ne sajenhhayenghtsera ne jityutyerenghdonh deyesayádoreghdase, neony ne yesarighwakwadakwase ne jityudaghsawe: oghnákenkeh enjesanadonghkwé, Ne kanadowànenh ne atdakwarighsyonghtsera, Ne teweghdaghkonh kanadowànenh.

27 Zion t'kàkonde ne enjakoyadakó ne adewen-

deghtsera, neony aonhhá denjakaonnhadèny enkené natdakwarighsyonghtsera.

28 Neony ne atkaronnyát ne yakorighwaxhadonh nokhony ne yakorighwaneraaxkonh t'kàkonde enskatneh en-yòndon, neony ro-nonhhá nene ronwadewendeghdonh ne Royaner t'kàkonde nénné enwatsháaghdon.

29 Neony ro-nonhhá t'kàkonde enhho-nadeh-hade ne karighdon (karònda ne raodiyádònnnyh ne radirighwánekkènnny) ne desewadonghwenjònnyh, neony t'kàkonde ne yádensewatyeghste ne kanraxhenh ne kahheghdakeh nikahheghdáaghnehhah neneh né sewadaderakwènnnyh.

30 Ikenh eghnensewayadodénné ji-nìyught ne karighdon karònda ao-neraghde kaneraghdarighthá, neony ànìyught ne nikahheghdaaghnehhah yahbeshikenh deyughnèkayén.

31 Neony ne thikáshatste ámen-yàwen ji-nìyught ne oghskare o-nonghkèrhón, neony ne nìyurighwaah jienthadèkade, neony t'kakonde yenhonwadikwekde enskatneh jienwatshá, nokhony yahhonghka thaonwanáswaghdén.

## CHAP. II.

I *Isaiah yehhariwakengh nejidare ne Keristus raoyanertsera. 6. 10.*

NE raowènná nerte Isaiah ne royenah ne Amoz wahhatkaghtó ne ji-niyutyèrenh ne Judah neony Jerusalem.

2 Neony t'kàkonde eghdenwaderihlònkoghde

nene nen-yeseweghniseràkonde, nene jirode-nònde ne Royaner ro-nonghsode eghkaweyennendaonh e-nekenh ne jiyunònde, neony t'kàkonde enkahhara-dàdon yenwadohhetste ne jiyonghnyaghronnyón; neony akaonghwenjakwèkonh ehhen-yontyáda-rakarade.

3 Neony yudonkwédakade ne t'kàkonde ehhèn-yenghde neony en-yairon, Kase-neh, ony dewagh-dèndyh dewanondarán ne jirode-nònde ne Royaner, ne jiro-nonghsode ne Niyoh ne Yàkwek; neony enghshonkwarihhonnyén ne jirohhàde, neony jirohhàde endewaghdèndy: ikenh entkayàkénne etho Zìon-neh ne t'kakonde ne enwaghdèndy ne aorighwakeh, neony ne Royaner raowènná entkayenghdaghkwé Jerusalem.

4 Neony t'kàkonde enghshakojenhhayén ne kentyughkwakonh ne jì-niyádeyakaonghwenjàkeh, neony t'kàkonde yudonkwédakade enghshakorigh-waghstén; neony t'kàkonde ro-nonhhá yenhhad-yenghdanyón ne rao-násharékdòwah étho kanón-honghrakarhathonghtseràkonh nyekarhathoghthá, neony ne raodighshekwé étho áshàrakonh yé-nhaghdoskaratha: yaghshèkonh ne akaonghwenjade-nyón ne daondahhónsharaketsko násharékdòwah ne daadighnyòden ne akaonghwenjade-nyón, yahhony shèkonh thaonsahbondaderihhonnyén naderiyughsera.

5 O jiro-nonghsode ne Yàkwek, kase-neh, neony eghdewaghdèndyh raoghswatheghtseràkonh ne Royaner.

6 Nekady wahhonny sheyadewendeghdonh ne sonkweda, ne rao-nonghsa ne Yàkwek, aoriwa nenro-natyé-nighdonh rodinanonh ne tyuyenghdaghkonh jítkaraghkwinekénse, neony wahhy ya-

kènhah ohhèndonh yaesewarighwakenghseke jì-niyught ne yaghdethadirighwayèry nokhony ro-nonhhá ok ro-nadadé-nikonghrayerìdonh yádeh-hadiyádighshón nene niyexhádasá ne thiyaka-onghwenjadeshón.

7 Rao-nadonghwenjakeh ony karistanoróntsera-nanonh eny oji-nekwarkaristanòron, yahhony thiyeyodokde jì-nádeyutstenre ne rao-natshókowagh-sera; onyne rao-nadonghwenjakeh kananonhnaah neyakoghsadenghshòkón, yahhony thiyeyòdókde ne raodísereghdiyughsera.

8 Ony kananonh ne rao-nadonghwenjakeh ne kayádònnyh; ne radirighwánekeny ne kayú-denghsera ne yádehhadiyadyh radisnonkeh, nene jì-nahhoden neyádehhadiyadyh rodiyanádison thonnénákeraghdonh.

9 Neony ne nyúdaráekon nerònkweh ne raónikonra ne eghdakeh dehhadontshothá, neony ne raonkwédaneghrakwah nèeh rodadonnenghdonh: nekady wahhònny neeh ky nyaghthaonsahhonn-wadidenre.

10 Otstenghròkon jadaweyát, neony jadaghseght ókenghrokonh, nene jiyutderonghk onwáneke ne Royaner, neony ne ná ne raónwesenghtsera ne raonkwédanoronghtsera.

11 Nene e-nekenh thadehhatkaghronkoghdanyón ne rònkweh nene eghdakeh enhhadad ónny, neony ne radinâyese ne onkwehhòkon nè ná neghdakeh denhhondontshòden; raonhhájiwá wahhy enbhonwanendonghseke ne enweghniseràdeke ne ne Royaner.

12 Ikenh ne enweghniseradeke ne Royaner ne raotyughkowanenghtsera t'kàkonde enghshakodiráne ne jì-niyádehhàdyh nene radinâyese nokhony

ne e-nekenh rodatkowanaghdonh, neony ro-nonh-hakeh ji-niyádehhàdyh nene e-nekenh ro-nadadònnyh, neony eghdakeh enshonwabhàwighde ;

13 Neony akwah akwèkonh ne o-néndakwenghden karòndá ne étho Lebanon, nene e-nekenh ony kahharadàdonh, neony ne étho akwèkonh ne karighdon karondáòkon ne Bashan,

14 Neony ne étho akwèkonh ne jiyunondowânenghse, neony ne étho akwèkonh ne jiyonghnyaghronnyón nene wahhy ne kahharadàdonh,

15 Neony ne étho ji-nikonh ne yunonghsákarràde, neony ne étho ji-nikonh wadénhenghrònnyh dewaghsenghdode,

16 Neony ne étho ne akwèkonh ne kahhonweyá-kowatshón ne Tarshish, neony ne étho ne akwèkonh yaweryéndiyught ne jiyeyádaronnyón.

17 Neony nene e-nekenh ye-nàye ne ònkweh nè ná neghdakeh den-yondontshòden, neony ne e-nekenh ro-nadadònnyh ne onkwehhòkon eghdakeh wahhy dentkakhawighdon ; neony ne Royaner raonhhájiwa wahhy enhhonwanendonghsekenené enweghniseràdeke.

18 Neony ne kayádònnyh raonhhá wahhy enshaweyennèndáne enshaghdónde.

19 Neony wahhy yenhhonghdèndy étho oghshònwakoh ne jideyutstenghre-nyón, neony étho jiyonghraghkwanyón ne jiyonghwenjàde, ne jiniyutderonghk ne Royaner, neony ne raonwesenghdaghk ne raokonnyenghstaghk, ne o-nenh enthaketskó ne dewadennonghyanighdane jienghròndawéde ne jiyonghwenjàde.

20 Ne enweghniseràdeke ne rònkweh t'kàkonde issy yenhhòdy ne raoyádònnyh ne karistanòron, neony ne raoyádònnyh ne oji-nekwar karistanòron,

nene ro-nonhhá yádehadiyádighshón ro-nadatshá-  
anyh ne radirighwánekeny, ne ji-nonkà yuthòn-  
jistaronyón, ne ji-nonkà kánhònnyh;

21 Nene eghniyenbhèn-yén ne jideyunitstengh-  
ròrenh, neony ne étho otstenghrohharakeh deyugh-  
riónh yurighwendaónh, nene kaghderonghxhera  
ne Royaner, neony ne raónweşenghtsera, ne rao-  
konnyenghstaghk, ne o-nenh enthaketskó ne de-  
wadennonghyanighdane jienghròndawede ne ji-  
yonghwenjàde.

22 Dese-nìdan ne onkweghneh, raonhhá wahhy  
eghradonryeghtha ne jidehhanyonkaronde; ikenh  
kándonweh nikenhhatyeh ne raonhhá enhhonwaka-  
rodaghsyén nyukarowànenh?

### CHAP. III.

I *Nene yurihhowànenh ne jiyáde watyeghste  
nene jìonwe ne karighwanerén. 9. 12. 16.*

**WAHHY**, jatkaghthoh, ne Royaner, ne Roya-  
ner ne kentyughkowanenhhòkon, èrenh shohha-  
wighdonh ne ji-nonkà ne Jerusalem, nokhony ne  
ji-nonkà ne Judah, ne yéderon okhò-nenh neony  
ne adennits, ne akwèkonh okhònenh ne kanadaroh,  
neony ne akwèkonh okhò-nenh ne oghnèkanoghs,

2 Nene róshatstenghserowanenh ne rònkweh,  
neony ne rogshkénrakeghde, ne rajenhhayenghs,  
neony ne ohhèndonh yehhariwakenghs, neony  
nene rodade-nikonghrowanaghdonh, neony ne onk-  
wedakàyonse,

3 Nene raghsennakwé-nìyú ne wiskniwashenh,



neony ne rotkonnyenghst ne rònkwèh, neony ne dehhayádoeghthá shakodatyasé, neony ne ránik-onghraweyenhonh rayúdenghseraweyenhonh, neony ne rarighwaweyenhonh radàdighs ne kentughkwakonh.

4 Neony Iih enkhèyon ne exháskonhah nene ro-nonhhá konwayanerkòwah enkenhháke, neony ne odewironniáh ne enhhonwanatsteriste.

5† Neony ne onkwehhòkon t'kàkonde wahhy enhhonwadighwisháde ji-niyadehhàdyh yádenhho-dinenghròkden, neony akwekjìhhonh ne dehhen-nonghsanekehahhón: nene exhaah wahhy enyonde-nayédodaghsy ne denhhadighnyòden ne rodixdènhah, nene yúdaráekon ne denhhadighnyòden ne jiyutkonnyenghst.

6 Ne o-nenh ne rònkwèh nentkàkonde yenhho-yè-na ne yadadèkènhah, ne rao-nonghsakonh ne ró-nibhah, wahhenron, Ise dakwaghrawyh, ise kady enghskwatsteriste, nekady nekén-ikenh atkaron-nyát ise dasennontshakensseraghkwé:

7 Ne enweghniseràdeke t'kàkonde raonhhá yughnìronh enhhadàdy, ràdon, yagh Iih thenkenhháke nakhejonthake; ásèkenh nake-nonghsakonh yaghwahhy kanadaroghk yaghony kanená toghsa í dakyònnh ne akherighwakwadakwaghse ne onkwehhòkon.

8 Ikenh ne Jerusalem wahhy waghdondonh yuderáswaxhenhonh, nokhony ne Judah wahhy tyúsenhonh waghdondonh; aoriwá ne rao-nennaghsonh neony ne ji-nihhontyerhá wahhy dehho-dinyode ne Royaner, nene radinákònny ne askara ne raonwesenghtsera.

9 Ne waghontkonghsodaghsy okhadennoserhenh ne ji-nihhadiyádodenh ne wákarighwaghnìratste

ne ro-nonhhakeh wákarighwayèndaghde, neony thahhadikwathó ne raodirighwaneraaxherá ji-nì-yught ne Sodom, yaghdehho-naghseghdonh : áni-konghraxhádane karonghyakenghsera ne rao-ne-ryaneh ! neony ne wahhy ro-natkaryákire ne wah-hetkén ne ro-nonhhakeh yádehhadiyádighshón.

10 Ensewenrón ne atdakwarighsyónkeh, nene t'kàkonde aoyanerenghsé ; wahhy ne t'kàkonde ne enhhàdike ne yughyaníyonde ne ji-nihho-natyeranyón.

11 Onikonghraxhádane karonghyakenghsera ne ro-nonhhakeh ne rodirighwaneraaxkonh ! t'kàkonde wahhy roderáswaxhenh ; ikenh ne enhhotyè-ritshe ne rasnonkeh ne t'kàkonde enhhonwàyón.

12 Nok neh akonkwedá, exhaðkon wahhy ron-wadighwishathá neony tyunathonwisénhòkon ne enkonwadirighwakwadakwaghse. O akonkwedá, ro-nonhhá nene en-yesaghshàrine ne enkarih-hònny enghserighwayádaghdon neony wáesah-hahhaghdonden jisahhède.

13 Ne Royaner dondahhádáne ne nashakoyadake-nhá, neony dondahhádáne nene dashakoyá-dòreghe ne ònkweh.

14 Ne Royaner wahhy enhhadaweyáde ne kajenhhayenghtseràkonh enskatneh ne thodix-dènhah ne raonkwedá, neony ne yuyádaneghrak-wah nethoh : ikenh wahhy sewadekkhwisón ne ó-nenhhare ; ne thiyáetshighk'wá ne yakòdenh ne sewanonghsakonh.

15 Oghnahhoden sewèndon nene wáetshiyen-ghdanyón ne akonkwedá kahhetkén wáetshiyònny, neony daonsakaghstarathedon ne radikonxkeh ne rodidenh ? ràdon ne Royaner Nìyoh ne kentyugh-kowanenhhòkon.

16 Senhà issy náoriwadyh, ne Royaner jì-nìhhàwenh, Ne tyuriwa jì-né konwadiyénhokonhah ne Zion wahhy kondatkonnyenghsthá, neony kònne kondighnyásharatyé, neony thiyeyudikaghrarihhenhoh, deyunadékhahhaghkwenhhatyé, neony o-nòwén jideyunadaderenghsaron ne jiyunaghdenyonhhatye, ony deyunade-nonnyakareghraghstonhhatye: (jì-nìyught nothè-non nayudiyèren ne konghsikeh ne jiyurakarèré jikònné :)

17 Ne kady wahhònny ne Royaner wahhy enhhaghdónde ne jiyuditstaronnyón ne wennonghwarótseranòron ne aodinonjìneh ne ne akoyenhokonhah ne Zion, neony ne Royaner wahhy, thenhkhawathó ne jì-niyudaghseghdanyòn nao-uàwenh.

18 Ne enweghniseràdeke ne Royaner wahhy èrenh enshahhàwighde ne nyunadákaridatstonne nene jì-nìyught nyunaderistakareghraghstonh yunaderáseghstonh ne yunatstonh ne konghsikeh, neony ne as-naare, neony ne jì-niyunatstonh ne aodinonjìneh dekaghwanhakhón ányoh eghnida,

19 Ne dekaronwarodarhoghseron, neony ne deyónnyadatsthá, neony ne deyontsyúdadarìhhádaghk'wá yònnyh orwaré,

20 Ne ao-nennonwarore kajikeweyòndonde, neony ne yunatstonh yunaderáseghstonh ne kondirenxkeh, neony ne kondinyatsderenkhnón kanhex, neony ne deyunade-nónwaranhenh nikánheghsadsensah, ony deyudiwaghsharonnyón,

21 Ne ennisnonghsawy, ony é-nyonkeh adewaghshare,

22 Ne nyaghthiyekondiweyennèndase jì-naondayuneryéndiyú ne aodinená, neony ne ao-nòsa ne nokthádetyudiweyontyése jikonghkwats, neony

ne. kondérhorokthá, neony ne deyondade-nongh-kerighsthá karònwàrè karistajy,

23 Ne owiséòkon, neony ne kanyádarìyuse, neony ne detyudiweyontyonh aodinonji-neh kondighnenskeh, neony ne yunadáaréndonghkwenh kondikonxkeh.

24 Neony t'kàkonde eghnen-yàwen, nene kaserakonhonné, nená nenkaseraxhénné; neony ne natyáadhanhá kenghné, enwaderajonkó; neony ne ji-niyudikwadakwenne naodinonghkwis, yudinón-warenhónh; neony ne yudightyenne nyuráseghné, kanyadaràdens en-yunadérhorokdon; neony wahhy yudekhá nene ji-niyuráseghné.

25 Sonkwédáòkon wahhy enthadiyadenne tyuriwa ne ásharékwah, neony saneghrakwah ne aderiyughseràkonh.

26 Neony aonhhá ne jiyudénhenghrakaronde wahhy t'kàkonde dewaghshenthó en-yaweryéndaxhén neony en-yúnikonranen: neony naonhhá, kayese òndon, nene t'kàkonde onghwenjakeh thiyenwatyén.

## CHAP. IV.

NEONY ne wegñiseràde jàdaglik ne tyunathonwisen enhhonwayè-na shaaydat ne rònkweh, enkonniro, En-yakwake nakwah iih onkwanadaroh, neony ne yonkwatstonh nakwah iih onkwaghkwennyá; neok yekenhhá ne en-yonkhinadonghkwe ne saghsènná, nene aonsayonkwaderighwaghrákó.

2 Ne eghniseràkonh ne t'kàkonde ne rao-nhaghde ne Royaner dekarenghsaronk ony ónwesenghtsera, neony ne yaweghyaronghs ne onghwenja t'kàkonde yuneghrakwah jidekarenghsaron nokhony yuraseh ne rao-nàwenghk nene shodinyakenhoh ne Israel.

3 Neony t'kàkonde étho nen-yàwénne, nene raonhhá nene eghrenderon Zion-tseràkonh, nokhony ne raonhhá nene eghrodadènrone renderon Jerusalem-tserakone, t'kàkonde enhhonwanadonghkwe royádadokenghdy, sháden-yàwen ony then-tkàkwekde nene kaghyàdon wahhy kentyughkwakone ne yonnhéònwèh Jerusalem-tseràkonh :

4 Ne o-nenh ne Royaner nenhenshanohhareghkwenthó ne ji-nádeyunonghyanighdonne ne konwadiyénhokonhah ne Zion, neony t'kàkonde denjonatyádohhetste ne ao-nekwenghsá ne Jerusalem étho entkayenghdaghkwe shádewaghsènnenh, ne kánikonra ne adewendeghtsera, ne kánikonra ne yudekhá.

5 Neony ne Royaner àsé ensrònny akwèkonh ji-nikanakde-nyón ne jiyunònde ne Zion, neony ne aonhhá aotkennisaghtsera, otshàda nokhony deyuyénkwaràyén ne eghniserà, neony ne deyderonwinekenhhonh ne jiyudonghkode nòjire ne aghsondakeh : ikenh ónwesenghtserakwèkonh naah jien-yakoyáduke-nhá.

6 Neony étho enwaghskwaráke ne enkaraghkwawerhó ne eghniserakeh ne jityúdarìhhenh, nokhony kànakde nyunonghsaghuìronh ne jiden-yakoghsnyé-ne ne jideyuderyéntharah, neony ne en-yakórhòroke en-yakoyadaghseghde ne o-nenh dentyuweradasehhatyé neony ne jientyukènnore.

## CHAP. V.

I *Niyoh o-nakonh wahhayânade yushatsic me ji-nihhorihhòthiye ne rao-jenhhayenghtsera :*  
8. 11. 13. 20. 26.

**NONWA** Denkeriwaghkwé ne neke-noronghk'wáònwèh ne deyerighwaghkwathá ne nake-noronghkwatsera yayurooghde ne jirohheghdayem. Ake-noronghkwatsera akwah wákaghwajiwamhá ne jikahheghdayén yonghnyahhere :

2 Nokhony wahhadénhenghrònny, nokhony wahhanenyaroroke atsteh yahhòdy ne éthoh, neomy ne wahhayenthoghde né wahharàko ne ó-nenhhare, neony wahhanonghsònny ne éthoh shadewaghsènnenh, nokhony wagherònny ne jiyejinonyhwenroghrarakthá ne wine: neony wáthakneren nene aondakahhawé ne ó-nenhhare kahhighk, nok né dakahhawé ne nyudighderonnyh nó-nenhhare aohhighk.

3 Nok nonwá, O sewanakere ne Jerusalem, neony jonkwehhòkon ne Judah, dese-niyádòreght, Wákwarighwanèndonghse, tyake-ninihhokenh nok neneh jiwakheghdayén.

4 Oghkady nádenkyerekenhhá ne senhhá me jiwakheghdayén nene Yaghdewakerighwison mé iwat? nékady wahhònny, ne ó-nenhhare Akatkaghtihó nene aondakahhawé naohhighk nó-nenhhare, nok dakahhawé ne nyudighderonny kahhighk monenhhare?

5 Neony nouwa nihhennyoh; Kwagheròryh me jinenkyere ne Jiwakheghdayén: èrenh Enkhà-

wighde nadénhenrá oghnyòuwar wadenhéghron-nyadonh ne éthoh, neony t'kâkonde enwadek'wisson; nokhony denkaghrighdon denwarenyadón ne o-nèn-ya dewaghsenghdode ne éthoh, nokhony denwaghskwâseraghkwen t'kâkonde:

6 Neony Enkатыèsaghde enkaghdonde: yahhony thaonsakánhaghtyakon ne yuhhetkenhónh yahhony thaonsondâkwâdon: nok daghnon oghnyòuwar nok ohhikda entkondegghyaron: ony lih entkennonghdon ne otshadâòkon nene yaghthaonsahhadikènnoreghste né naonsahhodikènnore.

7 Iken ne raohheghdá ne Royaner ne jienghshakoyâdinyónde denghshakoghsnyé-né ne nyaghteyukaryâxherâyén néné ne rao-nonghsakonh ne Israel, neony ne onkwehhòkon ne Judah raweryéndiyughtsera kayenthonh: neony rêsax ne kajenhhayenghtsera nadewendeghtsera, nok wahhatkaghtthókaronghyakenghsera rodaghkondânyh, tyuriwa ne atdakwarighsyonghtsera, nok wahhatkaghtthó nok wáthaghshenthó.

8 Karonghyakenghsera ó-nikonghraxhádane rononhhakeh nene deyonnonghsanhonderon yadeyakodenonghsayeghtanyón, nene dehhontheghdakhanyon, yeyuhheh nen-yaghdejo-nakdode, nene ayudonhónh aadinakdodâny yádayuyâdighston ne shádewaghsènnenh ne jiyonghwenjàde!

9 Iih akwahhonghdakouh, ràwenh ne Royaner ne jienghshakoyâdinyónde denghshakoghsnyé-ne ne nyaghteyukaryâxherâyén Nená orighwiyú tokenghskeònwèh ne Niyoh, yude-nonghsakade ne t'kâkonde enwaghdondón kâyesé enwâdon, shâden-yâwén ony ne jiyurihhowânenh nokhony ne yuraseh, yaghtthenje-nakereke.

10 Orighwiyú, oyèry niyunónhonrakeh ne ji-

kahheghdayén nó-nenhhare t'kàkonde dentkahhawé ne kànen enskat jìjontyádohharethá, neony ne kànen ne shádèkònh niwadé-nyendénghtserakeh nok t'kàkonde dentkahhawe ne kànen aghsenh yejókènhah ne sewdényendénghtserat nok aghsenh ne shádekantserienh.

11 Onikonghraxhádané ne ro-nonhhakeh nene ennhatketsko orhónkeghjy, néneh né radighnonderatyè nene yughnekaghnìronh naadighnekíra, ne neh né ro-naderighwaghdenyeghdonh okheghyáokaraghwe, jì-niyòre nenhenhhdighnèkadeke ne wine!

12 Neony ne yonderennothá karenghsòdaryh ne ne osnonghsa thiyonthá ony ne yonderennothá yayák níkarenghsòdaryh àènna yonthá, (ony toghká níkahhonrawatsheràkeh,) ony wine, étho raodinyenghskwakonh: nok yaghdehhodínoronghkwenh ne raoyúdenghsera ne Royaner, yabhony thádehhadiyáadoreghthá ne jì-nighshakotyeraseh ne rasnonkeh.

13 Ne kady wahhònny nakonkwedá eghniyeyakawènonh jì-nònweh nenaghskwá, né aoríwá jiyaghdehhodínikonghrayendaónh; nokhony ne rao-nonkwédáòkon ne yudonkwédakonnyenghsthòkon wahhy ronwennonghkaryakonh, neony ne raodityughkwa yughstathenhónh rodinyádatzenhonh.

14 Ne kady wahhònny no-neghshonh yudadenakdowanaghdènnh nyádekayadyh, neony de-tyutskarawenh yaghdewadé-nyèndenh: ne raonónwesenghtsera, ony ne raodityughkwá, neony ne dehhonaderenghsaronghkwenh, neony nene raonhha ne rodonnhaghraghkwenh, t'kàkonde étho yenhhonwayadenghde.



15 Neony ne rodenghdaónh dehhadonnhakaryaghs t'kàkonde eghdakeh dentkakhawighdon, nokhony ne rashatste nerònkweh t'kàkonde eghdakeh enhhadadònny, nokhony ne e-nekenh nihodikaghradaryon t'kàkonde eghdakeh enhhondadonny:

16 Nok ne Royaner jienghshakoyádinyonde, denghshakoghsnyé-ne nenyaghdeyukaryáxherâyén t'kàkonde ne enkalıharadâdon nekajenhhayenghtseràkonh, nokhony ne Niyoh, nenaah royádado-kenghdhy, t'kàkonde enhhonwayádado-kenghdighste natdakwarighsyonghtseràkonh.

17 Ethone t'kàkonde ne nikonnasa deyudinákarondonhah konghsikeh ne eghniyudihhahhodenh, nok nene yunade-nakdatyesaghdanyon nene yunaresénse t'kàkonde né thikondideshon enkòndike.

18 Kanonghwakdenghsera ó-nikonghraxhádane ne ro-nonhhake ne neh né tho-nadironde rodiyènah ne sewaderighwadewaghdonh né yakoghne-renghtonh deyakoghskwenhónh yeyakotsháaghdènnh aòkón yudonhónh yahhothè-non thiyáde-jorihhonde, neony ne karighwanerén akwah ànıyught ji-nıyught nok-kénndònweh thikâyen (ne karonghyakenghsera,) ne ji-kanerenh (aghserıyè!)

19 Nene ràdon, Kíasa dehhoghsterihhenh karókdeghkenhhá, nokhony dehhoghsterihhenh ne raoyúdenghserá, nene aontyèsen aedewatkaghthó: neony kıasa ne Raojenhhayenghtseradokenghdhy ne Israel kâró aondontkwıde neony aaonwé, nene ayonkwaderyendarané!

20 Karonghyakenghsera ó-nikonghraxhádane ne ro-nonhhakeh nene yehhadıronghyenhhá ne

wahhetkén aoyanerenghsera, neony nyuyanere aohhetkenghsera; ne neh né tyudakaraghstènný ne jideyughswathé, neony ne kaghswatheghtsera ne aoghswatheghtsera ne jityukaraghs; nene eghyáotskarátseròndý ne eghyákàyen aoriwá ne jiyawekón, neony ne yawekón ne aotskaratsera!

21 Karonghyakenghsera ó-nikonghraxhádane ne ro-nonhhakeh nene rodinikonghrowànenghse nene ro-nonhhá radikaghdéked, neony ro-nadadé-nikonghrowanaghdonh ne ro-nonhhá ji-nihhadìken!

22 Karonghyakenghsera ó-nikonghraxhádane ne ro-nonhhakeh nene yuneghrakwah radighnekirhà ne wine, nokhony ne onkwehhòkon ne radishatste nene yádehho-natyeghstonh, ne kaghnekáshatste:

23 Nene endewaderighwayèride ne rodirighwaneráaxkonh ne ji-nihhonwadirharatstènnýh, neony èrenh enkahhawighdon ne atdakwarighsyonghtsera ne kánikonghradokenghdý ne raonhhakeh!

24 Ne kady wahhònny ne ojire enwaghdonde ne ennekerý oji-náara, nok ne ódonghkwá enwatsháaghde ne óshewaghserý, eghkady nen-yàwen ne naodighdera en-yutkén, neony ne adijija t'kàkonde enkondirathén ji-nìyught nyudákenghradenyonh: Né tyuriwa ji-èrenh rodihhawighdonh issy yehho-natyonh ne raorighwakeh ne Royaner ne kentyughkowanenhhòkon, neony ronwawennontyonh ne Royadadokenghdý Enskat ne Israel.

25 Ne kady wahhònny nenaah ne rao-nák'wenghtsera ne Royaner ennhadekade ne dehhodinyode ne raonkweda, neony yádehhoglijàde ne ro-nonhhakeh ne dehhodinyode, neony enghshakoghdonde ne ro-nonhhá: neony ne jiyonghnyaghrón-

nyón waodiyádishonghkwe naah, neony ne raodiyeróndáðkon karajonkwenh tyukenghshón ne jidekanadokenghseron. Nene kén-íkenh ne rao-nák'-wenghserakwèkonh yaghná thádaonsontkarhadèny, nok ok yekákonde jidethoghjáde.

26 Neony raonhhá enthanyádarohhàren ne jionká ne akaonghwenjade-nyón inonh niyòe, neony yenhhadeweròdén (ji-nìyught nyakorondats o-nyare) ne ro-nonhhakeh ne jiyudonghwenjókdanih-hón: nokhony, enjatkaghthó, t'kàkonde enthònne denhhodighsterihhen karókdeghkenhhá yaghtthenh-hodiyádaxdeke.

27 Yahhenskah nene aodayakó-nikonghrehonh dayakoghwishenhhèyon yahhony thaondahho-naghsityáke ne raodimenrakonh; yahhony enskah thayakoserenghdarane yahhony thayakò-dáwe; yahhony ne jidehhonatyákwaranhenh thakarighsyón, yahhony ne rao-nènnikaghje-ná ne rao-naghdá thádakaghrighdón:

28 Ro-nonhhá wahhy rodiyenkwirothiyé, nokhony akwèkonh ne rao-náènna wáðakaradádonh nokhony ne raoditshe-nén ne yakoghsádenghs ne aodiji-na rendakeh t'kàkonde enwaghràdon yukarowànenh ji-nìyught ne kanyá, nok neh raodikaghwenda ji-nìyught ne deyuweradàseh:

29 Den-yádonhharheke jienhho-naderitstarake akwah ji-nìyught ne kenrex, denhhonghshenthoghseke akwah ji-nìyught ne nityudiyensa ne kenrex; orighwìyu, t'kàkonde denhhonghshenthó, neony ne wahhadiyè-ná ne thiyahhonwadighk'wá, neony èrenh enkahhawighdon yenwadeweyendonke ne nyahhoghthaonsayàwén, nokhony yahhenskat thaonsayondaghtkáwe.

30 Neony ne enweghniserádeke t'kàkonde enh-

hondewennòden denhhonghshenthó ne ro-nonhha-  
keh akwah ji-niyught jidehhodídonbhaghré jideh-  
honghshenthoghseron ji-niyught ne kanyadará-  
keghkowah; nok dòka enskat yaonsayontkaghtó  
ne jiyonghwenjáde, enhhatkaghtó tyukaraghs  
nokhony ó-nikonghrononghwakdane; neony ne  
kaghswatheghtsera tyukaraghs naah ne karon-  
ghyàkonh ne éthò.

---

## CHAP. VI.

### I *Isaiah* yehhoriwakenh. 9. 13.

NE yughseràde ne koraghkòwah Uziah rawenh-  
hèyonh Wákatkaghtó ony ne Royaner rents-  
kwahhere ennitskwaghraghxheradokenghdikeh,  
ony rotharadàdonh é-nekenghjy, neony dahhodon-  
datyé rasere kananonh ne o-nonghsadokenghdy.

2 Enekenh nònweh nikòndide ne karonghyá-  
keghro-nónkòwatshón: (wahhy seraphim,) ji-niya-  
dekòndyih yayák nádekondinerahhontshonde; tha-  
khén wahhatkonghsòroke, neony thakhén wah-  
hàrhòroke ne raghsikeh, neony thakhén wáthàden  
wahhy.

3 Neony shayadat wáthohhènreghe ne ro-nonh-  
hakeh, ony rádon, Royádadokenghdy, royádado-  
kenghdy, royádadokenghdy naah ne Royaner ne  
kentyughkowanenhhòkon; onghwenjakwèkonh  
naah kananonh ne raónwesenghtsera.

4 Neony ne kanawáaghdá ne jikanhokaronde  
ne onde-nhohharakwaghe ne raowènná ne raonh-  
há nene wáthohhènreghe wáthashenthó, neony  
wákayenkwarànaghne ne kanonghsakonh.

5 Ethone Wákiron, waké-nikonghraronghyá-kenh nîih! nene Jiyaghdewakyerîdonh; aoriwá Ji-iih ne kònkweh ne yaghdewakyanere dewake-non-yanyh ne xkwéndakeh, neony shádewaghsènenh Nike-nakere ne ònkweh náeyádoden nene yaghdewakyanere neghskwéndakeh: ikenh K'ka-ghdekeh jirîkenh ne koraghkòwah ne Royaner ne kentyughkowanenhhòkon.

6 Ethone enskat ne karonghyákeghro-nónkòwah eghnondakatye iih-neh, rahhâwy wisk nikenjòra-keh, ne rasnonkeh, nene yahharako étho jiyeyá-daraghstha deyejiroghraraktha waráde;

7 Neony xhàkonh yahhâyén, neony wahhenron, wákaktaghtho, ne kén-ikenh yáorooghde ne tskwéndakeh, saderighwadewaghdonghxhera èrenh sonthàwighde, nokhony (ne sarighwaneraaxhera essaderakêwase.

8 Ony Wákhwemmaronke ne Royaner-neh ràdon Onghka nekén Yenke-nhane, neony onghka nekén yen-yonkhiyaghdentyáse? Ethone Wákiron, Iih kénkideron; yadake-nhan iih.

9 Neony wahhenron, Wàs neony sheghròryh kén-ikenh ònkweh naeyádoden, Sewathòndek nenekén norighwîyú, nok yaghdesewánikonghrayèndáse; ne naesewánikonghrayèndane ne jitokenghskéònwèh, nok yaghdesewánikonghrayèndase.

10 Sheyaresengtseròmuyh ne rao-neryaneh ne kén-ikenh onkwehhòkon she-nonghkwéòkon, neony ne rao-nahhonghdá ayuxdénne daodínikonryáke, neony enwadennhòdon ne radikaghdeke; akaréhens euhbadikén enhhónde ne radikaghdekeh, nokhony ao-nathòndeke aahhónde ne rao-nahhonghdá, neony aodínikonghrayèndane ne rao-neryaneh, nok

daonsahhondonnhadëny, ony aonsahhadiyéwëndane.

11 Ethone Wákiron, Sayaner, dð-nënwe ? Neony dahhakerighwáserakwén, Ji-niyðre ne jikanadowà-nenh kàyesé enwàdon yaghtenje-nakereke, neony ne jikanonghsòdon yaghtenjëderòndake ne ònkweh naeyádoden, neony ne jiwadonghwenjàde yenkagh-saaghdón enwaghdòndón enwatyesaghdon ;

12 Neony ne Royaner èrenh waghshakoyádenh-hàwighde ne onkwehhòkon ìnonh niyðre, neony ne étho ne nyurihhowànenh èrenh wákothawighden (kanoronghjìonh) ne shádewaghsènnenh ne jiwa-donghwenjàde.

13 Nok shèkonh íwat ne t'kàkonde ne noyerih-hadónt, neony ne t'kàkonde denjontkarhadëny, (enjondatrèwaghde) neony t'kàkonde enwadek'wisón enwatsháaghdon enwaghdondón : ji-niyught ne oghsaweda karònda, (teil-tree,) neony ji-niyught ne karighdon karòndá, (wahhy òyá,) ro-nonhhá rao-natshókowaghsera íwat naah ne ro-nonhhá-tseràkonh ne o-nenh enñhodineraghdénse, ne kady ne oghnekwaghsadokenghdy t'kàkonde ne rao-natshókowaghsera ne étho.

## CHAP. VII.

*I Ahaz wahhonwayádaghnìrade Isaiah eghnah-hayere. 14. 17.*

NEONY étho niyawenhonh ne raodeghniserà-konh ne Ahaz ne royenlah ne Jotham, ne royenlah ne Uzziah ne koraghkòwah ne Judah, nene

Rezin ne koraghkowah ne Syria, neony Pekah ne royenbah ne Remaliah, ne koraghkòwah ne Israel, étho wahhònneghde Jerusalem nonkàdyh nene daadighnyòden aonderiyú, nok yaghdehho-natkwe-nyonh ne jiwáthadighnyòden.

2 Neony eghyáontròry ne jiro-nonghsode ne Dawed, wáiron, nennekén ne Syria dehhdorihhonde ne Ephraim : neony wátho-nikonghradihhendonwe, nokhony ne akó-nikonghraðkon ne raonkwédáðkon, akwah ji-nìyught ne karondáðkon ne karhàkonh ne denkakarenron ènwáde ne jiyaode.

3 Ethone wahhenron ne Royaner ne raonhha-keh ne Isaiah, Wàs yásaghdèndyh ne nonwá yádeghtshaderaght ne Ahaz, ise nok Shearjashub eghtsyenbah, nene jiyeyutde jiyeyuthonrodade jiwatnekohhetstaghk'wá nene e-nekenh yudohhets-taghkwenh jiyonghraghkwenh kaghnèkó, nene onkwedakwèkonh jiyakohhàde ne jirothèndayen rakenhhaghserònnny ;

4 Neony wahhawenhhaghse, Saðadé-nikonrak, neony thádesadòdek ; toghsa desadonhharenronh, yakhony thaondesánikonrénne aesajiyóáne, ikenh ne tekenyh dekendaghsonde ne kén-ikenh yuyénkwaroghthá ynkonghretshadekhá, ikenh nen-yuneghrakwah ro-nák'wenhonh dehhaderyaghdi-khón ne Rezinthoriwá ne Syria, neony ne royenbah ne Remaliah.

5 Ne thoriwa ne Syria, ony Ephraim ne royenbah ne Remaliah, deyesayadoreghthà ne wahhetkén ne isekch, rondonnyón,

6 Nihhenyoh yedewaghdèndyh daedewaghyòdenh ne Judah, neony wáthonwánikonrhàren wahhonwanákònnny wahhonwánikonghraronghyàkende, neony daaghjhidewarighwaghrighden ne-

thoh wahhy onkyonhhá, neony ne koraghkowah shádewaghsènnenh nenghjidewénderon, sháden-yàwén ne royenhah ne Tabeal:

7 Eghnikarihoden rodàdyh ne Royaner Niyoh yaghdeyàweght akàdáke, yabhony eghthayàwenne.

8 Ikenh ne thayádakwé-niyú ne Syria ne náne Damascus neony ne thayádakwé-niyú ne Damascus ne náne Rezin; yahhisy nònweh dekenh ne yayák niyughseraghshenh nok wisk nentkàkonde denskaghrighdon, nene yahhònkweh thenskenh-háke.

9 Neony ne rayádakwé-niyú ne Ephraim ne ná-ne Samaria, neony ne rayádakwé-niyú ne Samaria ne ná-ne Remaliah royenhah. Dòka yaghtliaeja-thòndade naondeseweghdaghkwe, orighwiyú yaght-haonsaghjhisewayádarakó.

10 Sennhá issy nònweh, ne Royaner ne ji-nih-hodatyaseh ne raonhhakeh ne Ahaz, wahhenrón,

11 Serighwanèndonh ne wennakeraghdonh ne Royaner sa-Niyoh: serighwanèndonh káok nikari-ware ne o-nakonghjy, nendenhens ne aontharàdade é-nekenghjy.

12 Nok Ahaz wahhenron, yaghtkathòndade nakerighwanèndon, yabhony thadaiyadennákèragli-de ne Royaner.

13 Neony wahhenron, Jathòndek nonwá; O jirononghsode ne Dawed; Wahhy niyurighwaah ne ise ne sewánikonghkenhhèyonh onkwehhòkon, nok ensewánikonghkenhhèyon kenh ony nake-Niyoh?

14 Ne kady wahhòny ne Royaner akwah raonh-há t'kàkonde enghjhijon ne enwadé-nyendenghston: Jatkaghthoh, ne yaghdekanaghkwayendèryh t'kàkonde enkanèronne, neony enhhodewédon rà-



jin, neony enhhonwanadoughkwe ne raoghsèna Immanuel.

15 Owistoghsera nok jix aodijikheda ne engh-raxheke, nene aodòkenghse ne aadòry daaghjàren ne wahhetkén, ne aaràkó ne yuyanere:

16 Ne wahhònny nen-henthoderyendaráke ne raxhaah ne t'kàkonde enhhadòry denhhaghjàren ne wahhetkén, nok ne enlharàkó ne yuyanere, ne jiwadonghwenjàde ne denjadatswén t'kàkonde en-sadewèndeghde yádejàronh naokoraghkòwah.

17 Ne Royaner enghyahheghse ne isekel, nokhony ne ro-nonhhakeh ne sonkwedá, nokhony ne jiro-nonghsode ne yánihhah, eghnisera kendénron yaghdeyuh, tyuyenghdaghkonh ne eghnisera ne-ne Ephraim érenh shawe-nonghdonh ne ji-nonkà ne Judah, shátyàwen ne koraghkòwah ne Assyria.

18 Neony t'kàkonde eghnen-yàwenne, ne eghnisera-konh nenel Royaner t'kàkonde yenhharondade (akwahl ji-nìyught nyakorondats o nyare) ikenh ne denkàden nene akwahl jiyádeyudókdanihhón ne jikayyehonhhade-nyón ne Egypt, neony nene jix kondijikhédònny nenáneh egükondinakere ne jiwadonghwenjàde ne Assyria:

19 Neony t'kàkonde enthònne, nokhony t'kàkonde radikwèkonh jienhhondorishén ji-nònweh nyaghnonwèndonh detye-nakereghkwe jiwádighronhhatyé, neony ne oghshonwakonghshón ne jideyutstenghre-nyón, neony akwèkonh nohhíkda-konghshón, nokhony akwèkonh boyennokonghshón.

20 Ok né shahheghniserat t'kàkonde ne Royaner enghshakokenkare enradé yondatkénkarathá nene thihhonwadinhaonh, kénwahhy, ro-nonhhá nene issy nonkàdyh ne jikayyehonhhadatye, nene kora-

ghkôwah ne Assyria, neony ne rao-nônjyh, nokhony ne o-nonghkwis ne raghsikeh: nokhony t'kâkonde ony enwaghdondon enwatshâaghdon ne raokonghsthenrhâ.

21 Neony t'kâkonde eghnen-yâwenne ne enweghniserâdeke, nene rônkwelh t'kâkonde enhhânonde denhhaghlsnyé-ne ne ode-naghskonnâh nedeyunhonskwaronde nok tekenyh deyudinâkarondonhah:

22 Neony t'kâkonde ehhenwaderihhônkoghde nene nenhenhonde-nôndatye-nighde ne wahhy yenhhonghtkáwe, enrake ne owistoghsera: ne wahhy nowistoghsera ony jix aodijikhedâ thentkakwekde né ên-yeke nene eghyondadadaghtkawenh ne jiwadonghwenjàde.

23 Neony t'kâkonde eghnen-yâwenne ne enweghniserâdeke, nene ji-niyâdekanakdakeh eghnen-yâwen, étho ji-nônweh ne wénnyaweeghseron ó-nenhhare kahhighk ne ji-nôn-nelh, wénnyaweeghseron kaweyennendaónh oghswistâ, t'kâkonde ony eghnen-yâwen oghnyônwar nok ohhikdá.

24 Kayènkwire enwatston nok âènnâ ne onkwelhhôkon kârô entyakodiyâdenhhâwighde en-yakodiyâdaroroke enskatneh, ne enkarihhônny jiakwèkonh oghnyônwar enwâdôn nok ohhighkda enwâdon.

25 Neony ne akwèkonh jiyonghnyaghronnyon t'kâkonde enwadâkwâdon enwâdôn yeghdeghrôkwatsthâ atshôkdôn, yaghnénné kârô thaondayakodiyâdenhhâwighde ne kaghderonghxhera ne oghnyônwar ony ohhikdá: nok t'kâkonde né yenwadennyeghdôn ne deyudinakares, nok ne kénnyenhhâyere neyeyughsthonh ne katshè-nén né nyontsthâ.

## CHAP. VIII.

1 *Ne ne ohhèndonhyehharitakenghs dehhodinyode Syria nok Israel, 5 ony Judah. 9. 11. 19.*

SENHHA issy nònweh ne Royaner jinahhakwenhhaghse ne iih-neh, Jè-nah ne kowànenh ayukarhadèny, neony syàdonh setdá étho sât nene rònkwèh raghyadonghk'wá ne o-naghs nene ji-niyutyèrenh ne Maher-shalal-hash-baz.

2 Neony ne Wákyè-ná ne iih-neh ne teweghda-ghkonh ne enkarighwaghnìratste nene ondedá ne kaghyadonghseràkonh, Uriah ne rajihhenghistajyh, neony Zechariah ne royenah ne Ieberechiah.

3 Neony Eghwakeghde aonhhakeh nene tyuth-onwìsén ne ohhèndonh yewaderighwatròry; neony wákanèronne ony ondewédon ràjin, Ethone ne Royaner wahhenrón ne iih-neh, Egthshe-nadonh ne raoghsèнна Maher-shalar-hash-baz :

4 Ikenh arekhó ne raxhaah thenhhoyendaonh ne yaónikonghrayendaonh ne ne daaghlshenthó, Raké-nihhah, neony, istenhah, ne ji-niyutshókòwah ne Damascus neony ne kàyesé enwàdón ne Samaria t'kàkonde wahhy èrenh enkahhawighdon ne raohhèndonh ne koraghkòwah ne Assyria.

5 ¶ Ne Royaner wahhakwadàtyáse àre ne iih-neh ony wahherón,

6 Asékenh ji-niyugt kén-ikenh onkwehhòkon ronderaghyádaghk'wá yaghdehhadiyè-naghs ne oghnekáùkon ne Shiloah nene ske-nenhah aonghdèndy, neony aondonnharen Rezin-tseràkonh neony ne Remaliah royenah ;

7 Nekady nonwa, jatkaghthoh, ne Royaner

waghshakohheghse ne ro-nonlhakeh ne oghne-  
kâðkon ne jikayyhonhhadatyé, kâshatste nokhony  
êsó, shaden-yâwen ne koraghkôwah ne Assyria,  
neony raónwesenghtserakwêkonh : heony raonhhá  
wahhy entre étho akwêkonh ne jidehhaontyakonh,  
neony enhhadohhetste akwêkonh ne rao-néntka-  
raghrákeghshón :

8 Neony wahhy yádenhhadohhetste ne Judah ;  
raonhhá wahhy enhhaghnekawenrade neony eh-  
henhhadohhetste ; ji-nithaghnnyasonde nádenhho-  
serénné : neony ne denhhadeweyádade ne t'ká-  
konde ne aânaghné ne shádaonkenghyádane ne ji-  
wadonghwenjàde, O Immanuel.

9 Yádesewatyeghst ne yádesewayádighshón, O  
ise ne jònkweh, neony t'kâkonde wahhy desewa-  
ghrisere enkarighwèndane ; neony denjadahhon-  
ghdòden, jonkwédakwêkonh ne i-nonghshón ne  
nisewanakere-nyón : desewatyákwaranhak nyáde-  
sewayádighshón, neony densewariné ensewarigh-  
wèndáne ; dejatyákwaranhak nyádesewayádigh-  
shón, neony t'kâkonde densewariné ensewarigh-  
wèndáne.

10 Enskatneh sewajenhhayenh, neony ne nyah-  
hothè-non thiyayurihhòndáne ; ne sadatyát ne  
owènná, neony nene yaghthakàdáké : ikenh ne  
Niyoh yakwésé naah.

11 Ikenh ne Royaner kènnihhakyerash nene  
jinihho-nontshaghnìronh, neony wabhakerihhon-  
nyén, nene Yahheghthakaghdèndy ne jirodihhàde  
ne kén-ikenh onkwehhòkon, wahhenron,

12 Toghsa sewenronh, Ne daedewarihhònden,  
nene radikwêkonh ne ro-nonlhakeh ne kén-ikenh  
wahhy enhhonniron, Ne dedewarihhònden ; yah-

hony dehhodighderónse ne raodighderonghxhera yahhony dehhaditshanighse.

13 Serighwadokenghdighst ne Royaner nede-ghshakoghsnyé kentyughkowanenhhòkon yádeh-hayadyh; nedaghnnon eghjhise-nitshaghnighsek, nedaghnnon sewaghderonghxhera kennhak ne jide-yuderyénthàrah.

14 Neony raonhhá wahhy ne kanakdadoken-ghdy enkenhháke; nok neh o-nèn-yá ne tyakogh-sityàkthá, neony ne otstenrá ne deyuderenghsaron-kwaght, ok yadejâronh ne jikanonghsode ne Israel, ne nayðnawe neony ne jidewaghskode ne ji-nonkà ye-nakeratyé ne Jerusalem.

15 Neony yawédowànenh ne raodityughkwakonh ne t'kàkonde entho-naghdéké neony denhha-dighrákwenghдарáne, neony densewaríné, neony densewaghskwenne, ony ensewadennaghskònný.

16 En-yetshiyadaghkwarike ne enwaderihhò-wanaghde enwaderighwaghnirade, denwatnegh-dorarake ne orighwakeh kentyughkwakonh na-kityughkwá.

17 Neony Iih enhhiyennonná ne Royaner-neh, nene rotkonghsaghseghdonh ne ji-nonkà ro-non-ghsode ne Yàkwek, neony wahhy Enhhiyádisake.

18 Wákatkaghtó, Iih, neony ne exháokonhah raonhhá ne Royaner ne rakwàwyh, ne wahhy ne wadé-nyendenghstanyón neony ne jiyutyanáde-nyón ne Israel-tseràkonh, ne Royaner-neh ne ken-tyughkowanenhhòkon nedeghshakoghsnyé, nene eghye-nakere nejiyo-nònde ne Zion.

19 Neony ne o-nenh en-yesenhhaghse ne ise-keh, Sèsak ne ro-nonhhakeh nene yakòyén ne ká-nikonrá, neony nene rondéfaghsothá ne enthonty-èrenghe enhhondodaghsy neony nene-ske-nenhah

enhhodiwennakedoghde enhho-nonghshe-né rodí-wennèndenh ; nene ronndònkweh ne nyaghdehhon-wayádisàkonh ne raodi-Nìyoh ? nene ronnhèdñweh ne jikenhhèyón ?

20 Ne norighwakeh neony ne aonderihhòwana-ghde aonderighwagh nìrade : dòkà yaghnéthaon-datyáde neaondayuyanenhawe ne kén-ìkenh owènná, ne wahhy tyuriwá ne jiyaghdehhodighswatheghtseràyén ne ro-nonhhátseràkonh.

21 Neony t'kàkonde eghdenhhondohhetste serenghke-neh serenghke-neh yenkayèrine nokhony enhhondonghkaryáke : neony t'kàkonde étho nenyàwen, néneh, ne o-nenh t'kàkonde enhhondonghkaryáke, wahhy tho-naderonsé nyádehhadiyádighshón, neony ronwayesaghdanyón ne raodikoraghkòwah nokhony ne raodi-Nìyoh, neony e-nekenh nádehhadikanere.

22 Neony t'kàkonde enhhadìken ne jiyonghwenjàde ; neony enhhontkaghthó ne deyúnikonrhàrah nokhony tyukaraghs, deyakokaghraghwishenhhèyonh ne jiyakónikonghraronghyàkenh, neony rononhhá wahhy t'kàkonde ehhenhho-nadoryade jinoakà tyukaraghs.

## CHAP. IX.

I *Adonnharah t'kàkonde eghnen-yàwen ne shāde-waghsènnenh ne kánikonghranonghwakdané nene jiro-nakeràdonh neony ne raoyanertsera ne Keristus. 8. 13. 18.*

**ETHOSANE-NENNEEH**, ne tyakókaraonh yahheghthayàwen ne ji-niyawenhónh ne ji-nátyú-

níkonrhàren, ne o-nenh shondontyèrèngghde shah-haghwisharàkó ne jì-niyúníkonghraronghyàkenh ne jìwadonghwenjàde ne Zebulun nokhony ne jìwadonghwenjàde ne Naphtali, neony ne oghnakénkeh senhhá èsó watyúníkonrhàren wákáníkonghraronghyàkén ne jì-niyòre ne kanyadarákeghkòwah, isey nonkàdyh ne Jordan, Galilee-tseràkonh ne niyádeyonghwenjàkeh.

2 Ne nonkwehhòkon nene aghsàdakonh iyén yakotkaghthonh ne kaghswatheghtserowànenh : ro-nonhhá nene eghradinakere ne jìwadonghwenjàde ne jìyudaghsàdare ne kenhhèyon, ro-nonhhakeh nene dehhodighswathé dehhonaderònrònde.

3 Waghsheyatkadade ne niyádeyonghwenjàkeh, nok yaghthiyaodeghyaghrontyé ne adonnharaghk : ro-nadonnhahhere ne sahhèndonh ne jì-nityawenhónh ne jì-nonkà ne adonnharaghk ne jì-niyakenekerìyáx, neony ne jì-niyught jiyakodonnhahhere ne o-nenh sháthadikhaghsy ne thiyaghshakodighk'wanyón.

4 Ikenh desayakonh wahhy ne kyatyendanyax ne raoghrye-ná, neony ne raodennits ne raghnénxkeh, ne nadennits ne wahhoghwhisháde, ne jìweghniseràde ne Midian.

5 Ikenh ne niyàdewaderiyughseràkeh ne kaghshodárhìyuh nená enskatneh yádehho-natyeghstonh ne jìyuritstare ne raodinená t'kaghwé-nònyh o-nekwenghsakonh ; nok ne nekén-íkenh t'kakonde wahhy en-yudekhake neony ne en-yunondenghseke ne ojire.

6 Ikenh ne onkyonhhakeh ro-nakeràdonh raxhaah, onkyonhhakeh yonkhiyàwyh naah ne Ronwayenhah ; neony ne rayáakwé-niyú ne rarighwakwadakwaghs t'kakonde wahhy raonhhá ragh-

nenskeh : neony ne raoghsènná wahhy enhhonwa nadonghkwe Royádaneghrakwah, Rajenhhayenghskôwah, Ne thihhatste ne Nìyoh, Ne ji-niyenh-hènwe Ránihhah, Ne Rayádakwé-nìyú ne kayanerenh.

7 Ne jien-yudeghyaghrontye ne raóshatstenghs-era neony nekayanerenh yaghkaneká thiyaont-dade, ne rao-nitskwaghraghxheradokenghdikeh ne Dawed, neony etho raoyanertserakeh, nene akakwadakwén, neony ne aonsakaweyennendaónh enke-né ne kayádoreghdaghtsera ne adewendeghtsera neony enke-né ne yuderighwakwarighsyonh, kenghyenwadaghsawén ony ne ji-niyenh-hènwe. Ne enthó-nikonghrareke ne rao-nak'wenghtsera ne Royaner ne kentyughkowanenhhòkon eghnenhhàyere ne kén-ikenh.

8 ¶ Ne Royaner yahhaderighwanyeghde ne jionká ne Yàkwek, neony wathoghsathé-né ne Israel.

9 Neony ne nonkwédakwèkonh en-yakoderyendaráné, sháden-yàwen ony ne Ephraim neony ne jiye-nakere-nyón ne Samaria, nene yondon ne kanayeghtseràkonh neony ne yakó-nikonghrats-hanyh,

10 Ne nyúdararihhòkon wahhy deyure-nìonhatye, nok onkyonhlhá enjityònny endewade kanyaghsérònnyh; ne jokaghreghdese karònda nenwahhy kayakonh, nok den-yakwadèny o-néndakwenghdén enwàdón.

11 Nekady wahhònny ne Royaner ne entharighwaketskó ne enhhonwaghswén ne Rezin ne raonhhakeh.

12 Ne Syrians ohhèndonh, nok ne yaghdehhodirighwiyughstonh oghnakén, neony wahhy enhhon-



dek'wisa ne Israel ne jidehho-natskarawenh, Ikenh akwèkonh ne kén-ikenh ne rao-nákhwénghtsera yaghná thádejotkarhade-nyonh, okhò-nenh ji-nì-yught jidehhodeweyàde.

13 Ikenh ne onkwehhòkon nene yaghthádeja-kotkarhade-nyonh ne raonhhakeh nene enhhonwanaghdónde, yakhony dehhonwayádisàkonh ne Royaner ne kentiyughkowanenhhòkon.

14 Nekady wahhònnny ne Royaner enhhàyáke ne rao-nonji-neh ne Israel ony rendaxkeh, yúnha-ghdonde neony ne yaghthiyádeyurihonde, ne se-weghniserat.

15 Ne thoxdènhah neony rotkonnyenghst, raonhhá wahhy ne ohhèndonh ; neony ne nyehhari-wakenghs ne ohhèndonh ne shakorihhonnyènnny né no-nòwén, raonhhá ná nodaghsá.

16 Ikenh ne shako-naghsharinese nekén-ikenh onkwehhòkon ro-nonhhá shakodiyádaghdonthá ; neony ro-nonhhá wahhy ne neh né shako-naghshariné ne wahhy enhhonwanaghdónde.

17 Nekady wahhònnny ne Royaner yaghwahhy thashakodonnahren ne raodinekehderontsera, yakhony wahhy thaonsaghshakòdenre ne yaghdeshodinighshén ony nyunadeghreonghse : ikenh niyádeyàkonh naah ne thiyeyako-nowenghdonh yakènhah ayakorighwiyughston neony wahhetkén-sé ji-niyontyerhá, neony ji-niyádeyeghsakaghronghhtseràkeh en-yondády karighwanerén. Ikenh akwèkonh ne kén-ikenh nene rao-nákhwénghtsera yaghnáah thádejotkarhade-nyonh, nok okhò-nenh ji-niyught jidehhodeweyàde.

18 Ikenh ne yakorighwaneraaxkonh enwatshá-aghdon ji-niyught ne ojire : ne wahhy enwaghdónde ne oghnyònwah neony ohhikdá, neony wah-

hy t'kàkonde enwadekadón ne ji-non nakwahkarhakonhhònwèh; neony ro-nonhká wahhy t'kàkonde ennhadigharàdade ji-nìyught ne jienwatyénkwaraketskó.

19 Ne enkarihònny ne rao-nákhwénghtsera ne Royaner ne kentyughkowanenhhòkon ne ná wadonghwenjàde tyúkaraonh, neony ne onkwehhòkon eghnen-yawen ji-nìyught ne nakonwànonde ne ò-jire: yahhonghka nònkweh thaonsahhoyadak nyadadékhènhah.

20 Neony wahhy enthoghk'wáde ne jiraweyendeghdaghkonh ne rasnonkeh, neony radonghkar-yáx; neony t'kàkonde enrake ne shanekwadyh, (thenthade-nekwadihhá,) nok yaghtao-neryéndiyú: ro-nonhhá wahhy ennhàdike niyádehhàdyh ne raodiwaronh nakwah yádehhayadyh raonontshá:

21 Manasseh, Ephraim; neony Ephraim, Manasseh: neony ro-nonhhá enskatneh wahhy ne ennhonwatkònden ne Judah. Ikenh akwèkonh ne kén-ikenh ne rao-nákhwenghsera yaghná thádejotkarhade-nyónh, nok okhò-nenh ji-nìyught ne jidehhodeweyàde.

## CHAP. X.

I *Ne kanonghwakdenghsera ó-nikonghraxhá-dane ne tyrants. 5. 20.*

**KANONGHWAKDENGHSERA** ó-nikonghraxhá-dane ro-nonhhakeh ne yakodadeweyennen-daonh ne nyaghdeyuderighwakwarighsyonh ne

yakodadeweyennendaseh, neony nene enwatyàdon ne kanikonghranonghwakdenghsera nenehné yakodadaghjadànyh :

2 Nene daonsahhontkarhadèny daondahhondónneke ne rodidenh ne ji-nonkà t'kajenhhayén ne adewendeghtsera, neony nene èrenh akahhawighdón ne yutdakwarighsyonh ne ji-nonkà ne yakòdenh ne akonkwedá, nene yunadeghreonghse ne kishenh ne thiyakonwadighk'wá, neony nene ro-nonhhá ne thiyashakodighk'wá ne yaghdejakónighshén !

3 Neony oghnensewatyere ne eghniseràkonh ne ji-nádendeghshonkwatkênsehhá ne karonghyakenghsera, neony ne atkaronnyát nene t'kàkonde dàwe ì-nonh jientkayenghdaghkwé ? raonhhakeh enjadekwaghde ne najhisewayádake-nhá ? neony kánense-nìyen ne jónwesenghtsera ?

4 Yaghtenkyadarake eghdakeh denhhondontshòden o-nakonh ne radinaghskwá, neony wahhy enthadiyadénné o-nakonh ne jienhhonwadiryú. Ikenh akwèkonh ne kén-ìkenh ne rao-nákhwenghsera yaghná thádejotkarhade-nyonh, okhò-nenh ji-nìyugt jidehhodeweyàde.

5 O Assyrian, ne deyutkwiradàseh ne ake-nákhwéngghsera, neony ne ne rondénnitsherenhhawe ne radisnonkeh nená nakwaderyaghdikhonghtsera.

6 Iih yenhhiyadennyeghde ne denhhadighnyòden ne yakènhah rodirighwiughstonh ro-nonghwenjade-nyón, neony ne denhhadighnyòden ne enhhonwanatkònden ne onkwehhòkon ne nake-nákhwénghtsera Iih enhhìyón ne enhhirihhontye-ghdén, nene enghshako-nonghskàry enhhayè-ná thiyenghshakoghk'wá, neony ne enghshakogh-dónde, neony ne denghshakoraghsidakenseraaghk-

wé ji-nìyught ne jiyunawátstagnodes ne jidekanadokenghseron.

7 Ethosané yaghné dehhèndon yahheghdeyught, yahhony eghdehhó-nikonghrodenh neghnaennonghdonnyonghtseródenhhake ; nok sé raweryaghskonh ne neh enhhaghdónde neony enhhàýake yaghtoghka ok.

8 Ikenh ràdon, Yaghkenh ne dehhonkerighwakwadakwasé tyukwekdonh koraghtkowatshón ?

9 Yaghkenh dekenh Calno ji-nìyught ne Carchemish ? yaghkenhdekenh Hamath ji-nìyught Arpad ? yaghkenh dekenh Samaria ji-nìyught Damascus ?

10 Wahhy ne kesnonkeh yutshenryonh ne kayanertsera ne kayádònnnyh, neony ro-nonhhá rodíyádonnighseronnyh yahhodíserareghste ne Jerusalem neony ne Samaria ;

11 Yaghkenh n'Iih, Eghdewakyèrenh ne jinonká ne Samaria neony ne aoyádònnnyh, eghkady o-ny nenkyere ne Jerusalem neony ne aoyádònnnyh ?

12 Nekady wahhònnny t'kàkonde eghnen-yàwen, ne neh, ne o-nenh ne Royaner roweyennendaónh ne raoyúdenghserakwèkonh etho ne jiyunònde ne Zion neony ne étho Jerusalem, Iih enkheronghyàkende ne ji-nityudonnionh nene ro-neryaghsaghnìronh ne koraghtòwah ne Assyria, neony ne ónwesenghtsera ne e-nekenh nighrèsax.

13 Ikenh wahhy ràdon, Iih wahhy kesnonkeh akéshatstenghsera Jieghniwakyèrenh, nokhony nene Iih akyanertsera ; wahhy Iih wakatyewade : neony èrenh Sewakkwidonh ne jiye-nerenh ne onkwehhòkon, neony ronwadighk'wanyón ne raonats'hókowaghtsera, neony eghdakeh Sewakyén ne

jiye-nakere-nyón ji-nìyught ne roghskénrakegh-dékòwah :

14 Neony kesnonkeh wahhy yutshenryonh, ji-nìyught nojì-naghkwá, ne nakotshókowaghsera ne onkwehhòkon neony ne jienskat rarorox ne ó-nhongsá nene wahhy yudadenraónh, lih wahhy wake-roronh onghwenjakwèkonh ; neony yabhenskat nene daonde-nerahhontshakarenrón, ne denhens ne daondontskaráwe, ne denhens naondontkédothaké.

15 Wahhy ne adòkén dondetsshanighde yádekayadyh ne ronwatkonde nene rarondaghserònnny ne éthone nònweh ? ne kady kenli ne deyeghswenkaryatha enhhokòwanaghde yádekayadyh enhhótkònden nene en-yondawedon ? ji-nìyught ne dòka ne òkwire ne aondòndawéde yádekayadyh ne enhhonatkònden ro-nonhhá nene rodihharadàdonh, ne dénhens ne dòka ne adennits ne aondontketskó yádekayadyh, akwah ji-nìyught ne yahhòyende dekenh.

16 Nekady wahhònny t'kàkonde ne Royaner, ne Royaner ne kentyughkowanenhhòkon, yahhaden-nyeghde kentyughkwakonh ne yunarésénse ówagh-roskonshón, neony o-nakonh ne raónwesenghtsera wahhy ennhadèkàde en-yòdeké ji-nìyught ne òjire jiyudekhá.

17 Neony ne raoghswathegghtsera ne Israel ne ná nòjire, neony ne Enskat ne Raorighwadókenghdy ne nódonghkwá : neony wahhy en-yòdeke neony ennhaghdónde ne raohhikda nokhony ne raoghnyònwar ne seweghniserat ;

18 Neony wahhy ennhaghdónde ne ónwesenghtsera ne raokarhakonghseràkonh, neony ne raothendakeh èsó entkabhawe, thádejàronh adonnhets nokhony ne oyeronda : neony eghnen-yàwen ne

ro-nonhhá ji-nìyught ne o-nenh ronde-nyádarenh-  
hawaaghs ne kanyadarohhare enhhayádakenh-  
heye enthó-nikonrénné.

19 Neony ne otyáke ne karòndáòkon ne raokar-  
hakonghkonghtsera wahhy t'kàkonde toghkara ok-  
nene exhaah ne naontyésen ne yaonwadigh-  
yàdonse.

20 Neony étho nen-yàwen ne enweghnisera-  
deke, nene shèkonh en-yudadènròn ne Israel  
neony ji-neken nìyught nene jakó-nyakenhòn ne  
rao-nonghsakonh ne Yàkwek, yaghshèkonh are  
thayéderòndake ne raonhhakeh nene shako-nagh-  
donthá shakodiryughs; nok sédaghnòn yenyon-  
tyén Royaner-neh, ne Royádadokenghdy Enskar  
ne Israel, ne tokenghskédnweh. (Yèsus Keristus.)

21 Nene shèkonh yakodadènròn t'kàkonde den-  
jontkarhadèny: shaden-yàwen ne rodadènròn ne  
Yàkwek, ji-nonkà ne thihhashátste Niyoh.

22 Ethosane wahhy ne sonkwedá ne Israel  
ànen-yàwén ji-nìyught ne ó-neghsaronghkwa ne  
kanyadarákeghkòwah, nok shèkonh wahhy ro-na-  
dadènròn ne t'kàkonde denshontkarhadèny: ne  
enwatshádnweh enwaghdónhònweh ne yudewey-  
ennendaonh wahhy enwadawenrade ne aderigh-  
wakwarighsyonghtsera.

23 Ikenh ne Royaner Niyoh ne kentyughkow-  
nenhhòkon t'kàkonde enhhatshaaghde enhhaghdón-  
deònwèh, ony kaweyennendaónh yuderihhókde, ne  
shádewaghsènnenh ne onghwenjakwékònh.

24 Ne wahhònny kénnihhoyèrenh ràwenh ne  
Royaner Niyoh ne kentyughkowanenhhòkon, O  
akonkwedá nene eghye-nakere Zion-neh, toghsa  
eghjhisè-nitshaník ne Assyrian: enghjhisewarya  
òkwire enwadón, enthadénnitsheraketskó ne ise-

keh enghyatkònden, oderihhókdaghkwénkeh ne ji-nikarihhodenh ne Egypt.

25 Nok shèkonh akwah nijorighweshah, nene raoderyaghdikhonghsera ò-nenh denkàdáné, nok ní nakenákhwenghsera, ne rao-natkaronnyát.

26 Neony ne Royaner ne kentyughkowanenhhò-kon enhhaoryaghnerònhaghse ne raokwire, ne entyuyanenhhawé ne jironwanáwenthonh ne Midian éthoh otstenghrakeh ne Oreb: neony akwah ji-nìyugh ne kanyadarakeghkòwah akaráké, eghkady ony enthaketskó oderihhókdaghkwénkeh ne ji-nikarihhodenh ne Egypt.

27 Neony étho nen-yàwen ne enweghniseradeke, ne ne raoghrye-ná wahhy èrenh enskahhawighdon jikahhere ne snenxkeh, neony ne raotyendanyax enskaghrakwén ne se-nyarakeh, neony ne kkyatyendanyax t'kàkonde wahhy enwaghdondón ne tyuriwa ronwenye-narhonh.

28 Onenh iroh ji-nonkà Aiath, rodohhetstonh ne ji-non ne Migron; étho Michmash-neh éthò yehhòyenh ne raósereghdìyuh yakoyádenhhaghs dewatkarhadinihhon ne nyònderiyughthá:

29 Ro-naghdentyájijhhonh ro-nadohhetstonh ne jiyuhhàde: ro-nade-nadarakwenh ne jienhhon-nonwede ne éthoh Geba; Ramah naah roghderónse; Gibeah ne Saul u rodekwenh naah.

30 Sadewennaketskoh, O konwayenhah ne Galilim; enkarihhònny entkonwathondeke ji-nonkà ne Laish, O ròdenh Anathoth.

31 Madmenah erenh naah rawe-nonghdonh; ne jiye-nakere-nyón ne Gebim rontkennisaaghs ne nenhhondekó.

32 Nok shèkonh enhhoghnyodaaghste éthò Nob ne weghniseràde: yenhennontshòndawéde ne enh-

hatkònden ne jiyunònde nekonwayenhah ne Zion, ne jiyonghnyahhere ne Jerusalem.

33 Jatkaghtoh, ne Royaner, ne Royaner ne kentyughkowanenhhòkon, wahhy yuxdé jidenhaghyokede ne yúnhaghdonde ne kaghderonghherowànenh: neony ne e-nekenh yudohhetstaghkwenh ne ji-nityutde ne ònkweh ne ji-niyakaonnhódenhonh t'kàkonde denskaghstarathedon, nene thiyakotshanightye-nàyeh t'kàkonde eghdakeh enhhondadònnny.

34 Neony t'kàkonde enhhayáke ne jiyuderonda-doónh nekarhàkonh karistajy enrade, neony Lebanon t'kàkonde enthayadenne ne jiroyádaneghrakwah.

## CHAP. XI.

*I Ne skennenkòwah ne kayanertsera ne yunhaghdondaonh ne oghdeghrakeh ne Jesse. 10.*

**NEONY** étho t'kàkonde entkayákénne ne jikarondakwénìyú ne Jesse, neony ne enkanhaghdònden t'kàkonde enwadeghyarón entkayakenne ne raoghdeghrakeh:

2 Neony ne raó-nikonra ne Royaner yenwado-rishén ne raonhhakeh, ne kánikonghrowanenghtsera nokhony naghronkhatsera, ne kánikonrá ne t'kayádoreghdaghtsera nokhony thikáshatste, ne kánikonra ne atdokhatsera, neony ne kaghderonghxhera ne Royaner;

3 Neony t'kàkonde denghshakwaghsterihháde naaronke ne kaghderonghxheràkonh ne Royaner-



neh : neony yaghthaonsahhajenhhayen ne oghná-kenkeh ne jienhhatkaghthó ne rakaghdekeh, yah-hony thaoderighwáeghsten ne oghnákenkeh nene nendenhhahhonghtyèndane.

4 Nok enke-né natdakwarighsyonghtsera ne jienghshakojenhhayén ne yakòdenh, neony en-yakoderighwáeghsten endewaderighwayèride nene jiniyunetskah ne jiyonghwenjàde : neony t'kà-konde enhhaghdonde enghshakoghdónde ne jiyonghwenjàde enråde ne òkwire ne jiraghsakaronde, ne jiradonryeghthá ne ragliskwéndakeh t'kàkonde enghshakowenthó ne yakorighwaneraaxkonh.

5 Neony ne atdakwarighsyonghtsera ne denhotyakwaranhaghstón, neony ne tokenghskéònwèh jideweghdaghkonh né rotyádanhenh ne rao-nyúka-renghrakwaghthá.

6 Ne nokwahhó ony t'kàkonde enhhonnàdayén enskatneh ne niyakaah ne deyudinákarondonhah, neony ne ányoh kenrex (leopard) ne t'kàkonde ne enskatneh enkontyátyònnide ne nityuyenhah ne kayadakeraghse ; neony ne niyakaah ne deyunhonskwaronde, neony ne nityuyenhah ne kenrex, neony ne enskatneh konwanaresenghserònnih ; neony ne akodexhádonniàh t'kàkonde enhhonwanaghsharine.

7 Neony ne kanondah ne deyunhonskwaronde neony ne oghkwàryh ne enkonwadìnonde ; ne nakodiyènhokonhah ne enskatneh eghdakeh enhhontyatyònnide : neony ne kenrex ne ènwake ne deyaonnekeraghriónh jì-nìyught ne deyudinakares.

8 Neony ne ye-nónkerhá niyexhadaah ne enhhontkaride enhhonghtkarítserònnih ne jiyotshònwé ne kaghnyaraxhenh yutnyaratkón, nokneh yakonondaghtkawenh niyexhádaah ne yádenhhennis-

nonghsaren ji-nònweh ne kàjin ne kitkyt niyunín-honghsén o-nyare onghwenjàkonh.

9 Yaghtaodikarèwaghde yaghony thaodiryû akwèkonh ne ake-nondadokenghdy : ikenh ne ji-yonghwenjàde t'kàkonde wahhy enkànaghne ne en-yakodokenghse ne raotdokhatsera ne Royaner, ji-niyugt ne oghnekáðkon ne kanyadarákeghkòwah.

10 Neony ne enweghniseràdeke t'kàkonde ne oghderá enkenhháke ne Jesse, né denhhàdane ne enghshakode-nyádarenhawáaghse ne onkwehhòkon; nene t'kàkonde ne yaghdethadirighwayèry enhhonnèsake : neony ne raodorishenghtsera nená nónwesenghtsera.

11 Neony t'kàkonde eghnen-yàwenne ne neh ne enweghniseràdeke, ne ne Royaner yádenhhennis-nonghsaren àre shèkonh nene teke-nihhadónt nene daondayuyanerenne ne shèkonh yakodadènronh ne raonkweda, nene t'kàkonde en-yakodàdenre, dàweghde ne ji-nonkà ne Assyria, nokhony ne ji-nonkà ne Egypt, neony ne ji-nonkà ne Pathros, neony dàweghde ne ji-nonkà ne Cush, neony ne ji-nonkà ne Elam, neony ne ji-nonkà ne Shinar, neony ne ji-nonkà ne Hamath, neony ne ji-nonkà ne kaweghnòdon ne kanyadarákeghkòwah.

12 Neony enghshako-nyádaroharhaghse ne niyádeyonghwenjàkeh, neony t'kàkonde enhhontkennisa ne issy yenwatyón ne Israel, neony enskatnehenhontkennisa enshontkennisa ne dehhonwanadokwaghdonh rodiyeshaónh ne Judah ne ji-nonkà ne kayèryh nádeyude-nhonghdawenheh ne jiyonghwenjàde.

13 Ne nyaghdeyaweryéndiyugt ony ne Ephraim t'kàkonde èrenh enkahhawighdon, neony ne

dehhó-nihhaghrodonghs ne Judah t'kàkonde wahhy denskayakón; ne Ephraim yaghtaoronghyá-kende ne Judah, neony ne Judah yagthao-ná-kónny ne Ephraim.

14 Nok ro-nonhhá t'kàkonde yádenhhadiden ne radighnenxkeh ne nyaghdehhodiyane ne ji-nonkà yádewatshothoghs; ro-nonhhá wahhy yengshakodinonghskâry ne jitkaraghkwinekense en-skatneh: wahhy denghshako-nennisnonghsaren ne ro-nonhhakeh ne Edom nokhony ne Moab; neony ne shakoyénhokohnah ne Ammon t'kà-konde enhhonwanathòndatshe.

15 Neony ne Royaner enhhaghdonde ne awén-naghsonh étho kanyadarákeghkòwah ne Egyptian, neony enhhaweròwanaghde t'kàkonde enh-hennontshòndawéde ne èrenh ná kayyhonhha-dyh, neony t'kàkonde enhharyú ne jàdaghk niyughnawadeh, neony ne onkwehhòkon eghden-yeyayáke aonghwenjathénkeh yagthádao-naghsídò-raghste.

16 Neony etho nònweh niyuhhahhakwé-niyú ne akohhahhá ne yakodadenráonhhatye ne raonkwe-dá, nene yátyakokedoghde, ne ji-nonkà ne Assyria; akwah ji-niyught ne ji-nonkà ne Israel ne enweghniseràdeke ne jientre denthayàkenne ne jiwadonghwenjàde ne Egypt.

## CHAP. XII.

*Ne adonnharah yondonghràthá ne teweghdagh-konh ne raodinrát ne Niyoh.*

**NEONY** ne enweghniseràdeke enghsiron, O Sàyaner,<sup>†</sup> Enkonnèndon: éthosane dake-nák'wá-

seghne nìih, sanák'wenghsera dejisakarhade-nyonh èrenh jisahhawighdonh nok seghské-nikonghket-skwenh.

2 Jatkaghthoh, Niyoh naah akwadaghskatshera shakyádakwenh, ne Enwakadewennodaghkon, neony yaghthenketshaghnighseke : ikenh ne Royaner Jehovah nená nakéshatstenghsera nokhony ne nakerennadokenghdy ; raonhhá ony nená nakwadaghskatshera.

3 Nekady wahhònny jadonnharak ne ensewaghnkadaghkó ne jiyeghnekakwaghthá<sup>a</sup>jiyaonghwenjakaronde tyughnawerode ne adaghskatshera.

4 Neony ne enweghniseradeke t'kàkonde ensewenron, Ro-nèndónt ne Royaner, yaghjhise-ninadonh ne raoghsènná, se-nirihhòwanaght ne raode-veyènná ne kentyughkwakonh ne onkwehhòkon, eghjhise-nighsennaghnòdon nená dekarenghsarón é-nekenghjy.

5 Deghjhisewarighwakwás ne Royaner-neh ; ikenh yurighwaneghrakwaghde-nyón ji-nihhotyèrenh : nene kén-ikenh en-yakoderyendarane onghwenjakwèkonh.

6 Dejaghshenthoh nokhony dese-nihhènreght jadonnharenh, ise sewanakere ne étho Zion : ikenh Royáda kokenghdikòwah ne Israel ne sewanenherhenh nìse.

## CHAP. XIII.

I Niyoh enghshakotkennisaaghde kentyughkwade-  
nyón ne ronderiyughs nene raonákhwéngghsera :  
6. 10.

NE ji-niyughwishenghne yudaghkondanyh jik-  
nadowânenh, nene Isaiah ne royenhah ne Amoz ne  
rotkaghthonh.

2 Sewahharadat sewaketskoh ne kanyádarak-  
wé-niyú ne ye-nyádarohharaghk'wá ne jiyo-nondo-  
wânenh, jadewennaketskoh ne ro-nonhhakeh, de-  
shesnonghsakarenronh nene aontyèsén yaondawe-  
yáde jiyudenhenghrakaronde ne jiyutkonnyenghst.

3 Iih kherighwàwyh sekhé-nikonghradokengh-  
dighstonh, Iih ony kheyádarakwenh nene rodiyá-  
daneghrakwaghde-nyón ne nake-nákhwengghsera,  
shaden-yawen ne ro-nonhhá nene ro-nadonnheh-  
here ne jiwakyádaneghrakwah.

4 Ne kentyughkowânenh tyuritstare étho jityo-  
nònde, akwah ji-niyught nakentyughkowânen ne  
onkwehhòkon ; yaghthádesewadathònde jityurit-  
stare ne naoyanertsera ne niyádeyakaonghwenjá-  
keh enskatneh rontkennisaaghs : ne Royaner ne  
kentyughkowanenhhòkon enghshakotkennisaaghde  
ne kentyughkwá ne ronderiyughs ne kentyughkwá  
ne nenhhonderiyú.

5 I nonh dahhonghdèndy ne jiye-nakere, ne ji-  
nádekaronghyakdatyé, skáden-yàwen ony ne Ro-  
yaner, neony ne de-nyonnyadatstha ne raoderyagh-  
dikhonghtsera ne nenhhaghdonde ne onghwenjak-  
wèkonh.

6 Jadewennòdenh ányouh erhar, wahhy yahhondeghnise rihhewe ne Royaner ò nenh kanhohhakdá; t'kàkonde ènwawe ne atkaronnyát kenh-hèyon ne entkayenghdaghkwé ne Ráshatstenghsarakwèkonh.

7 Nekady wahlhònny t'kàkonde akwèkonh enyakó-nikonghraghdón, neony niyádehho-neryaghsakeh wahhy enkawistanàwen :

8 Neony enhhaditshanike: karonghyakenghsera nokhony ó-nikonghrononghwakdane ó-nikonghraxhádane t'kàkonde ne enhhodiyè-ná; eghnenhhadironghyàken ji-nìyught ne tyuthonwìsén wadewé-donghs; thiyenhhodínikonghrinekonhonz enskatshón ne ji-nihhàdyh; nene radikonxkeh akwah ji-nìyught nen-yúdonghkòdaké.

9 Jatthaghtoh, ne raodeghnisera ne Royaner dàwé; kanoronghjìonh yekakwèkonh ne rao-nákhwenghsera neony thentyakotyádòndy naderyaghdikhonghsera, ne jienhhàyen ne jiwadonghwenjàde kàyese enwàdon enbhaghdonde; neony t'kàkonde enghshakoghdónde ne yakorighwaneraaxkonh ne éthoh yaghdeskàde.

10 Ikenh ne yujistoghkwaronnyón ne karonghyakeh, neony ne jiyutsjistoghk wakade ne éthoh, yaghthádakondighswathéde ne aodighswathegtsera: ne karaglkwá entyókaraghwe ne jien-yughdentyonhhatye, neony ne eghnidá yahhó-né thádaonsakaghsathéde ne dayuyáke.

11 Neony Iih enkheghrèwaghde ne onkwehhòkon ne raodihhetkenghsera, neony ne rodirighwaneraaxkonh ne raodiyádaghdonghsera; neony Iih enkerihhònny ne radinàyése nene eghnádenkarighwakdane, neony t'kàkonde eghdakeh enhhondisk-

wenghdarén ne kaghderonghxherowànenh jityu-  
dónnekt nene thihhoditshanight.

12 Iih enhhiyònny ne rònkwèh senhhá èsó yuka-  
rowànenh ne ji-niyught ne karistanoróntseriyuh ne  
oji-nekwar; sháden-yàwen ony ne rònkwèh dagh-  
nón ne oji-nekwar karistanòron yonnyadonh deye-  
rondorenghtagh'wá ne Ophir.

13 Nekady wahhònny Iih wahhy enkòndawéde  
ne karonghyakeh, neony ne onghwenja t'kàkonde  
èrenh enwatháwighde ne jiyanakde ne rao-nákh-  
wenghseràkonh ne Royaner ne kentyughkowanen-  
hòkon, neony ne eghniseràkonh ne raoderyaghdi-  
khonghsera.

14 Neony anen-yàwén ji-niyught ne akonwats-  
herhá de o-nákaròndonh, neony ne ji-niyught ne  
deyudinákarondonhah nene yahhonghka nònkweh  
tháðakonwayadaghkwe: niyádehhonnonkwedakeh  
denshontkarhaðèny étho ji-nonkà nakwah raonk-  
weda, neony enhhondekó radikwèkonh étho ji-  
nonkà nakwah raodonghwenjakeh.

15 Radikwèkonh nene enhhonwadiyádatshèny  
t'kàkonde yenhonwadireke yádenbhondohhetste;  
neony radikwèkonh ne ne wahhy yádehho-natye-  
ghdonh ne ro-nonhhakeh yenhbadiyadénne ne  
jikanòron.

16 Ony ne shakodiyénhokonhah enhhonwadira-  
jònkó étho raodihhèndonh ne radikaghdékeh, enh-  
honwadinonghskàry, neony ne rodine thiyenkon-  
wanaghdén.

17 Jatkaghtoh, Iih yenhhiyuryaneron ne Medes  
ne enghshakotkònden ne ro-nonhhá, nene yagh-  
dehhadiyendarhá ne karistanòron; nenné-nèh karis-  
tànòron oji-nekwar, yaghné thao-neryendiughte.

18 Ony ne rao-nàènná ne enhhodirajònkó ne

radinekenghderontshonhah kénhok nendewaghda-nyón, neony yaghthaonsahhonwadidenre ne jityughnyoonh ne jiwadewédonghk'wá; ne radi-kaghdeke yaghthaonsaghshako-natyeshá ne exháðkon.

19 Neony ne jikanadowànenh, ne ònwesenghtsera ne kayanertsera, ne yuraseh ne Chaldeer-àka e-nekenh jidekarenghsaron, ánen-yàwen jiniyught ne o-nenh ne Niyoh shahhaghdónde ne Sodom ony Gomorrah.

20 Yaghnnonwèndonh eghthaonsayonnakerade, yakhony ne jiwákaghwajiradatyé, yakhony ne Arabian eghthaonsahhade-nyádaròdén, yakhony ne deyudinákarondonhah rontsteristhá thiaondenhenghrònny ne étho aadíderón.

21 Neok ne yudighderonnyh kondiryú ne karhakonhhònweh étho enkontyén; neony ne aodinonghsakonh enkananon ne ó-nikonghraxhádane jini-kondiyádodénse; ony skanendanonwé enkonnakera-de ne éthoh, neony ne òyende nìyoh éthò denhhanonnyaghwé.

22 Neony ne yudighderonnyh kondiryú ne jikaweghnòdon denkonghshenthó wahhy jikâyese òndon ne jiyudinonghsòdon, neony ne kaghnyaraxhenh étho en-yaweryéndiyòháke jikanonghsandron; neony nennijoreah yen-yuderighwihheghse ne ènwawe, neony ne aodeghnisera yaghthaonsayaweghniserareke.



## CHAP. XIV.

*I Niyoh rao-nidenreghtsera sahhoeyeritshe ne Israel. 3.*

**IKENH** ne Royaner enshòdenre ne Yàkwek, nok shekonh wahhy enshoyádaràkó ne Israel, neony enshontyen jiakwah rao-nadonghwenjakeh: neony ne thihhonnonghwenjadeshón t'kàkonde yádenhhontyeghste ne ro-nonhhá, neony ne ro-nonhhá t'kàkonde ne den-yughnirhá ne enskatneh jionkà ne rao-nonghsakonh ne Yàkwek.

2 Neony ne onkwehhòkon t'kàkonde enhhonwadiyè-ná, neony étho enhhonwadiyathewe raodinakdakeh; neony ne jiro-nonghsode ne Israel ne naondewenniyughste ne jiwadonghwenjàde ne Royaner shako-nháse neony ne konwadinháse: neony ro-nonhhá wahhy enshakodiyè-na enhhondennaghskònný, ro-nonlhá wahhy radinaghskwá òndon; neony t'kàkonde enthonwennennonghdon-sé nene ronwadiyádakenhheyatha ronwadighwishatha.

3 Neony étho nen-yàwen, ne eghnìseràkonh nene Royaner nene en-yón ne jienсонrishèndane ne ji-nighsadadìdenghre, neony ne jidesadonhha-renghronhhaghkwe, neony ne jiyughnìronh jise-naghskwayèndaghkwé ji-nònweh nikaghson ne enghtsyúdenghse,

4 Ne wahhy kàyén denghseghkwé nene yáde-yurighwadokenghdonh niyurighwesonghsa ne de-watyádoreghdaghk'wá ne enghtshatkònden ne koraghkòwah ne Jikanadowànenh, nok enghsiron,

Anyoh ne shakodiyadakenhheyathá shadighwishà-thá wáthadìdáne wahhonghtkáwe! ne oji-nek-war karistanòron kanadonnyadonh wátkàdane onghtkáwe!

5 Ne Royaner wádeghshakodennitsheryáxhe ne rodirighwaneraaxkonh, neony ne raodinená ne radirighwakwadakwaghs.

6 Raonhhá shakoghdondonh ne onkwehhòkon ne kanakhwenghseràkonh okhò-nenh ji-nondahhá-yere jiwahhàyenghde, raonhha nene rotstèristonh ne ji-niyádeyonghwenjàkeh kanakhwenghseràkonh, wahhy wáthoderighwawenheke, nok yah-honghká dehbonwayúdàdyh.

7 Ne onghwenjakwèkonh nenwáaonrishèndáne, ò-nenh thàdewadòdade: wáthadiyáke jideyako-righwaghkwenh.

8 Orighwìyú, ne otshoghkòdonh karòndá yesatonnhaghrànyh, neony ne rao-néndakwenghden-tsera ne Lebanon, wahhenron, Ji-nahhé eghdakeh shighsyátyònny, yaghneradirondaghsèrònny dethonè-nonh ne onkyonhhá ayonkhiyatkònden, (dayakwaghnyòden.)

9 Oneghshonh o-nakonh nonkà desadoryaghnerònhaghse ne ne yádaesaderaghde ne ji-náden-deghse: enseghsheyuryaneron ne naonsahhont-ketskó ne ro-náwendaonh ne ìse sarihhonnyát, sháden-yàwen ony ne radikwèkonh ne radiyádakwé-nìyúse ne jiyonghwenjàde; wahhy tyutharàdàdonh ne ji-nonkà ne raodishatstenghserá radikwèkonh ne koraghkowatshón ne ji-niyádeyakaonghwenjàkeh.

10 Akwèkonh wahhy enhhondàdy, neony enhhonniron ne isekeh, Yaghkenh ony nìse eghdeyawenhónh naesayádánetskhaonh ji-ní nìyught?

11 Onenh wahhy kahheh eghdakeh ne desade-renghsaronghkwenh ne ji-nonká tyeyádadaryón, neony ne yurákaghre ne sándwa yayák nikarenghsòdaryh : ne ojí-nòwa nenwahhy deware-nyadonh ne-jaddòkonh, neony ne ojí-nòwa sadérhoròkyh :

12 Oghnáàwen jidisayádenhonh ne karonghyàkonh, O yuyádaghdonhonhhatyése ojìstoghk, ronwayenhah ne orhónke-neh ! oghnaàwen wáesày-áke wáakonghwenjohhetste, nene wáakoyádek-ehhhèyade ne akaonghwenjade-nyón !

13 Ikenh isenh wahhy ne seryaghsakonh, Enskatharadade karonghyàkonh niyenhhsenske, Endekharadade nakeshatstenghsera senhhá e-nekenh enwadohhetstaghkwe ji-nìyught ne raojìstoghk ne Nìyoh ; Enkatyén ony étho o-nondohharakeh ne jironwatkennisánhènnih ne Nìyoh, ne dewakda ne othorekeh :

14 Enskatharadade senhhá e-nekenh ne ji-nit-kentshadontyése ; Eghnenkyádodenne ji-nìyught Ne Enekenghjy.

15 Nok shèkonh wahhy o-neghshonh yenyesa-yadenghde, ne ne dewakdá no-uonghkwe-neh no-neghshonh.

16 Ro-nonhha wahhy nene jien-yesàkén náde-yuronghwendeah jiden-yesatkaneren, nok den-yesayadòrèghde, enhhònñiron, Nè kennekén ne kèn-ikenh ne rònkweh ne raonghwenjisón ne en-yuyá-dishonghkwe, ne ne thiyaghròndawede ne kaya-nertsera ;

17 Nene raonghwenjisón ji-nìyught ne karhàkonh, nokhony wahhaghdondanyón ne jikanadowànenghse néthoh ; nene yaghdeghshako-nhodonkwènnih ne jikanonghsode ne radinaghskwá ne raonhhakeh ?

18 Akwèkonh ne koraghkawatshón ne niyáde-yonghwenjàkeh, sháden-yàwen wahhy yehhadik-wèkonh, o-nòwen ónwesenghtseràkonh, niyádehhà-dyh akwah raonhhá rao-nonghsakonh :

19 Nok wahhy jesayádadaghkwenh ne jiyesa-yadat akwah ji-niyught ne yúnhaghdxhenhoh, neony ne ji-nihhontsheronnyaghkodenh ne thoikenh ronwanáwenthonh, ronwanáashón ásharékd-wah wadonh, nene yenwasénne ne jityunen-yakeh ne ó-nonghkwe-neh no-neghshonh ; ji-niyught ne okaryendá dayonraghsídakensseraghkwe.

20 Toghsa ok ne yádaesewatyeghste jiyethiyá-dadá, ásékenh wahhy yetshiyaghdondonh ne sadonghwenjakeh, neony ronwanáwenthonh ne sonkwedá : nekànéne ne rodiyúdenghseraxhenh wahhy yaghnnonwendonh ne thiyakarighwanakerénne.

21 Jadenrhàrat yondaderiyughs nene shakoyén-hokonhah nene raodiyádaghdonghtsera ne shakodínihhahhòkon, nene yaghdesho-natketskwenh, yakhony thádehho-nadentshon ne onghwenja, yakhony dehhodinanonh ne jikakonghsonde ne jiyonghwenjàde ne jikanadowànenghsé.

22 Wahhy Enketskó ne enkheyatkònden rononhhá, ràdón ne Royaner ne kentyughkowanenhòkon, neony enkyáké ne jikanadowànenh ne aoghsènná, neony ne ji-niyudadenraonh, neony ronwayenhah, neony raonghwadenhah, ràdón ne Royaner.

23 Iih ony enkheweyennèndáse ne en-yontyenawaghste ne yuderighwatskàrá, neony jiyonghraghkwanyón weghkwayèdon oghnèkanoghs : Iih wahhy entkonhhewe ènkade onhhèwá ne atkaronnyát, ràdón'ne Royaner ne kentyughkowanenhòkon.

24 Ne Royaner ne kentyughkowanenhhòkon ro-righwaghnràdonh wahhenron, Orighwiyú, ji-nì-yught jikennonghdonnyón, éthoh t'kàkonde egh-nen-yàwen; neony ne ji-nìyught Ji-nìkeghre egh-nenkyere, nèeh étho t'kakonde enkadáké ky ;

25 Nene Iih denhhiyáke ne Assyrian ne akwadonghwenjakeh, neony étho akwade-nondohhara-keh yadenhhiyarághsídakenseraghkwé : éthone daghnon ne raodyendanyax èrenh enhho-ne-nongh-dén, neony ne raoghrye-ná èrenh enskahhawidon ne radighnenxkeh.

26 Nene kén-ikenh ne thiweghdonh nene wade-ryéndònnyh ne nokthiyoughwenjakwèkonh ; neony ne nekén ne kén-ikenh ne osnonghsa nená nyádeh-hodeweyàde ne nokthiyakaonghwenjakwèkonh.

27 Ikenh ne Royaner ne kentyughkowanenhhòkon roderyéndònnyh, neony onghkanekén aòkón en-yakònny yaghtthen-yako-nanón ? neony rasnon-keh yádehhodeweyàde, neony onghká dentyon-ghkede ?

28 Ne yughseràde nene koraghkowah Ahaz shaghrenhheye, nenekén roghwishenghnené.

29 Toghsa sadonnharak, yurighwendaonh Palestina, ásékenh ne raodennits nene yayenghdonh yaryughdonh wahhy nendeyutyakonh : asekenh o-nyare aoghdeghrakeh dàweghde eghdakayàkén-ne kiíkyt kàjin aó-nhonghsakonh yudonnionh, neony ne jirodonnionh ánen-yughdon yudekhá òjire katyése ne no-nyare.

30 Neony ne tyutyerenghdonh ro-nakeràdonh ne ròdenh ne enhhànonde ,nokneh yakodenghde-nyón eghdakeh en-yontyádòndy ne enje-nyàkénne : neony Enkeriyú ne saghderá enkonghkaryáke, neony enhharyú ne ji-nisada-dènrionh.

31 Sadewennòdenh ji-niyught nerhah, O yu-  
denhenghrakaronde; desaghshenthoh, O kanado-  
wànenh, ìse, yekakwèkonh ne Palestina, jisawis-  
tanawenhonh-kenh: ikenh wahhy othorekeh nen-  
tkayénkwarenhhawe, neony yahhenskat ne ne  
thihhaonhhaah akenhháke ne ne jironwaweyen-  
nendaseh jiyenwaderighwihhewe.

32 Oghnahhoden nene enskat ne éthone jienh-  
harighwáseràkó ne radiríwenhhàwise ne niyáde-  
yonghwenjàkeh? né neh ne Royaner ne jirotshen-  
ryonh ne Zion, neony ne yakodenghde-nyón ne  
raonkwedá ne en-yakodewennodaghkón.

## CHAP. XV.

*Ne rodadé-nikonghranenghdonh ji-nihhoyada-  
wenghse ne Moab.*

**NE** roghwishenghne ne Moab. Né tyuriwa ne  
aghsòndakonh Ar ne Moab kày ese waghàdon, nok-  
hony wahhonwahheghse ne ne waghoghskweke,  
né tyuriwa ne aghsòndakonh Kir ne Moab kayesé  
waghàdon, nokhony wahhonwahheghse nene wah-  
hoghsk weke:

2 Kénrawe-nonghdonh Bajith, nokhony ne ji-  
nonká ne Dibon, ne é-nekenghjy nikanakde-nyón,  
étho yádenhhaghshenthó: Moab wahhy yádenh-  
hohhenreghdáse ne Nebo ányoh erhar, neony ne  
ji-nonká ne Medeba; ony raodinonjistakwèkonh  
yaghthenshodinonghkwiseròdáke, neony akwè-  
konh ne raodikonghsthenrhá enkayakón.

3 Etho jidehhodinadokenghseron étho denhhontyákwaranhakhón kanyádarâdens enhhónde, ony raodinonghsaken-yade, neony ne jidehhodinadokenghseron, niyadehhâdyh denhhodihhênreghde ányoh erhar, dehhonghshenthoghsera kananonh.

4 Nokhony ne Hesbbon ony denhhaghshenthó, neony Elealeh: enthonwadewennathòndeke wahhy shâden-yâwén ne raonhhakeh ne Jahaz: ne kady wahhônny nene jikaweyennendaónh ne shodâr ne ronderiyughs ne Moab wahhy enhhadewennòden; nene jironnhé wahhotraghse kowânenh ó-nikonghraxhádane ne raonhhakeh.

5 Akwèryh denhhoghshenthóse ne Moab; ne ne yaghdehhorighwadòkenh wahhadekwaghde jionkà ne Zoar, ne naghsenh nádeyaoghseriyakonh ne ó-nheghtyeh ne deyunnonnskwaronde; nene jiyutharadadonhhatye ne Luhith enhhontstarane nenhhenhhodirathenhhatyé nene ji-niyeyuthahhìnonh ne Horonaim enhhondewennaketskó denhhodihhênreghde denhhonghshenthoghsere ne atkaronnyát onghdònghònweh.

6 Ikenh ne raognenekáòkon ne Nimrim kâyese wahhy òndón: ásékenh nohhonde donghstathen dontdokerike, ne nohhonde wákonnihheye, yaghkaneká thiyejohhondodenh.

7 Nekady wahhônny nen-yawédowânenh nen-rodiyè-nah, neony nene ji-nahhoden ro-nadaderoghròkyh ro-natyé-nighdonh, t'kàkonde èrenh enhhadihhâwighde ji-nonkà yuy yhonhhenghdonh ne oseghkhòkon.

8 Ikenh nen-yádeyakohhenreghdonh thádejoghkwardasedonh ne jiyutnyonwarâde jidewakdatyé ne Moab: ne yehhawènnode yádehhaghshenthoghs ányoh erhar ne kén-ikenh ne ji-nonkà

Eglaim, neony ne yehhawènnode yádehbaghshen-thoghs ányoh erhar ne kên-íkenh ne ji-nonká Beer-elim.

9 Nene raoghnèkanoghs ne Dimon t'kàkonde enkanekwenghsanaghne : íkenh senhhá èsó Enh-hihheghse ne raonhhakeh ne Dimon, kenrex enphoráné raonhhakeh ne ne shonwányakenseh ne Moab, nokhony ne ro-nonhhakeh ne tho-nadaden-raonh ne jiwadonghwenjàde.

## CHAP. XVI.

I *Moab wahhonwaghrejàron nene daondondegh-yaron naonsahhothòndatshe ne Keristus raoyanertsera, 6.*

**YAETSHIYATYENS** ne niyakaah ne deyudinàkarondonhah ne ji-nonká ne ro-naderighwatsteristonh ne jityudaghsawe jiwadonghwenjàde ne Sela ne karhàkonh, ji-nonká ne tyunònde ne konwayenhah ne Zion.

2 Eghwahhy nen-yàwén, nene ji-nìyught ne yuyádaghdonhonh jidènhah issy yekonwayádon-tyonh ne ojì-naghwakonh, nekady wahhonny ne shakoyénhokonhah ne tyunathonwìsen ne Moab ehhenkònnewe jidehhatshotoghthá ne Arnon.

3 Dese-niyádorecht, se-niweyennèndán ne jikajenhhayén ne adewendeghtserá, saderaghwawerhoghst ji-nìyught ne aghsonthenneh nene sháde-waghsènnenh ne entyeh nenwadeghniserenhhàwy ; jagbseght ne issy yewatyonh, toghsa degjhise-



nínikonghraserenh ne nene royádaghdonhonh-hatyese.

4 Kinyoh nene issy yewakatyonh enskatneh jennakerat nise, Moab: ise wahhy enhhondéhð-rokde ne jithadikonghsonde ne shako-naghseghthá: ikenh nenehné dehhadi iyare o-nenh enwadòkden naah, nene shako-naghseghthá enhhonghtkáwe wahhy, nene shakoghghwishathá wahhy ronwana-ghdondonh né neghwadonghwenjàde.

5 Neony kendenreghtseràkonh t'kàkonde nene káshatstenghserakwé-niyú ne yuderighwakénsera-ghkwenh; neony t'kàkonde ne enhhennitskwa-raghkwe ne jitokenghskéðnweh ne jirodaghskwah-here ne Dawed, dehhayádoreshthá nokhony résax ne kajenhhayenghtsera nadewendeghtsera, neony karókdeghkenhhá natdakwarighsyonghtsera.

6 Yonkwaghròkenh ne ji-nihhanàyeh ne Moab; akwah yuneghrakwah jiranàyeh: ony akwah okthihhadatkowànenh, neony ne rao-nayeghtsera, neony ne rao-nákhwenghtsera: nok ne raonowendá yagná eghthayàwen.

7 Nekady wahhònny t'kàkonde ne Moab denhbóhenreghdase ányoh erhar ne Moab, thentkàkwekde t'kàkonde den-yakohhènreghe ányoh erhar: ásekenh ne jithorighwakenseré ne Ker-hareseth ne enghjhisewànane; orighwiyú wahhy ronwadiyenghdonh.

8 Ikenh ne jirohheghdayen ne Heshbon yukenh-heyón deyutyòkdonh, neony ne raó-nenhhare ne Sibmah: nene raodiyanedá ne nyaghdethadirigh-wayèry wahhy dehhonwadighrighdonh eghdakeh watyonh ne kayádakwé-niyú ne radiyenthoghthá ne kén-ikenh, wahhy wahhònnewe sháden-yàwen ony ne raonhhakeh ne Jazer, ne rodiyádaghdonh.

onhhatyese wáthondohhetste ne karhàkonh; ne nao-nhaghde wahhy yádeyudeweyàde, wahhy deh-hodinyadariyakonh:

9 Nekady wahhonny Wakeryéndaxhenghse ne jidehhaghshenthoghs ne Jazer ne raó-nenhhare ne Sibmah: Enkonghnèkanonde ne nakkaghserý en-ke-né, O Heshbon, neony ne Elealeh; ne sadew-ennaketskwenh nene sakennhá kahhighk, neony ne ji-nenghsennekeriyake, nenwasense.

10 Neony ne adonnharaghk èrenh wahhy skah-hawíghdonh, neony ne adonnharaghk skayakenh-honh nen-yawédowànenh ne jikahheghdayèndon; neony ne jiyúnenhharhe; yaghthádaonsayeriwa-ghkwé, yahhony ne thaonsayakodewennaketsk-wen: nepe dehhadinonwayenghthá yaghthádaadi-nonwayenghde ne wine ne jiradighnekonnyathá; Nenwaxhón yahhahhonwe nenhhadighnekonny, (ji-niyeyenthonkwaghs no-nenhhare,) ennhonde-wennaketsko naonghtkáwé.

11 Ne wahhònny akhaghsá akwèryh t'kàkonde enkawennadatyé en-yurakaregkre ji-niyught ne ó-nòwa ne karenghsodarikhòn enkarihhònny ne Moab, neony kewenniyú ne ji-nityutyèrenh nakonh-hátseràkonh ne Ker-haresh.

12 Neony étho nen-yàwen, ne o-nenh wahhy ronwàkenh nene Moab nenshádehhoghwishenhhè-yonh thó-nikonghrehonh ne e-nekenh nikànakde, nene t'kàkonde entre ne rao-nakdadokenghdy ne naaderènnayén; nek yaghthádaadèntshá.

13 Ne nekén ne kén-ikenh ne owènná ne Royaner ne rodàdyh ne ji-niyutyerenh ne Moab ji-nahhe ne éthone.

14 Nok nonwa ne Royaner ne rodàdyh, wahhen-ron, kàró naghsenh niyughseràkeh, ji-niyught ne ji-

yughserade-nyón ne thakonwanháònhal, neony ne raónwesenghtsera ne Moab wahhonwaghswén wahhy, yákàkwekde ne jikentyughkowànenh nok neh wákodàdenre àkwah nìwaah ony akoyádànetskhal.

## CHAP. XVII.

*I Syria nok Israel wahhonwadínikonghrax-  
háde. 6. 9.*

NE ji-niyudaghkondànyh ne Damascus. Jatkaghtoh, Damascus èrenh sonthaàwighde ne jikanadowanenné, neony eghyáódon-yòdané ne atkaronnyát.

2 Ne jikanadayèndon ne Aroer wahhy konwanadewendeghdonh; enkonntityughkònnny nene t'kàkonde ehhenkontyén, nene yabhonghká thakonwadighderonghkwen.

3 Ne jiwadénhenrode neony t'kàkonde denkadenghstonh entkayenghdaghkwé Ephraim, neony ne kayanertsera entkayenghdaghkwé Damascus, nok neh entyakodàdenre ne Syria: kénné nen-yàwen ne ro-nonlhá ji-nìyught ne ónwesenghtsera ne shakoyénhokonhal ne Israel, ràdon ne Royaner ne kentyughkowanenhhòkon.

4 Neony ne enweghniseràdeke eghnen-yàwen, nene raónwesenghtsera ne Yàkwék nenskadents-tonhal, neony ne jirorésenh ne raówaghronneh ne aonsondeghyaron ne jiówaghroskón.

5 Neony kénnen-yàwen ji-nìyught ne o-nenh ne rònkwelh enghrennekeriyáke enhharoroke ne onenghste, neony wahhanaghsarònkó ranontshakeh waráde; neony kénnen-yàwen ji-nìyught nene ra

enhhá jirarorox ne oghraghde ne jiyonghraghkwa-nyón ne Rephaim.

6 Shèkonh rodiroghronhhatye ó-nenhhare kah-highk ehhenkayèndáké, ji-nìyught ne ayondawedón ne olive karònda, tekenyh doka ony aghsenh niyughyendon nakwah e-nekenh yudé-nhaghdohetstaghkonh, kayèryh dòká ony wisk nene atsteh yunadé-nhaghdohetstaghkonh yudaghyadoónh ne-thoh, ràdon ne Royaner Nìyoh ne Israel.

7 Ne éthone enweghniseràdeke ne ronkwel enh-hoyádisake ne royádisón, neony ne raokará enhhadewennò daghkwé ne ji-nonkà ne Enskat Royadadokenghdy ne Israel.

8 Neony yaghtaàkén ne jiyeyádaraghsthá, ne raoyúdenghsera ne rasnonkeh, yalhony thaadewennòdaghkwé nene ji-nahhoden ne raosnonghsá ne roghsón, káok nikàyén ne jiwatheghdònnyh níkahheghdaaghneshhah nedenhens nekayádònnyh.

9 Ne eghniseràkonh ne yughnìronh ne raodenadáðkon eghnen-yàwen ji-nìyught ne wadewendeghdonh ne jiyunhaghdonde, neony ne nakwah e-nekenh yude-nhaghdohetstaghkwelh, nene ronènròn, ne tyuriwa ne shakoyénhokonhah ne Israel: neony wahhadinadayeshá wahhontkarònny.

10 Ne wákarihhònny ne jieghjhisewánikonrenhonh ne Nìyoh nene sayádaderightsera, nokhony yaghdesadénnikonrare ne Otstenra ne sásh-atstenghsera; nekady wahhònny ne 'jenthoh ne yaónwèsaght ne yeyenthoghthá, neony étho enghsyen ne ne yukòndonh deyaóji-neghthá:

11 Eghniseràkonh nenhenghseghyaron ne sayenthonh, neony ne orhónke-neh nene sànéne enghsákaridade nakondeghyaron; nok nene nen-yakenekerìyáke eghyen-yúdon-yòdáne ne eghniseràkonh

neó-nikonghraxhádanene neony ne wáthó-nikonryake ne jirawery ndaxhenghse.

12 Aderyéndakaryaghtsera kanonghwakdenghsera ne jikentyughkowànenh ne onkwehhòkon, ne-ne yuritstare ne ji-nìkarìstodenh ne kanyadará-keghkowah; neony ne thodiyádakondatyeghdonh ne niyádeyonghwenjàkeh, nene wahhònny ne dah-hadiyádakondatyéghde ji-nìyught ne jikaghnawahhere ne kaghnekáshatste noghnèkanoghs!

13 Ne niyádeyonghwenjàkeh eghthahhontyá-dòndy ánayàwen ji-nìyught ne kaghnekowànenh aontnekannhodònkó: uok Niyoh t'kàkonde enghshakorighwaghsten, neony enhhondekò ì-nonh ni-yòre, neony enhho-natssherháde t'kàkonde ji-nìyught ne óshewaghsery ne jiyunondowànenghse ohhèndonh ne jiyaode, neony akwah ji-nìyught ne othè-non aondayukarhade-nyané ohhèndonh ne jideyuweradasehhatyé.

14 Neony, jatkaghtoh, ne o-nenh yahhonde-righwihhewe ne yúkaraghskhah deyúnikonrhàrah; neony arekhó orhónke-neh thiyeyulheh yaghdén wahhy. Ne nekén-ikenh eghnikonh enhhonwadirakwen nene yonkhikarònnnyh, neony eghnihho-naderáshodenh nene thiyeyonkhighkhwenh.

## CHAP. XVIII.

I *Niyoh, waghshakodeweyendon neraonkweda, wahhy enghshakoghdonde ne Ethiopians-àka: 7.*

**ADERYENDAKARYAGHTSERA** karongh-yakenghsera ne jidewadonghwenjàde yuraghk-

wawerhoghstonh wadonh o-nerahhontsha, nene issy nonkadighkonh ne jikayyhonhhade-nyón ne Ethiópia :

2 Nene thonwanhaonh ne kentyughkwá ne ji-nonkà ne niyadekayanertseràkonh ne kanyadarak-dákòwah, shaden-yawen ne kakhònwakonh ne oghshonwennidákòwah ne oghnekakeh, wahhen-rón, Wàse-neh, jonhhá ne yughsnòre ne sewarí-wenhhàwíse, nene jiyakaonghwenjàde thádewat-yonhhatye nokhony yétshihhayenghsònnyh, ne onkwehhokonkeh yuneghrakwah ne jitho-nadaghsawe kenghyákarighwihhewe; ne nákaonghwen-jodén wadé-nyendaghkwenthonh nokhony deh-honwanaraghsidakenseraghkwenh, rao-nadonghwenjakeh ne kayyhonhhadenyón ne thiyehhonwadighkhwenh !

3 Sewanakeraghserakwèkonh ne jiyonghwen-jàde, neony sewanakere-nyón ne onghwenjakeh, sewatkaghtoh, ne o-nenh enhhanyádaraketskó ne yenyadarohharaghk'wá ne jiyunondowànenghse; neony ne o-nenh yenhharondade ne jothonrakwàdon, sewathòndek.

4 Ikenh ethose ne Royaner nihhakyeraseh, Yenkadorishén, neony Denkyádòreghe ne ji-non-nike-nakere ji-niyugt nokthiyádeyutdakarawenñ ne yúdarihhenh ohhondakeh ne konnihhèyonghse, neony ne ji-niyugt ne otshàda ne enkaaweyenghste ne jiyúdarihhenh ne ji-niyakennekeriyáx.

5 Nene arekhó ne ji-niyakennekeriyáx, ne o-nenh ne deyuwíronde deyúkòronh ondeweyennèndáne naah, neony ne deyughyaghyujis ne ó-nenh-hare o-nenh wahhy wadonnisaaghs ne jiyujjaghraràkonh, dejàronh enhhayáke ne yúnhaghdòndon deyuwíronde enrade nene yontsthá ne yé-nhagh-

doskarathá, neony èrenh enhhahhàwighde nokhony enhhâyáke ne yûnhaghdòndon.

6 Enskatneh enhhonwadideron ji-nonká ne jidénhokonhah ne jiyunonde-nyón, neony ne kondiryá ne jiyonghwenjàde: neony ne jidénhokonhah étho enkondikennhîyáke o-nonhhakeh, nokhony kondiryúdakwèkonh ne onghwenjakeh étho enkondoghseron ne o-nonhhakeh.

7 Ne éthone nònweh wahhy ehhenkakhé ne Royaner-neh ne kentýughkowanenhhòkon ne onkwehhòkon thiyádehhc-nadokwenh nokhony thiyehhonwadighk'wenh, ne onkwehhokonkeh dàweghde yuneghrakwah ne jitho-nadaghsawe nene shèkonh nonwa, ne nákaonghwenjoden wade-nyendaghkwenthonh nokhony dehhonwanaraghsída-kenseraaghkwenh ro-nonhhá rao-nadonghwenjakeh ne jikayyhonhhade-nyón thiyehhonwadighk'wenh, ne jikànakde ne raoghsènná ne Royaner ne kentýughkowanenhhòkon, ne jiyunònde Zion.

## CHAP. XIX.

I *Ne waoderaswaxhade ne Egypt. 11. 18. 23.*

NE ji-niyudaghkowanen nh ne Egypt. Jatkaghtoh, ne Royaner roghse'ne ne deyutshadakah, neony t'kàkonde enrawe étho Egypt; neony ne aoyádònnh ne Egypt yukondatye èrenh enskaghkwidon, neony ne awèryh ne Egypt wahhy enskawista nawenghdón étho shádewaghsènnenh.

2 Neony Iih étho yâdenkhèdenghste ne Eyp-

tians-àka nene ok ro-nonhhá enhhondadatkhònden denhhadighnyòden: neony t'kàkonde enhhonde-riyú niyádehhâdyh ok né denhhadighnyòden ne yadadékhènhah, nokhony okthentkàkwekde ne deh-honnonghsanekhahhón ne denhhadighnyòden; nene kanadowànenh ne denke-nighnyòden ne shá-dekanadowànenh, neony ne kayanertserā en-yut-kònden ne kayanertsera.

3 Neony ne aó-nikonra ne Egypt wahhy wáka-yádakenhheyé étho shádewaghsènnenh; neony Iih enkaghdonde ne kajenhhayenghtsera ne étho: neony enlhonnèsake ne kayádònnnyh, neony ne ji-nonkà ne yaweryéndiyught, neony ne ro-nonhha-keh ne ne dehho-nadaderénnyaonh ne kánikonra, neony ne ji-nonkà ne ronnhè-yonghs. (ro-natkon.)

4 Neony ne Egyptians-àka yenkheyaghtkawe ne radisnonkeh radiyaneda nene enghshakodiron-ghyàkende: neony ne dehhoghskhennyase ne ko-raghkòwah ne enghshakotsteriste, ràdon ne Royaner, ne Royaner ne kentyughkowanenhhòkon.

5 Neony ne oghnekáðkon endewasénné entka-yenghdaghkwe ne kanyadarákeghkòwah, neony ne kji-kayyehonhhadatye káyese wahhy enwàdon nokhony onghstathén.

6 Neony denkontkarhadèny ne kayyehonhhadenyón ì-nonh niyòre, neony ne yuyyehonhhenghdanyón ne ao-nheghtsera t'kàkonde wahhy aðkon enwàdon nokhony enwaghstathén: ne awenkeh wadonnyathá ony thityughsórhènhonh t'kàkonde onghstathén.

7 Ne kaghyadonghsera nawenkeh wadonnyathá ne kayyehonhhakda ne nikayyehonhhaah, ne jideyutshaghrakaráwanyón, neony ji-niyádekhonghshón kayenthonh kayyehonhhakda ne nikayyehonh-



hasá, t'kàkonde enwaghstathén, wahhy enkonwanadòry, neony ò-nenh káthonghdeh.

8 Nene radijakwaghs ony t'kàkonde enhhodini-konranén, neony radikwèkonh nene rodiristohhonn étho kayyhonhhakonh ne nikayyhonhhasa wahhy t'kàkonde enhhodínikonranén, neony ro-nonhhá nene ro-nadáarohhonn ne yondenyeghroghk'wá étho oghnekakeh t'kàkonde enhhadínikongh-kenhheye.

9 Senhhá issy nònweh ji-nihhàwenh, ro-nonhhá ne ne rodiyúde ne kaghskariyuh ne yeyenthoghthá, neony ro-nonhhá nene rodinenwenh ne jikayúdenhonn ne yonde-nyeghroghk'wá, t'kàkonde yádenwatyeghste.

10 Neony t'kàkonde denshodirise waderyéndònyh ne thoikenh, akwèkonh nene èsó tyughnekontyésé neony ne kenjonghk yunade-nhonwádayèndon.

11 Orighwiyú wahhy ne rodiyádaneghrakwaghde-nyón ne Zoan rodídeh, ne rodijenhhayén ne rodínikonghrowànenghse ne ronwajenhhayènni ne Pharaoh ánahhadiyádodénné ji-nìyught ne karyú radínikonghraxhenh: oghnahhoden ensewenron ne raonhhakeh ne Pharaoh, Iih naah rak-yenhah ne ró-nikonghrowànenh, ne ronwayenhah ne orighwakàyonh shi-koraghkowatshón?

12 Ká niyehho-nè-nonh? ká ne sonkwedá ne rodínikonghrowànenghse? kinyoh ony yesaghròryh nonwa, nokhony rodidòkenghs ji-nihhotyughkwatshanight ne Royaner waderyéndaghson ne ro-nonhhakeh ne Egypt.

13 Nene rodiyádaneghrakwaghde-nyón ne Zoan wahhy waghodídeghe, nene rodiyádaneghrakwaghde-nyón ne Noph rodirighwayádaghdonhonn

wahhy; ro-nonhha ony rodiyádondakwenh ne jĩ-yuyanere ne Egypt; sháden-yàwén ony ne ro-nonhhá nene eghradideron nene kaghwajĩra shodídàrah ne thoikenh.

14 Ne Royaner okthiyádehhowenryeh ne èrenh nihho-natyeradonh thihho-naderonhonghdonh ne kánikonra ne shádeuwaghsènnenh ne thoikenh neony ro-nonhhá wahhy raodiriwa ne Egypt nene kayúdenghserakwèkonh jiwahhadirighwayádaghdon ne thoikenh, ji-nìyught ne rònkwèh ne rononghwaraghdonhónh dehókajaghrehghseronné ne jiratstikonghs.

15 Yahhony kaneká thaonsakonwayúdenghse ne Egypt, nene o-nònjyh nedénhens odaghsá, yúnhaghdonde nedénhens thiyádaonraghdade, onghdony éthò.

16 Ne enweghniseràde sháden-yàwen ji-nonkà ne akó-nheghtyénhòkon; neony wahhy enhhaditshanike nokhony enhhodighderonné, enkarihhònny ne den-yudihhèndonwé ne rasnonkeh ne Royaner ne kentyughkowanenhhòkon, nene wáthakarenron thondahhàrhòroke.

17 Neony ne jiwadonghwenjàde ne Judah ne t'kàkonde wahhy yuneghrakwah kowànenh yutderonghk ne ji-nonkà ne Egypt: niyádeyákonh nene yen-yakowennisaghde nethoikenh t'kàkonde wahhy enhhatshanike ne raonhhátseràkonh, enkarihhònny ne raojenhhayenghtsera ne Royaner ne kentyughkowanenghtsera ne ne roderihhókdaghkwenh jiroweyennendaonh jidehhodinyode.

18 Ne enweghniseràde nene wisk nikanàdakeh ne jiwadonghwenjàde ne Egypt enhhadàdy ne owènná ne Canaan, neony yughnìrhon jirodàdy ne Royaner-neh ne kentyughkowanenhhòkon: en-

skat wahhy enkonwanadonghkwé, Ne kanàda ne waghdondonh yutkaronniónh.

19 Ne enweghniseràde wahhy en-yeyadarane jiyeyádaraghsthá ne Royaner-neh ne shádewagh-sènnenh ne jiwadonghwenjàde ne Egypt, neony ne kanawaaghda ne jiyutnyonwaràde ne Royaner-neh. étho.

20 Neony ne wahhy enwadé-nyendenghstaghkwen neony ne enkarighwaghniratste ne Royaner-neh ne kentyughkowanenbhòkon ne jiwadonghwenjàde ne Egypt: wahhy yádenhhonghshenthó ne Royaner-neh aoriwa ne jiwahhonwadighwishàde wáhonwadirihhorarake, neony endeghshakodennyeghde ne en seghshakoyadakó, nokhony rakowànenh, neony enseghshakoyadakó.

21 Neony ne Royaner wahhy enhhonwayenderháne ne Egypt, neony ne Egyptians-àka wahhy enhhonaderyendarane ne enweghniseràde, neony eghnenhhadiyere enhhenwennèyon ojistakeh enhho-nàdy enhhonwenneyon enhhonwarighwánèken, orighwiyú, enshonwarharatsten ne karighwiyughstaghk ne Royaner-neh, neony eghnenhhadiyere enhhadinaghe.

22 Neony ne Royaner t'kàkonde enhhaghdonde ne Egypt; enghshakoyenghdanyón nokhony enseghshakojènde : neony denshontkarhadèny ony Royaner-neh, neony raonhhy wahhy t'kàkonde enthónnikonghraghsaaghde enhhadirighwanèndon ne ro-nonhhà, ony enshadiyewendáné.

23 Ne enweghniseràde t'kàkonde wahhy enyuhhàdènnè ne yuhhahhakwé-niyú entyuhhahhòndáné Egypt ne ji-nonkà ne Assyria; neony ne Assyrian-àka enhhònnewe étho Egypt, nokneh Egyptian-àka étho Assyria; neony ne Egyptians-

àka ne wahhy enghshakodiyúdenghse enskatneh ne Assyrians-àka.

24 Ne enweghniseràdeke nene Israel ne nagh-senhhadónt nene Egypt neony ne Assyria, sháden-yàwen ne kayádaderightsera ne shádeuwaghshènnenh ne jiwadonghwenjàde ;

25 Raonhhá ne Royaner ne kentyughkowan-enhhòkon enghshakoyádadèrighste, wahhenron, Yakodaghskats ne Egypt nakonkweda, nokhony ne Assyria ne yuyúde ne kesnonkeh, ne Israel ne nakwadonnnharaghk wakatyè-nawaghstonh.

## CHAP. XX.

NE yughseràde nene Tartan yahhoyádòrenne ne Ashdod, (ne o-nenh ne Sargon ne koraghkòwah ne Assyria yahhodennyeghde,) neony waghyaderiyú ne wátnighnyòden ne Ashdod, ony wahhoyè-ná ;

2 Akwah kady shátkariwaghde ne Royaner wahhadàdy ne raonhhakeh ne Isaiah ne royenhah ne Amos, wahhenron, Wàs, neony serighsyh ne kanyádaràdens denghsatyákwaranhaghsy, nokhony enghsaraghdaghsy. neony étho nabhâyere, íre raohhayenghsoskón nokhony raoghskáwe.

3 Neony ràwenh ne Royaner, Shadèyught jiniyught ne rinháse ne Isaiah dehhodawenryeh raohhayenghsoskòn nokhony raoghskáwe aghsenh niyughseràkeh ne wadè-nyendenghstonh jiniyuneghrakwah ne aonhhakeh ne Egypt nokhony naonhhakeh ne Ethiopia ;

4 Ehhony nen-yàwenne ne koraghkòwah ne

Assyria`èrenh engshakoghsharìneghde ne Egyptians-akakeh eghyakodennaghskònnyh, neony ne Ethiopians-aka e-naghskwá, nityakoyenhah nokhony nakoxdènhah, akohhayenghsoskón nokhony akoghskáwe, shádèyught ony ne thihbo-natnátsh-akwathonh, nene rao-nadehhatsera ne Egypt.

5 Neony ro-nonhhá wahhy enhhodighderonne nokhony enhhondehhén ne Ethiopia ne rodirigh-warhàre, neony ne Egypt ne rao-nónwesenghtsera.

6 Neony ne ye-nakere ne kén-ìkenh kawenode wahhy enhhonniron ne enweghniseràdeke, Jatka-ghthoh, ji-nekén nìyonkwarighwarhàre, dòkà nonkenh aedewadekó ne nayonkhiyádade-nhá ayonkhiyè-nawase nene daonsayonkhiyádonkoghdaghkwe ne ji-nonkà ne koraghkòwah Assyria: neony oghnen-yàwenue nenjidewányàkénne.

## CHAP. XXI.

I *Ne wákaryhè-nénné ne jikanaḍowànenh.* 11. 13.

**NE** konwaghwishadonh ne jiyaghdeye-nakere kàyesé wàdonghs ne kanyadarákeghkòwah. Ji-nìyught ne deyuweradàseh entyèkeh nondohhetste; eghkady dàweghde ji-nonkà ne yaghdetye-nakere kàyese wàdonghs, daweghde ne ji-nonkà tyuneghrakwah jiwadonghwenjàde.

2 Onikonghraxhádané jirotkaghthonh ne naah rorihhowanaghdonh ne iih-neh; Ne ne yaghdokenghske dekenh wáthó-nikonghraseren watninòn-wayenghde jideghninonwayenghthá thiyaghshakotkowanaghden, nokhony ne shakodighk'waghs thiyaghshakodighk'wá. eghyahhaseh, O Elam:

deghtswawenhek, O Media : akwekonh ne enty-akaonriserakerén lih dekdenghstonh.

3 Ne kady wahhònny ne jikatyádanhaghsthá nenwahhy kananonh ne karonghyakenghsera ; on-kyè-ná wahhy ne nyádewakde ne karonghyakenghserá, akwah ji-nikaronghyakendaghxheroden ji-niyugt ne tyuthonwisén ne wadewédonghs : eghdakeh wátkadontshòden ne jiwákaronke ; Don-ké-nikonréne jiwákatkaghthó.

4 Wadewakeryaghsishonghkwé, kaghderongh-xhera donkwadónnekde : ne naghsondakeh ne akwadónweshenghtsera ne wáthakarhadèny ne kaghderonghxhera ne iih-neh.

5 Se-nirhàrat ne adek'waraghk, jatyeghwàdenh éthò jikanonghsode ne dehhadinengh-rayendagh-k'wá é-nekenghjy, sek, snekirah, satketskoh, jonkwédanoronshón, neony sewen-ye-narhoh ne aonatyadawy ne deyónnyadatsthá.

6 Ikenh ne Royaner éthone rakwennyh, Wàs, shéderonh ne enhhatyeghwàden, kinyoh raonhhá rarihòwanah ne ji-nahhoden rotkaghthonh.

7 Neony wahhatkaghthó ne kásereghdiyh ne nyonderiyughthá rònné degghniyaghsheh ne yakoghsadenghsneh yennitskwahherhá, ade-nàdyh kondisere, ony camels kondisere ; neony wahhadahonghsìyughste okkénthahhàyere èsó wahhy wahhatsté-nyàron.

8 Neony wáthaghshenthó, Ne kenrex : Akya-neda, ok yekàkonde Eghdewakadatdenghstonh jinnònweh nikanonghsode ne é-nekenghjy ne jironatyewade akwah eghniseriyukeh, Eghwakadadideron ji-nònweh norighwiyú wake-nonghné aghsondakwèkonh ;

9 Neony, jatkaghthoh, kéndahhodihhonwisere

ḏahhònne deghniyaghshéh ne yakoghsadenghneh yennitskwahherhá, Neony dahharighwáseràkó wahhenron, (Babylon) ne Kanadowanenh ò-nenh donsénne ontkarònny naah, donsénne ontkaronny naah, neony akwekonh ne kayádònnyh ne nao-niyoh dehhoghrighdonh raonghwenjohhetstonh.

10 O jikitskwaeghsthá, neony ne ò-nenghse ne jiwakatswénkarakwenghdarhónh: nene ji-nahhoden Riyathònde ne Royaner ne kentyughkowanenhhòkon, ne Nìyoh ne Israel, ne Wákerihhòwaghnaghe ne isekeh.

11 ¶ Ne ji-nihhodaghkondànyh ne Dumah Dahhake-nadon ji-nonne Seir daondakyàkénne, dehhonenrayén rotyewade, ji-nahhoden ne ji-nehhoden ne aghsontheneh?

12 Wahhenron ne dehhonenrayén ne rotyewade, ònwé ne orhónke-néh, nokhony ne aghsont-heneh: dòká nonkenh ensewa righwanèndon ensewarighwísake, sewarighwísak dondajaghket, kàró.

13 ¶ Ne ji-niyuxde ne Arabia, ne karhakonh-hònweh ne étho Arabia etho enjatyén, Odesewadawèny kentyughkwá ne Dedanim.

14 Ne jiye-nakeronnyón ne jiwadonghwenjàde ne Tema wahhonwaghnèkihheghse nene ro-nyadathenghse, wahhadiyúdatshé neraodinadaroghk nene ao-nadekwén.

15 Ikenh sahhadinyàkense ne ásharékdòwah, dàweghde ne ji-nonkà ne tyuyakenhónh násharékdòwah, neony dàweghde ne ji-nonkà ne daaghsatshakede daaghsadontshòden eghdakeh, neony dàweghde ne ji-nonkà ne ó-nikonghranonghwakdane ne aderiyughserá.

16 Ikenh éthone ne Royaner wahhakwenbha-

ghse ne iih-neh, Neyughseràde, ne entyuyanenh-hawe ne jiyughserade-nyón ne kanhaónh, neony ónwesenghtserakwèkonh ne Kedar t'kàkonde wakenhheye :

17 Neony ne nyádenhhodikedoghde ne ji-ni-kentyughkwá ne radinenghrehhawe ne jiwade-rìyuh, nene roditshaghnighde-nyón nene shakoy-énhokonhah ne Kedar, ne ne t'kàkonde wahhy enhhonwanaghsthoghde : ikenh ne Royaner Nìyoh ne. Israel ne thowenni rekenhonh.

## CHAP. XXII.

*I Ne ne wahhonwadinàdaranekentyughkwá ne Jews-aká wahhonwadinonghskarihàdon ne Persians: 8.*

NE ne ji-niyuxde neryendá ne oghrònwakonh ne jirodokádènyh. Oghnesayadawen nonwá nene wahhy wesewakwekhé-ne eghweseweghde ji-non-kà ne kanonghsaken-yade?

2 Ise wahhy nenekananonh ne desade-nyonh, kowànenh wathonwadínikonrhàren jikanadowànenh, ne yudonnharah kanadowànenh. ne sheyá-wenthonh onkwehhòkon yaghwahhy dehhonwanáwenthónh aonghdón ne ásharékdòwah, yaghwahhy aderiughserakeh dehho-nenhhèyonh.

3 Akwèkonh ne yesaderighwatsteristase enskatneh wahhy jiwahhondekó, radinerenh wahhy ne ji-nonkà ne shakodiyáx : akwèkonh ji-nikonh ne wáondatyádatshèny nisekeh enskatneh ye-nereh, nene ìnonh yakodékwaghdonh. •



4 Ne kady wahhònny Wákiron, Dondakwatka-ghrawenryeh nìih, Denkaghshenthó nakwah yughyúthiye, yaghdewakyúdenhonn naonkonrishèndáne netyuriwa ne jiokthiyeghshakodighk'waghs ne konwadiyénhokonhah ne akonkwedá.

5 Ikenh ne wahhy ne wegñniseràde ne deyúnikonrhàrab, neony ne dehñonwanaraghsídakénse-  
raghkwenh, neony ne wádewadekhaghsyònkó thi-  
yádewennídònny ne Royaner-neh Niyoh ne kent-  
yughkowanenhhòkon ne oghrònwakonh ne jirodo-  
kádènnh, denskaghrighdon eghdakeh ensewa-  
tyón ne jidewaghsenghdode, neony ne yádenhhon-  
ghshenthó ne jityunonde-nyón.

6 Neony Elam raohhayenghsoskón ne kasere-  
ghdiyuh ne ne ronderiyughthà ne ronnonkwehhò-  
kon nokhony ne yakoghsadenghsneh ronnitskwah-  
herhá, neony ne Kir wahharhoroxhy ne deyónnya-  
datsthá.

7 Neony t'kàkonde eghnen-yawénné, nene sa-  
rakwenh oghronwakonghshón enkànaghné ne ká-  
sereghkhòkon ne ne yonderiyughthá, (chariotskon-  
wáyats,) neony ne yakoghsadenghsneh ronnitsk-  
wahherhá ehhenhhontyén enhhadinenghrakwari-  
ghsy étho jiyudénhenghrakaronde.

8 Neony wahharhoroxhy ne jiroderhoròky ne  
Judah, neony enghsatkaghtó ne enwegñniserà-  
deke né deyónnyadatstha ne jikanonghsode ne  
karhakonhhònweh.

9 Sewatkaghtonh ony ne jidekaghrighdonh ne  
raode-nàda ne Dawed, neony wahhy ro-natkade; ne-  
ony wahhadiroroke enskatneh ne oghnekáðkon ne-  
ne eghdakeh yonghraghkwanýón wegghkwayèndon:

10 Neony sewaghratsheraghkwenthonh ne jika-  
nonghsòdon ne Jerusalem, neony ne jikanonghsò-

don desewaghrighdonh eghdakeh sewatyonh ne ne aesewaghniràdon ne jidewaghsenghdode no-nèn-yá.

11 Desewaghron-yònnnyh ony ne t'ke-nínihbòkenh ne tekenyh ne jidewaghsenghdode no-nèn-yá nene tyuriwa ne oghnekanoghs nene tyuxdènah jiweghkwáyén: nok yaghthiyesewatthagth-onh ne raonnison ne tho-íkenh, yakhony né degh-jhisewadewennodaghkonh ne raonhhakeh nene thorighwakanònnnyh ne náò-nenh.

12 Neony ne wegkniseràde kénnihhoyèrenh ne Royàner Nìyoh ne kentyughkowanenhhòkon enthonwadinadon neyádenhhonghshenthoghseron neony ne enhhodínikonranen, neony ne ji-nonkà yenhhodinonwarénne, neony ne ji-nonkà ne ro-nadérhorokdonh ne kanyádarâdens:

13 Neony, jatkaghtoh, jadonnharenh nokhony jatshennònnnyh, enkonwariyú ne deyudinakares ony enkonwaryú deyudinákarondonbah, denhhontskaón nówaronh nokhony enbhadighnekira ne wine: kinyoh dedewatskaónh nokhony dewaghnekirah, íkenh en-yurhénne wahhy endewenhheye.

14 Neony wahhy endennhodònkó ne kahhonghdakonh ne Royaner ne kentyughkowanenhhòkon, Orighwiyú ne ken-íkenh kayádaghdonghtsera yaghdeyàweght daonsesatyádohhetste ji-niyòre enghsihheye, ràdon ne Royàner Nìyoh ne kentyughkowanenhhòkon.

15 Kénnihhoyèrenh ne Royàner Nìyoh ne kentyughkowanenhhòkon, Wàs, jè-nah ji-nonkà ne raghwistanonghné ne wadeghyaronghs, sháden-yàwen ne ji-nonkà ne Shebna, nene issy nákanonghsadyh, ony enghsiron,

16 Oghnaghsatyere ne kenthoh neony yese-nik-

wèkonh ne kenthoh, nene deseghtstarathedonh dedeghtsyádinekenhonh ne jiyeyádadaryón ne kenthonh, ji-nìyught raonhhá ne ne deshoghstarathedonh ne seghtsyádakwenh ne jiyondatyádadaaghs-thá ne é-ne kenghji, neony ne ne ronwayadat ne étho ro-nakerádonh ne yádehhayadyh ne otstenghròkonh ?

17 Jatkaghthoh, ne Royaner wahhy èrenh enghyayádenhhàwighde nene thikáshatste jise-naghskwá enwàdon, wahhy orighwiyú, enghyárhòroke.

18 Raonhhá wahhy orighwiyú thentyennonghdónse densyakarhadèny neony rasnonkeh enrade issy yenghyayádòndy ji-nìyught naghthènnon ne ji-nonkà ne ye-nakeraghserowànenh : étho wahhy yenghsihheye, neony étho wahhy ne kásereghdì-yuh nene yonderiyughthá ne sònwesenghtsera ne wahhy ne adehhenghsera ne jiro-nonghsode ne sayanedá.

19 Neony Iih enkon-yábinekenwe ne jisànakde jiigh sede, neony ne ji-nisakwe-nyatsera t'kàkonde eghdakeh enhhòdy.

20 Neony étho nen-yàwen ne enweghniserà-deke, nene yenhhironghyenhhare Iih ne rinháse ne Eliakim, ne royenah ne Hilkiah :

21 Neony Iih ne enhhighseronnyáde ne aoskón ne satdakwarighsyonghtsera, neony enshíyádaghnirade enke-ne ne satyádanhá, neony Iih enhhíyadewennòdaghkwe yenskadadaghtkáwe ne eghtskowànenh raonhhá rasnonghsakonh ; neony raonhhá wahhy ronwánihhal enkenhháke ne jiye-nakere-nyón ne Jerusalem, neony ne jiro-nonghsode ne Judah.

22 Neony ne ye-nhodonkwaghthá ne jiro-nonghsode ne Dawed Iih wahhy enhhiyenghnenghsa-

rên: ne kady wahhônny enhhanhòdònkó, yahhony onghká thaonsaye-nhòdon; nok raonhhá enhhanhòdon, neony yahhonghká thaye-nhòdònkó.

23 Neony Iih enknirade ji-niyught jionhhiironwaroden ne jikànakde ne orighwiyú; neony raonhhá wahhy ne raónwesenghtsera enwàdon ne ennitskwaghraghxheradokenghdy ne ró-nighneh-hah rao-nonghsakonh.

24 Neony akwèkonh raonhhakeh enhhontyádayònden raónwesenghtserakwèkonh ne ró-nihhah jiro-nonghsode, neony ne dakaghwajiradatyé neony ne dayakoyakénhonhhatyé, akwèkonh nyeghnekaraghk'wá ne niyurighwaah, nene ehhentkayenghdaghkwé ne yeghnekaraghk'wá ne cup-okonhah, sháden-yàwen ne akwèkonh neyegh nekaraghk'wáokonhah nene nikagsakaghronhah nyeghnekaraghk'wá.

25 Ne enweghniseràdeke, ràdon ne Royaner ne kentyughkowanenhhòkon, nene jikaronwarode naah ne ne jikaghniràdonh ne jikanakde ne orighwiyú èrenh enskakhawighdón, neony enskayakón, neony dendewásenghdón; neony ne yuxde ne t'kahhere t'kàkonde wahhy denkayakón: ikenh ne Royaner wahhy thowenninekenhonh.

## CHAP. XXIII.

*I Ne ne kanoronghjiòngh eghdakeh watyonh ne Tyre: 17.*

**T**HE ji-niyughwishenghne ne Tyre. Sadewennòdenh ányoh erhar, sewahhonweyákowatshón ne

Tarshish; ikenh ne wahhy nenkâyese yudonhonh, nenwahhy yaghkanekâ deskanonghsode, yaghdeyâweght aonsayondaweyâde: ne jiwadonghwenjâde ne Chittim nenwahhy thihho-natkwathowyh ne ro-nonhhakeh.

2 Dâjadòdek, ne kaweghnoghkwaikonh sewanakeratyé, ise ne desewanonwayenghthiá ne Zion, ne ne desewanyadariyakonh kanyadarákeghkòwah, nenro-natyé-nighdonh.

3 Neony ne jikaghnekowànenh ne rad-nen ne Sihor, ne ji-niyakennekeriyáx ne jikayyhonhhadatyé, nená nenwadonghradaghkwe; neony naah watkeron naonhhá ne niyádeyonghwenjâkeh.

4 Sadehhenghsek, O Zidon; ikenh ne kanyadarákeghkowah ne tyudàdyh, shádeyught ony ne aóshatstenghsera ne kanyadarákeghkòwah, wákenror Yadewakeronghyakenh ne karonghyakenghsera, yakhony dekheyadewedonghs ne exhaah, yakhony Eghdewakyèrenh naakhe-nònden daakheghsnyeonh ne radinekenghderontshonhah, yakhony dekheyeghyaron nyaghdekondinaghkwayendèryh.

5 Ji-niyught ne jikarighwanakere ne ji-nityutyèrenh ne Egypt, eghkady ony ne ro-nonhhá kowànenh yúnikonghraxhát kanonghwakdenghsera ne ji-nitkarighwanakere ne Tyre.

6 Enjadohhetste ne Tarshish; dese-nihhènreght ányoh erhar ne ne sewanakeronnyón ne jika-we-node.

7 Ne kennekén ne kén-ïkenh ne sadonnharah ne jikanadowànenh, ro-nonhhá nene thodixdènhah ne áò-nenh deweghniserade-nyonghkwe? akwah aonhhá waghstikeh ì-nonh niyòre niyen-yuyádenhhawe nene yen-yughwaeghste.

8 Onghká dekonwayádoreghthá ne Tyre, ne sa-

konwaghseronnyade ne dekarenghsaron ne jikanadowànenh, ro-nonhhá ne rondenghninonghs ne wahhy ne rodiyádaneghrakwaghde-nyón, ro-nonhhá wahhy ro-natkonnyenghst ne dehhadinonwawenghthá ne jiyonghwenjàde ?

9 Ne Royaner ne kentyughkowanenhhokon waderyéndonnyh, nene eukahhonjighstonh ne kanayeghsera akwèkonh ne ónwesenghtsera, neony nene yenhonwadiyathewe ji-nònweh niyudehhát akwekonh ne ro-natkonnyenghst ne jiyonghwenjàde.

10 Yádenhhondohhetste ne sadonghwenjakeh ji-niyught ne kayyhonhhadatye, O konwadiyèhokonhah ne Tarshish : yabhothè-non ònenh deskáshatste.

11 Yáthaghjádade èrenh nakanyadaradighkòwah ; waghrròndawéde ne kayanertseraòkon : ne Royaner wahhy shakoghtyawenratsheràwyh ro-nonhhakeh ne rondenghninonghs ne jikanadowànenh, nene aaghdonde ne yughnìronh ro-natye-nawaghstonh ne éthoh.

12 Neony wahrenron, Yaghshèkonh thaonsaghsadonnharén, O ise ne sewaghwishenghné ne yaghdesewanaghkwayendèryh, konwadiyèhokonhah ne Zion ; satketskoh, yásadohhets ne Chittim, etho ony ne nyaghthaesonrishèndáné.

13 Jatkaghthoh, ne jiwadonghwenjàde ne Chal-deans : kén-ikenh ronnònkweh yaghné dehhodihheghdaghserònnnyh ne Assyrian aaghshakodikwadakwènnny nene karhàkonh ye-nakere : rodinonghsaketskwenh ne é-nekenghjy ne étho, rodinonghsaketskwenh nyude-nonghsatkonnyenghste-nyón ne étho ; nok shódaxhadonh wahhy.

14 Jadewennòdenh anyoh erhar, ise ne sewab-

honweyákowatshón ne Tarshish: nenwahhy ne sáshatstenghsera kàyesè òndon.

15 Neony t'kàkonde eghuen-yàwénne neneh ne enweghniseràdeke, nene Tyre t'kàkonde enkonwá-nikonrhén jàdaghk niyughseraghshenh, ne entyuyanenhhawe ne jìrodeghniserade-nyonghkwe ne enskat ne koraghkòwah: oghnákenkeh nenshondòkden ne jàdaghk niyughseraghshenh wahhy ne Tyre enwaderennòden ji-niyught ne yònkweh nok-thiyúdeh yurighwayádaghdonhoh.

16 Desé-nòwaghk ne karenghsodarikhón, saghdentyonkoh ne jikanadowànenh, ìse sathonwisen ne sarighwayádaghdonhoh nene yesánikonrhenhoh: serennakonhonse, èsó karènnakeh saderennohá, nene aontyèsén aonsayeseghyarane.

17 Neony étho nen-yàwénne, nene oghnákenkeh nenshondokden ne jàdaghk niyughseraghshenh, nene Royaner enshanadaghrè-naghse ne Tyre, neony t'kàkonde densewatkarhadèny naonhhá ne jìkonwanhaonh, neony wahhy enkarighwanerake ne kanaghkwá yenke-neghde ne kayanertserakwèkonh ne jiyonghwenjàde ne aohhèndonh ne onghwenja.

18 Neony ne konwadenghninonse neony yuden-nhaonh wahhy kánikonghradokenghdy enkenhake ne Royaner-neh: yah-wahhy thaontyé-nighdon ne atshennonnyaghtsera yakhony issy thiayèyén yayondeweyendon; ikenh naodenghninonghsera ro-nonhhá rao-nàwenghk enwàdon nene Royaner raohhèndonh ye-nakere, ne ne yenkayèrike jiden-yontskaón, nokhony nene kanenakatste yakotsheronnyadonh.

## CHAP. XXIV.

I *Ne raojenhhayenghtsera ne Niyoh ne jiwa-donghwenjàde.* 13.

**JATKAGHTHOH**, ne Royaner raonnison ne onghwenja aòkòn ; kàyese jiraonnison, neony donsahakarhadèny donsahhánongh wetshaweron, neony thathotyeghdanyón ne jiye-nakere-nyón ne étho.

2 Neony t'kàkonde eghnen-yughdon, ji-niyught ne onkwehhòkon, shádèyught ne rajihbenghstajyh ; ji-niyught i-né ne ro-nháse, shádèyught i-né ne rowenniyú ; i-né ne konwanháse, ike-né kady ne yuwenniyú ; i-né ne raghnìnonghs, i-né ony ne radenghnìnonghs ; i-né ne shako-nihhaghs, i-né ony ne rennihhaghs ; i-né ne rayè-naghs ne wadeghyaronghs noghwista, i-né ony ne degshakòwighs ne wadeghyaronghs noghwista enthàón.

3 Nene jiwadonghwenjàde wahhy enkànaghné akwèkonh enwatkarhadèny aòkon, nokhony enkànaghné akwèkonh yuhhetkenhonh yutkenhonh : ásékenh wahhy Royaner thowenninekenhonh kén-ikenh owènná.

4 Ne onghwenja yúnikonranenghs, ony wákayádakenhheye ; ne jiyonghwenjàde waoyadaryú wáóshatstenghseròndy, ony wákayádakenhheye ; ne ne radinàyese yaghdeyako-nidènròn ne onkwehhòkon ne onghwenjakeh waghodiyádaryú waghodíshatstenghseròndy.

5 Neony ne jiyonghwenjàde ony wahhy yúdaxhenhonh yuhhetkenhonh eghdakeh yudonhónh ne



jiye-nakere-nyón ne étho, ne tyuriwa ne jio-nenh radirighwaneraakdènnh ne orighwakeh, dehhonatkarihade-nyonh ne ji-nikarihodenh dehhodiya-konh ne ji-niyenhhènwe daoderihhòndáke.

6 Ne kady wahhònny nene jienkonwatewèndeghde enwatshaaghdon enwaghdondón ne jiyonghwenjàde, neony ro-nonhhá nene eghradinakere kàyese wahhy enhhòndon : ne kady wahhònny ne jiye-nakeronnyón ne jiyonghwenjàde wahhy enwatshaaghdon, nok niyonkwédakeah nen-yakodàdenre.

7 Ne nàse wine en-yúnikonranen, neony ne ó-nenhhare entkaghsòrhenne, akwèkonh ne kánikonghráòkon nene yunadónweshén yudiyeshonnyon ne denkonghshenthó.

8 Nene yontshoreghthá thiyeyakorighwaraónh thiyeghsahherá ne yako-nájayén kanájòrenh wadokdané wahhy, nene ro-naderítstare nene ro-nadonnahhere wadonghwenjókdane wahhy, ne adonnnharaghk ne ó-nòwa nene karenghsodarikhón wadókdane wahhy.

9 Yaghwahhy thaadighnekira ne wine ne karènná; ne kaghnekáshatste wahhy enhho-natskaraden nene ne rodighnekighradonh,

10 Nene jikanadowànenh ne wádewadekhaghsyònkó wátkarine naah eghdakeh òndon; jiniyádekanonghsakeh yudennhòdon naah ne ne yahhonghka nònkweh thiyayondaweyáde.

11 Wahhy éthò yewennodatyése ne tyuriwá ne wine étho jidekanadokenghseron; akwèkonh nadonnnharah tyúkaraonh naah, nene atshoreghdon thiyeyakorighwaraónh thiyeghsahherá ne jiwadonghwenjàde ò-nenh káthonghdeh.

12 Nene kanadakonh kàyese naah òndon, neony

ne naah ne jiyüdenhenghrakaronde waghdondoh konwaghrewaghdoh ji-niyenhhênwe kenhhên.

13 Ne o-nenh étho nen-yâwen t'kâkonde shâde-waghsênneh ne jiwadonghwenjâde kentyughkwakonh ne onkwehhônkon, akwah ânen-yâwên jiniyught ne jidewaderenhhakarenrôn ne olive karônda, neony ne shadinonghkwats ne ô-nenhhare kahhighk ne o-nenh jirodiyenthokwenh.

14 Wahhy enhhondewennaketskô, denghshakodirighwaghkwên ne radikowânenghse ne Royaner-nenh, rodiwêndeh denhhonghshenthô kanyadarâkeghkôwah entkayenghdaghkwé.

15 Ne kady wahhônny eghjhijônwêsaght ne Royaner étho ojirakonh, shâdêyught ony ne raoghsênâ ne Royaner ne Niyoh ne Israel ne kaweghnoghkwakonh ne kanyadarâkeghkôwah.

16 Ne nakwah eghdakayenghdaghkwe jinnâdeyudonghwenjôkdanihhôn yonkwathônde karennâônkon, shâdêyught ony ne ônwesenghtsera ne jinnonkâ ne atdakwakwarighsyonghtsera. Nok Wâkiron, Akêwaghroskôn, akêwaghroskon, kanonghwakdenghsera karonghyakenghsera ne iih-nenh ne deyonké-nikonghrasere ne deyonke-nirihhonde ne jishâonke-niyudenghserat wâthaké-nikonghraseren; orighwiwûdnweh, ne dehhaké-nikonghrasere shâonke-niyudenghserat deyonke-nirihhonde akwah dehhakénikonghrâserhá.

\* 17 Kaghderonghxhera, neony ne o-neghsbonh, neony ne dewaghskode, wahhy sewatrânyh ise, O sewanakere ne onghwenjakeh.

18 Neony t'kâkonde eghnen-yâwenne, nene raonhhâ onghka ennhadekwaghse ne jityuritstare ne kaghderonghxhera t'kâkonde yenhhayadenne o-neghshonh; neony raonhhâ nene dentharathên

denthayàkénne ne shádewaghsènnenh ne o-neghshonh wahhy dehhoghskenh : ikenh ne jiyughsenghdakaghròndon ne e-nekenghji tyuyenghdaghkonh kanhodonkwenh wahhy, neony ne shondondonghwenjadaghsawénshiyaondawedonh.

19 Ne jiyonghwenjàde yurighwendaonh naah deyughrionh eghdakeh yuyendaónh, ne onghwenja yahhothè-non deyure naah èrenh yawe-nonghdènyh, ne onghwenja yuneghrakwah èrenh yutkwidonh.

20 Ne onghwenja wahhy enwatsji-nonghwade-nyáde ony dentyughswade-nyáde ji-nìyught ne raghnekakasthá, neony wahhy èrenh enkaghkwidón ji-nìyught ne nikanonghsaah; neony ne aderighwadewaghdonghsera ne éthoh ne en-yughwisháde; neony endewasénne wahhy, nokhony yaghshèkonh thádaondontketskó.

21 Neony t'kàkonde eghnen-yàwen neneh ne enweghniserádeke, nene Royaner wahhy enghshakoghrèwaghde e-nekenh ne ne e-nekenh yakodadònyh, neony ne koraghkowatshón ne jiyonghwenjàde nene onghwenjakeh.

22 Neony enskatneh enhhonderoroke ji-nìyught nenaghskwá eghyeyakotkennison étho o-neghshonh, neony étho yenhonwadinhòdón jiyondadenhodonghk'wá, nok oghnákénkeh yudeghnisera-kade enshonwadidenre.

23 Ethope ne eghnida thiyadenwatyeghste, neony ne karaghkwá en-yudehhaáne, ne o-nenh ne Royaner ne kentyughkowanenhhòkon ne enhhontyádkwé-nìyughste ne jiyundònde ne Zion, neony ne Jerusalem-tseràkonh, neony arekhó ne raorighwaxdènháh, ónwesenghtsera (kaghswatheghtserowànenh.)

## CHAP. XXV.

I *Nene yehhariwakenghs ro-nèndonghs ne Niyoh aoriwa ne raojenhhayenghtsera nadewendeghtsera. 6. 9.*

O SAYANER, ise wahhy ake-Niyoh; Enkonkòwanaghde e-nekenghjy nise, Enkonnnèndon ne saghsènna: ikenh yurighwaneghrakwaghde-nyón ji-nisatyèrenh: ne sajenhhayenghtsera ne tyuxdènhah ne wahhy ne teweghdaghkonghtsera nokhony nene tokenghskéònweh.

2 Ikenh saghsòn ne kanadowànenh yúdòn-yude; ne onkwanheghtsera de jikanadowànenh ne atkaronnyát: ne raodinonghsanoronghtsera ne thihhadideshon nene yaghtthenkanadayèndáke; yahhony nonwèndonh thiyakanadonnihháke.

3 Ne kady wahhònny t'kàkonde nene yakóshats-tenghseràyén ne onkwehhòkon ne en-yesónwèsaghde nise, nene jiyunadaneghrakwaghde-nyón ne ji-niyádeyonghwenjàkeh t'kàkonde yesatshagh-nighsere.

4 Ikenh sáshastenghseràyen ne ji-nonkà nyakòdenh, ne káshatstenghsera ne ji-nonkà detyudonghwenjohhonn detyakodonghwenjònnyh ne raoronghyakenghseràkonh, ne ayondaghseghdaghkwe ne jidentyuweradasehhatyé, ne akaragbkwawerhoghste ne jiyúdarihhennh, ne o-nennh thenwatyákjy enkaneghrakwaghdeenwadewerenkó enwatsjídòkó ne jidenkaweradase den-yuyáke ne jidewaghseghdode dekanen-yáseronnyón.

5 T'kàkonde engshewé eghdakeh ne orongh-

kwentsta ne thiyakaonghwenjadeshon ne jiyúda rihhenh ne aonghwenjathenkeh; sháden-yàwén ony ne jiyúnhaghdòndón ne jiyuneghrakwaghde nyón t'kàkonde eghdakeh entkadàdón.

6 Neony ne kén-ikenh yunònde t'kàkonde ne Royaner ne kentyughkowanenhhòkon onkwédakwèkonh ne enghshakawénnyòden ne ji-nahhóden shón ne yunarésénsé; (atshokowaghsera,) ne wadennyode ne wine o-nonwakeh; ne ji-nahhóden-shón ne yunarésénse kananonh ne oghstaghrònwa, ne wine ne o-nonwakeh kaghnekiyughkwenthonh. (aaskón.)

7 Neony Enhhaghdonde ne kén-ikenh o-nòndakonh ne yakotkonghsòronh issy yensewatyón onkwédakwèkonh, neony ne wagsiranòron ne waghseghdaghkonn nene jidewadokwaghdonh ne akaonghwenjakwèkonh.

8 Enhhenghneghkwane ne kenhhèyon raóshen-nyeghtseràkonh; neony ne Royaner Niyoh enghshakokaghserekewanyón enghshakokonghsokewanyón; neony ne enghshakoriste ne raonkwedá t'kàkonde èrenh enshahhàwighde ne onghwenjakeh: ikenh ne Royaner ne roúatyadonh.

9 Neony endewenron t'kàkonde neneh ne enweghniseràdeke, Jatkaghtoh, neneh kén-ikenh ne onkwa-Niyoh; shakwànonghne shakwaghronghwaseh, neony raonhhá enseghshonkwayadakó: neneh kén-ikenh nená ne Royaner; shakwànonghne shakwaghronghwaseh, en-yakwatshennòny en-yakwadonnharen ne raodaghskatsheràkonh.

10 Ikenh ne kén-ikenh o-nòndakonh ne rasnonkeh ne Royaner enhhadorishén, neony ne Moab t'kàkonde denhhonwaraghsídakensseraghkwé, sháden-yàwen ji-niyught ne ennekery deyawenneke-

raghrionh kentskwaeh yewatyonh jiyakódonty-eghthá.

11 Neony raonhhá t'kàkonde yádenhhaghjá-dade ne raodinenhherhenh, raonhhà nene raghnyásodatyése yádehhoghjadatyése dehhodeweyadatyése né naaghnyásodatyeseke; neony raonhhá eghdakeh enhhahhàwighde ne raodinayeghsera enskatneh ne jienhhonwadighk'wanyón ne radisnonkeh.

12 Neony ne jiwadénhenrode ne e-nekenh niwadénhenrode ne desade-nèn-yadon t'kàkonde eghdakeh enshahhàwighde, eghdakeh enshàyen, akwah onghwenjakeh, shádenjâwén nókenrá.

## CHAP. XXVI.

I *Ne dehhodirighwaghkwénh yehho-nonryaneron nene orighwiyú jiaonwadewennodaghkon ne Niyoh-tseràkonh. 20.*

NE eghniseràkonh t'kàkonde ne kén-ikenh deyrighwaghkwathá ne den-yakorighwaghkwénh ne jiwadoughwenjâde ne Judah; Yonkwanadaghñironh: adaghskatsheira Niyoh enshaweyennèndane ne jidewaghsenghdode dekanen-yáseronnyón neony ne jiyudénhenghraghñiron.

2 Sewanhodònkoh ne jiyudénhenghrakaghròndon, ne neh atdakwarighsyonghtsera ne jakaonghwenjat ne yerighwenhhawe ne tokenghskeònwhe aontyèsen aondon aondaweyáde.

3 Eghtshatyè-nawaghst ne raonhhá ne jirowe-

yennendaónh ne kayanerenh, onghká en-ye-non-ghweseke naah navesatyènhaghse: akarihhònnuy jiyadewennodaghkonh nisetseràkonh.

4 Egbjhijadewennòdaghk ne Royaner-tseràkonh ne jiniyenhhenwe: ikenh ne Royaner-tseràkonh ne JEHOVAH nená nyaghthiyeyòdókde ne ji-niyenhhenwe ne raóshatstenghsera.

5 Ikenh raonhhá eghdakeh endeghshakohhàwi-ghde ne é-nekenghjy ye-nakere: ne nyude-nadakaradàkonh raonhhá eghdakeh enshòdy: eghdakeh enshòdy, shádenskadènné ne onghwenjakeh; akwah shádenjàwénné ne ókenrá.

6 Ne ne oghsida t'kàkonde den-yakoraghsída-kenseraaghkwe, sháden-yàwen ne onghsikeh ne yakòdenght neony ne dayondékhahhaghkwe ne yakodenghdaónh.

7 Ne ji-niyuhhahbodenh ne t'karighwayèry nená kananonh ne t'karighwayèry: ìse, yeyudohhets-tonh disarighwayery, sakóntserihhare sadé-nyèndenh ne jiyuhhàde ne t'karighwayèry,

8 Orighwiyú, ne ji-niyeyuderighwinonh ne sa-jenhhayenghtsera, O Sayaner, kwànonghné kwaghronghwaseh nisé; ne deyudonghwenjònyh nonkwadonnhets ne ne ìsé saghsènná, neony akweghyarake ne ìse.

9 Akweryaneh jidekon-yadonghwenjònyh ne aghsòndakonh; orighwiyú, ne naké-nikonra ne wakatyènniyh tháo-nenneh Enkon-yádísake: ikenh ne ò-nenh ne sajenhhayenghtsera ènwawe ne jiyonghwenjàde, ne nye-nakeronnyon ne jiyonghwenjàde ne en-yeweyendeghdáne natdakwarighsyonghtsera.

10 Kinyoh ne ok ne yaweryéndiyught dehho-narhodonh né rodinadònghags ne rodirighwane-

raaxkonh, nok shèkonh yaghthaó-nikonghrayèndáne natdakwarighsyonghtsera: ne jiwadonghwenjàde ne t'karighwayèry nekenh enhhaderighwagh-dentyáde ne yaghdetkarighwayèry, neony yaghkenh thaatkaghthó ne ji-nihhoyádaneghrakwah ne Royaner.

11 Sayaner, ne o-nenh enghsennisnonghsaketskó, yaghthaontkaghthó: nok t'kàkonde enhhontkaghthó, neony enghshakodehháde ne nyaghthao-neryéndiyú ne onkwehhokonkeñ; orighwiyú, ne jiyudekhá ne yesaghswenghse t'kàkonde né enhho-nadek'wisa enhho-naghdónde.

12 Sayaner, dondakwaweyennéndás ne kayanerenh: ikenh isé ony sayúdenhónh onkwayúdenghserakwèkonh nonkyonhhátseràkonh.

13 O Sayaner onkwa-Niyoh, thikayanertseràde thikàde ne isé ne shonkwatyádakwé-niyughstènyh; nok neok ne isé yenkwanádonhheke ne saghsèna.

14 Ro-náwendaonh wahhy, yaghwahhy thaonnonhheke, wahhy dejodekhaghsyonh ne jironnonnheghkwe, yaghthaonsahhontketskó: ne kady wahhònny ne jienghsheyádòrenne enghsheronghyákende nokhony enghshakoghdonde, neony kaghson akwèkonh ne rao-neghyaghraghtsera ne enkenhheyèdnweh enwaghdónhònweh.

15 Isé seghyaghrontyé yudeghyaghrontyé ne jinákaonghwenjoden; O Sayaner, isé seghyaghyaghrontyé yudeghyaghrontyé ne jinákaonghwenjoden: isé wahhy sônwèsenh; èrenh jisahhawighdonh ìnonh ne ji-nonkà akwèkonh ne jiyudonghwenjókdanihhón.

16 Sayaner, aderyéndakaryaghtseràkonh yesayádoreshónh; ne radiyàkenghs ne aderènnayenght



ne o-nenh ne saronghyakenghsera ne ro-natrànyh.

17 Aniyugt ji-niyugt ne tyuthonwisen ne kanèronh, nene dayudirondatyè thoah dayuhhawighdonhhatye jiyen-yuderighwihheghse jienwadewédon eghdenwadohhetste, karonghyakenghseràkonh naah, neony denwaghshenthó ji-niyuneghrakwah karonghyakenghtserowànenh jienkaronghyàken; eghkady niyakwayádodenh ne jideghskwakanere, O Sayaner.

18 Eghniyakwayádodenh yakwanèronh, eghniyakwayádodenh karonghyakenghtseràkonh, yonkwayendaónh akwah ji-niyugt nayakwawerihhewe; yaghwahhy deyonkwayúdenhónh othe-non naon-sayonkwaghnerenghsyáde jidewanaghskwa ne jiyonghwenjàde, yahlhony deyonkwanakdayendaónh ne jiaedewanakereke ne jiyonghwenjàde yonkwatkaronniónh.

19 Ne nyesenhheyaseli ne onkwehhòkon ne enyakonnheke, enskatneh nakyerondá ne jiyawenh-hèyonh t'kàkonde ne enshontketskaghde. Seniyeh nok dese-niriwaghk, jonhhá ne ókenghrahkeh sewànakde: ikenh ne sáaweyaghtsera akwah ji-niyugt ne jiyuaweyaghsthá ne ohhondéshonhah ne konnihhèyonghse, neony ne onghwenja t'kàkonde enjakoyádinekenwe ne nyakówendaónh.

20 Kase-neh, n akonkwedá, aejadaweyade jinnonweh niwake-nakde ne e-nekenh, nokhony sase-nhòdonh ne jikanhokaronde: sadaghseght kénnikarighweshah, ji-niyòre (ne Niyoh) rao-nak'wenghsera enwaderihhoghetste.

21 Ikenh, jatkaghthoh, ne Royaner dahbayàkenne ne jithò-nakde nene enghshakoronghyàkende ne ye-nakeronnyón ne jiyonghwenjàde enkarihònny ne jirodirighwayádaghdonhoh: ony ne

onghwenja yaghthaonsakanhodòko ne ao-nekwen-ghsa, nokhony yaghshèkon thaonsayakórhòroke ne jien-yakoryú.

## CHAP. XXVII.

I *Nerodénnikonrare ne Niyoh ne raó-nenh-hare : 7. 12.*

NE eghniseràkonh ne Royaner, ne raoronghya-kenghsera, neony yuneghrakwah-kòwah kowànenh, neony yughnìronh násharekòwah, wahhy enhhagh-rèwaghde ne ányoh ogshwakaronh ne nyughnya-róthiye, shàden-yáwen neányoh ogshwakaronh nene deyutnyaràkdonh ; neony enhharyú ne o-nyare ne ne kanyadaràkonhkenderon.

2 Ne enweghniseràdeke denghserighwaghkwáse, Ne jikayenthonh kahheghdayén neo-nekwenghdara ne wine.

3 Iih ne Akyaner enkatyè-nawaghste ; Iih enkanondenghseke kén-ok-hens-nensewé ; onwáhens en-yukarèwaghde, Iih wahhy enwakatye-nawaghston jiwaghsondade-nyón jiony weghnise-rade-nyón.

4 Yaghtháde waxkhennyasé ne aonkwadedaaany : onghká ayontnyonwarayenthó ony ayonkwathíkdayerenthóse ne jienkaderiyú ? Thádenke-nenghrotkáwe, enskatneh enkheyádòden.

5 Kinyoh ne denhens yaayè-ná nakéshatstenghsera, nene aòndon daonsayake-nirihhònden ne kanyanerenh aonsahhayanerenghserisa ; nokhony t'ká-konde enshayanerenghserisá denjake-nirihhònden.

6 Raonhhá wahhy enhharihhônny nene ro-nonhhá nondahhônneghde ne Yakwek-neh ne naadiyè-na noghderá : ne enkajijònden ne Israel nokhony yunhaghdonde, neony enkanaghne ne jiyonghwen-jàde enkanenhhònden.

7 Raonhhá wahhy roryuh, jishakoryuh thoikenh ne ne ronwaryuh ? áden raonhhá shakoryuh ne entyuanenhhawe nene ronwanáwenthonh nene wahhy shakoryuh.

8 Adé-nyendenghtseràkonh, ne o-nenh jiwáot-rehhatye waoghdentyonhhatye, wahhy enke-né ne denghserighwadiròndén : kénthahhàyere kawerax-henh wáthoweraghkwé ne eghniseràkonh ne jitkaraghkwinekénse nenkawerenhhawé.

9 Nene kén-ikenh, nekady wahhônny, nene raoyádaghdonghtsera ne Yàkwek denshotyádohhetste; neony nenekén-ikenh akwekonh ne ji-niyudonnionh né èrenh enskakhàwighde ne raorighwaneraaxhera; ne o-nenh enghrònnny akwèkonh ne o-nen-yáðkon nene jiyeyádaraghsthá ánen-yàwen ji-niyught ne oghsawedá o-nen-yáðkon nene kanékonghrehkhón ne jidekakhaghsyonkwenh, ne jiyuderondakade neony kayádonnihhòkonh yaghthakondidáké.

10 Shekonh ne aoyadake-nhaghsera jikanadowànenh wahhy kàyesé enwàdón, neony ne jiye-nakere wadewendeghdonh, neony neok yonsayudàdenre ji-niyught ne karhàkonh : étho wahhy ne niyakaah deyunhonskwaronde dewatskaón, neony étho eghdakeh enwatyén, neony ne enwatsháaghdón ne yunhaghdòndon ne éthoh.

11 Neony ne karondakeh yunhaghdòndon ne éthoh wahhy onghstathén, ro-nonhhá wahhy denskaghrighdón : ne tyunathonwisén entkònné ne enkondékáde; ikenh ne wahhy ne onkwehhòkon ne

nyaghdeyakó-nikonghrayendaónh : ne kady wah-  
hònny raonhhá nene roghsón yaghthaoyèndáné ne  
ennidenreghtsera nerononhlakeh, neony raonhhá  
ne neh né enhoweyennendaónh nekenhenh  
yaghthaonwadinádònhaghse ne naonwanadewedón.

12 Neony t'kàkonde eghnen-yàwenne naah ne  
neh né enweghniseràdeke, néneh ne Royaner wah-  
hy enhhanékonreke yádenhharihhoghsera ne ji-  
nonkà ne deyughronwadyé ne jikayyhadatyé ne  
ji-nonkà tyughnàwadeh ne Egypt, nokhony t'kà-  
konde enjisewaderoroke enskatshón akwah ok en-  
skatshón, O ise ne eghjhisewayénhokonhah ne  
Israel.

13 Neony t'kàkonde eghnen-yàwenne naah né-  
neh né enweghniseràdeke, nene kahhonrawatskò-  
wah ne o-nenh en-yuhhonrawatsheràkareghre, ne-  
ony wahhy t'kàkonde enthònné nene ro-nadadewey-  
ennendaónh ne naonnihheye ne jiwadonghwen-  
jàde ne Assyria, neony ne ne ronwadiyádinekenh-  
honh ne jiwadonghwenjàde ne Egypt, neony ne t'kà-  
konde ne enhhonwarighwánèkén ne Royaner ne  
o-nondadokenghdy jiyunònde ne éthoh Jerusalem.

## CHAP. XXVIII.

I *Ephraim wákonwaronghyàkende.* 16. 18.

**KARONGHYAKENGHSERA** kanonghwak-  
denghsera néneh né yako-nonghwaròronh ne ka-  
nayedá, néneh ony nyeghnekakasthá ne étho Eph-  
raim, ne aónwesenghtsera ne adonnharah wahhy  
nen-yodaghsokwenh ne jiyujijonde, nene wahhy  
nə j i-nàhhoden ne ao-nonji-neh nene yeyutyèry

ne ówaghronneh ne jiyonghraghkwanyón ne ro-nonhhakeh nene rodishennyónh ne wine !

2 Jatkaghtoh, ne Royaner ne ji-niyuneghrakwah ráshatste, neneh, ji-niyugt ne jidenkawera-dàsé ne oghshekwaghdará, neony ne enwaghdónde ne denkawerasé, ji-niyugt nentyughnodontyé enwatnekawenrade, wahhy eghdakeh enwatyón ne jiyonghwenjàde osnonghsa enwadon.

3 Nene ennouwarore ne kanayeghsera, nene radighnekakasthá ne Ephraim, t'kàkonde wahhy denhhonwa naraghsidakensseraghkwe.

4 Neony ne ónwesenghdaghk adonnnharaghk nene ao-nonji-neh ne ne yeyutyéry ne ówaghronneh ne jiyonghraghkwanyón nená yodaghsokwenh ne jiyujijonde, neony ji-niyugt ne kayádaghs-nòre akanenhhònden arekhó thiyeyuhheh akennhakeh; Neneh, ne o-nenh raonhhá nene ennhatkaghtó yádenhhakaghrayèndáné, nene jishèkonh raonhhá rasnonghsakonh wahhadek'wise.

5 Ne eghniseràkonh wahhy ne Royaner ne kentyughkowanenhhòkon ne sennonghwardrok ne ónwesenghtsera, neony ne ensatston ne enwadé-nyendenghton densade-najanhén ne adonnnharah, ji-nonkà ne yudadenraónh ne raonkwedá ;

6 Neony ne kánikonrá ne jidenwatyadòreghe nadewendeghtsera ne raonhhakeh nene renderon ne kajenhhayenghtseràkonh, neony ne káshatstenghsera ne ro-nonhhakeh nene desho-natkarhadeuyónh ne jiwaderiyuh ne jiyudénhenghrakaronde.

7 Nok ro-nonhhá wahhy ony sho-nadewaghdonh yádeyaohhetstonh ne wine, nokhony ne kaghnekáshatste yeghnekighrathá yádeyaohhetstonh né ro-nathaliharakwaghdonh : ne radijihhengstajyn neony nene yelhariwakenghs ne sho-

nadewaghdonh yádeyaohhetstonh ne kaghnekáshatste yeghnekighrathá, ne wahhy yehho-nen-ghneghkwànonh ne wine, ne wahhy ro-nathabharakwaghdonh yádeyaohhetstonh ne kaghnekáshatste ne rodighnekighradonh, sho-nadewaghdonh jirodidokádènnh jiro-natkaghthonh, tho-nagh-deekón nekajenhhayengtseràkonh nadewendeghtsera.

8 Wahhy adek'waghraghxherakwèkonh kanaanoh ne yontstikathá neony deyunon-yanight yuh-hetkenhonh ne jiyuderighwanerén, eghkady ní-yught yaghkaneká dekànakde nakanohhareghkwenthón.

9 Raonhhá wahhy t'kàkonde enghjhisewarih-honnyén nensewánikonghrayèndáne? neony raonhhá t'kàkonde wahhy enghjhisewánikonghrayendaghden ne ji-nikarihodenh norighwadokenghdy? éthone nene yondatstarondakwenh ne onóndakeh, neony yondatyádónnonh ne akentskwé-nakeh.

10 Wahhy aghtyawenraghtsera ne t'kàkonde ne e-nekenh enwatrén naghtyawenratshera, aghtyawenratshera né e-nekenh enwatren naghtyawenraghtsera; jiyutdakwarighsyonh né e-nekenh né e-nekenh enwatren ne yutdakwarighsyonh; kenhenhniyurighwaah, ony issínyh niyurighwaah:

11 Nene deyudaónhneghskwendakeh, neony ne thiwènnaghsade, ne enhhadàdy ne kén-ikenh onkwèhhòkonkeh.

12 Wahhenron ne raonhhakeh, Ne nekén ne adorishenghtsera ji-nònweh naontyèsen ne desewaghwishenhhèyonh ne akarihonny aejonrishèndáne nokhony ne nekén nenjondákaridade: nokshèkonh yaghdehho-nathònde.

13 Nok ne Royaner raowènná ro-nonhhakeh wákarighwayèndaghde, aghtyawenraghtsera né e-nekenh enwatren naghtyawenraghtsera, aghtyawenraghtsera né e-nekenh enwatren naghtyawenraghtsera, jiyutdakwarighsyonh né e-nekenh enwatren neyutdakwarighsyonh, kenhenh niyurighwaah, ony issinyh niyurighwaah; né naðndon yaonghdèndy, neony radighshonneh wahhadiyá-tye-nenghdaghkwé, neony wáthadirine, neony wátho-naghskwénné, neony wahhonwadiyè-ná.

14 Nekady wahhònny jathòndek ne raowènná ne Royaner, jonhhá ne jonkwéhhòkon ne sewanà-yese, ne ne ronwanatsteristhá ne kèn-ìkenh onkwehhòkon ne neh Jerusalem-neh radideron:

15 Aoriwa nene jiisewenh, Nen-yonkwaghsón ne deyonkwarihhonde ne kenhhèyon, neony enkené no-neghshonh eghwahhy yeyonkwaderighwisón; ne o-nenh ne enwadawenrade nõkwire t'kà-konde wahhy denwadohhetste, yaghwahhy thayonkwaráné, ikenh nensé yonkwanowendisón ne onkwatrenhhoghtsera, neony o-nakonh ne o-now-endá né yonkwadaghseghdaghkonz.

16 Ne kady wahhònny ràwenh ne Royaner Niyoh, Jatkaghtoh, Eghyekideron Zion-tseràkonh wahhy ne o-nèn-yá kanonghsakénseraghkwenh, ne yo-nen-yathenh, ne kanen-yandron ne jideyudenhonghdawenheh, ne norighwiyú jikanonghsaken-sere: raonhhá nene entreghdaghkwe yaghwahhy thàdaoghsterihhén.

17 Kajenhhayén nadewendeghtsera ony eghyenakadadideron ji-nònweh nakadaderihonnyén ne ji-nikarihhodenh, neony atdakwarighsyonghtsera ji-nonkà tyonde-nyendenghsthá ne ji-nityutde; neony ne oghshekwaghdara ne wahhy den-

tyonhhewe néneh né yakodaghseghdaghkonn ya-kodérhorokdonh ne o-nowéndáðkon, neony neogh-nekáðkon ne t'kàkonde enwadawenrade ne jiyudaghseghdonh kànakde.

18 Neony ne jidesewarihonde ne kenhbèyón wahhy aðkon en-yonnihháke, neony ne sewaderighwison ne o-neghshonh yaghná thakàdáke; ne o-nenh ne entyonkwárhoro ke en-yonkhinongh-waryakhón t'kàkonde eghdenwaderihhònkoghde, éthone wahhy den-yesaraghsidakensera ghkwé ne éthoh.

19 Ethone wahhy nene shonderighwaghdendy ne t'kàkonde en-yesayè-ná: wahhy orhónke-neh ne orhónke-neh ne t'kàkonde enwadohhetste, egh-niserakeh neony aghsondakeh; neony wahhy t'kàkonde deyúnikonrhàrah yúnikonghranonwakt ne ok enskat enjonghronkaghseke ne karighwanakere.

20 Ikenh ne kanakdá senhhá ná niyonshah daghnón ne ne rònkweh naakwèny nehhaatyádkwarighsyònkó; neony ne naadérhóroke nádekyadereah daghnon nene aakwèny neghyaadatwénonnyanyón.

21 Ikenh ne Royaner wahhy enthatketskó ji-niyught ne jiyunònde ne Perazim, wahhy enhhónák'wenhonh akwah ji-niyught ne jiyonghraghkwanyón ne Gibeon, nene aðndon aoyúden ne raoyúdenghsera, ne raoyúdenghseràsé; neony eghnen-yawen ehhenwadohhetste ji-nihhoyèrenh raoyúdenghsera, ne raoyúdenghseràsé ne ji-nihhoyèrenh.

22 Ne kady waghðnný nonwa, toghsa tháse-niyèronh, onwáneken senhhá en-yughnirhá jii-ghsnerenh: ikenh Wakathònde ne ne dàweghde Royaner-neh Niyoh ne kentyughkowanenhhòkon



ne enwatshaaghdón enwatyesaghdon, sháden-yàwen enwadeweyennendáné, étho ne onghwenjakwèkonh.

23 Dejadahhonghdòdenh, neony jaronk nake-wènná; jadahhonghsìyughst, neony jathòndek ji-nikewennodenh.

24 Yaghkenh ne rakarhathoghs eghniserakwèkonh rakarhathoghs nene enhhayenthó? yaghkenh dehho-nhodonkwenh nokhony rorajonkwenhhatye ne yutwé-nonnyanyón ne raonghwenjakeh?

25 Ne o-nenh adennoserhenh shaghrònnny ne jikakonghsonde ne éthoh, yaghkenh thadehhorenyadonh nene deyuwíronde ne o-nekwá, neony dehhodokwaghdonh ne yuthondatskàra kenhkhèyonghse niyádeyughseràkeh, neony wahhayenthó ne kayádakwé-niyú nonnekery, neony nekaweyennendaónh ne barley ennekery, ony ne rye, ne jiyudinakde-nyón?

26 Ikenh ne rao-Niyoh yaghkenh ne dehhorihonnyènnnyh ne naó-nikonghròwanaghde, neony ne wahhy rorihhonnyènnnyh.

27 Ikenh ne deyuwíronde ne o-nekwá yaghwahhy dekentskwaeh né aondón ne yontsthá ne yetskwáeghsthá, yaghony nedekakaghkwendakeh nedewatkarhade-nihhón thádeyutkarhade-nyonh aonhhakeh ne yuthondatskàra ne kenhkhèyonghse niyádeyughseràkeh; nok neh deyuwíronde nonekwá wahhy kayenghdonh kanékonronh eghdakeh watyonh adennits wadonh, neony ne yuthondatskàra ne kenhkhèyonghse niyádeyughseràkeh nene niyunbaghdaah.

28 Kanadaroh-ò-nenghste kadakwarashón naah; ásékenh yaghnonwèndonh thaentskwaeke, yaghony thádaâyáke nonwèndonh ne raokaghkwenda

aarúde ne raosereghk nedekakaghkwendakeh, nedenhens aadakwàrase ne raonkweda ne yakoghsa-denghsneh ronnikskwahherhá.

29 Kén-ikenh ony dakayenghdaghwé Royaner-neh ne kentyughkowanenhhòkon, ne ji-nahhoden ne yutyanadonh ne kajenhhayenghtseràkonh, ne ony yuneghrakwah dekarenghsarón ne kayúden-ghseràkonh.

## CHAP. XXIX.

I *Niyoh raojenhhayenghtsera adewendeghtsera aonhhakeh ne Jerusalem : 9. 13. 18.*

**KARONGHYAKENGHSERA** kanonghwak-denghsera ne ji-nonkà ne Ariel, ne ji-nonkà ne Ariel, ne jikanadowànenh ji-nònweh ne Dawed nihhanakere! sadaderorox ne jiyughserade-nyón; kinyoh radiryuh ronwennèyonh (Niyoh.)

2 Shèkonh wahhy enhhoronghyakénde ne Ariel, neony wahhy en-yuxdénne ne ó-nikonghraxhá-dane : neony t'kàkonde eghnen-yàwén ne iih-neh ji-niyught ne Ariel.

3 Neony wahhy Enkennàdayén ne isekeh thá-denskaghkwadàse, neony enkwade-nadanonná ne jiyunònde, neony Enkadenhenghronnyón ne jidende-nighnyòden.

4 Neony wahhy eghdakeh kakhawighdonh ne ise, neony wahhy ne enghsadatyáde ne onghwen-jakeh, neony ne ji-nighsewennodenh wahhy ak-wah eghdakeh entkayàkénne ó-kenrakonh, neony ne sawènná ánen-yàwen ji-niyught ne enskat

nene eghyeyádareghkonh ne kánikonra onghwen-jàkonh tyuyakenhonh, neony ne ji-nighsewenno denh wahhy ó-kenrakonh denghsjahhonhheke.

5 Senhhá issy náoriwadigh, ne kentyughkwá nene thiyakaonghwenjàde ánen-yàwen ji-niyught ne niwákenghbraah, neony ne kentyughkwá ne ne rodiyádaneghrakwaghde-nyón wahhy t'kàkonde ánen-yàwen ji-niyught nóshewaghsery káthongh-deh thiyahhahhé; orighwiyú, wahhy t'kàkonde yughsnòre ok-henwatyákjy.

6 Wahhy enseghshonkwayadakó jikaronghya-kenhonh ne Royaner ne kentyughkowanenhhòkon nene kaweraghs, enke-né, neony enke-né ne den-yaonghwenjishonghkwé, neony karístowànenh, enke-né kawerowànenh nokhony denkaweradàse, neony ne ódonghkwá né iwax ne yughnekàrou ne òjire.

7 Neony ne kentyughkwá ne akaonghwenjak-wèkonh nene ro-naderiyuh dehhodi-nyode ne Ariel, sháden-yàwen ony akwèkonh nene ro-naderiyuh dehhodinyode naonhhá neony ne naoyadakenhaghsera, neony nene aotkaronnyát aoronghyakenghsera, akwahl ánen-yàwen ji-niyught ne adetshenghsera ne aghsondakeh en-yakodokaden.

8 Wahhy t'kàkonde sháden-yàwen ji-niyawen-honh ne o-nenh ne radonghkaryáx ne rònkweh wakhodetshén, neony, jatkaghthoh, warake; nok wahlhàyé, nokneh raweryaneh aòkon wahhy: nendenhens ne ji-niyught ne ro-nyádatshenghse ne rònkweh rodetshenhonh, nok, jatkaghthoh, rodets-henhonh raghnekirhá, nok wahlhàye, nokhony, jatkaghthoh, ró-nikonghkenhhèyonh, nokhony ne raodonnhets deyudonghwenjònyh naonsayughdáne ony aonsayunyádanàwen: ehhony nen-yawén ne

kentyughkwá ne akaonghwenjakwèkonh eghjadare jiwaderiyuh nedejhodinyode jiyunonde ne Zion.

9 Sewénderòndák neony sewanegràkoh, yájà-dewennòdenh, nokhony dejaghshenthoh: rodin-onghwaraghdonhoh wahhy, nok yaghwine dekenh; dehhodikajaghreghseron, nok yaghdehho-dighnekirenh ne kaghnekáshatshatste.

10 Wahhy ne Royaner thoweronthoh ne ise-keh ne kaserenghdowànenh ne kánikonra, neony wádisewaderonweke: né nyehhadiriwakenghs neony ne yetshiyatsteristhá, né nohhèndonh yádeh-harighwakanere, ne rodérhòronh.

11 Neony ne jirodidokádènnny ne akwèkonh aná-àwen naah ne isekeh ji-niyught ne owennádkon ne kaghyadonghserakeh ne ne dekaghneghdoghrarà-konh, nene ronnonkwehhòkon yesho-nadaghtka-wenh ne ji-nonkà ne nenrodighyadonghserayen-derhaónh, ròndón, Sewennaghnòdonh kén-ikenh, Wákonrighwánèken: neony wahhenrón, Yaghde-wakwe-nyonh; ásékenh dekaghneghdoghraràkonh wahhy.

12 Neony ne kaghyadonghsera wahhy yewaght-kawenh ne raonhhakeh nene yaghdehhaghyadonghserayendèryh ràdón, Sewennaghnòdonh kén-ikenh, Wákonrighwánèken: nok wahhenrón, Yaghwahhy dekyadonghserayendèryh.

13 Nekady wahhònny ne Royaner ràwenh, ne neh ji-niyught ne kén-ikenh onkwehhòkon thoah dahhontkwide iih-neh ne jiradighsakaronde, nokhony ne radighse-neh ne nayonkkonnyenghste, nok ì-nonh né ji-né nádeyakwadere ne rao-nerya-neh, neony ne raodighderonghtsera iih-neh nénné-nonkàdyh nená ronwadirihhonnyènnnyh ne atdak-warighsyonghsera ne onkwehhòkon:

14 Nekady wahhònnny, jatkaghthoh, Iih enkade-righwaghdenyáde nene yutyúdenghseratyanadonh ne kentyughkwakonh ne kén-íkenh ònkweh náe-yádoden, ony ne yutyúdenghseratyanadonh neony ne yuneghrakwah; íkenh ne raodínikonghrowa-nenghtsera ne raononkweda ne rodínikonghrow - nenghse enhhonnihheye, neony ne rodínikonghra-yendaonh ne ne rodinikonghrowanhaonh rondadé-nikonrare ne ronnonkwehhòkon ne wahhy enwagh-seghdón.

15 Karonghyakenghsera kanonghwakdenghsera ne ne ro-nonhhakeh nene o-nakonghly yehho-ne-sakonhhatyese neneh yaonghseghde ne naonwagh-seghden ne raodijenhhayenghtsera ne Royaner nokhony ne raodiyúdenghsera tyukaraghs naah, neony ròndón, Onghká deyonkhikanere? ony on-ghká yonkhiyendèryh?

16 Orighwìyu wahhy sewakarhathoghs ne karighwàðkon thádesewánonghwetshaweronthonh ne wahhy nyokarowànenh ji-nìyught ne rats'hédònnny no-nawàtsta: íkenh enkenron wahhy ne ji-kayú-denhónh ne raonhhá ne ne roghsón, Yaghraonhá dehhakyádison? nenedhens ne ji-nahhoden kagh-són enhhawenny nene roghson, Yaghdehhogh-ronkaonh?

17 Yaghwahhy arekhó akwah kéndeyurighwes-hah, neony Lebanon wahhy denshatkarhadèny ne jinonkà yenshatkáwé jikahlieghdayén, neony ne jikahlieghdayén ne jisayontkáwé ne wahhy nyokarowànenh ji-nìyught ne karbakonghkdòwah?

18 Neony ne enweghniseradeke ne dehhahhonghdakwèkonh enhharonke ne owennáðkon ne kaghyadonghserakeh, neony ne raokara ne dehha-

rónwèkonh t'kàkonde enhhàkén entkayàkenné ne jityukaraghs, ony entkayàkénne aghsadakonh.

19 Ne nyakò-nikonghranetskhah ony enjondeghyaron ne rao-nadonnharah ne Royaner-tserà-konh, neony ne yakodenghde-nyon ne kentyughkwakonh ne onkwehhòkon ne enhhonwadonnharen ne Enskat ne Royadadokenghdy ne Israel.

20 Nene enskat ne yuneghrakwah ne kahheh ne ne yahhothè-non thiyádejorihhonde, neony ne thiyeyèron ne karighwiuyughstaghk enwatsháaghdon naah, neony akwèkonh ne ne konwatyeghwadànyh ne kayádaghdonghtsera ne wahhy enskayakón :

21 Ne enkarihònny ne rònkweh ne denhhoderenghsaronkwen ne owènná, neony denhhonwaghskathaghse ne raonhhá nene enhhoderighwakeghrònghaghasé ne jiyudénhenghrakaronde, neony rorighwakarhathonh ne yuderighwakwarighsyonh ne nahhoden roderighwaghdentyeghdonh ne nyahhothè-non thiyádeyurihhonde.

22 Ne kady wahhònny ràwenh ne Royaner, onghká shoyadakwenh n'Akwerent, ne ji-niyutyèjiro-nonghsode ne Yàkwek, Yàkwek yaghwahhy thaadehhén, yakhony nonwa ne rakonxkeh thádaatskenne-nònden àsé ikenh.

23 Nok ne ò-nenh shaghshakotkaghtó ne shakoyénhokonhah, nene kesnonkeh yuyúdenhonh, nene shádewaghsènnenh, wahhy enhhadiyádadèrighste naxhènná, neony enhhadiyádadèrighste ne Enskat ne Royádadokenghdy ne Yàkwek, neony ne enhhonwatshaghnighseke ne Niyoh ne Israel.

24 Ro-nonhhá ony nene rodinikonghrayadaghdonhónh t'kàkonde denthònne nene enshodínikon-

ghrayëndané, neony ro-nonhhá nene ro-nonghshe-  
nhá ne naadiweyendeghdané ji-nikarihodenh.

---

## CHAP. XXX.

¶ *Ne onkwehhòkon ronwadightharànyh ne tyuri-  
wa ne ji-nihhondade-nyahhèsenh ne Egypt-  
tseràkonh, 8.*

NE karonghyakenghsera kanonghwakdenghsera  
ne exháokönhah nene deyerighwaghrighthá, ràdon  
ne Royaner, nene ne yakodatjenhhayènnh, nok  
yahhih-neh detyuyenghdaghkonh; neony ne kár-  
horokdonh ne waderhorokthá, nok yahhi Aké-ni-  
konrakonh detyuyenghdaghkonh nene wahhodiye-  
ghstonhhatye karighwaneren ne jikarighwaneren :

2 Nene ayonghdèndy ayenghde ne ji-nonkà ne  
Egypt, neony yaghdeyakorighwanèndon ne jixha-  
karonde; ne ne daondatyádaghniàrade nyádehhadi-  
yadyh ne raóshatstenghseràkonh ne Pharaoh, ne-  
ony ne aondewennòdaghkwe ne jiyudaghsàdare  
ne Egypt !

3 Nekady wahhònny t'kàkonde ne raóshatsten-  
ghsera ne Pharaoh nene sewadehhatsera, neony  
ne jisewadewennodaghkonh ne jiyudaghsàdare ne  
Egypt ne sewatkaronnyát.

4 Ikenh ne radirighwakwé-niyúse radideron  
éthoh Zoar, neony ne raonkweda ne kanenghrakeh  
ji-nikarihodenh thonwanadennyeghdonh wah-  
honnewe étho Hanes.

5 Akwèkonh wahhonwanadehháde ne onkweh-  
hòkon nene yaghdeyukwe-nyonh ao-nadonghra-

daghkwen, nedénhens naodíye-nawase nedénhens nao-nadonghradon, neok nyudehhat, nokhony ne rao-nadehhatsera.

6 Ne konwadighwishadonh ne kondiryú ne entyekeh : Ne ji-nonkà ne wadonghwenjade ne deyú-nikonrhàrah neony ó-nikonghranonghwakdane, eghnonkà entkondiyenghdaghkwe ne nityuyenhah nokhony noxdènhah ne kenrex, ne o-nyare neony yudekanese katyése ne o-nyare, enkondihhawe wahhy ne rao-natshókowaghsera kondighnenxkeh ne nityudiyenhah ne ade-nàdyh, neony ne ji-nihho-natyénighdonh ne jiyudinowakwaròndon ne camels, ne nonkwehhokonkeh nene yaghtaondonghradakwe.

7 Ikenh ne Egyptians-àka wahhy enhhadiyè-nawase ne nokhoriwakon, neony yaghtaonderyéndònny : ne kady waghònny Nen-yátkaghshenthó nene ji-niyutyèrenh kén-ikenh, Ne raodíshats-tenghsera aontyén thádaondòdade.

8 Was nonwa, syàdonh ne raodilihèndonh ne adek'waghraglikneh, neony jànát enweghyaghraghwén ne kaghyadonghseràkonh, nene aontyèsen ne kishenh ne jiyenwaderighwihhewe nene dàwe ne ji-niyenhhènwe neone ne ji-niyenhhènwe ;

9 Nene kén-ikenh nená ne deyerighwaghrihthá ne onkwehhòkon, yako-nòwénse exháðkon, exháðkon nene yaghdeyondahhonsadats ne raogh-tyawenraghtsera ne Royaner :

10 Nene ronwenniny nene yehhadikenghs, Yaghdehhodikenh : neony ne ro-nonhhakeh ne nyehhadiriwakenghs ne nissy naoriwadyh, yaghthiyey-onkhirighwakenseh ne onkyonhhakeh ne t'karighwayèry karighwáðkon ; dakwadatyá ne deyurigh-



waghstarathése, yehhariwakenghs rorighwayá daghdonhonh :

11 Dondase-niyàken'n ne jiyuhhàde, donsasatkarhadènyh ne jikènniyuhhahhaah, ne tyuriwa ne Enskat ne Israel nene daàdàne ne onkwahhèndonh.

12 Ne wahhònny éthone ràwenh ne Enskat ne Royádadokenghdy ne Israel, Ne tyuriwa ne sewakenghrádanihónh kén-ikenh owènná, neony sewadewennodaghkonh ne yetshighwishadonh nokhony desewaghskhennyase neony ne sewatyènnnyh :

13 Ne kady wahhònny kén-ikenh kayádaghdonghsera isekel wahhy ji-niyught ne dayughrionh nenkaweyennendaonh ne nakárhè-nenne, dayudotyé ne e-nekenh jidekanen-yáseronnyón, enwawé ne denskarighde okhenwatyákjy yuderihhókde.

14 Neony denhharighde ji-niyught ne jidehaghgrighthá ne ratshédònny nene wátkaghríseron kenhoknisewáse ; yaghthaàwenre : ne kady wahhonny yaghthaondetshèny ne jideyuderánekaronh ne deyughríseron niyádekahhere nene akayè-ná nojire ji-nonkà nonghwenjakeh, nendenhens ne ne akayè-ná ne oghnèkanoghs thaondakakwekde aondakayàkenne ne o-neghshonh.

15 Ikenh éthone rawenh ne Royaner Niyoh, ne Enskat ne Royádadokenghdy ne Israel, Ne dejakotkarhade-nyon ne yejakaonrishendaonh ne nenjesayádakó ; ne skennéntseràkonh neony ne enghse-nyahhèsén ne sáshatstenghsera ; nok yaghdesathondàdonh.

16 Nok wesewenron, Yaghden ; ikenh en-yakwadekó yakoghsadenghsneh ; (en-yakwennitskwaren ;) ne kady wahhonny-kenh ensewadekó : neony ne en-yonkwaghsàden ne deyukah, ne kady wah-

hònnny t'kàkonde ro-nonnhá nene en-yetshighsere neky nyughsnòre.

17 Oyèry tewénnyawe en-yondekó ji-nonkà ne entyondaderighwaghsten ne enskat; ji-nonkà ne wisk nentyondaderighwaghsten enghsadekwaghde; ji-nikariwes yenyésènderon ji-niyught ne yehhaghserohharaghk'wá ne o-nondohharakeh ne jiyundònde, neony ji-niyught ne jikanyádarohhare ne onghnyaghrakeh.

18 Neony ne wahhònnny ranonwese ne Royaner enghyennonná, nene aontyèsen aonsaghyèndere ne isekeh; ne kady wahhònnny ne naondahhotharadatshé ne naontyèsen aonsaghyèndenre ne isekeh; ikenh ne Royaner nená ne Nìyoh ne rajenhayenghs: yakodaghskats wahhy akwèkonh ne ro-nonnhá ne ronwànonghne ne raonnhá.

19 Ikenh ne onkwehhòkon étho en-yonnakerade Zion-tseràkonh éthoh Jerusalem; yaghshekonh thádaonsaghsaghsenthó: raonnhá wahhy àkwah ensyèndenre ne isekeh ne jisewènnode ne yádegghsaghsenthoghs; ne o-nenh enghyathòndeke, entyarighwáserakwén wahhy.

20 Neony ethosané ne Royaner entyon ne kanadaroh ne waderáswaxhenh, neony ne oghnèkanoghs ne karonghyakenghsera, nok shèkonh yaghe yesarihhonnyènnny aonwadiyádonneke shèkonh ne jikanetsker, nok skaghdekeh enseghshèken ne yesarihhonnyènnny:

21 Neony ne sahhonghdá t'kàkonde enghsaronke ne owènnna saghnakén, yòndon, Kenghyuhhàde, ne sathahhida, neony denghsatkarhadèny ne jiseweyendeghdaghkonh sesnonkeh, neony ne o-nenh denghsatkarhadèny ne seghse-nekwàdyh.

22 Enghsídaxháde denghse-non-yanighde ony

ne kárhorokdonh ne sayádònnh ne karistanòron, neony ne karaseghstonh jiyeyonwerondaghk'wá nyewistanawenghthá ne sayádònnh ne oji-nek-war karistanoron: issy yensàdy ji-nìyught ne òya yonthá dayuwistanawenhonhhatye yudawengh-radonhhatyé okenhha, enghsenhhaghse, jè-nah kenthoh.

23 Ethone wahhy<sup>2</sup> enthakennòreghte ne sagh-nekwaghsakeh, (sànéen,) nene t'kàkonde enghsyenthó ne onghwenjakeh thentkàkwekde; neony ne kanadaroh enwatkáwe ne onghwenjakeh, neony t'kàkonde en-yurésenhháke nokhony enkanakerenne: ne enweghniseràdeke ne satshènen enkondek-hònny étho jiwadenhenghrowànenh.

24 Shaden-yàwen ony ne deyudinakares, neony ne nityudiyènhah ade-nàdyh nene kondikarhathoghs ne onghwenja, enkonduke aoskón yuk'wáthenh nene nenwáshèwenh wadonh yakennekerojenghdaghk'wá ony ne yónshewaghthá.

25 Neony étho akwèkonh ne jiyunondowànenghse, neony ne onghnyaghrakeh akwèkonh jiyonghnyaghronnyón, kayyhonhhade-nyón neony kaghnaawaghronnyón ne oghnekáðkon ne eghniseràkonh ne waderiyughserowànenh, ne o-nenh ne yunonghsákarade wákáryè-nénne.

26 Senhhá isy nònweh, ne naoghswatheghtsera ne ne eghnida eghnen-yàwenne ji-nìyught ne aoghswatheghtsera ne karaghkwá, neony ne aoghs-watheghtsera ne karaghkwá jàdaghk nadenkagh-náneda, ji-nìyught ne jideyughswathe ne jàdaghk niweghniseràke, ne eghniseràkonh nene Royaner waghshako-nerenke nene dehhonwadighrighdènnh ne raonkweda, neony saghshakojènde ne jiro-nat-karewaghdanyón.

27 Jatkaghtoh, ne raoghsènná ne Royaner ìnonh nondare, yudekané ne rao-nákhwenghsera, neony roghryé-naxdetye; raghseneh wahhy kanaanoh ne aderyaghdikhonghsera, neony ne raw-énnaghsonh ne enwatsháaghde enwadek'wisa nojire:

28 Neony ne raodonryeghtsera, ji-nìyught nayutnekawenghràdon, yenkanihharane shadeyegh nyásienli, ne nenwawàkon ne niyádeyonghwenjàkeh enwadon ne yonwakthá ne aòkon: (en-yònni:) neony t'kàkonde en-yakoristanbondáke ne eghsàkonh ne onkwehhòkon, nene yaghtaonsaghsadewaghde.

29 Ensewarennayèndáke wahhy, ji-nìyught ne aghsòndakonh ne ò-nenh ne orighwadokenghdy yakotye-nawaghstonh; neony ne atshennonnya-ghtsera ne adonnhets, ji-nìyught ne o-nenh enskat enke-ne ne wadèrennothá ne nyayonwe ne ji-nonkà thode-nònde ne Royaner, ne ji-nonkà ne Enskat ne thihháshatste ne Israel.

30 Neony ne Royaner ne enkarihhònni ne raónwesenghtsera owènná ne en-yakothòndeke, neony t'kàkonde ne en-yako-náddònhaghse ne dewenirékaraón eghdakeh ne rao-nontshá, enke-né ne aderyaghdikhonghsera ne rao-nákhwenghsera, neony enke-né ne odonghkwá ne enwaghdónde enwadek'wisa nojire, denwadokwaghde, neony denkaweradàse, neony enkaghshekwaghdarénne.

31 Ikenh dewaderihhònkoghde ne raowènná ne Royaner ne t'kàkonde enkaghwaeh eghdakeh enwatyon ne Assyrian, nene enwaghdondón enwadón adennits.

32 Neony akwèkonh ji-nikanakde-nyón kanònweh ne yonghwenjontyonh enwadohhetste nénné

nadennits, ne ne Royaner wahhy enkho-nitskara-ghkwé, t'kàkonde wahhy enke-né kanájòronh neony ne karenghsòdaryh yughtharédnweh: neony aderyughseràkonh ne enyondawedon ne enhha-deriyughde.

33 Ikenh No-neghshonh akayonh jikaweyen-nendaonh; orighwiyú, ne koraghkòwah nenwahhy watsheronnyaghkwenthonh: roghsón deyuseren-honh nokhony kowànenh; ne jiyúdon-yode nethoh nená nòjire nokhony èsó nòyende: ne jiradonryése ne Royaner, akwah ji-niyught ne jiyughnawadeght ne yunèn-yadex, ne wahhy enwadèkade.

## CHAP. XXXI.

**KANONGHWAKDENGHSERA** karonghya-kenghsera ne ro-nonhhakeh nene Egypt niyenh-hònne ne nyaadiyè-nawase, neony yakoghsadenghsneh enlhontyén, neony enhhondewennodaghkon ne kásereghdiyuh, ne tyuriwa ne rodityughkowànenh; neony yakoghsadenghsneh ronmitskwahherhá, ne tyuriwa jiàkwah rodiyádaghnìronh: nok yaghtiyehho-natkaghthonh ne ji-nonkà ne Enskat Royádadokenghdy ne Israel, yahhony dehhonwayádisàkonh ne Royaner!

2 Shèkonh ony ró-nikonghrowànenh, neony ne enkahhewe ne wahhetkén, neony yaghthádaondakonwaghdáde ne raowennáðkon: neony enhhatketskó ne denghnighnyòden ne kanonghsa ne royú denghseraxhenh, nokhony ne dehhodinyode ro-nonhhá nene shakodiye-nawase nene kayúdenhonh ne kayádaghdonghsera.

3 Né nonwá ne Egyptians-aká ronnonkweh wahhy, yagh-Niyoh dekenh; neony ne raoditshènen ne yakoghsadengh ówaronh wahhy, neony yaghwahhy kánikonra dekenh, Ne o-nenh ne Royaner yádenhhaghjádade, degghnijàronh nene shakodiye-nawaseh t'kàkonde wahhy enhhadiryè-nenne, neony raonhha nene raye-nawaseh t'kàkonde enthayadénne, nokhony radikwèkonh wahhy jien-skatneh jienthadighsorhénne.

4 Ikenh éthosane ne Royaner rakwadatyaseh niih-neh, akwah ji-niyught ne kenrex nokhony ne nityuyenhah ne kenrex deyaonhhaghre ne nashakoghdonde, ne o-nenh ne kentyughkwá ne ratsteristha ne deyudinákaronhah neneh nen-yenhhana-don ne raonhhakeh entkonne, yaghtaatsshaníke naodiwènná, yakhony thaondahhó-nikonrénne ne jiyunaderitstare: eghkady nen-yàwen ne Royaner ne kentyughkowanenhòkon dahhontsnenghde ne ne aonderiyú ne jiyunònde ne Zion, nokhony nene jiyonghnyahhere ne éthoh.

5 Ji-niyught ne jidénshouhah kondityé, éthokady nenyàwen ne Royaner ne kentyughkowan-ehhòkon enghshako-nennonná ne Jerusalem; denghshakoghsé-nyé-né enseghshakoyadakó, neony wadohhetstane enseghshakoyadako. (ne sewaderighwadewaghdonh.)

6 Donsajatkharhadènyh raonhhakeh akaonhhakeh ne exháðkon ne Israel ne deyuserenhonh ne yakoyeshaonh.

7 Ikenh ne enweghniseràdeke niyádeyonkwe-dakeh wahhy issy yenhhòdy ne raoyádònnyh ne karistandron, neony ne raoyadonnyh ne oji-nekwar karistandron, ne ne akwah ise sewasnonkeh sewadonh jisewaghsón ne isekeh ne skarighwaneren.

8 Ethone t'kàkonde ne Assyrian en-yushàrenne ne asharékòwah, yahheghdetyuyenghdaghkonh ji-nonkà ne raonkwédaneghrakwah : neony ne ásharekòwah, yahheghdetyuyenghdaghkonh ji-nonkà ne raonkwédakenrát, t'kàkonde enhhoghdonde : nok enhhadekwaghse ne ásharekòwah, nok ne rao-nekenghderontsera eghdakeh enwatyón.

9 Neony enhhadohhetste nene yughníron roye-nawakonh ne jideyuderyénthàrah, neony ne shakoyádaneghrakwaghde-nyón radirighwakwé-niyushon t'kàkonde wahhy enhhaditshanike ne jikan-yadarohhare, ràdon ne Royaner, neneken ojire ne Zion-tseràkonh, neony nejírodekháðnweli ne Jerusalem-tseràkonh.

## CHAP. XXXII.

1 *Ne raoyádaderightsera ne Keristus ne raoyanertsera. 9. 15.*

JATKAGHTHOH, ne koraghkòwah t'kàkonde ne ronwáshatstenseràwyh nenhhaderighwaghden-tyáde ne atdakwarighsyonghtsera, nokhony nene radiyádanoronshón ne enthonnonghdón ne kajenh-hayenghtseràkonh jiden-yondatyáððoreghde nade-wendeghtsera.

2 Neony ne ònkweh t'kàkonde elihen-yondagh-seghde ne ji-nonkà nityuwerenhhah, neony ayon-dérhòroke ne jidentyuweradasehhatyé ; ji-niyught kayyhonhhade-nyón ne oghnekanoghs ne oghstath-enkeh ; ji-niyught ne jiyuraghkwaerhonh ne jide-yutstenghrékòwah ne ji-nònweli niyaonghwenjak-enhhèyonh.

3 Neony ne raodikaghráðkon nene radiken yaghtaoditshàdaren; neony ne rao-nahhonghdáðkon nene yakothònde neky yakodahhongsade.

4 Ony ne adonnhets nene deyughskhennyasé kayádaghsndre t'kàkonde enwaronke en-yúnikonghra-yèndáne, neony ne awénnaghsonh nene yakowá-nèndax yakowanhighse t'kàkonde ne enkaweyen-nendaónh nene en-yondàdy ok adenno-serhenh.

5 Nene yúdaraekón ne ònkweh yakorighwane-rén yaghdén shèkonh né aonsáyondade-nadonghk-wé yako-nidenreghskonh, yahhony thadetyakorigh-wayèry nen-yudewennonkoghdonh ne ne aya-kotyèsen.

6 Ikenh ne yudaraekón ne ònkweh ne en-yondatyáde ne yudaraese karighwaneraxhera, neony ne raweryaneh ne en-yuyúden ne kayádaghdonghtsera, né deyakodaderighwaghkwaseh thiyeyakonowenghdonh yakènhah, (yakorighwiuyughstonh,) neony atsteh yakoyadontyeghdonh yakorighwayádaghdonhonh deyakoderyéndawenryeh ne Royaner neh, àðkon yudonhónh ne adonnhets nene adonghkaryakón; neony enseghshako-nyádanàwenghde ne yako-nyádathenghse yakoyádakenhheyón.

7 Shádèyught ony né neh né rotstónh ne jiraonkwédahhetkenhóh ne wahhy ne wahhetken: ne wahhy engshhakokarenghrakwen karighwanerén en-yakoyádondákó ne jiyuhhahbaghnìronh nene engshhakoghdónde ne yakòdenght yonnonwenghdanyón owennáðkon, ony sháden-yàwen ne ò-nenh ne yakòdenh en-yewenninekénne entyerighwayèride.

8 Nok ne nyako-nidènrón ne en yondatkarenghrakwén ne kendènrón nákarihhódenshón; neony



ne yakaweryaghsayuh yako-nidènròn ne ná t'kà-konde enhhàdàke.

9 Satketskòh, jonhhá ne sewánheghtyénhòkon ne ne jonrishendaónh; dakwadewennathòndek, ise ne sewaweyennaxhenh thisewaweyennéndeh ne sewayúdaseshón; (ony sewaxdenhhòkon;) ja-thòndek nakewènna jiwákerighwaghsawén.

10 Yudeghniserakade nokhony noghseráðkon t'kàkonde densewánikonrhàrén, ise ne sewaweyennaxhenh thisewaweyennéndeh ne sewánheghtyénhòkon: ikenh ne nenhondé-nenhhàrisa ne kahhigkh t'kàkonde ondakenhheye, yaghtaondare ne rarorox.

11 Sewayádishonghk, ise sewánheghtyénhòkon ne ne nenjijonrishendaónh; desewánikonrhàrenh, ise ne sewaweyennaxhénse thisewaweyennéndeh: yetshighk'wanyonh, ony yetshihhayenghsònnyh, neony desatyákwàranhak ne kayare-nákanyá-darodén.

12 Denkonghshenthó enkarihhònnny ne jiye-nón-keghrathá, nene jiyaweryéndiyught nene thiyutkwathonh ne jiye-nakeré, nene yudé-nenhhàradeghyaron yutkàdàdonh.

13 Nene étho jiwadonghwenjåde ne akonkwedá ne entkondegghyaron en-yudikedoghde ohhíkda nok oghnyònwar, orighwìyú, akwèkonh ne jikanonghsòdon ne adonnharah ne kanàdakonh ne adon-nharagkh:

14 Aoriwa ne yude-nonghsatkonnyenghs ne sadewendeghdonh; ne kentyughkowànenh deyeghsihhare ne jikanadowànenh ne ok yádenjodàdenre; nene jiwadéuhenghròdon neony ne deyudenonghsakwé-nònnyh deyunakdanedaryón é-nekenghjy nèeh ná ne o-nákonghjy t'kànakde ne ji-ni-

yenhhênwé, ne ao-nadonnharah ne yudighderonnyh ne ade-nàdyh, ne yunadenhenrode ne yunatkade yunaderaseron deyunadatshihharaghdonh ;

15 Ji-nènwe ne Kánikonrá nenhentyonkwaweròndane ne onkyonhhakeh ne é-nekenghjy entkayenghdaghwé, nokhony ne karhàkonh ensewat-káwe nekahheghdakeh, neony ne jiensewatkáwe ne kahheghdakeh enwaghràdon ikenh wahhy de-yuderhawenheh.

16 Ethone denwatyádoreghde ne adewendeghtsera t'kàkonde eghyenwennakerade karhakonghtseràkonh, nok ne atdakwarighsyonghtsera eghné enjodàdenre ji-nònweh nijotkawenh nikah-heghdayén.

17 Neony ne kayúdenghtsera ne atdakwarighsyonghtsera nèná ne kayanerènh ; neony ne aonsaya-kaonnhede ne natdakwarighsyonghtsera, en-yak-aonourishèndane jiskènnen nokhony nene jiorigh-wiyú jien-yakorhàreke nene ji-niyenhhênwe.

18 Neony ne akonkweda t'kàkonde ehhen-yon-nakerade ji-nonneskènnen thiye-nakere, neony yenakeréònwèh, neony ji-nònweh t'kànakde nadoris-henghtsera skennéntseràkonh,

19 Ne o-nenh enkaghshekwaghdarénne, en-yosénne ne jideyuderhawenheh, neony ne jikanadowànenh eghdakeh enwàdon nakwah eghdakeh nìkànakde.

20 Yakodaghskats nene yakoyenthonh tháde-kàde ne akwèkonh ne oghnekanoghshòkon, nene yaontyón ne jiyeyuderihhókde ne etho nònweh ne deyudinakares oghsida ony ne ade-nàdyh.

## CHAP. XXXIII.

I *Niyoh enghshakojinhhayén ro-nonhhakeh ne ronwaghswenghse ne o-nonghsadokenghdi-keh.* 13.

**KARONGHYAKENGHSERA** kanonghwak-denghsera ne ne isekeli ne sahhetkenhonh, neony yaghwahhy desatkenhonh ; neony deyonke-nirighwanerenh okhorighwaghrákehah, neony yahhorighwaghrakehhah, dekenh jidesewarighwanerenh nise ! ne o-nenh t'kàkonde enghsaghtkáwe neyutkenh, en'satkénne wahhy, neony ne o-nenh enghsaghtkáwe ne jidese-nirighwanerenh norighwaghrakehhah, densewarighwanerenke ne orighwaghrákehah ne ise.

2 O Sayaner, dondakwèndenr nonkyonhhakeh ; kwànonghne nise : ne ise raodinontshá níyádeyurhónkeseràkeh, ne onkwadaghskatshera ne éthone ne ji-nadeyunikonrharah.

3 Ne jityuritstare ne nyaghthiyejoghrònkát ne onkwehhòkon wáondekó ; ne jityutharadàdonh ne yádeghsyadyh ne níyádeyakaonghwenjàkeh thiyádeyudokwenh.

4 Neony satkenghsera t'kàkonde wahhy enkarorón ji-niyught ne jiyerorox ne kají-nowaxhenh orwarané : ji-niyught nekondidakhe-nontyé nene ony jo-natswade-nyonhhatye ne kwèn-yuh wahhy thiyenghshako-nitskaraghkwanyón.

5 Ne Royaner kahharadonh naah ; wahhy é-ne-kenghjy thanakere : ro-nanonh wahhy ne Zion ne

kajenhhayenghtsera adewendeghtsera ony atdakarighsyonghtsera.

6 Neony kánikonghrowanenghtsera ony aghronkhatsera ne wahhy eghdenghsadenghnirade ji-nikariwes sonnhe, neony ne káshatstenghtsera ne adaghskatshera : neneronwatshanighse ne Royaner ne ná ne raotshókowaghsera.

7 Jatkaghtshoh, nene rao-nonkwédaneghrakwaghde-nyón roditshaghnighde-nyón yaghthádaonghshenthó; nene radirighwaghserònnny ne kayanerenh wahhy denhhonghshenthoh jiyutskarát hònwèh.

8 Nene jiyuhhahhakwé-nìyú kahhahhayeshaghse, nene rònkweh rathahhìne wáthàdané : ò-nenh wáthàyáke ne jidehhodirihhonde, wahhadaghkwa-gshwén ne jikanadayèndon, yahhonghká nònkweh degshakoraghk'wá.

9 Ne onghwenja yúnikonranenghs nokhony de-yut'-yòkdonh, Lebanon ne raodehhenghtsera neony dekaghstarathedonh shádekàde; Sharon akwah ji-nìyught ne karhàkonh, neony Bashan neony ne Carmel sòndawét sàwak ne rao-nahhyhk.

10 Nonwa wahhy Enkatketskó, radon ne Royaner, nonwa kenh Enkatharàdade; nonwa kenh Iih enkharadade yádekyadyh.

11 Ensewayè-ná wahhy óshewaghsery; ensewaghewe wahhy ne oji-náara : sewadonryeghtsera akwah ji-nìyught ne ojire ne wahhy ensadek'wisa.

12 Neony ne onkwehhòkon akwah ánen-yàwen ji-nìyught ne jiyudekhá jiyeghsawédònnny; ji-nìyught ne ohhíkda dayerighde ne t'kàkonde wahhy enwatshaaghdon ojistakeh.

13 Jathòndek, jonhhá nene ìnonh niyòre, ne ji-

nahhoden waxhón; neony nene thoah nisewése, sadondere-n saronk nakéshatstenghsera.

14 Ne nyakorighwaneraaxkonh ne Zion-tserà-konh wahhy yetshanighse; kaghderonghxherowà-nenh ne yuderihhókde ne yurighwaneghrakwah ne thádeyakó-nikonrakeh: Akaonhhá nene onkwentyughkwakonh ye-nakere ne nen-yakoghdonde nojire? akaonhhá nene onkwentyughkwakonh ye-nakere nene ji-niyenhhenwé yudekhá?

15 Raonhhá nene ire jiyutdakwarighsyonh, nokhony ne roghtharaghkwenh ne kawenniyúse; raonhhá ne ne rodaghkwaghswenhonh ne daodèntshón ne naonwaghwisháde, nene aennontshòndawede ne jiroye-nawakonh ne ji-nikanòron ronwarharatstènnh, nene dehhodahhonghdakwèkonh ne naothòndeke ne o-nekwenghsá, neony dehhoderónwèkonh ne naatkaghthoh ne wahhetken;

16 Raonhhá é-nekenghjy yenhennakerade: thò-nakde ne raoyádade-nhaghsera ne wahhy ne denhhénnyàdatste ne otstenra; kanadaroh wahhy enhhonwàyón ne raonhhá, raognèkanoghs wahhy orighwiyú ikenh.

17 Skaghdekeh wahhy jienghtshatkaghthó ne koraghkòwah ne raoraseghtseràkonh: wahhy enhhontkaghthó ne jiwadonghwenjàde nene àkwah ìnonh niyòre.

18 Sadonnhets wahhy ensatyènhaghse ne kaghderonghxherowànenh kajenhhayenghtsera adewendeghtsera. Kakhá náneh raghyadonghserayendèryh? kakhá náneh rayè-uaghs? kakhá náneh raonhhá nenerarats ne nyunonghsákarade-nyón.

19 Yaghtaaghshèkén ne ronnonkwédaxhenh ne ronùnkwèh; nene ronnonkwèhhòkon nene senhhá o-nakonh ne ji-niyewennodenh ji-nise nisakwe-

nyonh jisáni konghrayèndase; ne yakawénnagh-sanèndax, ne neyaghdesakwe-nyonh aaghsaronke.

20 Satkaghthoh ne étho Zion, ne jikanàdayen ne onkwarighwiughstaghk: skaghdékeh wahhy jienghsatkaghthó ne Jerusalem ne skènnén thiye-nakere, ne jiwaghskwahhere nená ne yaghné egh-dakeh thenkakhawighdón; yaghenskat ne ji-nìkonh kanonjòdon ne éthoh yaghnnonwèndonh èrenh thakaghkwidon, yaghony kaneka ne ji-nìkonh ne agh-seriye ne éthoh thádaontyáke.

21 Nok étho ne ónwesenghtsera ne Royaner wahhy onkyonhhakeh kànakde ne de kayyhouhhakaronse nokhony yughnàwadeh; nene aonghdèndy yaghdekahhòuwayen nenakakàwe, yaghony ne ne ayuhhonwarasehhake ne kahhonweyákòwah ne éthoh aondohhetste.

22 Ikenh ne Royaner nená nonkwajenhhayenghtsera, ne Royaner nená ne shonkwaghtyawenraghtseràwyh, ne Royaner nená ne onkwa-koraghkòwah; raonbhá wahhy enseghshonkwayadakó.

23 Jiwakatsheryédade-nyón wahhy yutnerenghsyónkwenh; yaghdejodiyádaghniràdonh jiro-naderòndode; yaghdehhodikwe-nyonh ne daonsahhოდိယံသကဝရိဂ္ဂံသော: éthone naah ne thondahhonnonghdonse ne jiwáódaxhénnékowah wádewa dekhaghsyònkó; ne noghsinokwá en-yakoyè-ná ne shako-naghseghthá.

24 Neony ne ye-nakere yaghdeyàweght ayairon, Wake-nonghwakdany: nene onkwelhhòkon ne ne étho ye-nakere t'kàkonde enjondaderighwiughsten ne raodiyádaghdonghtsera.

## CHAP. XXXIV.

KARO kajatkwit, niyádejonghwenjàkeh, né nae-jathòndeke; nokhony aejadahhonghsadade, jonk-wehhòkon: kinyoh ne onghwenja yuthòndek, nokhony akwèkonh ne ji-niwat; ne onghwenja, neony orighwakwèkonh nene eghkondiyakense.

2 Ikenh ne raoderyaghdikhonghsera ne Royaner yakotrànyh wahhy ne akaonghwenjakwèkonh, neony ne rao-nákhwenghsera wahhy akwèkonh niyehhonatrànyh ne raodityughkwá ne ronderiyughs: thenthàkwekde engshakoghdonde, ehhenghshakoghsharìneghde ji-nonkà tyeryughthá.

3 Ne ne jienhchonwadiryú ony t'kàkonde atsteh yenwatyon, neony radiyádakeraghse ne raodiye-ròndakenhhá, neony ne jiyunondowànenghse wahhy enkawistanawenghdon enwadon ne raodinekwenghsá.

4 Neony kentyughkwakwèkonh ne karon-yakeh wahhy enkawistanawenghdon, neony ne karonghyákehkhòkon entkaghwe-nonnihháke yenwaderoroke enskatneh ji-nìyught ne kahhonródakwé-nònnnyh kaghyadonghsera: neony raodityughkwakwèkonh eghdakeh enhhadiyèndáne, ji-nìyught ne wakane-raghdenne ne ó-nenhharakeh, neony ji-nìyught ne jiwayense ne jokaghreghdese karònda.

5 Ikenh nakwásharekòwah t'kàkonde wahhy enkanohharehhake étho jiyontyádohharethá ne karonghyakonh: jatkaghthoh, t'kàkonde wahhy enyosenne ne Idumea, nokhony nonkwehhòkonkeh enhho-nasénne ne enkheronghyákende, nene kajenh-hayenghtsera ne adewendeghtsera.

6 Nene raosharekòwah ne Royaner kasanonh

naah ne o-nekwenghsá ; warésenghserònnh wahhy ne nakwah enwarésén, neony enke-né ne o-nekwenghsa ne nikonnasá ne deyudinákarondonhah ony kondiyádakeraghsé, enke-ne ne yutstyeghserarésenh ne nikonnasá ne deyudinákarondonhah : ikenh ne Royaner wahrennèyon Bozrah-tseràkonh, neony wáondadawenthókowah nejiwadonghwenjâde ne Idumea.

7 Neony ne yuronwaronde anyoh yakoghsàdenghs ne wahhy endewatsnenghde enthònne, neony ne deyudinákareshòkon entkònne ne anakareshón ; neony ne rao-nadonghwenjakeh wahhy enkanánawenghdon o-nekwenghsa enwadon, neony ne ókenra jiro-nadákenghrade-nyonh warésenghstonh ne jiyuresenh.

8 Ikenh nená ne raodeghnisera ne Royaner ne enghshakoronghyàk'inde, neony ne en-yughseràdeke ne naonsonkarayéride wahhy dekarighwake-nhenh ne Zion.

9 Neony ne jiyughnawadeh ne éthoh wahhy denwatdèny oghneghdá enwadon, neony ne yudákenghrade-nyonh ne éthoh yunèn-yadex enwadon, neony ne jiwadonghwenjade ne éthoh wahhy ánenyàwen ji nìyught ne yughneghdadekhá.

10 Yaghwahhy thaonsónswaghdon ne jiwaghsondàde yalhony ne jiweghniseràde, ne ne éthoh wahhy en-yutyénkwarakaradàdon ne ji-niyenh-hènwe : ne jidakaghnekwaghsadatyé jiony wákaghnekwaghsadatye eghkàyese enwadonghseke, yahrenskat thádaondohhetste ne ji-niyenhhènwe neony ne ji-niyenhhènwe :

11 Ne (cormorant konwàýats,) kajidenserowànenh ányoh jökawekowah neony ne ohhakwaronh ne wahhy enwatyadakwé-niyughste ; ne nolhòwa



shádèyught nokhony ne jókáwékòdwah nèeh eh-henkonnakerade : neony raonhhá wahhy yadenh-hadàkwarighde yenhharén éthoh ne jikayeronnits-tonh yutdakwarighsyonh ne den-yónnikonghrak-haghsyònkó, neony ne o-nen-yàðkon ne aokonshón.

12 Ne yenghshakodinadon ncene ro-nonkwéda-neghrakwaghde-nyón ne éthoh ne ji-nonkà kaya-nertsera, nok yahhenskat eghthayéðeròndúke, neony akwèkonh naonhha aoyáðaneghrakwaghtsera yahhothè-non. (thayurihhondane.)

13 Neony ohhikdá ne entkondegghyaron ne naonhhá jiyude-nonghsatkonnyenghst, orheghshòkon neony skanekwádarâyén oghnyòdwar ne adénhen-rakoh ne éthoh ; neony eghwahhy ehhenkanakerénne nedewatsjirokwaghthá o-nyare dekanerah-hontshonde, neony ehhenhhaderighwisaaghtake ne ohhòwá.

14 Ne nyodighderonnyh ne kondiryú ne ne jiyaghdeye-nakere t'kàkonde ony enkonderaseron ne nyodighderonnyh ne kondiryú ne jikawe-node, neony ne òyende nenìyoh wahhy yádenhhaghshenthó ne ji-nonkà ne shahhodityughkwah ; ne kwareròah ony étho en-yaonrishèndáne, neony enwadade-nak-datshenryáse ne jien-yaonrishendáne.

15 Ne wahhy ne ohhowákòdwah enwatsji-nagh-kònny, ony enwennínhonghsén, ony denkánhonghsyáke, neony enkaroroke o-nakonh ne jiyuderak-wawerhoh ; étho wahhy ony ne jidènhah vulture konwàysats étho ony enkonderoroke, akwekjihhoh ne ji-nádekánikonra.

16 Sèsak ne raoghyadonghseràkonh ne Royaner, neony sewennaghnòdonh ; yahhenskat ne kén-ikenh thaondayakóserònnenghde, yahhenskat wahhy né thádeyakodonghwenjònyh ne naonhhá ji-nádeká-

nikonra: ikenh iih jixhakaronde wahhy jikherigh-wàwyh, neony ne raó-nikonra ne wahhy shakoroghròkyh.

17 Neony raonhhá wahhy shakoyákhònnnyh yeh-hotyongh yeghshakotyenseh naderàsfa ne ro-nonhhá, neony rasnonkeh ne shakokhaghsyonkwènnnyh ne ro-nonhhakeh ne jikayeronniistonh: ne wahhy enhhontyádakwé-niyughste ne ji-niyenhhènwe, ne jidakaghnekwaghsadatye jiony wakaghnekwaghsadatyé étho enhhadinakereke.

## CHAP. XXXV.

*I Ne adonnharah yuderighwaghdentyongh ne Keristus raoyanertsera. 3.*

**NE** karhàkonh, neony ne jiwadonghwenjâde ne thiyakaonhhaah thiyakonnhé ne jienshontshennònnny; neony ne ji-nònweh ne yaghdeye-nakere t'kâ-konde enkondonnharen, neony donsakajijanèkare ji-niyught ne sakajijonden.

2 T'kâkonde densakajijanèkare enjawédowanhá, ne shádenjàwen jienskondonnharen ne adonnharah neony denkonndiriwaghkwe; ne raónwesenghtsera ne Lebanon t'kâkonde nèeh enhhonwaghtkawen, ne jiroyádaneghrakwah ne Carmel ony Sharon; t'kâkonde enhhontkaghthó ne raónwesenghtsera ne Royaner, nokhony ne rayádanorónkòwah onkwa-Niyoh.

3 Shéshatstat ne yakosnonghsakenhhèyongh, neony saséshatstat ne yudiyádagenhhèyongh ne ok-witsháðkon.

4 Sheyenhaghs ne ro-nonlhá ne ne deyuna-donhharenron nadonnhets, Sewánikonraghnironlhák toghsa desewadonhharenronh; jatthagthoh, dondare wahhy ne sewa-Nìyoh entnikwekonhhatye ne sewaronghyakenghsera, shádèyught ony Nìyoh entnikwekonhhatye ne enshakarayèride, daré wahhy ne ensyayadakó.

5 Ethone ne deyeronwekhón t'kàkonde ensewadennhodònkó, nokhony ne deyonhhondakwèkonh t'kàkonde enskanondexshyón:

6 Ethone ne rònkweh ne ratshinókaghthá t'kàkonde enhhatshinokaghde akwah ji-nìyught ne kà-jin oghskennòndon, (o-nekwenghdara,) neòny ne awénnaghsonh ne nyaghdekawènnah denkarìwaghkwe enkarihhònnny ne karhàkonh t'kàkonde denwatnekyáke entkaghnekinékénne, neony en-yughnawadeghdáne ne ji-nònweh nyaghtadekahheghdawenryeh.

7 Neony ne jiyaonghwenjathenhonh t'kàkonde enseweghkwàyèndon, neony ne jiyaonghwenjathenhónh enskaghnaweròdon: enkonnakerade onyare dekindinerahhontshonde dekontsjirokwaghthá ji ok nonweh enkontyén, t'kàkonde denwathondawenheke, ne oghstyéndane ony yughshonwennistare.

8 Neony ne jiyuhhahhakwé-nìyú t'kàkonde étho enkenhháke, neony yuhhàde, neony t'kàkonde enkonwanadonghkwe, Ne ohhahhadokenghdy; ne ne yaghdeyakoyanere yahheghthayondònkoghde; nok kéndaghnnon kàyén: ne dehho-nathahhaghkwenhhatyé ne onkwehhòkon, ethosané ne rodídeh, yaghtaaadiyá-daghdon ne étho.

9 Yaghne kenrex eghthakénderòndake, yabhony ne yudighnekaronse kondonghkaryáx ne kon-

diryû yaghtakondirathên ne étho, yaghtakon-  
wadiyádatshenry ne éthoh: nok nene seghshon-  
kwayádakwenh t'kàkonde nèeh ehhenghreseke.

10 Neony ne Royaner seghshonkwayádakwenh  
ne jidewanaghskwá t'kàkonde denjidewatkarha-  
dênny, nok yendewawe ji-non ne Zion ne orenna-  
dokenghdy en-yonkwatstonhhatye neony ne ji-  
niyenhhênwe adonnnharah ne raodinonjineh: t'kà-  
konde denshondèntshá nadonnnharah nokhony nat-  
shennonnyaghtsera, neony ne ó-nikonghraxhádane  
nokhony ne karonghyakenghsera adonryúkdaghx-  
hera enkonwayádondidnweh.

## CHAP. XXXVI.

I *Sennacherib wahho-nenrenghe kanenghro-  
wanenh raonhhakeh ne Judah: 4. Rabsha-  
heh's wahharighwayèsaghde waghshakoghs-  
teronghse ne onkwehhòkonkeh. 22.*

NONWA étho náàwen ne kayerihhadónt yawen-  
rehhadont niyughseràkeh ne koraghkowah ne He-  
zekiah, ne ne koraghkòwah ne Sennacherib ne  
Assyria warawe étho newaghshakotkònden ne ji-  
wadenhénghròdon ne jikanadowànenghse ne Ju-  
dah, neony wahhayè-na.

2 Neony ne koraghkòwah ne Assyria yahho-  
nháne ne Rabshakeh aonhhakeh ne Lachish étho  
Jerusalem raonhhakeh ne koraghkòwah ne Heze-  
kiah ne kanenghrineghtserowanenh. Neony étho  
wáthádane ne jiyutnekonkoghdonh ne e-nekenh

niweghkwáyén ne jiyuhhahhakwé-niyú nejikah-  
hèndayen ne jiyekenhaghserðnny.

3 Ethone wabhoyáðörenne ne Eliakim, royen-  
hah ne Hilkiah's, nene èrenh nakanonghsadyh,  
neony Shebna ne shakoghyadðnny, neony Joah,  
ne royenhah ne Asaph's ne ne radaaghs ne kagh-  
yadonghseràkonh.

4 ¶ Neony Rabshakeh wabhénron ne ro-nonhha-  
keh, Sewenronh ne nonwá ne raonhhakeh ne Heze-  
kiah, Ethone ràwenh ne rakoraghtserakwé-niyú ne  
rakoraghkðwah ne Assyria, Oghnanahhoden engh-  
sadaghseghdaghkúé ne ken-ikenh ji-nðnweh nigh-  
sadewennodaghkonh?

5 Kàdon, sewenronh, (nok ne raodiwènná ne ok  
nyahhothè-non thiyadeyurihhonde) Wakjenhha-  
yén nokhony wakyádaghnìronh ne aderiuyughsera :  
nonwá onghkarekeh enghsheyadewennòdaghkúé,  
nene iih waghskwatkarenghràkó?

6 Tseh, ne sadewennodaghkonh nekén-ikenh  
ne deyudennitsheryakonh deyutyenkwiryakonh, ji-  
nðnweh ne Egypt; Dòka ne rònkwèh ne aatyáda-  
rakaraghste wahhy ènweghde raonhhá rasnonkeh,  
neony ne en-yakodaweyaden: eghkady ony niyught  
ne Pharaoh ne koraghkðwah ne Egypt enhhon-  
daghriskon akwekonh ne ji-nìkonh ne ronwade-  
wennodaghkonh.

7 Nok dòká enghsiron niih-neh, Shakwadewen-  
nodaghkonh ne Royaner onkwa-Niyoh: wahhy  
yaghkenh raonhhá dekenh ne e-nekenh nikanakde-  
yón neony raonhha radwenghk ne jiyeyádaragh-  
sthá ne Hezekiah wahhonwaghk'wá, neony wah-  
hawenhhaghse ne Judah nokhony ne ji-nonká ne  
Jerusalem, Enghsewaneke ohhèndonh kén-ikenh  
yeyádaraghsthá?

8 Nekady wahhònny nonwà se-nikarayèndah, Wákonrighwánèken, nene rakewenniyú ne Rakoraghkòwah ne Assyria, neony Iih enkòn-yón Tekónnyaweeghtseraghshenh yakoghsàdenghs, dòkát aesakwe-nyútserayèndake ne isekeh ne naaghsennitskwarén aesaghsàden ne o-nonhhakeh.

9 Oghnánayàwen ne daaghsatkarhadèny ne enskat ne jirakonghsonde ne raghsennakwé-niyú ne nakwah kènniyeghraah ne rakewenniyú shako-nhá-seðkon, neony ne aaghsadewennòdaghkwe ne éthoh ne Egypt ne akarihhònny ne kásereghdiyuh neony ne yakoghsadenghsneh ronitskwahherhá?

10 Neony Iih kenh nonwa wakewe ne nyaghdèh hayadade ne Royauer ne wátke-nyarane ne kén-ikenh wadonghwenjàde ne nakaghdonde? ne Royaner rakwennyh, Wàs eghseght yádesnyòdenh kén-ikenh wadonghwenjàde, neony enkaghdonde.

11 Ethone wahhenron ne Eliakim nok Shebua neony Joah ne raonhhakeh ne Rabshakeh, Sádàdyh, Wákonrighwánèken, ne raonhhakeh ne eghtshe-nháse ne ne Syrian-àka sadewennòndaghk; ikenh ne yakwaghronkhá: neony toghsa dakwa-wènnaràn ne Jews-àka asadewennòndaghkwe, ne onhhonghdakonh ne onkwehhòkon ne nè eghyederon jidekanen-yáseronnyón.

12 Nok Rabshakeh wahhenron, Rakewenniyú wahhy thake-nhaonh ne raonhhakeh ne yawenniyú neony ne isekeh ne nakadàdy ne kén-ikenh owennaðkon? yaghkenh raonhhá dethake-nhaonh ne ro-nonhhakeh ne ro-nonkwehhòkon nene eghraditskwahhere jideka nen-yáseronnyon, nene ok ro-nonhhá aondadídake, neony ok ro-nonhhá raodinhenhhá aadighnekira enskatneh nìse?

13 Ethone ne Rabshakeh wáthàdàne, neony

wáthaghshenthó rowèndeght Jews-àka wahhade-wennòndaghkwe, neony wahhenron, Jathòndek ne raowènna ne rakoraghtserowànenh, ne koraghkòwah ne Assyria.

14 Ethoghkeh nihhawenh ne koraghkowah, toghsa yánikonrhadenh ne Hezekiah: ikenh yagh-wahhy dehhokwe-nyátseràyen ne naonsaghyaya-dakó.

15 Toghsa ony ne Hezekiah yònnyh ne naaght-shadewennòdaghkwe ne Royaner-tseràkonh, enhhenron, Ne Royaner wahhy orighwiyú enseghshonkwayadakó: neneh kénikenh kanadowànenh yaghwahhy thiyakarane ne rasnonkeh ne koraghkòwah ne Assyria.

16 Toghsa eghjhijadahhonghsadats ne Hezekiah: ikenh nè ràwenh ne koraghkòwah ne Assyria, Iih dewaderighwisa akwah ò-nenh ok, neony kase-niyàken iih-neh: neony irak niyádehhàdyh ne raó-nenhhare, neony niyádehhadyh ne raoderònda ne jokaghbregdhese, neony se-nighnekirah niyadejonh ne oghnekanoghs nene raonhhá jìrot-nawerode;

17 Ji-nikariwes dentke néony èrenh en-kon-yàdenhhàwighde ne jidewadonghwenjàde ne ji-nìyught ne akwah ise sadonghwenjàkeh, ne wadonghwenjàde ne ò-nenghste ony wine, ne wadonghwenjàde ne kanadaroghk neony ò-nenhhare.

18 Jadénnikonrarenh onwaneken ne Hezekiah enghyaghsteronghse, enhhenron, Ne Royaner wahhy enseghshonkwayadakó. kaneká denhens nikanìyoh-tseràyen ne niyádeyakaonghwenjàkeh aonsayondatyadakó ne raodonghwenjàkeh aonsahho-yádinekenwe ne rasnonkeh ne koraghkòwah ne Assyria?

19 Ká ne raodinìyoh ne Hamath nok Arphad ? ká ne raonìyoh ne Sepharvaim ? neony shonwadi-yáðakwenh ne Samaria ne iih kesnonkeh ?

20 Onghka nekén ne raodinìyoh ne kén-ikenh kentyughkwakwèkonh ne kén-ikenh wadonghwen-jàde, ne ne shonwadiyáðakwenh ne ne iih kesnonkeh, né neh ne Royaner aonsahhayadakó ne Jerusalem ne iih kesnonkeh ?

21 Nok tháthondòdade, nokhony yaghskawènat deshonorighwáserakwènnh : ikenh ne koraghkòwah shakorighwàwyh wahhy, ràwenh, toghsa saghjhise-nirighwáserakwenh.

22 ¶ Ethone warawe ne Eliakim, ne royenhah ne Hilkiah, neneh erenh nákaghwajèràdyh, neony nene Shebna ne shakoghyadònnh, ony Joab, ne royenhah ne Asaph, nene radaaghs ne kaghya-donghserakoh, raonhhakeh ne Hezekiah wahhonde-né-narajònkó, neony wahhonwaghròry ne raowènna ne Rabshakeh.

## CHAP. XXXVII.

I *Hezekiah ró-nikonghraxhèngghse, yahho-nonke ne Isaiah ne nashakoderennayènhaghse, 6. 36. 37.*

**NEONY** étho náawén, ne o-nenh ne koraghkòwah Hezekiah shahharonké, neone wahhade-né-narajònkó, neony wahhadérhòrokde ne kàyare nakanyádaroden, neony yahhadaweyáde ne jironghsode ne Royaner.

2 Neony yahho-nháne ne Eliakim, raonhhá ne-



neh èrenh náakaghwajiradyh, neony Shebna nene shakoghyaddönný, neony ne thodixdènhah ne radi-jihhenghstowànenh wahhondérhorokde kàyare kanyádaràdens, raonhhakeh ne Isaiah ne royádado-kenghdy ne royenah ne Amos.

3 Neony wahhonwenhhaghse, Ethogbkeh ràwenh ne Hezekiah, Kéngheghegniseràde nená weghegniseràde ne deyúnikonrhàrah, neony ne karonghyakenghsera, neony yerighwayesaghtá : wahhy ne exbáokonhah nen-yàkoh ji-nonkà yon-nakeratsthá, neony yaghnéthoh dekáshatstengh-seràyen né naondakahhawe.

4 Dòkà nónná ne Royaner sa-Niyoh enhho-de-wennathòndeke ne Rabshakeh, raonhhá ne koraghkòwah ne Assyria ne ne rowenniyú ne tho-nhaonh ne naodehháde ne ronnhédnweh ne Niyoh, neony t'kàkonde ró-nondanhenh ne owennaðkon ne jinahhoden ne Royaner roghrònenh : nekady wahhònný sharàdah ne saderènnayenght ne ji-nìkonh yudadenràdnh.

5 Eghkady náàwen ne ro-nháse ne Hezekiah warawe ne raonhhakeh ne Isaiah.

6 ¶ Neony Isaiah waghshakawenhhaghse ne ro-nonhhakeh, Ensewenron ne raonhhakeh ne eghtshisewawenniyú, Ethone nihhàwenh ne Royaner toghsa desadonhharenronh ne owennáðkon nene saghrònenh, ne neh ronwanhase ro-nhase ne koraghkòwah ne Assyria ne wahhakerighwayesaghden.

7 Jatkaghtoh, Iih yenkadennyeghde ne enhhadonrìseriyáke ne raonhhakeh, neony t'kàkonde enhharonke ne karihhontye-nontyése, neony den-shatkarhadèny ji-nonkà nakwah raonhhá raodonghwenjàkeh ; neony Iih enkerihhònný raonhhá ne

ne enhhayátyè-nénne étho áshasharakdá násharé-kòwah ne nakwah raonhháraodonwenjakeh.

8 Eghkady náàwen ne Rabshakeh donsahhatkarhadèny, neony wahhoyádatshèny ne koraghkòwah ne étho Assyria roderiyuh dehhodinyode ne Libnah: ikenh roghrònenh néneh èrenh shawenonghdonh ne ji-nònneh Lachish.

9 Neony wahharonke yòndon ne ji-niyntyèrenh ne raorighwakeh ne Tirhakah ne koraghkòwah ne Ethiopia, Raonhhá wahhy warawe ne naejaderiyú. Neony ne o-nenh ne wahharonke, yahhadennháne waeriwenhhawe ne raonhhakeh ne Hezekiah, yondonné.

10 Ethone eghtsewennaráne ne Hezekiah ne koraghkòwah ne Judah, en-yairon, Toghsa ne sa-Niyoh ne raonhhátseràkonh eghtshadewennodaghkonh ayesánikonrhaden, en-yairon, yaghwahhy ne Jerusalem thiyaonwâyón ne rasnonkeh ne koraghkòwah ne Assyria.

11 Jatkaghtoh, jaghrònenh wahhy ne ji-nah-hàyere ne koraghkòwah ne Assyria ne akwèkonh nejiwadonghwenjàde waghshakoghdondethondahhàkwekde; nok t'kàkonde enseghjhisewayadakó?

12 Yaks-niyoh-seràyen ne niyadeyakaonghwenjàkeh enshonwadiyadakó ne ji-nahhoden ne khénihhah nero-naghdondondh, ji-niyught Gozan, neony Haran, neony Rezeph, neony ne exháokonhah (ne ji-nònwèh nighshakoght'kawenh ne Niyoh ne Adonh nok Evah,) nene étho nonwèh Telassar?

13 Kánekh koraghkowah ne Hamath, neony ne koraghkowah ne Arphad, neony ne koraghkòwah ne jikanadowànenh ne Sepharvaim, Hena, ony Ivah?

14 Neony Hezekiah wahhayene ne dahhonwa-

ghyâdouse ne rasnonkeh ne rariwenhhâwise, neony wahhawennaghndòdon: neony Hezekiah eghwareghde êtho ji-nonkâ ro-nonghsode ne Royaner, neony raonhhâ raohhèndonh, wahhodenghdaronhaghse ne Royaner.

15 Neony Hezekiah wahhaderènnuayén ne Royaner-neh wahhenron,

16 O Sayaner ne kentyughkowanenhhòkon, Niyoh ne Israel, nene ranakere ne tyòkenh ne cherubims, ise wahhy ne Niyoh, ony wahhy sonhhâjiwa, neony kayanertserakwèkonh ne jiyonghwenjâde: ise saghsón ne karon-yá neony onghwenja.

17 Desadahhonghdòdenh, O Sayaner, neony satkéns: neony sathòndek raowennakwèkonh ne Sennacherib, nene tho-nhaonh ne naodehhâde ne ronnhéonweh Niyoh.

18 Nene tokenghskéonweh, Royaner, ne koraghkawatshón ne Assyria kâyesé wâdonghs ne ak-aonghwenjakwèkonh, ony jiradinakeronnyòn,

19 Neony ojistakeh ro-natyonh ne raodiniyohhòkon: yaghwahhy deshodiniyoh-seràyen neok ne ònkweh esnonkeh yakodonh jiyakoyúdenhonh, oyende nok o-nèn-yá: nekady wahhònny ro-nagh-dondonh.

20 Ne kady nonwá, O Royaner onkwa-Niyoh, dondakwayadakoh ne rasnonkeh, nene kayanertserakwèkonh ne jiyonghwenjâde ne nayakoder-yendaráné nene ise wahhy ne Royaner ony sonhhajiwa ok.

21 Ethone ne Isaiah ne royenbah ne Amos yahhodennyeghde raonhhakeh ne Hezekiah, wahhenron, Ethone nihhâwenh ne Royaner Niyoh ne Israel, Ji-nònweh nighskwaderennayènnyh ne ra-

onhhakeh Sennacherib ne koraghkôwah ne Assyria:

22 Nenekén nekén-ïkenh ne owènna ne ji-nah-hoden ne Royaner nethodàdyh ne ji-niyutyèrenh ne raonhhá; Nene kondiwìnonh, ne konwadiyén-hokonhah ne Zion, ne yesadaghkwaghswenhonh, neony wáesaghstèriste nene wáesakenghraden; nene konwadiyénhokonhah ne Jerusalem wádew-ennonghkarenron ne isekèh:

23 Raonhhá wahhy eghtshadehhadonh neony sarighwayesaghdonh? raonhhá wahhy dese-ninyode sadewennaketskwenh, sadaghraketskoh é-nekenghjy? sháden-yàwen ony ne raonhhakeh ne Enskat ne Royádadokenghdy ne Israel.

24 Nene eghtse-nháse she-nháseðkon ne wahhy ise sheyadehhadonh ne Royaner, neony isenh, Nene jikentyughkowànenh ne akeserehhòkonh ne nyonderiyughthá lih wakewe ne ji-nonkà ne e-nekenh ne jiyunondowànenghse, nene ránihhakda ne Lebanon; neony lih enkyáke ne karenhhes o-néndakwenghden nekén-ïkenh, neony ne enkeràkó ne karondáðkon nekén-ïkenh: neony lih t'kâkonde enkadaweyáde jí-nònweh ne e-nekenh ne jishakoghnerenghsthá, neony ne jiyuderondakade, (ne roddenh rondadekènhah ne radinekhá.)

25 Wakadákwàdonh, neony waknekirenh noghnèkanoghs; neony ne t'kentskaronghkwenh ne kaghsikèh ne waxthathadonh akwèkonh ne kayy-honhhade-nyón ne wátkonwadighwawenheke ne jikanakde-nyón.

26 Yaghkenh waghònnise dedisaghrònenh, ne Ji-niwakyèrenh; neony ne waghònnise thodixdenh-hokónkenhhá, ne ne lih waxhón? ne nonwa lih wákerihhohhetste, nene kayese enghsàdon ne ji-

wadénhenghròdon ne jikanadowànenghse ne at-karonnyát yúdon-yode.

27 Ne kady wahhònny ne jiradinakeratyé nen-nijorighwaah ne káshatstenghsera, thodinikonghrenhoh ne thiyátkontyeghste: ánihhadiyádodenh ji-nìyught ne ohhonde ne kahhendakeh, neony ji-nìyught ne niyeyohhondodenh ohhondòwan, ji-nìyught ne t'kakhondahhere ne kanonghsakeh, neony ji-nìyught nò-nenghste wákontdokerike arekhó thiyeyunenghstayeriòn.

28 Nok Kyendèryh jise-nakere, neony jìjàkense, neony seghsadaweyàthá, neony sanákhwenghsera ne iihneh.

29 Ne aoriwa ne dake-nák'wàseh, neony saríts-towànenh, ònwé étho jidekahhonghdakaronde, ne kady wahhònny Yenkyén nakwaghryoghkawìne sé-nyonghsakoh, neony ne akwaderistanhondaaghs tskwendakoh, neony lih wahhy dentkon-yaghkdade ne jiyuhhàde nene ji-nondaghse.

30 Neony nene kén-ìkenh euwadé-nyendenghston ne isekèh, ne Enghsexheke ne kenghyughseràde nene okthiyudonnìonh; neony ne teke-nihhadónt yughserade ne ne ji-nalhoden enkanyú ok ne shakat: neony nenaghsenhhadónt yughseràde jenthoh, ony sennekerìyák, neony jenthoh nó-nen-hare, neony ne enghsayake kén-ìkenh.

31 Neony ne yudadenraónh nene jakó-nyakenhoh ne ji-ro-nonghsode ne Judah ne wahhy t'kà-konde àre enskaghdeghrònden denwadaweeghste, neony enwaghyanyònden ne e-nekenh:

32 Entkayàkenne Jerusalem-nèh ne yenwagh-dèndy ne yudadenraónh, neony nene shodínyakenhoh ne jiyunònde ne Zion: ne dehhoghneghdo-

ghrarakonh ne Royaner ne kentyughkowanenhhôkon ne eghnenhhiadîyere kên-îkenh.

33 Ne kady wahônny éthone nihhawenh ne Royaner ne ji-niyutyêrenh ne koraghkôwah ne Assyria, Yaghthaonsarawe ne kenghkanâdakonh, yahhony thaonsahhayâke ne kayênkwire ne éthoh, yahhony thaondâwe nohhiêndonh ne deyônnyadats-thá atyadawy, yahhony thádayunéntkaroyenghde.

34 Nene jiyuhhâde ne ji-nondare, okhony eghniyenhhsre, neony yaghkenghthaonsarawe ne kenghkanâdakonh, ràdon ne Royaner.

35 Wahhy Iih enkyâdake-nhá ne kên-îkenh kanadowânenh ne enskyadakó nene iih akerihhonyát, neony ne raorihhonyát ne rinhasé Dawed.

36 ¶ Ethone ne raoronghyâkeghrô-non ne Royaner ohhiêndonh onghdêndy, neony wakôwenthó ne jiyako-nâdayen ne Assyrian-âka enskat tewênnyawe nok shâdekonh niwaghshenh nok wisk niwênnyaweeghtseraghshenh: neony neô-nenh wahhontketskó orhónkeghjy, wahhontkaghthó, akwêkonh ro-nâwendaonh niyadekayâdahhere.

37 Etho náâwen ne Sennacherib ne koraghkôwah ne Assyria êrenh sareghde, neony donsahhatkarhadêny sareghde, neony eghyonsahhennakerade Nineveh.

38 Neony étho náâwen, ne neh ji-nennêrarighwânekénny ne rao-nonghsakonh ne Nisroch raoniyoh, nene Adrammelech ony Sharezer ne shakoyénhokonhah wahhonwaryú asharékôwah wahhónde; neony eghwahhondekwaghde ne jidewadonghwenjâde, ne Armenia: neony Esar-haddon ne royenhah ne kady sahhotyâdoreke.

## CHAP. XXXVIII.

I *Hezekiah wahhon-yonnhareke jironnhé: 8. 9.*

NE éthone weghniserade-nyonghkwe Hezekiah wahho-nonghwakden ne ji-nonkâ ne kenhhlèyon. Neony Isaiah ne royádadokenghdy ne nohhèndonh yehhaderighwatròry, royenhah ne Amos, ne wahhoyádòrenne, nok wahhawenhhaghse, Kénnihho-yèrenh ne Royaner, Satyenh sanonghsakonh sadadeweyennèndân: ikenh ònenh enghsihheye yaghthaonsaghsadonnhaghdèndy.

2 Ethone ne Hezekiah wahhadaghrondy aghsenghdakdâ nahhatyèrade, neony wahhaderènnayén ne Royaner-neh,

3 Neony wahhenrón, Dakweghyarák né nonwa, O Sayaner, Wákon-yennidenghden, dò-niyught ne Jüké ne sahhèndonh ne ji-non ne tokenghskédnweh, neony aonkwadadeweyennendaónh aondonkwénnikonghraghsaaghdón, neony nene eghnaonkyèren ne ne yuyanere ne jideghskkanere: neony ne Hezekiah wáthaghshenthó wáthó-nikonryáke.

4 Ethoné ne Royaner raowènná wahhoyádòrén-né ne Isaiah wahhenron,

5 Wàs neony enghtshenhhaghse ne Hezekiah, Kennahhàyere ne Royaner nená ne Niyoh ne Dawed ne yánihhah, Kon-yathònde jisaderènnayén Dekkanere ne sakaghserý: wákadkaghthó, Enskon-yeghsten ne sadeghnisera wisk yawènre niyughseràkeh.

6 Neony Enskon-yadakó ne kenghkanàdakonh denshínyoghsere ne rasnonkeh ne koraghkòwah

Assyria: neony Enkaghske-nhá ne kén-ikenh kanàdayén.

7 Neony ne kén-ikenh ne enwadé-nyendenghston ne isekéh Royaner-neh tyuyenghdaghkonh, nene Royaner t'kàkonde eghnenhhàyere kén-ikenh ji-nikarihodenh nene rodàdyh;

8 Jatkaghtoh, shèkonh are enkhewé ne yudagh-sàdare ne jòkhahhatshón, nene yeyutsnenghdonh ne ne étho jikaraghwakáen-yonthá ne Ahaz, oyèry niyùkhahhakeh detyutswade-nyónh. Etho kady nìyught ne karaghwá detyughkdonh oyèry niyùkhahhakeh, nenekén nókhahhàðkon ne wahhy yeyutsnenghdonh.

9 ¶ Ne ne Hezekiah yahhoghyàdonse ne koraghkòwah ne Judah, nene jiro-nonghwakdanihbhaghkwé, nenkady shoyéwendaonhhatyé jiro-nonghwakdany:

10 Wákiron, nene jienshàyake nakwadenghni-sera, Eghniyenhhènke ne jiyudénhenrakaronde ne jiyondatyádadaaghsthá: Iih sahhakeghk'wá ne ji-niwakadadènrónh nakoghserðákon.

11 Wákiron, Yaghtaiken ne Royaner, shaden-yàwen ne Royaner, ji-nònweh tyonghwenjàde ne yonnhédnweh: Yaghshèkonh thaonsakhèken ne ònkweh ne ye-nakeronnyón ne jiyonghwenjàde.

12 Eghnidewakyyen wátyakyadekhaghsy, neony èrenh onkwe-nonghden niinhneh akwah jiniyught ne deyudinákaronhah radinonghne ronade-nyadarode: Dewakyakonh ne jikonnhé akwah jiniyught ne ranyádarònny; denshakyáke niih yahhothè-non ats't thenskenhháke niih kanrá enràde ne jinonkà neghnisera sháden-yàwen ony ne aghsondakeh étho enghskwadòkdaghkwe niih.

13 Enkarade jiniyòre jini-kariwes norhònkeh,



thoikenh, akwah ji-niyught ne kenrex, eghkady nen-yàwen akwèkonh denhhaxyentyàkhón: ne ji-nonkà neghnisera shaden-yàwen ony ne aghson-dakeh étho enghskwadòkdagbkwé nìih.

14 Ji-niyught ne ohhakwaronh, nedenhens ne kádarakonhhaah, Eghniwakaderighwatyé-nighs-tonh Waké-nikonranenghs akwah ji-niyught noride; ò-nenh dewakkaghrakenhhèyonh jiyádekkanere nenekenh: O Sayaner, Wak'wishenghne; ne wakatyènnh.

15 Oghnahhoden Enkiron? dejaronh iih-nelh rakwadyaseh, akwah yadehhadyh eghnihhoyèrenh: Enwakadeweyéndonnye ske-nenhah jiènke akwekonh ne ji-nikoghseràkeh ne jiyutskaratsèrèkonh ne akwadonnhets.

16 O Sayaner ne ken-ikenh karighwáðkon ne onkwehhòkon jiyakonnhé, neony orighwakwekjihonh ne kén-ikenh karighwáðkon nená yonnheghkonh ne aké-nikonrá: daondaghsadaghsawén aonsaghkkwadàkó, ony aonsaghskwadonnhaghdenyáde.

17 Jatkaghthoh, ne kayanerenh Kowànenh watskaradènnh; nok nene ji-nighse-noronghk'wá ne akwadonnhetsheràkonh seghskyáðakwenh ne o-neghshonh ne jiyúdaráhekón: ikenh ne akerighwaneraaxherakwèkonh tshonneh satyeghdonh.

18 Ikenh ne jiyeyáðadaryón yaghdeyàweght aesanèndon; kenhhèyón yaghdeyàweght aesanèndon aesakòwanaghde: ro-nonhhá nene o-neghshonh yehho-natsnenghdonh yaghdeyàweght aonsayondonnharen ne satokenghsketsera.

19 Nene yonnhéðnwèh, nene yonnhéðnwèh, ne enghyanèndon, ji-niwakyèrenh ne kenghweghni-seràde; ondadé-nihhah nokhony nexháokonkeh

akwèkonh en-yakodòkenghse ne satokenghsket-sera.

20 Ne Royaner rodadeweyennendaonh ne en-shakyadakó: ne kady wahhònny t'kàkonde dede-waríwaghk nakerennadokenghdy ne ne karenghsodarikhón jikaghsón, onkweghniserakwèkonh ne jityonnhé, rao-nonghsakonh ne Royaner.

21 Ikenh ràwenh ne Isaiah, kinyuh radídonwan-yondàkoh ne jokaghreghdese kahhighk, neony étho ense-niyén jirokwaròndon, éthone enshâyé-wendáné.

22 Ony Hezekiah ràwenh, Oghnahhoden naah ne enwadé-nyendenghston nene Jienkerathén en-ke-nondaráné ne jiro-nonghsode ne Royaner ?

## CHAP. XXXIX.

*I Merodach-baladan, yakhó-nháne nene ao-nadaghrénselha ne Hezekiah, ne nyaatkaghtó ne ji-nihhotshokowaghse. 3.*

**NENEH** éthone nonweh shiyahhonderighwih-hewe Merodach-baladan, ne royenah ne Baladan, ne koraghkúwah ne Jikanadowanenh, (konwàysats Babylon,) yahhoghyàdonse ne jithenderon ne Hezekiah : ikenh rorighwaghrònenh nene ro-nongh wakdanihhaghkwe, ne kady nen-èsó joyanere.

2 Neony Hezekiah waghshakotshennonnyáse, neony waghshako-náddònhaghse ne jikanonghsode jikàyen ne raowenghshonhah ne kanoronshón, ne karistanòron nokhony ne oji-nekwar karistanoron, neony ne kaserakónhónse, neony ne wen-ye-nano-

ronshón, neony akwèkonh ne jikanonghsode ne dehhénnyadatsthá, neony akwèkonh ne ondets-hèny ne raotshokowaghsera: yahhothè-non de-kàyen ne rao-nonghsakonh, yahhony ne akwèkonh ne ji-nihhoyanertsera, nene Hezekiah ne nyaghtashako-nádònnny.

3 ¶ Ethone eghwarawe ne Isaiah nene royádadokengdy raonhhakeh ne koraghkòwah ne Hezekiah, neony wahhawenhhaghse, Oghnahhoden wahhonniron ne kenìkenh ronònkwèh? Ká dah-hadiyenghdaghkwe jiwahhònnewe ne isekèh? neony ne Hezekiah wahhenron, ì-nonh tye-nakere jidahhonghdèndy wahhonkyádòrenne, ony ji-nonkà ne t'kanadowànenh. (Babylon.)

4 Ethone sahhenron, Oghnahhoden wahhontkaghthó ne sanonghsakonh? neony Hezekiah sahharighwáseràkó, Akwèkonh ne ji-nikàyen nake-nonghsakonh wahhontkaghthó: yahhothè-non de-yudadènròn ne ji-niwakatshókowaghsera ne nyaghthaakhe-nádònnny.

5 Ethone ne Isaiah wahhenron ne raonhhakeh ne Hezekiah, Sathòndek neraowènná ne Royaner ne kentyughkowanenhhòkon:

6 Satkaghthoh, ònwé neghniseràðkon, nene akwèkonh ne ji-nikàyen ne sanonghsakonh, neony ne ne ji-nahhoden ne yánihhah rotyé-nighdonh rodeweyendón yákarighwihhewe kenghweghniseràde, enkahhawighdon Jitkanadowànenh: yahhothè-non thaonsayudàdenre, ràdon ne Royaner.

7 Neony ne sheyenhokonhah nene enhhonwadiyáðinekenwe ne isekèh, nene ìse waghsherigh-wihheghse, wahhy èrenh enhhonwadiyáðenhhà-wighde; neony denhhonwadinen-yadaghkó ne

rao-nonghsakonh ne koraghkôwah ne Jikanado-  
wanenh. (Babylon.)

8 Ethone wahhenron ne Hezekiah raonhhakeh  
ne Isaiah, Yuyanere ne raowènná ne Royaner ne  
ji-nahhoden yadatyaseh. Ràwenh senhhá yenwa-  
dohhetste, Ikenh enkayanerenghserayèndake nok-  
hony ne tokenghskeðnwèh ne akwadeghniseràkonh.

## CHAP. XL.

I *Ne onderihhòwanaghde onderighwanhodònkó  
ne orighwadokenghdy. 3. 9.,*

**SAJADATKWAGHTSTENH**, sajadatkwaght-  
stenh akonkweda né rawenh ne sewa Niyoh.

2 Yetshiyadàdyh ske-nenhah ne nyaweryéndi-  
yught ji-nonkà ne Jerusalem, yadejaghshenthoh  
naonhhakeh ; nene aoderiyughsera naah nenkaw-  
yennendaónh, nene aoyádaghdonghtsera nenskon-  
warighwiughstennyh : ikenh nensé joyè-nah ne  
Royaner rasnonkeh yughnanet ne aorighwaneraax-  
herakwèkonh.

3 Ne raowènná nene rawennodatyese ne karhá-  
konh, Jadenrhàrat ne jirohhàde ne Royaner, se-  
nidakwarighsyh ne ji-non nyadekahheghòdnnyh  
ne yuhhahhakwé-niyû ne onkwa Niyoh.

4 Akwèkonh ne jiyonghraghkwanyón enskadak-  
warighsyón, nokhony akwèkonh ne jiyunonde-  
nyón ony yonghnyaghronnyón t'kàkonde eghdakeh  
dentkadàdon : nokhony ne deyutshakdanihhón

t'kàkonde enskadakwarighsyon, neony ne yao-káde-nyón kanakde-nyón denskaghstarathedon :

5 Neony ne raónwesenghtsera ne Royaner t'kàkonde thenwatkathó e-neb en-yonnihháke, neony ó-waghrakwèkonh t'kàkonde enkontkaghthó enskatneh: ikenh ne Royaner ne jiraghsakaronde thodàdyh.

6 Wàdon nowèнна, desaghshenthoh. Neony wahhenron, Oghnahhoden Jidenkaghshenthó? O-waghrakwèkonh naah ne nohhonde, neony akwèkonh ne tyakaweghdaghkonh thoikenh akwah ji-niyught ne yujjaghraràkonh ne kahheghdakeh:

7 Onghstathén ne ohhonde, ne ojija ondagh-sòkó: ásékenh ne Royaner Raó-nikonrá nená yujijonde: orighwiyú ne onkwehhòkon nená nohhonde.

8 Ne nohhonde onghstathén, ne nojija ondagh-sòkó; nok ne raowèнна nonkwa-Niyoh t'kàkonde nénné enkàdake ne ji-niyenhhènwe.

9 O Zion, nene dakwabhèwyh ne karighwiyúse, se-nondarán ne jiyundnde, O Jerusalem, nene dakwabhèwyh ne karighwiyúse, sadewennaketskoh ne sáshatstenghsera, sketskoh, toghsa aesa-ghderónné; yájironh ne ji-nonkà t'kanàdayen ne Judah, Eghjhijatkaghthoh ne sewa-Niyoh!

10 Jatkaghthoh, ne Royaner Niyoh dondare wahhy t'kàkonde ne raóshatstenghsera ne rasnonkeh, neony ne rao-nontshá enhhorighwakwadakwén: jatkaghthoh, ji-nihhorharatstonh rahbháwy wahhy, neony ne raoyúdenghsera raohhèndonh.

11 Engshakò-nonde wahhy ne raotyughkwá ji-niyught ne deyudinákarondonhah ratsteristhá; engshakoyádaroroke ne nikonnasa owiraah ne deyudinákarondonhah ranontshakeh enrade, neony

enghshakoyádenhhawe étho ranàskwakonh, nok-  
hcny ske-nénbahjienghshakoweyaghsine akaonhhá  
ne ne enskatneh ne nityakoyenhah.

12 Raonhhá rode-nyèndenh ne oghnekaðkon ne  
o-nakonghjy ne rasnonkeh, neony odokenhónh  
wadé-nyèndenh ne ji-niyawedá yokwenh ne ka-  
ronghyakeh waderonghkarare, neony ne ayontye-  
nawaghstèdnweh ne jiyudakenghrade-nyonh ne  
jiyonghwenjàde ne adé-nyendenghtseràkonh, ne-  
ony kakóntserihhare ne jiyumonde-nyón ne jiye-  
kóntserihharaghk'wá neony ne jiyonghnyaghron-  
nyón shádenjoxdenne?

13 Raonhhá wahhy e-neh shakaonnyénnyh ne  
Kánikonrá ne Royaner, nedénhens, eghnihhadiyá-  
dódenhhòdnweh ne ronwajenhhayénny ne ronwayá-  
daghniràdonh?

14 Rahhàwy wàtraghkwé ne t'kayádoreghdon,  
neony onghká ronwarihhonnyénnyh, neony ron-  
warihhonnyénnyh ne jiyuhhàde ne kajenhhayengh-  
tsera nadewendeghtsera, neony ronwarihhonnyèn-  
nyh natdokhatsera, neony ronwanáððonnyh ne ra-  
onhhakeh ne ji-niyeyuderighwinonh ne aghronk-  
hatsera?

15 Jatkaghthoh, ne niyádeyakaonghwenjàkeh  
akwah ji-niyugt ne nikaghstaraah ne kánaghkonh  
ne yejenghdaghk'wàkeh, nokhony wahhy wagh-  
ratsheraghkwenthonh ji-niyugt ne niyurighwaah  
jiyudákenghrade-nyonh ne shádeyuxdegghkwenh :  
jatkaghthoh, wàtraghkwé ne kaweghnogghkwáðkon  
akwah ji-niyugt ne othè-non kén-ok naaonghské.

16 Neony ne Lebanon yaghwahhy thiyekayèry  
ne naontshá, yaghony ne kondiryú ne kén-ikenh  
thiyekayèry ne nayonnèyonghkwé.

17 Akaonghwenjakwèkonh raohhèndonh akwah

ji-niyught ne yahhothê-non ; neony ronwanaghrats-heraghkwenthonh raonhhakeh tyâdokde nakwah yahhothê-non nokhony naðkon.

18 Ethone ne raonhhakeh shâdensewayâdoden-né ne Niyoh ? nedénhens oghnahhoden daonsak-yatyèrenne ne jonhhá shâdayuriwâne ne raonhhakeh ?

19 Ne ne rodiyûdenghs ne rodiwistanawenghne kayâdônnyh, neony ne radiristanoróntserônny ne de-thodiweyontyonh ne oji-nekwarkaristandron, neony yewatyonh ne karistandron deyudarhoghseron.

20 Raonhhá ne ne wahhy eghniyught dahhოდenghdasere, ne ne yaghné ne aarighwayennih-heke, ne aonsahhadaderakwen ne karônda ne ne yaghdeyâweght ayutkén : rêsax ne raonhhakeh ne ne rotyûdenghseratyèron ne rônkwelh ne ne aaden-rharade ne daonsak-yatyèren ne kayâdônnyh, ne ne yaghdeyâweght èrenh aaweghde.

21 Yaghkenh desewadokenghseh ? yahho-ní-kenh desewathònde ? yaghkenh deyesaghròryh nakwah jityudaghsawe ? yaghkenh thiyesewáni-konghrayendaonh ne jityudonghwenjadaghsawe ?

22 Raonhhá wahhy ne ne rentsqwahhere ne tyonghwenjokenghkeh, neony ne jiye-nakeronnyón nethoh akwah ji-niyught ne jistarare, ne ne yâdeh-hodakwarighdonh ne karonghyûkelhðkon akwah ji-niyught no-nyadara deyonde-nakdadonghk'wá, neony ne yâdewadokwaghdonh yâdeware-nyadonh ji-niyught ne wadenyâdaròdon ne ne ehhayonna-kerade ;

23 Ne ne enkahhewé ne koraghkowatshón ne ne yahhothê-non dejòrihhonde : enghshakaônny ne rajenhhayenghskôwah ne ne jiyonghwenjàde ji-niyught ne sðkón.

24 Orighwiyú, yaghtaonsahhadiyenthó; orighwiyú, yagthiyaonsahho-nàdy ne kàné nonghwenjakeh; orighwiyú, ne ne. jiaodihhonródakwé-niyú yaghtaonsakayè-na ne aoghdera ne étho onghwenjakeh: neony t'kàkonde enghshakojijonthaghse ne ro-nonhakeh, neony t'kàkonde enwaghstathén enwatdokerike, neony ne den-yuweradàse yenkahhawe entkaji-nonhonghkwarodakwaghdayón.

25 Ethone Iih-neh enseghskwayèrenne, nedénhens Shádendewayádodenne? ràwenh ne Royáadokenghdy.

26 Yásatkaghtthoh ne é-nekenghjy, neony enghsatkaghtthó onghka yughsón ne kén-ìkenh karighwáðkon, ne ne enthayakenwe ne raodityughkowanenghtsera ne jiwaghràdonh: yaghshako-nadon akwèkonh ne raodighsènná, ne ne ji-nihhóshatstenghserowànenh, ne wahhònny rashatste ne káshats-tenghseràkonh; yahhenskat thádaondonghkede akayáðakenhheye.

27 Oghnaah waghstiron, O Yàkwek, neony ne yesadewènnenthonh, O Israel, Wakathahhaghðònnyh ne Royaner-neh nonkàdyh, neony nakjenhha-yenghtsera adewendeghtsera wadohhetstané neji-nonkà ñake Niyoh?

28 Yaghkenh desewaderyendare, yaghkenh desewaghròkenh, nene ji-niyenhhènwe Niyoh, ne Royaner, ne Raonnison ne jiyudonghwenjókdanihon, yaghtakayáðakenhheye, yahhony tháðakaghwishenheye? yaghwahhy thaonsondesake ne raónikonghrayendaghtsera.

29 Shakóshatsenghseràwyh ne ji-nonká nyakoyáðakenhhèyonh; neony ro-nonhhakeh nene yaghdeshodíshatstenghseràyen raonhhá saghshakoyádaghnirade.



30 Shaden-yâwén ony ne nityakoyensá t'kàkonde en-yeyádakenhheye nokhony den-yeghwishenhheye, neony ne radinekenghderontshonhah t'kàkonde yenwatsháaghde enihadiyádenne:

31 Nok ro-nonhhá ne ne ronwaghronghwaseh deyakodaonh ne Royaner-neh t'kàkonde àsé en-seghshakóshatstenghseron; t'kàkonde denhhadine-rahhontshòndáne ji-nìyught ne odonnyenh; t'kàkonde denhhonraghdade nokhony yaghthadaadighwishenhheye, neony yádenhhondékhahhaghkwé neony yaghthaadiyádakenhheye.

## CHAP. XLI.

*I Niyoh dehhodirihhodarhonh ne raonkweda ne ji-niyeyuderighwìnonh ne rao-nidenreghtsera ne raotyughkwadokenghdikeh, 10. 21.*

**DAJADODEK** nakhèndonh, O kawenode; neony kinyoh ne onkwehhòkon àsé jiaonsaadíshats-tenne: kinyoh kàró thontkwít, éthhone daghnon rondàdyh; kinyoh dewatkennisa enskatneh thoah ideweght ne jikajenhhayén nadewendeghtsera.

2 Onghká thoketskwenh ne roderighwakwari-ghsyonh ne jìtkàraghkwinekêense, ronwayádarakwenh ne raghsikeh, shèyonh ne niyádeyonghwen-jàkeh ne raohhèndonh, neony ne wahhonwayòuny ne nenghshakorighwakwadakwaghse ne koraghkawatshón? shakòwyh ne ro-nonhhá ji-nìyught ne jiyudákenghrade-nyouh ne raosharékowah, neony ne ji-nìyught nayudòry ne oji-náara nonnekery nene jidehhotshàkdonh. (nene raòènná.)

3 Waghshakotsherháde ro-nonhhá, neony skènnen thahhadohhetste ; shátyàwen ony ne ji-nònweh niyuhháde nene yahheghthiye hhoradaonh ne raghsikeh.

4 Onghká ná yuyúdenhónh nokhony kaweyennendaonh kaghsón, denthonwadironghyenhhare ne jikaghnekwaghsade nene jityudaghsawe ? Iih ne Akyaner, ne tyutyerenghdonh, neony ne noghnakén en-yaonnyáde Iih naah.

5 Ne kaweghnoghkwa ontkaghtó, neony wát-yudonhharenrón ; ne jiyudonghwenjòkdanihhón akwèkonh wáodighderonné, akdá dontkwíde, ony ònwé.

6 Waghshakodiyè-nawáse ji-niyádehhàdyh ne ronnonghsanekhahhón ; neony ji-niyádehhàdyh wahhonwennenhhaghse ne rondadekènhah, Sewánikonghraghnironhhák.

7 Eghkady náàwen ne ranonghsònny wahhónikonghraghnirade ne ojinekwar raristanoróntserónny, neony raonhhá nene dehhaghstarathethá yeristayaakthá rathá raonhhá nene rayenghthá ne jiyeristaghraghk'wá, ràdón, Watsheronnyaghkwenthonh kaweyennendaónh wahhy nè jiyádenskyatyeghstéonweh : neony wahhaghñirade wahharonwarodonnyón, nene yahhèrenh thaonsontkwíde.

8 Nok nìsé, Israel, ìse wahhy nake-nhatsera, Yàkwek raonhhá Riyádarakwenh, ne raoghnekwaghsá ne Akwerent akyadènró.

9 Isé wahhy Skon-yádakwenh ne ji-nonkà yudonghwenjòkdanihhón, neony yekonronghyenhàronh ne ji-nonkà ne thadiyádakwé-niyú ne ronnokwehhòkon ne éthoh, neony wahhenron ne isekeb, Isé wahhy nake-nhatsera, Iih kon-yádarakwenh, neony yagh-issy thiyekon-yádontyonh.

10 Toghsa desadonhharenronh ; ikenh lih wahhy ide-nésé ; toghsá kasánikonren-n, ikenh Iih wahhy ne sa-Niyoh : Iih wahhy enkon-yádaghnìrade ; orighwìyú, Enkon-yadake-nhá ; orighwìyú, Iih denkonghsnyé-né ne jikeweyendeghdaghkonh ne kesnonkeh ne akwatdakwarighsyonghtsera.

11 Jatkaghtoh, radikwèkonh nene yughsnòre jiyudekén nene yesaghsweughse nená nenhhonwanadehháde nokhony enthodínikonréuné : ánenhohdiyadawén ji-nìyught nyahhothè-non ; neony ro-nonhhá nene yesaghsteronwy enhhonnibheye t'kàkonde.

12 Ne enghsheyádisake ro-nonhhá, nok yaghthasheyádatshèny, sháden-yàwen ony ne ro-nonhhá nene deyesarihhoghraràkonh : ro-nonhhá nene desewanyode sewaderìyuh ánen-yàwen ji-nìyught nyahhothè-non, neony ji-nìyught nene othè-non ne ji-nahboden ne nyaghthiyádeyurihhonde.

13 Ikenh lih ne Akýaner sa-Niyoh wahhy enghyatyè-nawaghste ne jiseweyendeghdaghkonh ne sesnonkeh, ràdon ne isekeh, toghsa desadonhharenronh ; Iih wahhy enkon-yátake-nhá. enkon-yè-nawáse.

14 Toghsa desadonhharenronh, isé ne oji-nòwa Yákwek, neony ise ne jonkweñhòkon ne Israel ; Iih enkon-yátake-nhá enkon-yè-nawáse, ràdon ne Royaner, neony ne syayádakwenh, ne Enskat ne Royádadokenghdy ne Israel

15 Satkaghtoh, Iih àsé enkonghsaaghsé nene yontsthá jienghjitskwaeke yughyúthiye nene kanojode : enghsitskwaeke ne jiyunonde-nyón, neony enghsweake enghsheyaghsthoghde, neony ánen-yàwen ne yonghnyaghronnyón ji-nìyught nòshewaghsery.

16 Enghsheyashewe nero-nonhhá, nechy ne oweronh ne yenhhodiyádenhhawe, neony wahhy denhhodiweradàse denhho-nare-nyáde : neony jadonnharenh ne Royaner-tseràkonh, neonytenghjhi-jónwèsaghde ne Royadadokenghditseràkonh ne Israel.

17 Ne o-nenh ne yakodenghde-nyón nokhony deyondonnhakaryaghs yeghnekisax, nok yaghkaneká, neony ne rao-nénnaghsonneh yukenbhè-yonh yawenhhèyonh ne ji-niynyadathenghse, Iih ne Akyaner enkheyathòndeke, Iih ne Niyoh ne Israel yaghwahhy thakheyadewèndeghde.

18 Enke-nhodònkó jikayyhonhhade-nyón ne enekenh nikanakde-nyón, neony ne jiyughnaweròdon ne shádewaghsènnenh ne onghraghkwakonghshón : Iih enkeweyennèndane ne karhàkonh ne weghkwayèndon ne oghhekanoghs, neony ne ji-aonghwenjathenkeh dakaghnaweròden ne oghnekanoghs.

19 Enkyenthó ne karhàkonh ne o-níndakwenghdén, ne kayendanòron, neony ne yeyenthoghthá karònda, neony ne yaken-yeghwaghtà karonda, Iih wahhy yenkyén étho karhakonhhònweh ne oghneghdoyá, nokhony noghneghdákòwah, neony ne yedaghk'wá karòndá enskat-neh ;

20 Nene aòndon aontkaghtó nokhony aodidòkenghse, neony daadiyáddòreghe, neony enskat-neh jienhhodínikonghrayèndáne, nèneh ne rasnonkeh ne Royaner eghnihhoyèrenh kén-íkenh, neony ne Enskat ne Royádadokenghdy ne Israel né roghsón.

21 Seghyaronh ne sarihhonnyát, ràdón ne Royaner : kase-nihhah ne yushatste ne sewarihhonnyát, ràdón ne koraghkòwah ne Yàkwek.

22 Kinyuh ro-nonhhá radihhef, neony en-yonk-hinádònhaghse ne ji-nen-yonkwayadawen : ne yonkhinádònhaghs ne ji-nikayádodenh ne karigh-wáðkon oghnekén nahhoden ji-niyught, nene aon-don dayakhiyádòreghe, neony ne nayonkwadò-kenghsé ne ji-nenh-yenhho-naderihhòkthaghse ; neony ne thayonkwatkwathose nekarighwáðkon ne ne dàwe.

23 Dakwanádònhaghs ne karighwáðkon né neh dàwé kenghyaondaghsawén, nene ayonkwadery-endaráne nene jonhhá ne niyohhòkon : orighwiýú, yuyanere ji-nenjatyere, ne denhens ne wahhetkén ji-nenjatyere, nene aondayonkwánikonrénné, ne-ony ne enskatneh ayakwatthaghtó.

24 Jatkaghtoh, yaghwahhy othè-nón desewa-rihhonde, nokhony ne sewayüdenghsera yahhothè-non thiyádeyurihhonde : ne adatswenhonn nená raonhhá nene sayadarakwenh.

25 Enskat Dakiketskó othorekeh nonkàdyh, ne-ony t'kàkonde entre : ne jitkaraghkwinekénse ne enkonwanadonghkwe ne axhènna ; neony ne ra-onhhá t'kàkonde ehhenrawe jidekarenghsaron ji-niyught ne kaghswatheghtserakeh, neony ji-ni-yught ne rats'hédònný kénniyehhayerhá ratsthá no-nawàtstá.

26 Onghká thiyonkhikwathoseh ne jityudagh-sawe, ne ne aàndon ayonkwaderyendarané ? ne narekhó thiyeyuderighwihheh, ne naòndón ayak-wenron, Raonhhá wahhy roderighwakwarighsy-cnh ? orighwiýú, yaghkaneká nene ayonkhiná-dònný, orighwiýú, yaghkaneká nene thayonkhik-wathosé ; orighwiýú, yaghkaneká nene nayakot-hòndeke ne sawennáðkon.

27 Ne tyutyerengbdonh enkonwenhhaghse ne

Zon, Jatkaghtoh, yetshiyatkaghtoh : neony Iih enkhèyon ne Jerusalem-neh enskat nene karighwì-yuh rorighwayendatyé.

28 Ikenh Iih wáatkaghtò, neony yaghkaneka ne ònkweh, shádèyught ony ne raodityughkwa-konh, neony yaghkaneká ne dayeyádoreghthake, neneh, ne o-nenh Shákherighwanèndonghsé, yaghskawènnat detho-nadàdyh.

29 Jatkaghtoh, radikwèkonh wahhy raodiyá-dòkón; né neh raodiyúdenghsera ne nyahhothè-non : nene radiwistanawenghk'wa ne rontyádon-nighseronnyathá ne wahhy ne oweronh ony at-karonnyát.

## CHAP. XLII.

I *Ne ne raodeweyènna ne Keristus : 5, 10.*

JATKAGHTOH nakwadennhatsera, ro-nonh-há Dekheghsnye nyaghtaondahhadiyadénne ; iih kheyádarakwenh, ro-nonhhátseràkonh nakwadon-nhets ne ro-nadonnhaghraghkwenh : Eghyewak-yén naké-nikonrá ne raonhhakeh, raonhha ony enghshakohheghse ne kajenhhayenghtsera nade-wendeghtsera ne ji-nonkà ne nyaghdeyakorighwì-yughstonh.

2 Yakhony thádaaghshenthó, yakhony thaah-haradade, yakhony ne raowènna ne ne ayakothòndeke ne jidekanadòkenh.

3 Nene yuhhonródakwarashón yaghnaah tháda-arighde, neony ne jiyutyénkwarònnyh nene yeyen-

thoghtha oghskare yaghná thaaswaghde : nok ne entkahhawé ne kajenhhayenghtsera nadewendeghtsera ji-nonkà ne tokenghskéònwèh.

4 Yaghthaondahhóserònnenghde yaghony tha-daó-nikonryáke, ji-nènwe ji-nikariwes enhhàyn ne kajenhhayenghtsera ne onghwenjakeh : neony ne jikaweghnòdon t'kàkonde enkonwennonná en-karihònuy ne raorighwakeh.

5 Kénnihhoyèrenh Niyoh ne Royaner, raonhhá ne ne roghsón ne karonghyákehòkon, neony yá-dehhodakwarighdonh : raonhhá nene dehhore-nyadonh ne jiyonghwenjade, neony nene ji-nahhoden nehhentkondiyákénne ; raonhhá ne ne shakodonyeghtseràwyh ne onkwehhokonkeh dakaráné, neony ne kánikonra ne ro-nonhhakeh ne deyudawenryeh étho ;

6 Iih ne Akyaner yekonronghyenhhá ne atdakwarighsyonghtseràkonh. neony je-nah étho sesnonkeh, neony t'kàkonde satyè-nawaghst nise, neony shèyonh nise nene daesewarihhonden ne onkwehhòkon, nene daodighswathé-ne ne ne yaghdehhodirighwiughstonh,

7 Nene daonsayontkaghkwarighsy ne deyerónwèkonh, ne ne aonsayondatyáadinekenwe ne e-naghskwá ne ji-nònwèh niye-nhòdon ne jiyondade-phodonghk'wá, neony ro-nonhhá ne ne aghsàdakonh radideron enshonwadiyadinekenwe ne kanonghsakonh ne jiyondade-nhodonghk'wá.

8 Iih ne Akyaner ; ne wahhy axhèнна : neony nakónwesenghtsera yaghná Thaakhèyon ne thiyède, yaghony nake-nendonghtsera nene daonsakyyatyèrén.

9 Jatkaghthoh, ne ji-nihhoghsón ne karighwáò-

kon eghwahhy náàwén (akwekonh,) neony àsé ne karighwáðkón lih adennozerhenà wákyonnyén: arekhó thiyenrho-naghdentyón. Wákonghròry ne ro-nonhhá.

10 Desewariwaghk ne Royaner-neh ne karèn-nase, neony ne rao-nendonghtsera ne ji-nonkà ye-yudonghwenjokde, akaonhhá ne ne yen-yontsnenghde ne kanyadarákeghkòwah, neony akwekonh ne étho iwát; ne kaweghnòdon, nokhony ne y'e-nakeronnyón ne étho.

11 Kinyoh ne karhàkonh nokhony ne jikanadowànenghse ne étho kondewennaketskoh, nene thi-kanadayendonhah nene Kedar eghranakere; kinyoh nene otstenghrakeh ye-nakeronnyón dehhadiriwaghk, kinyoh yehhonderítstarenh ne o-non-dohharakeh ne jiyunondowànenghse.

12 Kinyoh ronwayónwesaght ne Royaner-neh, neony okhadennoserhenh ne rao-nendonghtsera ne kaweghnoghwakonghshón.

13 Ne Royaner t'kàkonde yenhaghhdèndy ji-niyught ne thihhashatste ne rònkwèh, yenghro-ryaneron yádenhhawenrye ne adekefaghsera akwah ji-niyught ne rònkwèh ne roghskênrakeghdékòwah: wahhy denhhaghshenthó; orighwìyú, ony rowennakarenyh den-yádonhhareghre; raonhhá t'kàkonde e-nekenh eughshakotraghkwén ne deho-nyode nene ronwaghswenghse.

14 Nenkariwes shiwakatyè-nawaghstonh nakyanerenghsera; Kénthiwakyèrenh, ony dewakadónnonh ne yádekyadyh: nonwa Denkaghshenthó akwah ji-niyught ne tyuthonwìsén wadewedonghs; Enkaghdónde nokhony yenkadek'wisaghde.

15 Kàyese Enkònnny jiyunondowànenghse neony



ne jiyonghnyaghronnyón, neony enwaghstathén akwèkonh ne raodixhadá; neony Iih enkònný enxhá nene jikayyhonhhade-nyón ony kaweghnòdon, t'kàkonde Enxdatháde ne yuyyhonhhenghdanyón, (ony weghkwayèndon.)

16 Neony Iih yenkheyathewe ne dehhadirónwèkonh ji-nònweh nyaghdehhadiyendèryh; Iih t'kàkonde enkheyaghshàrine ne jiyuhhàde ne ne yaghdehho-naderyendare: Iih denxwathéde ne jityukaraghs ne raodihhèndonh, neony ne deyuderighwákdanihhónenskadakwarighsyón. Neneken-ikenh karighwáðkon Eghnenkyere ne ro-nonhhakeh, yaghtakheyadewèndeghde ne ro-nonhhá.

17 Wahhy t'kàkonde denthonghkede, ro-nadehhenghserowànenh, ne ne kayádònnýh konwade wennodaghkonh, nene konwenny ne kaghsón nekayádònnýh. Isé wahhy nonkwa-Niyoh.

18 Jathòndek, ise ne desewarónwèkonh; nok jatthaghtoh, ise ne desewarónwèkonh nene aese-wàkenne.

19 Onghká nekén deyerónwèkonh, ne ok nakwadennhatsera? nedenhens deyonhhonghdakwèkonh, ji-niyught nakwadennhatsera nene Yekkhe-nhaonh? onghká nekén deyerónwèkonh ji-niyught ne raonhhá nene ányoh aodadeweyennendaonh, nok dehharónwèkonh ji-niyught ne Royaner ro-nháse?

20 Aese-niken ji-niyawedá ne karighwáðkon, nok yaghtaesewatkaghthó, enwadennhodònkó ne sewahbonghdá, nok yaghdehhoghrònkenh.

21 Ne Royaner yuneghrakwaght raweryéndiyughs ne tyuriwá ne raotdakwarighsyonghtsera; raonhhá enghreghyaghroniye entyawédowanhaghshere ok ne atdakwarighsyonghtsera, neony ne jienhhaghsha dekarenghsarón.

22 Nok ne nekén-ne kén-ikenh ne onkwehhòkon ne ronwadighk'wanyón nokhony rodidaxhenhoh; ro-nonhhá wahhy akwèkonh dehho-naghskwenhoh ne jiyughshonwe-nyón, neony wahhy ro-nadaghseghdonh étho jikanonghsodon ne yondade-nhodonhk'wá : ro-nonhhá wahhy ne ronwadighk'-wanyon, neony yalhenskat ony thaonsayondatyadakó; ikenh rodihhetkenhoh, nokhony yalhenskat thayairon, Enshotyèritshé.

23 Onghka ne sewentyughkwakonh ne dayondahhonghdòden nenekén-ikenh? onghká en-yondahhonghsiyughste, neony aejathòndeke nene nen-yenwaderighwihhewe ne ènwawé?

24 Onghká ronwàwyh ne Yàkwek ne thiyayon-dadeghk'wá, neony ne Israel ji-nonkà ne shakonaghseglthá? yaghkenh ne Royaner, raonhhá deyonkwanyode nene yonkwarighwaneren? ikenh yaghdehhonthòndats nehhaonghdèndy raohhañhakoh, yalhony dehho-nathondàdonh ne ji-nonkà ne raotdakwarighsyonkeh.

25 Ne wahhònny thoweronthoh wahhy ne raonhhakeh ne aderyaghdikhonghtsera ne rao-nák'-wenghsera, neony ne kashatstenghsera ne jiwaderiyuh: neony nenwadekadonh tháthoghk'wadàsede, shèkonh yaghdehhodokenghseh; neony wahhouwayádòden, shekonh yahheghthiyehhòyén raweryaneh.

## CHAP. XLIII.

I *Ne Royane wahhayádaghñirade ne o-nonghsa-dokenghdy ne ne ji-nahhoden rorharatstonh : 14. 18.*

NOK nonwá, ràdón ne Royaner wahhy nene ya-yádisón, O Yakwek, neony raonhhá wahhy egh-nighyayádayèrenh, O Israel, Toghsa desadonhharenronh ; ikenh Skonyádakwenh wahhy, Yeskon-nadón wahhy ne saghsènná ; ìse wahhy sewakà-wenghk.

2 Ne ó-nenh denghsadonkoghde enghsadohhetste ne oghnekáðkon, Ende-nikwekonhhatyé wahhy ; nokhony denghsadohhetste ne jikayyhonhhadenyón, yaghwahhy thaesenghnòdon : ne o-nenh ne yenghsaghdèndy denghsadohhetste ne jiyudekhá yaghwahhy thasatyadatshá ; yalhony thaesen-nídonghkweeghste.

3 Ikenh lih Akyaner sa Niyoh, ne Royádado-kenghdy Enskat ne Israel, Syayádakwenh : Kheyàwyh ne Egypt ne nensjisaghnerenghsy jisenaghskwá, Ethiopia nok Seba sàwenghk.

4 Jinabhé sayádaneghrakwah yukarowànenh ne jidekonkanere, ne jideghserenghsaron, neony Konnoronghkwa : ne kady wahhònny Enkòn-yón ne onkwehhòkon ne ìse, ne onkwehhòkon ne jisonnhé.

5 Toghsa desadonhharenronh ; ikenh De-níkwekònhhatyése ide-nése wahhy : èrenh dendekeyádenhhawighde ne saghnekwaghsá ne ji-nonkà t'karaghkwinekénse, neony saserorok ne ji-nonkà yá-dewatshothoghs ;

6 Enkenhhaghse ne othorekeh, Sënnikonryák ; yásadadaghtkáf, ne ji-nonkà entyekeh, Toghsá kasatyè-nawaghst: kashehhah kheyénhokonhah ne radijin ji-nonkà ne monh, nokhony kheyénhokonhah ne tyu-nathonwisen ne ji-nonkà yádeyudonghwenjòkdanihhòn ;

7 Sháden-yàwen ony thentkàkwekde néneh né yondade-nádonghkwenh ne axhènná: ikenh Iih riyádison ne nakónwesenghtserá, Iih eghnihhiyádayèrenh ; orighwiýú, Iih riyádison.

8 Kayetshiyádenhhah ne onkwehhòkon ne deyerónwekhón ne ne yakokaghradaryón, nokhony ne deyonhhondakwèkonh nene deyonhhonghdonde.

9 Kinyoh ne akaonghwenjakwèkonh enskatneh yontkennisa, neony kinyoh ne onkwehhòkon rontyádatkennisa: onghká ne ji-nihhodityughkwá ayekwèny ne okthayerighwakwathó ne kén-ikenh, neony ayonkhinádònhaghse ne ji-niyen-yuriwawén? kinyoh thadihhah ne nenhhadirighwaghni-ratste, ne ne aòndon ne aodirighwakwadakwaghse: ne dénhens kinyoh ronronk, neony ronnironh, Ne wahhy ne tokenghskéonweh.

10 Jonhhá wahhy nakerighwaghniirhaghsera, ràdón ne Royaner, ne akwadennhatsera ro-nonhhá wahhy Kheyadarakwenh ; nene aesewaderyendane nokhony aondaghskweghdaghkwé, neony yaesewánikonghrayèndane Iih wahhy : akhèndonh yaghkaneká deka Niyoh-seràyén nakaghsón, yahony ne aknakén ne aonknonderatyeghde.

11 Iih, ony shakat Iih, Akyaner ; neony ne ne thakàdeke niih yaghkaneka Thaonsayakoyadakó.

12 Iih thikwarighwakwathoseh, ony skwayádkwenh, nokhony Kwanádònnih, ne o-nenh yaghkaneká ne thakaniiyoh-seradeke ne sewentyugh-

kwakonh : ne kady wahhònny jonhhá wahhy nake-righwaghnirhaghsera, Ràdon ne Royaner, lih nah ne Niyoh.

13 Orighwiyú, arekhó ne kenwènde lih shikenh ; nokhony yaglikaneká ne ne akakwèny daoukény-oghsere ne kesnonkeh : t'kàkonde Enwakyúdén, neony onghká en-yonkerihhón ?

14 Kénnihhoyèrenh ne Royaner, ne ne Segh-jhisewayadakwenh, nene Enskat ne Royádado-kenghdy ne Israel ; Ise sewariwá Yewakadenyeghdonh ne ji-nonká ne Babylon, neony wahhadihhewe akwèkonh ne rao-naikounyenghtsera, neony ne ji-ye-nakere ne Chaldeans, wáthaghshenthó jiwah-hoderibhòkthaghsé.

15 Iih ne Akyaner, ne Enskat ne Sayádadok-enghdightsera, ne royádison ne Israel, sewakoragh-kòwah.

16 Kennihhoyèrenh ne Royaner, ne ne ji-nih-hoghson ne ji-niyeyuderighwìnonh ne kanyadarà-konh, neony ne ne jiyuhhàde ne yuneghrakwaght ne oglinekàðkon ;

17 Nene enkondihhewe ne kásereghdiyuh dewatkarhade-nihhón neony yakoghsádenghs, ne kentyughkwá naderiyughserá rodighskénrakeghde, neony ne káshatstenghsera ; enskatneh eghdakeh enhhontyádakeron, yaghthaonsahhontketskó : ro-diyádondakwenh, ro-náswaghseh ji-niyught o-non-ghkèrhón oghs-kare yeyenthoghthá.

18 Toghsa seweghyarák ne wadohhetstane ne karighwáðkón, yaghony norighwakayonghshon ne daaghsyadoreghdanyón.

19 Jatkaghtoh, àsé Ensewakerighwayúden : nonwa t'kàkonde ne enskanyó ; yaghwahhy tha-esewadokenghsé ? ony Enkhahlònny ne karhà.

konh, neony ne jikayyhonhhade-nyón ne yaghdeye-nakere aòkón.

20 Ne karyúñe kahhendakeh en-yonkkonnyen-ghste niih, ne o-nyare dekanerabbhontshonde dewatsjirokwaghthá neony ne skanéndanonwé : ásé-kenh Kheyáwyh ne oghnekáòkón ne karkàkonh, neony ne jikayyhonhhade-nyón ne yaghdeye-nakere aòkón, ne ne ayondatnèkanonde ne akonkweda kheyádarakwenh.

21 Kén-ikenh onkwehhòkon lih kheyádison yadekyadyh akwàwenh ; enhhonnodaghse enghshakodinádònhaghse nake-nendonghtsera.

22 Nok yaghnise thiyeghskeronghyenhhàronh niih-neh. O Yakwek ; nok desaghwishenhhèyonh ne iih-neh, O Israel.

23 Yaghwahhy degghskhewyh ne niyakaah ne deyunakares ne naaghskwennèyonghkwé, yakhony degghskwakonnyenghstonh ne naaghskwawennonkoghdon : yaghwahhy lih dewakeriwa ji-nesayadawen nene jiwaghsyúdenghse ne jiwaghtshennèyon (ne Niyoh,) yakhony ne jideghswishenhhèyonghse ne jiwatshaaghdonh ne kaserakón.

24 Yaghwahhy degghskhèwyh ne yawekón ne ohhere ne yejikhédonnyathá aake-né ne enjakoghnerenghsy, yakhony desananonh niihneh nene yurésenh ne jisennèyonghkwé ; nok anighskyèrenh nene aonkyúdeke ne sarighwaneraaxhera, degghsk'wishenbheyathá nene sayádaghdonghtsera.

25 Iih, ony Iih, iih wahhy nene ensekyadònkó ne saderighwadewaghdonghxhera nene akwah iih akerihhonnyát, neony yaghthaonsakeghyarane ne sarighwaneraaxhera.

26 Onkweghyaghraghkwén : kinyoh dewadòryh

enskatneh : serihhòwanaght, nene onghdony ok-  
thaesatkwathóse.

27 Nene tyutyerenghdonh eghtshé-nihhah ne  
thorighwanerén, neony nene yesarihhonnyènn  
nensho-naderighwadewadewaghdonh niih-néh.

28 Ne kady wahhònny Iih wakhètkenghdonh  
thiyákheghk'wá ne nyunatkonnýenghstkòwah ne  
jikanakdadokenghdý, neony ronwaghtkáwènnýh  
ne Yàkwek ji-nonkà ne adatrewaghdonh, neony  
ne Israel nene wáthonwawennoyáakhón.

## CHAP. XLIV.

I. *Niyoh rao-nonghsadokenghdý wahháshatsten-  
ghseron. 7. 9.*

**SHEKONH** nonwa sathòndek, O Yàkwek akwa-  
dennhatsera, ony Israel, raonhhá Riyádarakwenh :

2 Kénnihhoyèrenh ne Royaner nene yayádisón,  
neony eghnighyayádayèrenh tyudaghsawe ne e-  
nekwendakonh, nene ensayè-nawase ; Toghsá de-  
sadonhharenronh, O Yàkwek akwadennhatsera,  
ony isé, Jesurun, raonhhá Riyádarakwenh.

3 Ikenh Endeknekaweron ne raonhhakeh nene  
ro-njádashenghse, neony enwenghnòdon ne jiyaon-  
ghwenjathenh ; Entkaweron naké-nikonrá ne ro-  
nonhhakeh ne saghnekwaghsá, neony nakyádade-  
rightsera ro-nonhhakeh ne saxhádaòkon :

4 Neony ro-nonhhá t'kàkonde enhhondeghyaron  
ji-niyught ne jiyuhhòndare, ji-niyught ne ajakda-  
tyé waderondonnyathá.

5 Enskat t'kàkonde en-yairon, Iih ne Akyaner; nokhare thishayadade ne enhhadade-nadonghkwé ne raoghsènná ne Yàkwèk; nokhare thishayadade nene enhhayanàde enwadé-nyendénghton enrade rasnonkeh ne Royaner-neh, neony ne denhhadats-hennaserén ne raoghsènná Israel.

6 Kénnihhoyèrenh ne Royaner ne koraghkòwah ne Israel, neony ne shoyáðakwenh ne Royaner ne kentyughkowanenhhòkon; Iih wahhy ne tyutye-renghtonh, Iih ony wahhy ne oghnakén neony yaghkaneká ne thaka-Niyoh-seràdeke ne ok ne iih.

7 Neony onghká, ji-niyught n'Iih, ne ayondade-nadonghkwé, neony nene thayerighwakwathó, neony ayonkkwadakwaghse ne iih, ji-nahhé Dekheh-honkaryakonn ne rodixdenhhòkon? neony nene karighwáðkon nene wahhy dàwé, nokhony t'kàkonde enwawé, kinyoh shakodinádònhaghs ne ro-nonhhakeh.

8 Toghsa desewadonhharenronh, yakhony thaseswatshanike: yaghkenh Dekwaghròryh ne éthone ne jityudaghsawé, neony thiwakerighwakwathonh? jonhhá wahhy ony nakerighwaghnir-haghtsera. Nikén-kenh kaneká oya nika-Niyoh-tseràyén ne thakàdeke ne iih? orighwìyú, yaghkaneká deka-Niyoh-tseràyén, Wakaderyendare yagh-dekayen. (yaghkaneka.)

9 Ro-nonhha nene radiyádonnighserònnny wahhy akwèkonh thenhhodighstontste; neony ne raonadónweshenghtsera ne karighwáðkon yaghná thaondonghradaghkwé: wahhy ne ok ne ro-nonh-há rondaderighwaghniràdy, yaghdehhodìkenh, yakhony dehho-naderyendare; nene aondehhén.

10 Onghká ro-niyoh-tserònnnyh, nedenhens aaw-



istanàwenghde ne aadatýádonnighseronnyén nene yahhothè-non thiyaadonghradaghkwe?

11 Jatkaghtoh, akwekonh ne rondènró nene shádehhadiyádodénse t'kàkonde enhhondehhén; nokhony ne rodiyúdenghs, ro-nonhhá wahhy ne onkwehhòkon: kinyoh ro-nonhhá akwèkonh enskat-neh rontkennisa, kinyoh ro-nonhhá thontýá-dakwarighsy dehhadìdan; shèkonh t'kàkonde enhhodighderónne, nokhony enskat-neh jienhhonwanadehháde.

12 Ne raristònný rathá ne dekaghdoghrarakthá dejàronh yudiyúde étho óswendakonh, neony eghnihhoyèrenh ne ji-nikarihodenh nene yeristayá-akthá, neony royúde nene ji-nihhóshatstenghsera ne ranontshakeh: orighwiyú, radonghkaryáx, neony ne raóshatstenghsera dondòkden; yaghdes-haghnekirhá noghnèkanoghs, nokhony thádewasenne waghayádakenhheye.

13 Nene ranonghsònný yahhadakwarighsy ne radé-nyendenghsthá, (rule,) waghayanáde dahhagh-seryedenghde, waghaweyennèndáne warade deyeghstarathédaghlk'wá, waghàyanáde warade waderonghkararhá, neony ne oghnákénkeh waghayànéde ne ji-nihhayádodenh ne ònkweh, ne entyayanenhhawé ji-niyuraseh ne ònkweh, nene aontyesèn aodàdenre ne kanonghsakonh.

14 Wahharondaghserònný ne o-néndakwengh-dentsera, neony waghayè-ná ne karòndá (cypress) neony ne karighdon karòndá, neony raonhhá wahháshatstenghseron nyádehhayadyh ne jiyuderon-dònnýh ne karhàkonh: neony waghayenthó ne kaneronh, neony ne okennoraghsera ne wáaweghyarón.

15 Ethone t'kàkonde eghnen-yàwen ne rònkwèh nene ennhatsháaghde : ikenh raonhhá wahhy enhhayè-ná ne néthoh nokhony étho ennhadèn-yen ; orighwìyú, ennhadèkade, neony ennhade-nádarònden, orighwìyú, raniyohserònnny nok ne rarighwá-nekènnny : ratyádonnighserònnny, nokhony eghdakeh ratyadontyése néthoh.

16 Denhhakhaghsy ne jienhhatshaaghde néthoh jiyudekhá : ne jidenhhakhaghsy néthoh enhháwarake ; wahhadéskònden óskònwá, neony naah wahhaweryéndiyú, orighwìyú, wahhadèn-yen, nok wahhenron, okkennyenh, lih onkyádadarihhén, lih wákatkaghtó ne òjire :

17 Neony ne shèkonh yudadènròn raniyohtserònnny, shádèyugh ne raoyádònnnyh : nèeh dehhadontshodàny, nokhony ne rarighwánekènnny, nokhony ne raderennayènnny, neony ràdón, dondakyadakoh ; ikenh ise wahhy ake-Niyoh.

18 Yaghdehho-naderyéndaraónh yahhony dehho-naghronkaónh : ikenh degshakorónwèkonh, nene yaghdehhodikwenyonh naadikénné ; nene rao-neryaneh, nene yaghdehhodikwe-nyonh aadinikonghrayendaónh.

19 Neony yaghthádehhoyáadoreghdonh ne raweryaghsakonh, yahhony kaneká dehhó-nikonghrayendaónh yahhony dehhoghrónkaónh nene aenrón, Wakatsháaghdonh otyake ojistakeh ; orighwìyú, ony Wakade-nadaronde ojirakeh thiwakhere nethoh ; Wakadéwaronde, nokhony ikex neony ne shèkonh yudadènròn ne éthoh ne adatswenhóh ? eghdakeh Enkatyádòndy étho oghdenakeh ne karòndá ?

20 Oghsehara ranòndenghs : nene konwánikonrhádènnya ne adonnhets dekonwakarhade-

nyón konwakarenghrakwenh, nene yaghdehhokwenyonh aonsahhayadakó ne raodonnhets, yahhony ne aenron, Yaghkenh ná deyunòwenh ne jikeweyendeghdaghkonh kesnonkeh ?

21 Seghyarak ne kén-ikenh, O Yakwek ony Israel ; ikenh ise wahhy nakwadennhatsera : Iih eghnikon-yádayerenh ; ise wahhy nakwadennhatsera : O Israel, toghsa kady daké-nikonrhenh.

22 Iih wahhy nensewakyadonkwenh, ji-niyught jikentshàdagens, ne sarighwayádaghdonghtsera, neony, ne ji-niyught nyutshàdare, ne sarighwane-ráaxhera : donsasatkarhadènyh kàró iihneh ; ikenh Iih wahhy skon-yádakwenh.

23 Dese-niriwaghk, O jonhhá karonghyákeh hòkon ; ikenh ne Royaner nenheghnihhoyèrenh : dese-niyák ne ji-nonkà detyakorighwaghkwenh, ise nyunondenyón, O karhàkonh, nokhony ji-niyá-dekaròndakeh ne étho : ikenh ne Royaner shoyadakwenh ne Yàkwek, neony wahhaónwesaghde ne Israel-tseràkonh.

24 Kénnihhoyèrenh ne Royaner, ne syayádakwenh, neony raonhhá eghnighyayádayèrenh tyudaghsawe ne jityondeghyaghronghk'wá ne ònkwebh, Iih ne Akyaner nene orighwakwèkonh wakeweyennendaònh ; nene yádewakdakwarighdonh ne karon-yá yádekayadyh ; nene yewakdenghdaron ne onghwenja ne yádekyadyh ;

25 Nene nendeyakorénkennyón deyondaderenkenyonh ne wadé-nyendenghstonh nene ro-nòwenh, neony ne ne thihhadirighwakwathoghs wádegshako-nonghwarawenryéde ; nene wathontkarhadèny ne rodínikonghrowànenghse wakhodíniskó, neony wahhonwadídegshserònnny ne raodínikonghrowanenghtsera ;

26 Nene senhhá aadiwennáshatstenne ne shakonháse, neony aadiweyennèndane ne jidaadiyádò-reghde ne raodennhatsera ; ne ne yaonniron ne ji-nonkà ne Jerusalem, Ehhenghsennakerade enghsatyè-nawaghste ; neony ne ji-nonkà t'kanàdayén ne Judah, Etho enghsade-nonghsònny, neony Iih enkketskó ne enkaghsthoghde ne jikanakde-nyón ne éthoh :

27 Nene enkenhhaghse ne ji-non ne o-nákonghjy, Waghstathenh, Enxdatháde ne jisadiyyhonhhade-nyón :

28 Nene rawenh ne Cyrus, Raonhhá naah rà-nonghne nakwade-nákarondonhah, neony akwè-konh enwadeweyennèndáne nakwadónweshenght-sera : shádèyught óny enghrenhhaghse ne Jerusalem, Sadennonghsònnyh ; neony ne ji-nonkà ne o-nonghsadokenghdy, t'kàkonde enkakwadakwén jienghsade-nonghsakenseren.

## CHAP. XLV.

I *Niyoh, wahhy rao-nonghsadokenghdyòkon aori-wa, konwanádonghkwenh Cyrus : 3, 20.*

**KENNIHHOYERENH** ne Royaner ne ne rawenye-narhonh, ne raonhhakeh ne Cyrus, jiraweyendeghdaghkonh ne rasnonkeh Rinontshawakonh, ne ne aaghshakotyádakwé-niyughstén ne niyádeyakaonghwenjàkeh ne raohhèndonh ; neony t'kàkonde Enkerighsy ne dehho-natyákwaranhenh ne koraghkowatshón, ne ne aanhodònkó ne raoh-

hêndonh ne dewade-nhohhanhonderakwaghs ne jiyudênhenghrakaghrôndon; neony ne jiyudênhenghrakaghrôndon yaghthaonsakanhôdonke:

2 Sakhêndonh enkaghdêndy Iih, neony ne jikanakde-nyôn ne deyutshâkdanihhôn ensekdakwarighsyônkô; Denkrighde kên-ok nentkaghdanyôn ne jiyudênhenghrakaghrôndon ne ôndah nâkaristoden, (brass,) neony okheghthiyenkerôokhôn ne karistajy wadênhenghroghrokdonh:

3 Neony Iih enkôn-yôn ne jiyukarowânenh ne aghsâdakonh, neony waghseghdonh natshôkowaghsera ne jiyudaghseghdonh kanakde-nyôn, ne ne aôndon aesadôkenghse ne ne Iih ne Royaner ne ne yeghyaronghyenhhâronh ne yeghyanaôôn, iih-ne Niyoh ne Israel.

4 Ikenh Yakwek rinhâse ne tyuriwa, neony Israel riyâdarakwenh, ne shâdeyawenhonh Jiyekonronghyenhhâronh ne saghsênâ: Iih dekonghsenasere, êthosané yaghdeghskyendêryh.

5 Iih ne Akyaner, yaghkanekâ ne thakâdeke, yaghkaneka ne daka-Niyoh-serâde neok ne iih: Iih wâtkon-yâkwaranhake, êthosané yaghdeghskyendêryh;

6 Ne ne ao-naderyendarane jityudaghsawé jienwaderaghkwakarâdade, neony ji-nonkâ yâdenwathothô, ne ne yaghkanekâ ne thakâdeke ne iih: Iih ne Akyaner, neony yaghkanekâ ne thakâdeke.

7 Iwaxhôn ne deyuglswathé, nokhony waxhôn ne aghsadakonghtsera; ony Wakyanerenghtserisôn, nokhony waxhôn ne wahhetkên: Iih ne Akyaner orighwakwêkonh ne kên-ikenh eghniwak-yêrenh.

8 Kasasenght, ise karonghyâkehkhôn, aondâweghde e-nekenh, neony kinyoh otstâdkon jika-

ronghyàde aondonwerón ne atdakwarighsyonghtsera : kinyoh wadennhodònkoh ne jiyonghwenjàde, neony kinyoh yonkhihheghs ne adaghskats-hera, nokhony kinyoh ne atdakwarighsyonghtsera enskatneh wadeghyaronh. Iih ne Akyaner eghniwaxhón.

9 Karonghyakenghsera kanonghwakdenghsera raonhhakeh ne ne dehhodirondatyése ne ne Royádison ! kinyoh ne nyutkwédaronkwenh deyunájaghriónh dekahgsinòndon ne dakyadirònden ne yutkwédaronkwenh ne deyunájaghriónh dekahgsinòndon ne jiyonghwenjade. T'kàkonde ne o nawàtstá enhhawenhhaghse ne ne jikaghson yekayerìdonh, Oghnahhoden sònny ? nedenhens sayúdenghsera, Yaghthádehhasnonghsonde ?

10 Karonghyakenghserá kanonghwakdenghsera ne raonhhakeh ne ne rawenny ne ró-nihhah. Oghnahhoden deghsadènsthaaghs ? nedénhens ne aonhhakeh ne tyuthonwísén, Oghnahhoden waghshewé ?

11 Kénnihhoyèrenh ne Royaner, ne Enskat ne Royádadokenghdy ne Israel, neony ne Royádisón, Dakerighwanèndonghs ne karighwàðkon ne naon-dàwé ne ji-niyutyèrenh ne kheyénhokonhab ne radìjin ; neony ne ji-niyutyerenh ne kayúdenghsera ne kesnonkeh yonkhirighwàwyh ise iih.

12 Iih waxhón ne onghwenja, neony ne ònkweh ètho kheyádisón : Iih, ony kesnonkeh, yádewakadìronde ne karonghyákehòkon, neony raodityughkwakwèkonh Iih kherighwàwyh.

13 Iih shiketskwenh yeshiyádinyondonh atdakwarighsyonghtseràkonh, neony Iih akwèkonh enhhihhahhakwarighsyén ne jirohhàde : enhhake-nadonnyén ne kanadowànenh, neony t'kàkonde den-

degshakoghikáwe nake-naghskwá, (radinaghskwa,) yagnokaryàxhera yabhony nakarharatston, ràdon ne Royaner ne kentyughkowanenhhòkón.

14 Kénnihhoyèrenh ne Royaner, ne jirodiyúde ne Egypt, neony ne dehhadinonwayenghthá ne Ethiopia, neony ne Sabeas, (karaghkwákonwarighwánekenny,) ne ne onkwehhòkon ne e-nekenh ronadohhetstaghkwenh, t'kàkonde isekèh denthòn-neghde, t'kàkonde enseghsheyadewenniyughste: neony t'kàkonde ro-nonhhá en-yesaghnonderatyeghde, enhhadighnerenhhatyé dekaronwarodarhoghserón ne t'kàkonde denthònne, nokhony t'kàkonde eghdakeh enhhontyádòndy ne isekèh, nokhony t'kàkonde enhhonnìdenghde en-yesarighwáneken ne isekèh, enhhondonhheke, Orighwiyú Niyoh naah nisetseràkonh yaghkaneka ne thakàdeke; yaghdeka-Niyoh-seràyén.

15 Orighwiyú, ìse wahhy ne Niyoh sadàghlseghdonh, O Niyoh ne Israel, nene Seghshakoyáda-kwaghs.

16 Ro-nonbhá wahhy enhhonwanadehháde, neony wahhy ne kanraxhenh yudehhát, yehhadikwèkonh: eghniyenhhonne ji-nònwèh natkaronnyat yudehhat enskatneh yenhhòndon nene rontyádon-nighserònny.

17 Nok ne Israel t'kàkonde enshoyádadèry ne Royaner-tseràkonh ne ne ji-niyeñhènwe adaghs-katsherá: yabhony thaesewadehhén nedenhens aesewanrarane ne kanraxhenh ne ne ji-niyeñhènwe yathiyeyutde.

18 Ikenh kénnihhoyèrenh ne Royaner nene roghsón ne karonghyákehòkon, Niyoh yadehha-yadyh roweyennendaónh ne onghwenja neony ne roghsón; nokhony raonhhá wahhy thodaghsasa

royúdenhonh, raonnison yahhaðkon, raonnison ne ne en-yonnakerade; Iih ne Akyaner, nokhony yaghkaneka ne thakàdeke.

19 Yahhadaghseghdónke dekenh jiwakadàdyh, ne ji-non ne tyukaraghs ne jiyonghwenjàde: Wakiron yaghden ne ji-nonkà ne raoghnekwaghsa ne Yàkwek, Dakwayádisak ne aðkón. Iih ne Akyaner aderighwakwarighsyonghtsera ne wakthare, Thákkwathó wákerighwanhodònkó ne karighwáðkón ne t'karighwayeriðnwéh.

20 Jatkennisa thájonhháahhák ony kase-neh; enskatneh thoah jatkwít, jonhhá nene jisewányakenhonh ne ne niyádeyonghwenjàkeh: ro-nonhhá ne nyaghdehhodínikonghrayendaonh ne jikanyode ne òyende ne raodíyádònnnyh, neony né konwaderennayènny ne nìyoh nene yaghdeyukwe-nyonh aonsayakoyadakó.

21 Yetshighròryh, nokhony thoah kayetshiyádenhhàwight; orighwìyú, kíasá enskatneh radijenhhayenh: onghká ronwadirihowanaghdènnnyh ne kén-ikenh ne áð-nenh tyudaghsawe? onghká ronwadighròryh ne éthone tyudaghsawé? yaghkenh Iih dekenh ne Akyaner? neony yaghkaneká òyá deka-Niyoh-seràyén ne thakàdeke ne ne iih; thorighwayèry ne Nìyoh, neony Seghshonkwayádakwenh: yaghkaneká ne thakàdeke ne ok ne iih.

22 Kajatkaghtthoh niih-neh, neony enskwayadakó, akwèkonh ne jiyudonghwenjokdanihhón; ikenh Iih ne Akyaner, yaghkaneká ne thakàdeke,

23 Iih wakerighwaghniràdonh wakadewennagh-niràdonh yádekyadyh nene jítokenghskéðnwéh, ne nowèнна wahhy iih jixhakaronde yudiyakenhonh ne atdakwarighsyonghtsera, neony yaghná tháda-ondonghkede, Nene niyádekakwitshakeh t'kàkon-



de eghdakeh den-yondantshòden iih-neh, ji-niyadewénnaghsakeh ne t'kàkonde enkon dewennagnirade.

24 Orighwiyú, nene enskat en-yairon, ne Royaner-tseràkonh Wakyén kenh natdakwarighsyonghtsera, ony ne káshatstenghsera: sháden-yàwen ne raonhhakeh ne t'kàkonde ne onkwehhòkon enthònné; nokhony akwèkonh nene akwah yúdonghkode ji-nihhonwanak'waseh ne raonhhá nèná ne ronwanadehhádane.

25 Royaner-tseràkonh t'kàkonde akwèkonh ne raoghnekwaghsá ne Israel ònenh shonwadiyanerenghistonh, neony t'kàkonde enhhonwennonwèsaghde.

## CHAP. XLVI.

*I Ne naoyádònnnyh ne jikanadowànenh yaghdeyukwe-nyonh ne aonsahhodiýádakwén. 3. 5.*

**BEL** deyutshákdaonh jiye-nakere, Nebo wahhen-nikònnren; nene raodiyádònnnyh wahhy karyúda-keh, neony ne konditshe-nenkeh: ne sewásereghdìyúse wahhy yudighwishenghne: wahhy yudighryé-naxde ne ji-nonkà ne deyudighwishenhheyón ne kondiryú.

2 Wáthontshakede; enskatneh eghdakeh wáthondontshòden; yaghdehhodikwe-nyonh naonsahho-naghtkawen ne kaghrye-ná, (ó-nikonghraxhádané,) nok yádehhadiýádighshón ò-nenh káthonghdeh ji-nonká nenradinaghskwá.

3 Dakwadahhonghsadat niih-neh, O ro-nonghsode ne Yàkwek, neony akwèkonh ne nyátyako-

kedoghde ne jiro-nonghsode ne Israel, nene ònk-weh yakodonhóh ne iih-neh tyuyenghdaghkonh o-nekwendakonh, nene yehhàwy ne ji-nonkà tyon-donnyatha :

4 Neony sháden-yàwen ne jiwaghsatyádisa lih wahhy ; neony sháden-yàwen nene sanonghkwisera-kènrade wahhy Yenkon-yádenhhawe. Nenwakeweyennendaóh, nokhony lih enkadaghkatstade ; ony lih enkhawe, neony t'kàkonde enskon-yadakó.

5 Raonhhakeh wahhy shádenjidewayádodenne, nokhony ne iih shádenjàwenne, ony shádenjakeniyádodenne, nene denjakwatyèrenne ?

6 'Thiyaghshakodighk'wá ne oji-nekwar karistanòron kayàrakonh wahhadidaghkó, neony wahhadikóntserihhàren ne karistanòron étho jiyondènyendenghsthá, neony wahhonwannháné ne oji-nekwar raristanoróntserònni, neony wahhaniyohtserònni : eghdakeh wahhontyádòndy, orighwlyú, ne wahhadirighwanèken.

7 Wahhonwenghnenghsaren radighnenxkeh, wahhonwahhawe, neony étho yaonwènderon jithò-nakde, neony wáthadáne ; yaghdeyàweght èrenh aonsareghde ne jithò-nakde : orighwlyú, enskat yádenhhaghshenthó ne raonhhakeh, shèkonh yaghdehhokwe-nyonh naondahhadàdy, yakhony deshoyádakwenh ne jiroronghyàkenh.

8 Seghyarák ne kén-ìkenh, neony e-neh jada-donnyh ne jonkwehhòkon ; kase-nihhah àre ne ne aejadénnikonraren, O ise sewarighwaneraaxkonh.

9 Se-neghyarák ne ji-nibhoweyennendaóh ne orighwaxdènháse : ikenh lih ne Niyoh, yaghkaneká ne thakàdeke ; lih ne Niyoh, neony yaghkaneká ne naonsayonkyèrenh ;

10 Thahhakwathó ne jiyeyuderihhókde ne jityu-

daghsawe, neony orighwakayonghshón ji-nitya-wenghseron nene karighwaðkon nene arekhó egh-deyawenhónh, ràdon, Akjenhhayentsera ne en-kàdake, nok akwèkonh Eghnenkyere nakwadón-westsera :

11 Yekeronghyenhha jidènhah nakwah yunák' wenhónh ji-niwadonghkaryáx ji-nonkà t'karagh-kwinekénse, nene rònkwèh né neh nenroderihho-dànyh nakjenhhayenghtsera nene i-nonh jiye-nakere : orighwìyú, Iih nendewakadàdyh, Iih egh-nenkyere enkhewé eghnen-yàwénné ; Iih wakade-ryéndònnyh, Iih ony eghnenkyere.

12 Dakwadahhonghsadat niih-neh, ise ne sewá-nikonghraghniironse sewanàyese, nene i-nonh jinnádesewadere ne aderighwakwarighsyonghtsera :

13 Thoah Enkhàwighde nakwaderighwarighsyontsera ; yahhi-nonh thenkenhháke, neony akwadaghskatshera yaghwahhy thádakádáne ayúniskó : neony enkenakdarakwénh nakwadaghskatsera ne Zion-tseràkonh tyuriwá ne Israelakónwesenghtsera.

## CHAP. XLVII.

I *Nìyoh wahhajenhhayén ne ji-nonkà ne kanadowànenh (Babylon) neony Chaldea, 6. 7.*

**KASATSNENGHT**, neony ókenghrakeh satty-enh ; O kondiwinonh konwadiyenah ne jikanadowànenh (ne Babylon ; ) onghwenjakeh thiyásatyénh : nene ji-nònweh yaghdekáshatstenghserakwé-nìyú, O konwadiyenah ne Chaldeans-àkà :

ikenh yaghshèkonh ne thaonsayesanadonghkwe dehghahsnyé uokhony ó-netskhah.

2 Né jê-nah ne kathéseronnyathá o-nèn-yá, neony enkathéserònny: sérhoroxhyh ne sánòwa sadennhodonghk'wá, ao-nyendoskon sònnyh, sérhoroxhyh ne kaghnitshakeh, denghsyághyàkhón ne jikayyhonhhade-nyón,

3 Ne jisahhayenghsoskón enkárhoroxxhón wahhy, orighwiyú, en-yontkaghthó ne sadehhenghsera: Iih wahhy enkonronghyàkende, Yaghthiyá-dakon-yaderaghde ne ji-nìyught ne rònkweh.

4 Ji-nìyught wahhy ne Seghshonkwayá-dakwenh, ne Royaner ne kentyughkowanenhhòkon ne ná ne raoghsenná ne Enskat ne Royádadokenghdy ne Israel.

5 Sattyenh dástòdek, neony aghsàdakoh wagh-sàdon, O konwayenhah ne Chaldeans-àká: ikenh yabhòyá shèkonh né thaonsayesanadonghkwe Ne yutkonnyenghist ne kayanertsera.

6 Khe-nák'wáseghne nakonkwedá; Wákídaxháde ne jiwáknekwaghsadatyé, neony kheyàwyh ne ro-nonhhá ne sesnonkeh: yaghwahhy deghshe-nádònnnyh ne ro-nonhhá nekendèron; nene wahhònise ákwah wahhy sheghwishadonh ne kyaty-endanyax.

7 Neony isenh, Iih wahhy ne wakyádaneghrakwah ne ji-niyenhhènwe: ne kady wahhònny yaghwahhy deghsheyènnnyh ne kén-ikenh karighwádkon ne seryaneh, yakhony deseghseyaghre ne jiondayawenghneghseronne ne jiyeyuderihhókde.

8 Ne kady wahhònny jaronk nonwá ne kén-ikenh, ise wahhy sheyàwyh ne adónweshenghtsera, ne ne yaghdeyeweyennadòkenh ne ye-nakere; nene sàdon ne seryaghsakonh, Iih wahhy, neony

yaghkaneká ne thakádeke ne ok ne iih ; Yaghthakatyén ne ji-niyught ne yudeghreonghse, yahhony Thaonkwaderyendarané ne yakotkaronnióh ne exháðkon :

9 Noknene kén-ikenh dekariwakeh ensayáððrenné nenwèah ne ok neh seweghniserat, ne nyakotkaronnióh ne exháðkon, neony ne yunadeghreonghse : isekeh entkònneghde ne nyudiweyen-nendaonhihatyé ne kentyughkwá ne sewadaènnaraghs sewatkonghsthá, neony wahhy nenji-niyawedá yunatyé-nighdonh nen-yutyénióh ne sade-rennonnyaghtsera.

10 Ikenh ne sadewennodaghkonh ne saderighwadéwaghdonghxhera : wahhy isenh, yabhonghká thádeyonkkanere. Ne sánikonghrowanenghtsera neony saghronkhatsera ne desakarhade-nyonh sah-hetkenhóh ; neony sàdon ne seryaghsakonh, Iih wahhy, yaghkaneká ne thakádeke neok ne iih.

11 Ne kady wahhónny ne ne wahhetken ne ensaráné ; yaghthaesadðkenghse ji-nonká endewat-ketskó : neony ne sewaderighwadewaghdonh ne ensasenné ; yaghdesakwe-nyonh ne dasaghjárén : neony atkaronnyát wahhy ensaráné akwah ok en-watyákjy, nene yaghthaesadðkenghse.

12 Destán nouwá ne saderennonnyaghtsera, neony ne kentyughkwá ne sewadáènnaronghs ne ne éthone eghshiyught shisayúde ne kenshidisayenhah ; dòka eghnayàwen né naesakwe-nyón ne nasadonghradaghkwé, dòká eghnayàwen aoutyèsen ne daonghsaghsadèntshá.

13 Ise wahhy desaghwishenhhèyonh sánikongh-kenhbèyonh ne kentyughkwakonh ne sajenhha-yenghtsera. kinyuh nonwa ne nyehhariwakenghs ne ji-niyutyèrenh ne jiyujistoghkwaronnyén, ne

ratyenderighsthá jiyujistoghkware, ne ji-niyáde-  
weghnidakeh yehhariwakenghs nohhèndonh ne  
jiwadé-nyendenghstanyon, destán sajadakoh ne  
ji-nonkà nekén-ikenh karighwáðkon nene t'kàkonde  
saghrasere.

14 Jatthaghtloh ánenhhodiyadawen ji-niyugt ne  
ennekery oji-náara, ne nojire t'kàkonde enwatsha-  
aghlde ; yaghthaonsahhonðatyadakó ne yádehha-  
diyádighshon ne ji-nonká naóshatstenghs sera ne  
ódonghká : yaghthaadiwistoghske ne naondèn-  
yén, yabhony ne ojire ohhendónh thayèyén.

15 Ethone kady isekèh enhhòndon ne ro-nonhhá  
nene sayúdenhonh, shaden-yawen ne yesadenghni-  
nonse tyudaghsawe shidisayenhah : èrenh ok ni-  
yensho-nè-non ne naonsahhonwèndenre aaghrón-  
nheke ; yaghkaneká thaonsayesayadakó.

## CHAP. XLVIII.

JARONK ne kén-ikenh, O ne jiro-nonghsode ne  
Yákwèk, ne konwanáðoughkwènh ne naoghsèna  
ne Israel, neony dakayákénne ne raoghnèkanoghs  
ne Judah ; nene yughnironh rodádyh ne raoghsèn-  
na ne Royaner, neony yásawennisaght ne Niyoh  
ne Israel, nok yaghtokenghskéonweghtserákonh  
yabhony naderighwakwarighsyonghtserákonh.

2 Ikenh ne rondade-nadonghk'wá ne o-nadado-  
kenghdy, neony sewénderòndák Niyoh ne Israel ;  
Ne Royaner ne kentiyughkowaneuhhòkon ne ná  
ne raoghsèna.

3 Iih kwarighwadenghdarhòsch ne ji-nikarihho-

dense ne jityudaghsawe; neony eghrodiyakenhonh ne jixhakaronde, neony lih khe-nádònnnyh ne ro-nonlhá; Lih kheyaderihhókdaghkwènnnyh, neony eghwahhondohhetste.

4 Asékenh Wakaderyendare ne ne ise wahhy ne thisaderónhonghdonh, neony ne se-nyarakel karistajy saji-nonghyaghdare, nok neh sakaghrehgdá òndaghk nákaristoden; (wahhy brass;)

5 Nenwahhy ony ne jityudaghsawe dekwarighwathedènnnyh ne isekeh; arekhó eghdeyawenhénh lih konnádònnnyh: onwá nekén enghsiron, Ak yá-dònnnyh engdéh eghnahhodiye; neony daonsakatyèren nakyádònnnyh, jikewistanawenghdaghk'wá nakyádònnnyh, ne dahllo-nennonghdónse.

6 Saghròkenh wahhy, satkaghthonh akwekonh nekén-ikenh; neony yaghthádaaghserighwathede? Lih wahhy konnádònnnyh ne àsé ne karighwáðkon kenhondaghsawén, sháden-yàwen ony ne karighwáðkon ne yudaghseghdanyón, neony ne yaghdghserighwayendèryh.

7 Né nonwá kaghsón, neony yaghnédekenh ne jityudaghsawe, ony sháden-yàwen narekho shiye-yudeghniserihheh ne o-nenh yaghthasaghsheya-thòndeke; onwá nekén enghsiron, Wákatkaghttho, Kheyendèryh.

8 Orighwìyú, yaghdésaghròkenh; orighwìyú, yaghdésaderyendare; orighwìyú, ne ne éthone nenyenwaderighwihhewe yaghwahhy thayude-nhodonkwén ne sahhonghdá; ikenh Wakaderyendare nethoh ne ne daede-nirihhònden àkwah k'anikon-rhadón, neony ne konwanádonghkwenh ne karighwaneren tyudaghsawe onkweh shondayòndón.

9 Ikenh axhènná akarihhònnny ne Aonké-niskwaghdén nake-nákhwéngghsera, neony ne ake-nen-

donghsera ne Daonke-nonghyànike ne ise, ne ne yaghtakon-yàkhé.

10 Jatkaghtoh, Iih wahhy skonkwadakwenh, nok yaghkaristanèron dewakatstonh ; Iih wahhy skon-yádakwenh ne jikanakdaxhenh ne jikarongh-yakenhónh.

11 Ne ne iih akerihhonnyát, sháden-yàwen ony ne iih akerihhonnyát, Eghnenkyere : ikenh oghnen-yàwen ne axhèna eukahhetkenghdon ? neony yaghwahhy Thaakhèyón nakonwesenghtsera ne ji-nonkà notyákeshón.

12 Dakwadahhonghsadat niih-neh, O Yàkwek ony Israel, tyonke-nadon ; Iih wahhy : Iih wahhy ne tyutyerenghdonh, Iih ony ne oghnaken en-ya-onnyáde.

13 Kesnonkeh ony wahhy ne tyúderon ne jiyonghwenjàde, neony ne jikeweyendeghdagbkonh ne kesnonkeh ne yuderongbkararé ne jikaronghyàde : ne o-nenh Yenkeronghyenhhare ne ro-nonhhakeh, enskatneh denhhadidáne.

14 Sewakwèkonh, enskatneh sewatkennisa, ony sewathòndek ; nene raodityughkwakonh ne dekarighwathedonh ne kén-ikenh karighwáðkon ? Ne Royaner ro-noronghk'wá ; étho wahhy nenhháyere ne raodónweshenghtsera ne Jikanadowànenh, (Babylon,) neony denghshako-nontsharen ne Chal-deans-àka.

15 Iih, ony Iih, wakadàdyh ; orighwiyú, Iih yehhinadon ; Iih riyàtheh, neony enghreghyaron senhá èsó denhhadèntshá ne jirohhàde.

16 Kàró kaseght thoah ne iih-neh, sathòndek ne kén-ikenh ; Wakeritstowànenh jiwakadàdyh ne adaghseghdonkeh ne jityudaghsawe ; ne ne éthone nònweh wahhy tyudaghsawé, étho wahhy Ikesé :



neony nonwa ne Royàner Niyoh neony ne Ra6-nikonra ne thakwadennyeghdaseh.

17 Ethone nihhàwenh ne Royaner, ne syayáda-kwenh, ne Enskat ne Royádadokenghdy ne Israel Iih naah ne Royaner sa Niyoh nene yarihhonny-ènnny ne ne aaghsadonghradaghkwé, ne ne engh-yaghshàrine ne ji-niyeyuthahhìnonh ne ji-niyenh-henghse.

18 O ne neh aaghsadahhonghsadatshé ne jì-nonkâ nakwaghtyawenraghtseraòkon akerighwad-kon! éthoné ne sayanerenh eghnen-yàwen jì-nì-yught ne kayyhonhhadatyé, nokhony ne satdak-warighsyonghtsera akwah jì-nìyught ne jìdeyónk-wareeghlistha ne kanyadarákeghkòwah ;

19 Saghnekwaghsa ony eghnen-yàwen jì-nì-yught ne ó-neghsaronghkwá, neony ne jìwaghsnekwaghsadatye ániyught jì-nìyught ne ó-neghdara ne éthoh ; ne raoghsènná yaghwahhy thakayakón yah-hony thaonghdondón ne akhèndonh.

20 Se-niyàken'n ne (Babylon) ne jìkanadowà-nenh, jadekwaghs ne Chaldeans, enkewennodatyé denwakerighwaghkwenhhatye ne serihhòwanaght, ne satròryh neckén-ìkenh, endewaderighwayèride ne jìdeyudonghwenjókdanìhhón ; enghsiron, Ne Royaner ne ne shoyáda-kwenh ne ro-nháse Yàkwek.

21 Neony yaghdehhodinyádathenbónh ne o-nenh shaghshakoghshàrine dehho-nadohhets'on ne kar-hàkonh : raonhhá wahharihhònnny ne oghnèkanoghs dakaghnawìnekénne ne otstenghrakeh ne rao-nàwenh ; wahhayè-na ony ne otstenghrakeh, neony ne oghnekanoghs dondayughnawawenrén.

22 Yaghdejakòyen ne kayanerenh, ràdon ne Royaner, ne ro-nonhhakeh ne rodirighwaneráaxkonh.

## CHAP. XLIX.

I *Keristus thonwanhaonh ji-non ne Jews-àka ne nashakorighwaeghsten ne ro-nonhhâ: 5. 13.*

JADAONGHSADAT, O kawé-ná, iih-neh; ne-ony jathòndek, ne jònkweh, inonh niyòre; Ne Royaner thakeronghyenhhàronh ne o-nekwendakonh ji-nònwèh niyondonnyathá ne ònkweh; kahhagh-sakonh nistenhah eghyehhake-nadón ne axhènná.

2 Neony kennihhoyèrenh jiroghson ne jixhakaronde ániyught ji-niyught ne yúsharóthiye ne ásharékdwah; ne jiyuraglikwawerhonh ne rasnonkeh eghwabhakyádaghseghde, neony donsahhaxdarathéde sahhakyenkwiraghseronnyen; raodaghtseràkonh étho wabhakyádaghseghde;

3 Neony wabhakwenhhaghse, Isé wahhy nakwadennhatsera, O Israel, sonhhátserakonh Enwakónwèsaghde.

4 Ethone Wákiron, okhoriwakon aòkon Jiwakadaderonghyakendonh, Yahhonkwaghtkáwenhhatye nakéshatstenghsera ne nyahhothè-non deyurihhonde, neony kaghstontston; nok shèkonh orighwìyú nakyádoreghdaghtsera inésé naah ne Royaner, nokhony nakyúdenghsera inésé nake-Niyoh.

5 Nekady nonwá, ràdon ne Royaner ne ne rakyádison eghtyudaghsawe o-nekwendakonh ne ne ennhake-nhaseke, ne ne yaiyathewe ne Yakwek ne raonnhakeh àré, Ethosane ne Israel yaghdehhoderoronh, nok shèkonh t'kàkonde Enwakónwèsaghde ne rakaghdekeh ne Royaner, neony ake-Niyoh ne nakéshatstenghsera.

6 Neony wahhenron, Ne eh wahhy ne kaghswatheghtsera nákaríhhoden ne ne isé ake-nhatsera enkenhhake, ne ne daondaghsketskó ne raoghwa-jira ne Yákwek, neony ne ne aonsaghshakoyèritshe ne naonsaàhodiýáðakwaghde ne Israel; Enkòn-yón ony ne kaghswatheghtsera ne ji-nonkàdyh ne nyaghdehhodirighwiughstonh, ne ne aontyèsen nísé ne akwadaghskatshera aòndon ne ji-nonkà yudonghwenjókdanihhón.

7 Kénnihhoyèrenh ne Royaner, ne Seghshakoyáðakwenh ne Israel, ne Enskat ne Raoyadado-kenghdy, raonhhakeh ne onkweh ronwarighwaghswaseh, raonhhakeh ne ne niýádeyakaonghwenjakeh jironwaghswenhónh, ne ne ronwadinbase ne radirighwakwadakwaghs, koraghkowatshón t'kàkonde enlhontkaghthó nok enhhontketskó, ony ne rodiýáðaneghrakwaghde-nyón t'kàkonde enhonwarighwânèken, enkarihhònnny ne Royaner ne ne thaweghdaghkonh, neony ne Enskat ne Royádadokenghdy ne Israel, neony ne t'kàkonde ne enghyayáðarakó.

8 Kénnihhoyèrenh ne Royaner, ne ne nenshiyahlhonderighwihhewe Nenshikon-yathònde, neony ne eghniseràkonh ne adaghkatshera Shikon-yenawasé: neony Enskon-yadakó jiwahhetkén, neony enkòn-yón ne ðensewarihhònden ne onkwehhòkon, ne ne aaghserighwanhodònkó ne jiyonghwenjáde, ne akarihhènnny ne aonsayondaderakwéu ne detyudonghwenjohhónh Nìyoh raonkweda:

9 Ne ne aontyèsén ne aaghsheyenbhaghse ne radinaghskwá, Wase-neh; ro-nonhhakeh ne ne aghsàðakónh yehhadideron, Eneh jadadònnnyh: t'kàkonde ro-nonhhá en-yetshinonde ne ji-niyuhhahhes, neony ne jiro-nadénhenrode jidekontská-

onghk'wá ne katshê-nén nene wahhy akwekjih-honh ê-nekenghjy nikanakde-nyón.

10 Yauhony thaondonghkaryáke yauhony thaodinyádathén ; yauhony thaonsahho-nádarihén nedenhens ne karaghkwá aodironghyákénde : ikenh raonhhá ne ne shakòdenghre ne ro-nonhhakeh ne ky enghshakoghshariné, shaden-yàwén ony ne jiyughnaweròdon ne oghnèkanoghs ne enghshakonádònghaghse.

11 Neony kénnekyere ne akwèkonh nakwadendádòkon èrenh enkhàwighde, neony ne jiwakhahhakwé-niyú t'kàkonde enkahharadàdon.

12 Jatkaghtoh, ne kén-ikenh inonghshón nentkònne ; neony, jatkaghtoh, kén-ikenh dàweghde othorekeh neony dàweghde ne jiyádewatshothoghs ; neony ne kén-ikenh dàweghde ne jiwadonghwenjàde ne Sinim.

13 Desewariwaghk, O karonghyákehòkon ; neony sewadonnahrenh, O onghwenja ; neony daonderánèkare ne ji-nonkà detyakorighwaghkwenh, O yunonde-nyón ; ikenh ne Royaner waghshakónikonghraghnîrade ne raonkwedá, neony enseghshakòdenre ne ne rodadé-nikonghraronghyakendonh.

14 Nok Zion wákenron, Ne Royaner wahhy rakwadewendeghdouh, neony ne Akyaner-tsera raké-nikonrhonh nîh.

15 Yukwe-nyonh kenh ne tyuthonwîsén ayúnikonrhén ne watstaronthá niyexhádaah, ne ne yauhonghdekenh thaodayudennonghwakdeke aodenrheke ne royenhah ne kanekwendakonh jiwadewédonghk'wá ? orighwîyú enyudinikonrhén, shèkonh yagh n'lih thakónnikonrhén.

16 Jatkaghtoh, nenwahhy Wakyàdon wakdar-

yonkwenh ne isé étho kesnonghsakonh ne kesnonkeh; sannheghsera sayúdenghsera deyutstenre yurighwadatyeônweh akhèndonh.

17 Denhhodighsterihhén ne sheyénehokonhah, nere yesaryughs, neony ro-nonhhá nene yesatyesaghthá, neony yásaghdendyh ne isé.

13 Sadaghraketskoh desatkarhade-nihhonh, neony satkaghtoh: akwèkonh ne kén-ikenh ronderorox enskatneh, neony en-yesayúðrenné. Ji-niyugt Jikonnhé, ràwenh ne Royaner, orighwiyú enkonhserðnny yesewakwèkonh èsò ji-niyurasésé, leony she-nerenk nisekeh ji-niyugt ne jiyúnyakón.

19 Ikenh waghSATYÈSAGHDE neony waghSATYÈSAGHDE jikanakde-nyón, neony ne jiwadonghwenjàde ne satkaronnyát, nekadý nonwa aoriwá nen-zádesewadakaghronhah ne jiye-nakeronnyón, neony ro-nonhhá nene en-yesenghneghkwane en-yesatyèsaghde t'kàkonde inonh né niyòre.

20 Ne exhaokonhah nene ensayèndáke, oghna-kenkeh jisaghdònnh ne òyá, enghsiron àre ne sah-longhdakonh, Esojy yude-nakdakwarighsyonh nakwáwenh: dake-nakdarakwás ne iih ne ne Eh-hakennakerade.

21 Ethone enghsiron ne seryaghsakonh, raonhhá rakwadewédon neké-ikenh, jatkaghtoh Jiwa-kaghdònnh nekheyénhokonhah, neony wákyeshá, ke-naghskwá, neony donsonkwatde-nyén nokhony dondonkwaghkdáde? neony raonhhá rakhèwyh kén-ikenh? Jatkaghtoh, Akonhhájiwá ok sonkwadàdenre; kén-ikenh, eghnònweh yehhodikwathonh?

22 Kénnihhoyèrenh ne Royaner Niyoh, Jatkaghtoh, Yenken nisnonghsaketskó ji-nonkà nyagh-

dethodirighwiyughstonh, neony yenkketskó nakwade-nyádarohhàraghk ne onkwehhokonkeh : neony enthonwayádenhhàwy ne riyenhah ne jideh-honde-nontshàkdonghs enthonwahhàwy, neony ne kheyenhokonhah ne tyunathonwisen entkonwadihhàwy ok thenthonghnenghsarén.

23 Neony ne koraglkowatshón ne denhhonxnyé-ne-khé-nihhah, neony ne rodinéhòkon ne koraglkowatshón ne denkonxnyé-né khé-nistenhah : neony eghdakeh yenhhonkonghsayén onghwenjakkeh, nok en-yesaghsidakànonde ne yúkenraré ; neony ensewaderyendarané nene Iih ne Akyaner : yaghthaondehhén ne ro-nonhhá nene yonke nonghné.

24 T'kàkonde èrenh enskakhawighdon ne kásh-atstenghserone ayondade-nonghskáry thiyayondadeghk'wá, nendenhens ne odokenhónh jie-naghskwá enjontnerenghsy ?

25 Nok kénnihhoyèrenh ne Royaner, Shádenyàwénné ony ne radinaghskwá ne radishatste t'kàkonde èrenh enshonwadiyádenhhàwighde, neony ne jiyuneghrakwah yutderonghk ne jit-bityakononghdònny t'kàkonde enjontnerenghsy : ikenh Den-yake-nirighwake-nhá ne raonhhá nene dense-nirighwake-nhá nise, neony Iih ensekheyadakó ne sheyénhokonbah.

26 Iih enkhe-nonde nene yesaghwishathá ne nyaghdeyuweyenstonh nene ro-nonhhá raodíwarouh ; neony ro-nonhhá t'kàkonde ok né enhhodinonghwaraghdónde ne ro-nonhhá raodinekwenghsa, ji-niyught ne dakayeghston ne yawekóá ne wine : neony ówaghrakwèkonh enyakodòkenghse nene Iih ne Royaner iih Sekheyádakwaghs, neony ne Ensyayadakó, ne Enskat ne Thihháshatste ne Yàkwek.

## CHAP. L.

I *Keristus waghshako-nūdōnhaghse ne tyuriwá ne Jews-áka ne rodirighwenseh. 10 Waghshakoghrejàron ne naonwadewennodaghkon Niyoh-tseràkonh.*

**ETHONE** ràwenh ne Royaner, Káneh aoghya-donghsera ne sánistenhah ne deyondekhaghshyathá, Iih issy yewakyén? nenedhens ne ji-nahhoden wakerighwarhàre isekehkenh nenwahhy Kon-yadenghniñonh nìse? Satkaghthoh, ne wahhy ne sayádaghdonghtsera ne wesewadadenghniñon, neony ne sarighwaneraakdènyh ne sánistenhah issy kenh yeyòyén.

2 Ne kady waghònny, ne o-nenh Shakewe, yaghjonkwedah? ne o-nenh Yákheronghyenlibare, yaghkaneká detyakodàdyh? Naah kesnonkeh tyudókdaónh, nene yaghdeyudonhonh aonsaghshakoyádakwén? nenedhens yaghdewakéshatstenghseràyen ne Aonsakheyadakó? jatkaghthoh, nene wákerighwaghsten Wákastedé ne kanyadarákeghkòwah: karhàkonh enkònny ne jikayyhonhhadenyón: wáodijatkenghse wákenjakerane, tyuriwá jiyaghlideskaghnèkó, neony wákonnihheye wáodinyádathen.

3 Iih kahhonjyh wáxheronnyáde ne karonghyakeh, neony kanyádaràdens ne Wákérhòrokde.

4 Ne Royaner Niyohrakhàwyh ne awénnaghsonh ne naonkerihhonnyén, nene Aonkwaderyendarane ji-naakyere jiakadàdy ne skawènnah ne ji-aonkwadéshenniyughse ne raonbhakeh nene royadakenhheyon wahhy: shakoyeghthá ji-niyádeyur-

hónkeghseràkeh; rayeghthá nakwahhonghda ne nakaronke ne ji-nìyught ne yakoweyendeghdaonh.

5 Ne Royaner Niyoh ro-nhodonkwenh ne akwahhonghda, neony Yaghthadeyonke-ninyode, yakhony dehhiyatswade-nyènnh.

6 Katswade-nyènnh ne ji-nonkà t'kayenghthá, neony ne kaghranonkeh ne ro-nonhhakeh nene radighnyodonkwaghs ne o-nonghkwis: Yaghdewakatconghsaghsaghdonh ne adehhenghsera neony aonkwennitskerontyón.

7 Ikenh ne Royaner Niyoh ennhakye-nawáse naah; nékady wahhònny Yaghné thiyadayakwatyeghste: nekady wahhònny Anenkatkonghsayere ányoh kanyá, neony Wakaderyendare nene yaghtakadehhén..

8 Niyureah niresé nene shakyádaderighstonh; onghka nekén den-yake-nirighwake-nhá? kinyoh enskat-neh dewakennyádán: onghká-nekén ne yonxwenghse? kinyoh kàró itreh iih-neh.

9 Jatkaghtoh, ne Royaner Niyoh ennhakye-nawase ne iih; onghká naah ne raonhhá nene aakerighwáeghsten? se-nikenh, akwèkonh enhonnonkwédakàyonne ji-nìyught ne kanená; ne ojì-nòwá wahhy enhho-nadek'wisa.

10 Onghká ne sewentyughkwakonh nene aonwatshaghnighseke ne Royaner, nene yakothondàdonh ne raodiwenná ne shako-nháse, nene jityukaraghs iyén, nene yaghthadeyakoghsathé? kinyoh ranyahhes ne raoghsènnakonh ne Royaner, neony yenhhatyén ne rao-Niyoh-neh.

11 Jatkaghtoh, sewakwèkonh ensewatyádatshá ne ojire, nene yakanibharane neyádesewayádighshón ne niyuriwaah ne jiden-yughswathé-ne; desathabhaghk ne jideyughswathe ne senjire, ne-



ony ne nikenjiraah nene jisadekadonh. Kénkàyén wahhy ensayèndáne ne ne iih kesnonkeh, eghda-keh wahhy ensewayèndáne nekánikonghranough-wakdane.

---

## CHAP. LI.

I *Nene oghnákenkeh nenshahhoweyennèndáse ne Akwerenh, nenwahhoghrejàron ne naodewenno-daghkón ne Keristustseràkonh. 9.*

**DAKWADAHHONGHSADAT** nìih-neh, jonh-há ne ne sewaghnonderatyé ne aderighwakwarighsyonghtsera, jonhhá ne ne eghjhisewayádisax ne Royaner : yájakaghtthoh ne otstenghrakeh kánònweh nádejisewatstarathedonh, neony ne jityukaronde ne o-neghshonh, kándònweh nisewákwàdonh.

2 Eghjhijatkaghtthoh ne Akwerenh eghjhisewá-nihhah, neony ne Sàrenh ne ne sewánistenhah : ikenh raonhhájiwá yuhhinonke, neony wahhiyádadèrighste, neony enhhadeghyarón.

3 Ikenh ne Royaner wahhy enhhàkwaghtste **Zion** : akwèkonh wahhy enhhàkwaghtste ne jiyunatde-nyón ne kàyese, neony raonhhá wahhy enshaweyennèndáse naokarhakonghtsera ánenjàwen ji-niyught ne nikahheghdaah, (ji-nònonweh-ninéskwé Adonh Evah,) neony jiyaghdekahheghdònnyh ánen-yàwen ji-niyught ne jirohheghdayen ne Royaner ; adomharah ony atshennonnyaghtsera éthò en-yetshèny, yondonghrúdaghk'wá, neony en-yakothòndeke ne kawenniyúse.

4 Dakwadahhonghsadat nìihneh, akonkweda, ony dakwadahhonghsiyughst nìih-neh, O sháke-nakeraghserat: ne naghtyawenraghtsera t'kàkonde ne enwaderighwaghðèndy entkayenghdaghkwé iih-neh, neony lih enkeweyennèndáne nakjenhha-yenghtsera nadewendeghtsera nene yaondorishén ne kaghswatlieghtsera ne onkwehhokonkeh.

5 Akwatdakwarighsyonghtsera niyòreah naah; akwatshennonnyaghtsera akwadaghskatshera o-nenli yughdentyonh yuyakenhónh, neony akenontshá ne en-yakojenhhayén ne onkwehhòkón: ne kawe-ná t'kàkonde enliho-nonná, neony akenontshá ne enhhondewennòdaghkwe.

6 Sennoughketskoh yásatkaghtthoh ne karongh-yakeh. nokhony yásatkaghtthoh ne o-nakonli ne jiyonghwenjàde, ásékenh ne jikaronghyàde wahhy wadohhetstane ji-niyught ne oyenkwara, neony ne onghwenja enwakâyónné enwatyádisá ji-niyught ne kane-ná, nokhony ne ro-nonhhá neghradina-kere t'kàkonde enhhonnihheye sháden-yâwénne: nok nakwadaghskatshera nènénné né ji-niyenhhènwe, neony ne akwatdakwarighsyonghtsera yaghwahhy thaonghdondón.

7 Dakwadahhonghsadat nìih-neh, ne ne sewa-yendèryh natdakwarighsyonghtsera, ne nonkwehhòkon ne ne eghniyeyakodadé-nikonghrehhhah akerighwakeh; toghsa desewadonhharenronh ne yetshirighwaghswenghse ne onkwehhokonkeh, yakhony thaesewatshaníke ne radirighwaneraakhón.

8 Ikenh wahhy o-neràkonh enhho-nadek'wisa ji-niyught nekane-ná, neony ne ojí-nowá wahhy enhho-nadek'wisa ji-niyught ne deyudinákaron-donhah o-nonghwèrhón: nok nakwatdakwarigh-

syonghtsera ne wahhy ne ji-niyenhhênwe, neony ne akwatshennonnyaghtsera yudaghsawe jikagh-nekwaghsade jiony wákaghnekwaghsadatyé.

9 Se-nìyeh, se-nìyeh, jatyádaghñìrat, Oras-nontshá ne Royaner; se-nìyeh, ji-niyawenghseron orighwakayonghseron wegñniserade-nyôn, ne jikaghwajiradatye ne wahhônñise. Yaghkenh ìse dekenh nene deghjhakonh Rahab; neony yutkarewaghdonh ne o-nyare dekanerakhontshonde yeyujirontyêse? (o-neghshonghrò-non?)

10 Yaghkenh ìse dekenh ne ne saghstathenghstonh ne kanyadarákeghkôwah, ne jiyughnodèsonghse; ne ne roweyennendaonh ne ji-nityutde ne kanyadarákeghkôwah eghyuhliàde ne ne enjénnyákénne enjakoderonkwaghse ne ne enwadohetste?

11 Ne kady wahhônny ne seghshonkwayádakwenh ne Royaner wahhy ensrawe, neony denthorighwaghkwenhbatye ji-nonkà ne Zion; neony ne ji-niyenhhênwe adonnharah enkaráne raodinonjineh: ne denhhon-dentshá atshennonnyaghtsera ony adonnharah; neony yakó-nikonghrànenghs ony yakó-nikonrawise akwèkonh denkonogh-darhá.

12 Iih. ony Iih, iih wahhy nene enkon-yadorishenthóse: onghká nìse, nene aaghtshetshaghñighseke ne rònkweh nene renhheyonghsere, neony ne ronwayenhah ne ònkweh nene jironwayadison ji-niyught ji-niyught ne ohhonde;

13 Neony ne ronwánikonrhenhonh ne Royaner ne Yayádison, nene dehhodakwarighdonh ne jikaronghyàde, neony ne tho-nonghsakensere ne jiyonghwenjàde; neony tyutkonh enhhonwatshaghñighseke ji-niyadewegñniseràkeh, ne tyuriwa

ne kanákhwenhónh ne yondatwishadónh, akwah ányoh ji-niyught naoweyennendaónh nene aagh-dónde? neony káneh kanákhwenhónh ne nyondat-wishadónh?

14 Ne ne-naghskwá karókdeghkenhhá èrenh aareghde jiranakere ne naòndon aonsahhadodad-righsy, neony nene yaghttharenhheye ne o-neghshonh, yakhony ne rao-nadaroh thadaondonghwenjó.

15 Nok Iih wahhy ne Akyàner sa-Niyoh, nene dehhokhaghsyonh ne kanyadarakeghkòwah, deyón-kwareeghsthá deyaonhhaghre: Ne Royaner ne kentyughkowanenhhòkon nená ne raoghsènná.

16 Neony tshàkonh Yewakyén nakewènná, neony kesnonkeh kónrhorokdonh ne jiyudaghsàdare, nene aòndon Aakyenthó ne karonghyákehòkon, neony ne aondakíderon ne onghwenja, neony en-kenhhaghse ne Zion, Isé wahhy nakonkweda.

17 Se-nìyeh, se-nìyeh, dese-nidán, O Jerusalem, nene néyakoghnekirenh ne rasnonkeh ne Royaner nene cup ne rao-nákhwenghsera: ne saghneki-renh ne o-nònwá ne cup ne naesayádishonghkwe, neony aaghse-nonwenjiroarakere.

18 Yaghkaneká dekayén nene yakonwaweyagh-sine ne ne akwèkonh ne kentyughkwakónh nésané ne aonhhá akoyénhokonbah; yakhony kaneká ne ne aondakonwanontshá, nene akwèkonh akoyénhokonbah ne naonhhá yakaweghyarón.

19 Nenekén-ikenh dekariwakeh wahhy wesaya-dòrenne; onghká ensanháden? kàyese enghsàdon en-yesadekwaghde, nokhony satkaronnyát en-yesaghdonde, neony ne adonghkaryakón, neony ne ásharékdòwah: raonhhakeh t'kàkonde Iih enskon-nikonghraghnirade enskon-yatshennonnyaden?

20 Ne sheyenhokonhah nenwahhy rodiyáda-  
 enhhèyonh, eghradiyádakeron jiyekondikònhén ne  
 akwèkonh ne ji-nádekanadokenghseron ji-niyught  
 ne yugh-deronnyh ne anàkare ne yonde-nyegh-  
 roghk'wátseràkonh : rodinanonh ne rao-nakhwen-  
 ghsera ne Royaner, ne enghshakorighwaghsten  
 ne sa-Nìyoh.

21 Ne kady wabhònny, ne nonwá jathòndek ne  
 kén-ìkenh, ne saronghyakenthá, neony yeghneka-  
 kàsthá, nok yaghky ne wine :

22 Ethone ràwenh ne Sayaneda, ne Royaner,  
 neony ne sa-Niyoh ne ne enhhaweryéndiyú ne  
 tyuriwa ne racnkweda, Jatkaghthoh, Iih sewakya-  
 kenhhonh ne sesnonkeh ne cup ne yakoyadishongh-  
 k'wá, ony ne o-nònwá ne cup-neh ne ake-nákh-  
 wenghsera ; yaghshèkonh thaonsaghsnekira àré :

23 Nok Iih yenkyén ne radisnonkeh ne ro-nonh-  
 há nene yesaronghyakenthá ; nene konwenny ne  
 sadonnhets, Eghdakeh, desadontshòdenh, nene  
 aòndon eghdayakwadawenrade : neony waghshe-  
 yènhaghse ne sayeronda ji-niyught ne onghwenja,  
 neony ne ji-niyught ne jidekanadòkenh, ne ro-  
 nonhhakeh nene dehho-nadawenghràdonh.

## CHAP. LII.

I *Keristus shakoghsteronwy ne kentyughkwado-  
 kenghdy ne naondayakeghdaghk'wé ne jiok  
 skènnen jienseghshakoghnerenghsy, 7, 9.*

SENIYEH, se-niyeh ; sadatyádaghñìrat, O Zion ;  
 sadatyádaghserònnyh, O Jerusalem, ne no-nada-

dokenghdy : ikenh dàwé nene yaghshèkonh thae-sayáðrenne ne isekeh ne nyahhadatnekoserhôn dekenh nokhony ne deyunon-yanight.

2 Sadákenrawak ; satketskoh, neony satyenh, O Jerusalem : sasadatnerenghsyh jisnyaderenh, O sewanaghskwásathonwisen sewayenhah ne Zion.

3 Ikenh kénnihhoyèrenh ne Royaner, sewadadenghninonh wahhy ne nyaghthiyádeyurihhonde ; neony enjetshiyadakó nyaghdekayadade noghwista.

4 Ikenh kénnihhoyèrenh ne Royanér Niyoh, Akonkwedá ro-naghdentyonh arekhó thiyeyuderighwihheh ji-nonkà ne Egypt nene ehhaonnakerade ; neony ne Assyrian-áká wabhonwadighwisháde ro-nonhhá ne nyahhothè-non dehhodiriwa.

5 Nonwa, ne wabhònny, oghnahhoden Ke-nyende nekenthoh, ràdon ne Royaner, nene akonkweda yehhonwadiyádenhhah ne nyaghthiyadeyurihhonde ? Ro-nonhhá nene enthonwennennonghdonse denhhonwanaghshenthoghde ányoh erhah, ràdon ne Royaner, neony ne niyádeweghniseràkeh yurighwadatyé tyutkonh wahhy yonxhennayesagthá.

6 Nekady wabhònny nakonkweda t'kàkonde en-yonxhennayenderháne : nekady wabhònny enhonaderyendaráke ne enweghniseràdeké nene Iih wakadàdyh ; jatthagthoh, Iih wahhy.

7 Anyoh yuraseh ne o-nondohharakeh ne raoghsida ne raonhhá nene karighwiyuh rarighwihheghs, nene rarihhowanagthá ne kayanerenh ; nene rarighwihheghs ne karighwiyuh ne yuyanere, ne dehharighware-nyathá ne adaghskats-hera ; nene ràwenh ne ji-nonkà ne Zion, Sa-Niyoh rayáðakwé-niyú !

8 Ne nyesatyeghwadàny wahhy enhhondewen-naketskó; yádenhhondewennayeghste denhhadiriwaghkwé: ikenh denhhondadatthaghtó ne radikaghdékeh, ne o-nenh ne Royaner enghshakohheghse àre ne Zion.

9 Donsaják dondajàkean jisarighwaneren egh-yádonsasadeweeghs jidetyakorighwaghkwenh tyakodonnahhere, enskatneh densewariwaghkwé, sewade-nakdatyesaghtá ne Jerusalem: ikenh ne Royaner waghshakoyádagnirade ne raonkweda, raonhhá wahhy seghshakoyadakwenh ne Jerusalem:

10 Ne Royaner raghwaseronh ne rao-nontshadokenghdy ne radikaghdékeh ne akaonghwenjakwèkonh; neony akwèkonh ne jideyudonghwenjók-danihhón ne enhhontkaghtó ne raodaghskats-hera ne onkwa-Niyoh.

11 Erenh seght nìse, èrenh seght nìse, wàs jàken'n ne kenthoh, toghsa othè-non kènniyonsajer ne wahhetkèn nahhoden: sajàken'n naodinenherhenh; sasayaneren'n nene detsnyé ne raokerát ne Royaner.

12 Ikenh yaghthaonsaghsyakénné ne t'kaghsterihhénhónkeh, yaghony nok thaaghsé-nyàkenne: ikénh ne Royaner raonhhá sahhendonh enhhaghdèndy; neony ne Niyoh ne Israel nená nodokenhonh ne sannheghsera enkenhháke.

13 Jatkaghtoh, nakwadennhatsera t'kàkonde ne en-yetshiyákhònhaghse ne kánikonghrowanenghtsera, raonlha wahhy t'kàkonde enkahharadàdon nokhony enhhonwakòwanaghde, neony raonhhá akwah e-nekenghgy.

14 Ji-nikonh ne nen-yesarighwaneghrakó, (egh-nihhokonghsódenhonh ne jirohbetkenhonh senhhá

ne ji-nìyught ne otyáke ne ònkweh, nokhony jinihhoyádódenhoh senhhá ne ji-nìyught ne ronwadiyénliokonhah ne onkwehhòkon ;)

15 Eghkady nen-yàwen denghshakotstaradonkwaghde èsó yakaonghwenjàkeh ; ne koraghkowatshón t'kàkonde enhhonwatskwexhé : ikenh ne nethoh néneh yaghdehhonwadighròryh ne t'kàkonde enhhadikén, nok nene yaghdehho-naghròkenh ne t'kàkonde wahhy denhhadiyadòreghe.

### CHAP. LIII.

I *Ne royadādòkenghdy sharighwaghserònnny ne ji-niyudehhádaongh ne jidehhonwayaghsonde,*  
4. 10.

**RAONHHA** thaweghdaghkonh ne yonkwaderighwanakere yonkhighròry ? nokkony raonhhá raonontshá ne Royaner ne shonkwarighwanhodonkwènnh ?

2 Ikenh t'kàkonde enhhadeghyaron ne raohhèndonh ji-nìyught ne dehhaghsnyé ne kayenthoh, neony ji-nìyught ne enkaghdeghrònden ne aonghwenjàthénkeh ; yaghdehhayadonde yakhony thiyeyuyerióh : neony ne ò-nenh enghshakwatkaghthó yahhenskatneh thaedewatkennisa nene jidenghjhidewadonghwenjoghse.

3 Wahhy ronwadaghkwaghswenhónh ronwaghswenhohh nokhony issy yehhonwayádontyonh ne onkwehhòkon ; nene ró-nikonghraxhenghse, wahhayenderéné nó-nikonghraxhádané ó-nikonghranonghwakdané : neony akwah ji-nìyught nayonkwatkonghsaghseghdon ne raonhhakeh ; nokhony eghjhidewadaghkwaghswenhohh eghjhidewaghs-



wenhónh, nokhony yaghdeghjhidewakarowana-ghseh.

4 Orighwiyú wahhy raonhhá rodaghkatstàdonh rotkeghdàdonh nonkwánikonghranonwakdenghsera, nokhony rotkeghdàdonh nonkwánikonghraxhenghsera: shòkonh eghniyonkwayèrenh ne yonkwakarowanaghdonh raonhhá ne jieghjhidewayenghdanyón, eghjhidewaryuh ne Niyoh, nokhony eghjhidewaronghyakendonh.

5 Nok raonhhá wahhy wahhatkarewaghdanyón ne ne iih onkwaderighwadewaghdonghxhera aoriva, wahhoyáðakwarashón nene iih onkwayadaghdonghsera aoriva: ne roronghyakéndaghkonh ne iih onkwayanerenghsera ne ná ne raonhhakeh; nene jironwanonghwaryàkhón kakwirayeronnyanyón ne rayeronkeh ne wahhy jonkwajóndaghkwenh.

6 Yedewakwèkonh, ji-nìyugt deyudinákarondonhah, yonkwayadaghdonhonhhatyese; onenli deyonkwatkarhade-nyonh niyádeyakyonh onkwánikonrá yonkwayerádonhhatyé; neony ne Royaner ne roderighwakeghròunyh ne onkwayádaghdonghsera yedewakwèkonh.

7 Ronwaghwishadonh, nokhony ronwaronghyakendonh; shèkonh kady yaghdehho-nhodonkwenh ne jiraghsakaronde: wahhonwayathewe akwah ji-nìyugt ne niyakaah deyudinákarondonhah étho ne jikonwadiryughthá, neony ne ji-nìyugt ne deyudinákarondonhah ne jienkonwanonghkare yuneghrakwaght saghk, étho kady náàwen yaghdehho-nhodonkwenh ne jiraghsakaronde.

8 Wahhonwayè-ná ji-nonkà ranaghskwa nokhony ne raojenhhayenghtsera: neony onghká kady denhhonwadirighwatheden ne raoghnekwa-

ghsá ? ikenh dehdonwayakoh ronwayáðinekenh-  
hoh ne jiwadonghwenjàde ne yonnhéðnwéh :  
wahhy ne rao-naderighwa déwaghdonghsera ne  
akonkwedá ne ronwayenghdanyón.

9 Neony wahhadatshaaghse ne jiyondatyádada-  
aghsthá enskatneh ne rodirighwaneraaxkoh, ne-  
ony enskatneh ne atshókówaghtsera ne jirawenh-  
hèyonh ; ásékenh ji-nihhoyèrenh yaghthaondagh-  
shako-nonghdonse, yahhony kaneká ne ne aagh-  
shakó-nikonghronnihháke ne ne o-nòwen jiaon-  
dayakeghdaghkwe aaghshakorighwayadaghdón-  
dènný ne jiraghsakaronde.

10 Shèkoh sané dahhaweryéndiyú ne Royaner  
ne ne jiwahhoyadakwarashón ; eghyahhoyádiny-  
onde ne ne ó-nikonghranonghwakdane : ne o-nenh  
enghtshé-nikonghrònny ne aennèyón ne karigh-  
waneren, enhhatkaghthó ne raoghnekwaghsá, ne  
enhhaweghniserarekde, neony ne raodónwesh-  
enghtsera ne Royaner t'kàkonde ne enwadeghya-  
ron ne rasnonghsakoh.

11 Enhhatkaghthó ne karonghyakenghsera ne  
raweryaneh, neony enhhonwánikonghraghseròn-  
ny : ne ji-nihhó-nikonghrayendaoh ne akwatdak-  
warighsyonghsera rinháse ne èsó enhharighwagh-  
nìrade ne jiyuderighwakwarighsyoh ; ikenh ra-  
onhhá wahhy enhhadaghtkatstade ne raodiyádagh-  
donghsera.

12 Ne kady wahhònny denhhikhaghshyén jì-nì-  
koh nyádehhadyh radwenh ne nyuribhowànenh,  
neony denhhakhaghshy ne yuhhetkenhoh ne jiká-  
shatste ; ásékenh thoweronthoh ne raodonnhets  
kenhheyàtneh : neony ronwaghradonh ne rodi-  
righwaneraaxkoh : neony èsó rodaghtkatstadonh

ne karighwaneren, nokhony degshakoderenna-yénny ne nyakorighwayádaghdonhónh.

---

## CHAP. LIV.

I *Ne raodinonghsadokenghdikèwah ne nyaghdéhhodirighwiughstonh; 4. 6. 11. 15.*

**DESEWARIWAGHK**, O yaghdeseawirayèndase, ìse ne ne yaghtadesewaghsnyé, donsaseniyák ne se-nirighwaneraaxhera yadejadaweeghst jideyakorighwaghkwenh, nokhony desaghshenthoh sawendeghdonhhák, ìse ne ne yaghdesewaronghyàkenh ne sewanèronh : ikenh senhhá èsò wahhy ne exháokonhah ne nyondadadewendeghdonh daghnón ne exháokonhah ji-niyught ne ne yunyakón, ràdon ne Royaner.

2 Skówanaght ne jikànakde ne jisade-nyadarode, neony kinyoh yehhondiròndaghk yádehhadidàkwaright ne yonde-nyádarodaghk'wá ne jisenakere : toghsa se-nakdothaghs, snìrat ne saghseriyé, (ne nyakoghwanhaghstha,) neony snìrat ne sanonjá :

3 Ikenh wahhy denseghsyake ne jiseweyendeghdaghkonh ne sesnonkeh nokhony ne seghse-nekwàdyh; neony ne saghnekwaghsa t'kàkonde ne en-yondaderakwaghsé ne nyaghdéhhodirighwiughstonh, neony kàyese enwàdon ne jikanadowànenghse ne ne ehhaye-nakereké.

4 Toghsa desadonhharenronh; ikenh yaghwahhy thaaghsadehhén : yakhony ne thiyádaaghsa-

tyeghste ne yako-n'raxhenh ; ikenh yahheghthiya-yesayádinyónde ne jityudehhá : ikenh wahhy jisá-nikonrhenhóh ne yudehhá ne kénshidisayenhah, neony wahhy yathaonsakeghyaráné ne sheyadewennaxhádènnih ne sadeghréonghtsera yaghkaneká shèkonh.

5 Ikenh ne Yáyádison ne ná se-ninyàkonh ; ne Royaner ne kentyughkowanenhhòkon nená ne raoghsènná ; nokhony ne Shakyádakwenh, ne Enskat ne Royadadokenghdy ne Israel ; Ne Niyoh ne onghwenjakwèkonh ne enhhonwanadonghkwe.

6 Ikenh ne Royaner ne yanádonghkwenh ji-niyught ne tyuthonwisén ne nyesadewendeghdonh neony yakónikonghranonwax, neony ne yude-naghkonniáh, ne o-nenh shaghsadonnnhiye shaghtshe-wennòndy, ràdon ne sa Niyoh.

7 Wahhy niyurighwaah niyurighweshah Kon-yadewendeghdonh ; nok kendenreghtserowànenh Enskonroroxhé.

8 Nikánákhwenghtseraah Jikon-yatkonghsaghsèghdènnih ne ne niyurighweshah ; nok ne ne jiniyenhhenwé dentkerighwayèride Jienskòndenre, ràdon ne Royaner ne Syayádakwenh.

9 Ikenh ne ne kén-ikenh ji-niyught ne oghnekáòkon ne Nowah ne iih-nèh : ikenh yunìronh Jiwa-kerighwisón ne ne raoghnekáòkón ne Nowah yaghshèkonh thaonsontnekawenrade ne jiyonghwenjàde ; eghkady nìyught yughnìronh Wakerighwisón ne yaghthakonnakhwáse, yakhony thakon-righwaghsten.

10 Ikenh ne yunonde-nyón t'kàkonde èrenh enkònneghde, nokhony ne yonghnyaghronnyón akdé enskahhawighdón ; nok neh ji-nidewakerighwayèry yaghné èrenh thaese-nonghdén, yakhony nejide-

sewarihhonde ne akonkwede akdê thakaghkwî-  
don ràdon ne Royaner ne ne enkonðenrade.

11 Oise ne sewaronghyakenh, thidewadihhen-  
thoghdanyôn ne jideyuweradàseh, nokhony yagh-  
thajisewánikonghraghnirade, jatkaghthoh, Enkon-  
yènhaghse ne sanèn-yàðkon ne nakwah waghso-  
ghkwiyúse, nokhony ne jiendeghsade-nonghsa-  
kenserén né enwadón ne kanen-yandron.

12 Neony kénnenkyere jienkônny ne jisaghsen-  
dakaghròndon denkaghstarathedon enkarhón, (ka-  
ráseghstonh,) neony ne jisadenhenghrakaronde  
akwah kanekwenghdariyuh, neony akwèkonh ne  
saghyúthiyonghtsera natstehhònweh ne nadónwe-  
shenghtsera no-nen-yàðkon.

13 Neony sewirakwèkonh ne Royaner enghsha-  
korihhonnyén; neony t'kàkonde enkayanerengh-  
serowanhá ne sheyénhokonhah.

14 Atdakwarighsyonghtseràkonh étho enjesa-  
weyennendase; ìnonh niyòre nise ne ji-nonkà na-  
yesaghwisháde; toghsa kady aesaghderónne: ne  
ji-nonkà nadewendeghtsera kaghderonghxherowà-  
nenh; ásékenh yaghwahhy thoah thaondàweghde  
ne isekeh.

15 Jatkaghthoh, orighwiyú wahhy enskatneh  
enhhontkennisa, nok yaghden niih-neh: onghká-  
kiok enskatneh en-yesatkennisaaghse enthadiya-  
dénne nene ise sarihhonnyát.

16 Jatkaghthoh, Iih waxhón ne raristônny nene  
yeyuronde ne ojirakonh ne óswenda, nene entkah-  
hawe ne ji-nenratste ne raoyúdenghsera; nokhony  
Iih waxhón ne oghnekáðkon nene aonghdonde.

17 Yaghná dekaghsón nene aesahhetkenghden  
daesanráyane ne isekeh nené aondeghyaron; ne-  
ony ne ji-niyádewénnaghsakeh nene wahhy t'kà-

konde dentkondidáne densewaghnyòden ne ise ne adewendeghtseràkonh t'kakonde ensanondanhake. Neneh kén-ikenh ne rodiyádadokenghdy ne shakónháse ne Royaner, neony ne rao-natdakwarighsyonghtsera iih-neh tyuyenghdaghkonh, ràdon ne Royaner.

---

## CHAP. LV.

I *Ne royadadokenghdy, ne ne rorharatstennyh, ne Keristus, yehhoronghyenhharonh ne jideweghdaghkonh, 6. 8.*

DESENIDAN, ji-niyadejonh nene sewanyádat-henghse, kase-neh ji-nonweh nikaghneko-nyón, nokhony ne raonhhá nene yaghdehhoghwistayén, kase-neh, snìnonh skaryák nokhony sek; origh-wìyu, kase-neh, se-nighnìnnonh ne wine nokhony ne o-nondá saéthoh yaghdesewaghwistayén, nokhony yaghdeyukaryáxheràyén.

2 Nekady wahhònny wahhy yahhesewaghtkáwenhhatyé noghwista yádeke-nése nene yaghkánadaroghk dekenh, neony ne sayudenghsera nene-thoh ne yaghthaesánikonghrayèride? Jadahhonghsadat akwah jadahhongsìyughst ne iih-neh, neony né se-nek nene ji-nahhoden nene yuyanere, neony kinyoh ne sadonnhets kowànenh wadonnharenh adónweshenghtsera nèeh nekenhenh natshókowaghserà konh.

3 Desadahhonghdodenh, neony kàró kaseght iih-neh : sathòndek, neony ne sadonnhets ne enkarihhònny en-yonneheke ; Iih wahby enxhá nene

jidende-nirihhònden ne ji-niyenhhènwe, sháden-yàwen ony ne jiorighwiyú ne rao-nidènrát ne Dawed.

4 Jatkaghtoh, Riyàwyh ne nenbharighwagh-nirade ne onkwehhokonkeh, ne enghshakoghshà-rine nokhony ne enhhayáðakwé-nìyuke ne onkwehhokonkeh.

5 Satkaghtoh, ne yenghshe-nonke ne akaonghwenjade-nyón nene yaghdegshheyendèryh; ne ony ne niyádeyakaonghwenjàkeh nene yaghdeyesayendèryh entyedakhe-nontyé ne isekeh, enkar-ihhònny ne Royaner sa-Niyoh, neony nene Enskat ne Royáðadokenghdy ne Israel; ikenh raonhhá wahhy enghyónwèsaghde.

6 Eghjhise-niyáðisak ne Royaner ne ji-nikariwes ne aòndon aaghjhise-niyádatshèny, yaghjhise-nironghyenhar jiaghsonh niyoreah nirésé.

7 Kinyoh ne rorighwaneráaxkonh kénthishotyeght shòdyh shaghtkáf ne raohhahhá, nokhony ne yaghdehhoderighwakwarighsyonh ne ji-nihhó-nikonghrodenh: neony kíasá raonhhá dethaghkeh Royaner-neh detreght, neony raonhhá wahhy enshòdenre ne raonhhakeh; nokhony ne onkwa-Niyoh-neh, ikenh enshà-naghné, jienseghshakòdenre.

8 Ikenh ne ji-ní-niwakénikonghrodenh yaghwahhy eghdesánikonghrodenh, yaghony wahhy ony eghdesahhahhodenh ji-ní-niwakhahhodenh, ràdon ne Royaner.

9 Ikenh wahhy ne karon-yá e-nekenh yudohhetsdaghkwenh ji-niyught ne onghwenja, eghkady niyught wahhy nakhahháðkon e-nekenh yudohhetsdaghkwenh ne ji-niyught ne sahhahhád-kon, nokhony ne ji-niwaké-nikonghrodenh deky. atdihhenh nise ne ji-nisánikonghrodenh.

10 Ikenh ne jiyukenñorese e-nekenh dewasénse, nokhony no-nyeghde, karonghyakeh ó-né deweghthá, nokhony yaghdeyàweght aonsakonghkede egghyaonsakònnewé ne jidakondiyenghdaghkwé, nok daghnón kanánawenghthá ne jiyonghwen jàde, neony né yònnighs né nayaweghyaron aon-dakahhawé ony dayúkòrpké, nene aòndon aonwanenhhón ne rayenthoghs, neony ne ji-nonkàdyh ne radinadarax;

11 Eghkady ó-né-nen-yàwen nakewènná ne jiyudiyakenhonn ne jixhakaronde: yaghdeyàweght daondonghkede iih-neh aòkón; nok sé daghnón enkeweyennèndáne nene Iih ji-nenwakeryéndiyú, neony ne t'kàkonde enwadeghyaron en-yudeghyaghrontye ne ne éthoh ìwat nethoh oriwakonn ne Yewakadennyeghdonn.

12 Ikenh wahhy nenhensewayàkènné ensewadonnhaghratyé, neony ne ensewaghshàrine ne kayanerenh: neony ne yunonde-nyón nokhony ne yonghnyaghronnyón wahhy denskayakón ne sahèndonh ne ne ji-nonkà detyakorighwaghkwenh, neony akwèkonh ne karondáòkon ne kahhendakeh t'kakonde denkonghshareké ne kondisnonkeh.

13 Nene yakènhah ohhikdá nok t'kàkonde thikaròndade dondegghyaron, (fir-tree konwàyats,) nokharé yakènhah oghnyonwar t'kàkonde né dondegghyaron: (konwàyats myrtle-tree:) neony t'kàkonde ne Royaner-neh ne aoghsènná, neony ne enwadé-nyendenghston ne ji-niyenhhènwe, nene yaghtakayakón.



## CHAP. LVI.

I *Nene yehhariwakenghs nissy náoriwadyh wah-honwaghrejàron ne ne aoyádadokenghdine ;*  
3. 9.

**ETHONE** ràwenh ne Royaner, Sewajenhhayen-ghtserayèndák, nokhony kase-nirighwayèryt : ikenh nakwatshennonnyaghtsera ò-nenh niyureah nenwawé, nokhony nakwatdakwarighsyonghtsera nenwahhy okthiyuderighwakwathonh.

2 Yakodaghskats naneh ònkweh nene eghnen-yeyere ne kén-ikenh, neony ne ronwayenhah ne ònkweh nene shakoye-nawakonh ; nene rodogh-darhonh ne jiyaondatokenghdonh ne naéndaxháde, neony rodoghdarhonh ne okthikawenniyú ne wah-hetkén ji-naatyere.

3 Kinyoh yakhony ne ronwayenhah ne thiye-nakeraghseràde, nene yádehho-natyeghstonh ne Royaner neh, enghsadàdy, enghsiron, Ne Royaner ro-nanonh dehhakekhaghsyonh ne ji-nonkà ne ra-onkweda : kinyoh yakhony ne eunuch enhhenrón, Jatkaghthoh, Iih ne yurondathenh.

4 Ikenh éthone ràwenh ne Royaner ne raonhha-keh ne eunuchs nene rarighwenhhawé nakwenda-derightsera neony ne raoghronkwenhhatyése ne karighwaðkon nene wakeryéndiyughs, neony né jè-nah ne den-yonke-nirihhòndákeh ; (ne o-nongh-sadokenghdy aoreghwakeh ;)

5 Ony shaden-yàwen Iih wahhy enkhèyon ne ake-nonghsakonh, neony ne jidewakennitstenre, (dekénnyadatsthá,) ne jikànakde neony ne aogh-

sènnà senhhá ne yuyanere ji-nìyught ne ronwadi-yénhokonhah nokhony ne konwadiyénhokonhah : Iih wahhy enkheghsènnon ne ro-nonhhá ne ji-ni-yenhhènwe, ne ne yaghthadao-natyáxhé.

6 Ony ne ronwadiyénhokonhah ne thiye-nake-raghseràde nene ro-nonhhá ne yádehho-natyeghstonh ne Royaner, ne naonwayúdenghse, neony ne naye-nòronghkwe ne raoghsènnà ne Royaner, ne ne raonhhá raodennhatsera akenhháké, niyáde-yàkonh nene yakodoghdarhonh ne jiyaondadokenghdonh ne nayédaxháde, nok neyakoyè-nah ne iih den-yonke-nirihhòndake ;

7 Ony sháden-yàwen ne ro-nonhhá Iih wahhy yenkheyathewe ake-nondadokenghdikeh, neony ro-nonhhá enhhondonnharén ne ake-nonghsakohh ne aderènnayenh ; rontshaaghtá ony ronwennè-yonghs t'kàkonde eghnen-yàwen enkyè-ná ne jikyádaraghtá : ikenh ne ake-nonghsá wahhy ne enkonwanádonghk'wáke ne kanonghsá ne aderènnayenght ne onkwédakwèkonh.

8 Ne Royàner Niyoh, nene shororonh ne issy yehhonwadiyádontyonh ne Israel, ràdon, Shèkonh Ensekheroroke notyákeshón ne raonhhakeh, thi-kàde ne otyákeshón nene nenskaroronh ne raonhhakeh,

9 Sewaryúdakwèkonh ne kahhendákeghshón, enwawé nene kàyese ensewàdon ensewaghdon, orighwìyú, sewaryúdakwèkonh ne karhakonghshón.

10 Raonkwedá ne shako-natyeghwadànyh wahhy dehhadirónwèkonh ; radikwèkonh ronwánikonrhenhonh wahhy, radikwèkonh wahhy yaghdèhhadiwènnat erhar, yaghdèhhodikwe-nyonh aa-

diniye ; rodidasnyón, eghdakek radiyádakeron, radinonwese ne ronnidasthá.

11 Orighwiyú, ne wahhy rodighnekaron ne erhar nene yaghnonwèndonh thahònneghre o-nenh éthoh, neony ro-nonhhá radinonghné ne deyudinákarondonhah nene yaghdeyàweght ayudinikonghrayèndane ; radikwèkonh ne ok dehhadikanere nyádehhadiyádighshón jirodihhàde, niyádehhàdyh nenedaadèntshá dàweghde ne jirade. Iih

12 Kàró kàseght, ne wahhy enhhonniron enk-kohhá ne wine, neony endewadade-naghné ne kaghnekáshatste ; nokhony nen-yorhénne eghnen-yughdon ji-niyught ne kénwènde, neony senhhá èsó enwatkadade.

## CHAP. LVII.

*I Ne yudaghskats ne kenhhèyón ne atdakwarighsyonghtsera. 3. 13.*

NE atdakwarighsyonghtsera wákenhheye, neony yahhonghká ne onkweh thiyeyakòyén ne akawer-yaneh ; neony shonwadidèronh ne onkwehhòkon nenwahhy èrenh diyádenhhawighdonh, yaghkaneke thádeyakoyádoreshdonh néneh ne atdakwarighsyonghtsera èrenh ná kahhawighdonh ne wah-hetkén ne naondàwé.

2 Raonhhá wahhy enhhadaweyáde ne kayanerenghseràkonh : yenhondorishén ne raodinakdah, jonkwédatshon denhhonthahhakwé ne raotdakwarighsyonghtseràkonh.

3 Nok thoah kasatkwít kenthòh, ìse ne yetshi-

yénhokonhah ne yunatkónse, ne noghnekwaghsa ne kanaghkwá karighwanerén nokhony ne yakó-deghkòwah.

4 Desewanyude raonhhá eghnisewadatyèrenh sewadade-nonghwaroryádonh? desewanyude raonhha sewadatshakaghronghstonh, nokhony desewadénnaghkarawenh? yaghkenh ìse deyetshiyénhokonhah ne rodirighwayádaghdonhonh, ne oghnekwaghsá né no-nowén;

5 Sewadadekádènnny kayádònnyh sewathá o-nakonh ne ji-niyádekaròndakeh ne àsé, ronwaná-wenthonh ne exháokonhah oghronwakonghshón o-nakonh ne jideyutstenghre-nyon?

6 Ne jideyunen-yaghstarathe-nyón ne jiyugh-nàwadeh nená ne saderasfá; ro-nonhhá, ro-nonhhá wahhy ne saderasfá; shaden-yawén ne ro-nonhhakeh, disaweronthonh ne ayeghnekira ony wákón, ne aaghtshennèyón ne wákón. ne Naak-yè-na nadorishenghtsera ne kén-ìkenh?

7 Enekenh neony ne jiyunondowànenh ethó yesanakdayén: sháden-yàwén ony étho nònweh niyenhhenghsé nene entshennèyón.

8 Erenh nakanhogghadighshón shádèyught ony ne jikanawaaghdòdon ne saketskwenl ne naagh-seghyarake; ikenh wahhy sárhorothonh ne yá-deghsyadyh nene thiyedeshón daghnon ne iih, neony o-nenh sewaghdentyonh sade-nakdowaghdonh neony ne desewarihonde ro-nonhhá; waghse-nonwé-né ne raodinakdá ji-nònweh nisatkaghtonh.

9 Neony eghse-nonghdonh koraghkowaghneh shàwy nyonderhoghsthá jideyunighnyakonh, neony ne saghseghyaron ne seserakón, neony yeghsheyadennyeghdonh ne ohhèndonh kariwa ne sa-

dennhatsera ìnonh niyòre, neony sadadaghstho-ghdonh sháden-yàwén ji-nonkâdyh no-neghshonh.

10 Sayádakenhheyón wahhy ne nyurihhowà-nenh ne jisahhàde; nok shèkonh sàdon yaghden, yaghsé dejorhàrats: satshenryonh ne yonnhéònwèh ne kesnonkeh; nekady wahhònny yaghdeseryéndaxhenhonh.

11 Neony ne raonhhá eghltshetshanighse ne denhens desadonhharenron, ne ne sennowenghdonh, nokhony yaghdeghskweyaghre, yaghony degghsk-yènnnyh ne sadonnhets? yaghdewakatyè-nawaghstonh Nakyanerenh sháden-yàwen ne wahhònnise, neony yaghdeghsketshanighse?

12 Iih enkerihhòwanaghde thenkerighwakwatho ne satdakwarighsyonghtsera, nokhony ne sayúdenghsera; ikenh yaghne ro-nonhhá thayesadonghradaghkwê.

13 Ne ò-nenh denghsaghshenthó, kinyoh ne sentyughkwá sasheyaghtka: nok nene jiyaode t'kà-konde akwèkonh yenhhodiyádenhhawe; rao-nòkon jidenhhodiyadaghkwe enhhodiyè-na: nok raonhhá nene rakwadewennodaghkonh nih-tseràkonh ne wahhy enhhayè-na ne onghwenja, neony wahhy yenshadonnharen ake-nondadokenghdikeh;

14 Neony enhhenrón, yasatyádòndy, yasatyádòndy, se-nihhahhaghserònnnyh, dese-neghk ne kakonghretshakeron èrenh yetshihhawighdás ne akonkwedá.

15 Ikenh ethone nihhàwenh ne e-nekenh neony ne ye-nàyeh thiyakotshanyh nene enskat egghyènakere ne nyaghthiyeyòdókde, raoghsennadokenghdy naah; Iih ke-nakere ne e-nekenh neony ne jikanakdadokenghdy, iné ony nene deyakaweryaghshaghrioh neony tyakó-nikonghrehhónh, nene

aonsondonnhede ne tyakó-nikonghrehónh, nokhony nene aonsondonnhede ne deyakó-nikongh-raghriseron.

16 Ikenh yaghwahhy Thádayakwaderihbodarhó ne ji-niyenhhênwe, yahhony tyutkonh Thaonkenákhwenhónh : nene kánikonra ne akayádakenbheyé ne akhêndonh, neony ne adonnhetshòkon nene Waxhón.

17 Nene kayádaghdoughtsera ne raó-noshaghtsera ne Wake-nák'wádonh, neony enbhiyaghdónde : Wákadaghseghde, neony wake-nákhwenhónh, neony wahhoghdyonhhatye yaghdeyaweryéndiyught ne jiyuhhâde ne raweryaneh.

18 Wakatkaghthónh ne jirohhâde, neony enshijende : ony Yenhhinontshine, nokhony enshotyêritshé ne jienhhaonrishêndane ne raonhhakeh neony ne jiró-nikonghrânenghs.

19 Iih wakeweyennendaonh ne yughnyðónh ne oghskwendá, Kayanerenh, kayanerenh ne raonhhakeh nene ìnonh niyòre, nokhony ne raonhhakeh nene kénnyoreah, ràdon ne Royaner ; neony lih enshijende.

20 Nok ne yakorighwaneraaxkonh akwah egbnádeyúnikonrhàrah ji-niyught ne kanyadarakeghkòwah, ne nyaghdewadorishendatye, ne noghnekanoghs yeyunawátstontyése neony deyunonwafhenh.

21 Yahhothè-non skènnen dekenh, ràdon nake-Niyoh ; ne ne yakorighwaneraaxkonh.

## CHAP. LVIII.

‡ *Nene thiyeyako-nowenghdonh yakènhaah yako-righwiyughstonh ne ná ne yako-nondanhakhé. 8. 13.*

SAWENDEGHDONHHAH jidesaghshenthoh ; toghsa satyèsaght ; sadewennaketskoh ji-niyught ne kakhònrawats, neony she-nádònhaghs nakonkwedá ne raodiyádaghdonghtsera, neony ne jirononghsode ne Yákwek ne raodirighwaneraaxhera.

2 Shèkonh sané yonkyádísax niyádeweghniseràkeh, ne ony ne ji-naondahhodínikonghriyú aondonnharén ne naodidòkenghse nakhahháòkon, nene ji-nákaonghwenjóden nene tyakorighwayerìdonh, neony ne yaghdehho-naghtkawenh ne ji-nihhorihhodenh ne raodi-Nìy ; ronkerighwanendònny ne ji-nikarihhdénse ne t'karighwayèry ; wahhadiyè-ná adonnharah nethoah yakotkwidonh Niyoh-neh.

3 Ne kady wahhònny yonkwanerenh kenh, ròndón, neony yaghwahhy degghskenghs ? atskwih yonkwánikonghraronghyàkenh kenh, nene yaghdedewayè-naghs ne nayonkwánikonghrayèndáne ? Jatkaghtthoh, ne eghniseràkonh ne jiighsnerenh enghsetshèny nadónweshenghsera, neony entkarighwakaghrònwede ne sayúdenghserakwèkonh.

4 Jatkaghtthoh, wahhy sewadatnerenh sewadasteronwyh nokhony dese-nirighwake-nhenh, ne endeghshakoyèrenghde ne rodirighwaneraaxkonh enghshakoghdónde : yaghwahhy thaonsesewaneren ne ji-nisewayèrenh ne kénweghniseràde, nene

akaghsón ne sawènná nene yádaaghsewennanih-haráne ne é-nekenghji.

5 Nèkenh neghnikaghnerenxherodenh nene Iih wakerakwenh ? seweghniserat ne rònkwèh ne enhhánikonghraronghyàkén ? ne kenh naondah-hanyàrenne ji-niyught ne oghshonwennídákòwah, neony ne aadakwenghдарhó ne kanyádaràdens neony oghsehhará o-nakenh t'kàyén ne raonhha-keh ? nèkenh enghse-nadonghkwé kén-ikenh ne kaweyennendaonh, neony ne wegghniseràde ne ji-niyakaweryéndiyughs ne Royaner-neh ?

6 Yaghkenh nédekenh ne kén-ikenh ne kanon-dèkonh nene Iih wakerakwenh ? ne ne daonsakhe-nontsterenghsy ne yakorighwaneráaxkonh neony ne karonghyakenghsera rodighwishenghne, neony ne rodighwishenghné aonsahhondadewenniyúne, neony daadiyáke akwèkonh ne kyatyendanyax ?

7 Wahhy yaghkenh thiyahhonkwaghtkawenh-hatye nake-nadaroghk ne ji-nonkà ne yondongh-karyáx, neony ne ne aonsaghsheyathewe ne ne yakodenghdaonh ne ne yondatyádinekenhhonh ne sanonghsakonh ? ne o-nenh shaghsatkaghthó nenhakohhayenghsoskón, nene aonsaghtsraghsé ; neony nene yaghnise thaaghsadaghseghde ji-non-kà nakwah isé sáwaronh ?

8 Ethone t'kákonde denskayakón ne saghswa-theghtsera ánen-yàwen ji-niyught ne orhónke-neh, neony yukondatyé enskanyó enseghsadákaridade neony ne saderighwakwarighsyonghtsera ne sah-hèndonh enwaghdèndy : ne raónwesenghtsera ne Royaner ne wahhy noghnakén kentyughkwá ne dehhodinenrayén aderyughsera.

9 Ethone t'kákonde entyesanadon, neony ne Royaner wahhy ne entharighwáseràkó ; wahhy



denghsaghshenthó, neony wahhy enhhenron, Kenwahhy Kideron. Dòkat èrenh aaghshàwighde ne sewanenhherhenh ne kyatyendanyax, ne eghyehhayenghs ne osnonghsá, ony kaghstontstónjy nayondàdy :

10 Neony dòkat aaghsyádinekenwe ne sadonnhets ne ne ji-nonkà ne adonghkaryakon, neony aínikonghrayèride ne ró-nikonghraronghyàkenh; éthone wahhy ne saghswatheghtsera dendewat-ketskó ne jityukaraghs, neony ne saghsadakonghtsera akwah ánenjàwen ji-niyught ne entyeh nìkare :

11 Neony ne Royaner enghyanontshiné ok yekàkonde, neony sayaweryéndiyú ne sadonnhets ne jiyuhháathenghskwé, neony enseghsarésenghserònnny ne saghstyén : neony ánenseghsyádodénne ji-niyught ne ayakoghnekòndy ne niwadénhenghraaghnehhah, neony ánen-yàwen ji-niyught ne ji-yughnawerode ne oghnèkanoghs ne nyaghtthakaghawerèndáne.

12 Neony ro-nonhhá nene isekeh radiyádareghkwenh ne jioxdènhah nikanakdayèsaghse ne enshadikwadákó: wahhy enjise-niketskó ne jikanonghsakensere ne èsó jienkaghnekwaghsadatyé; neony en-yesanadonghkwé, Nene shakwadakwaghs ne deyughríonne, Nene shayèrits ne jiyuhhàde nene jien-yonnakerade.

13 Dòka densatkarhade-nyon ne saghsikeh ne yaondadokenghdónkeh, ne ji-nighsatyerhá sadonweshén ne akwenghniseradokenghdikeh; neony konwanádonghkwenh ne yawendadokenghdonh ne Naonhhaah e-nekenh yudohhetstaghkwenh jiadonnharah, ne Royádadokenghdy ne Royaner, Rotkonnyenghstkòwah thorighwayèry; nokhony

wahhy ennhonwakonnyenghste, toghsa sánikonrá jêrát, toghsa ony ìse sadadetshenryás ne adónweshenghtsera, toghsa ony ne aesaghtharaghkwén ne ìse sawènna :

14 Ethone wahhy enghsadonnharen ne yádegshyadyh ne Royaner-tseràkonh ; neony lih enkerihhònny ne ìse ne ensaghsàden ne e-nekenghjy nikanakde-nyón ne jiyonghwenjàde, neony entyesànonde enskatneh ne royádadokenghdy ne Yàkwek ne yánihhah : ikenh ne jiraghsakaronde ne Royaner né thodàdyh.

## CHAP. LIX.

I *Ne ro-naderáswaxhenhoh jidewadonnhakaryenh ne Jews-àka né ro-natkàrode ne ne raodirighwaneraaxhera.* 16. 20.

JATKAGHTHOH, ne Royaner rasnonkeh yaghwahhy kéndeyontstonhah, nene yaghdeyukwe-nyón aonsayuyadako ; yaghony ne raohhonghda yuxde deyutyukdonh, ne ne yaghdeyukwe-nyonh aonsahhothòndeke.

2 Nok ne sayádaghdonghtsera nendeyudekhaghsyonh ne dese-nínihhòkenh ne sa Niyoh, neony ne sarighwaneraaxhera rotkonghsaghseghdonh ne isekeh yaghtaonsaghyat hòndeke.

3 Ikenh nenwahhy sasnonghsaxhenhoh desanekwenghsohhare, neony ne sewasnonkeh ne kayádaghdonghtsera ; sewaghskwéndakeh sewadàdyh no-nowéndádòkon, sewénnaghsonneh wahhy

yunonghshe-nhá yelhdadaghtkawenh jidekaya-ghsonde.

4 Yahrenskat ne thiyekonwanadon neyuderighwakwadakwenh, yalhony kaneká dehhonwadayake-nhenhakarihònny ne jitokenghskéònwèh: né ro-nadewennodaghkonn nyahhothè-non thiyá-deyurihhonde, nokhony sewaghthare o-nowéndáò-kon; radinèronh ne sewaderighwaghdonh, neony wahhadihhewe neyaghdeyuderighwakwarighsyonh karighwaneren.

5 Wáthadinhonghsyáke kâjinkitkyt ó-nhonghsá kaghnyaraxhenh, kanenwenh dakwáaghsonh deyúhàradon: raonhhá nene enrake enghrenhheyé, nene dehhodinetstoghraràkonh denkarighde enkayákénne ániyught o-nyare.

6 Nene jiyudinenwenh yaghdeyàweght kane-ná aòndon. yalhony deyàweght ne aondérhòrokde ne yádehhadiyádighshón ne raodiyúdenghsera: ásékenh ne raodiyúdenghserá ne wahhy ne kayúdenghserá nená ne kayádaghdonghtsera, neony ne ji-nihho-natyèrenh ne thentyako-nonghòonse ne iwat ne radisonkeh.

7 Ne ronghsikeh kadakhé ji-nonkà ne wahhetkén, neony dehhodighsterihhénhonhatye ne naonwanekwenghsaweron ne kanekwenghsandron: (Yèsus rao-nekwenghsadokenghdy:) ne ji-nihhonnonghdonnyón ne wahhy ne ji-nihho-nennonghdonnyonghtserodenh nená ne kayádaghdonghtsera; en-yontyèsaghde nokhony atkaronnyát kenbhèyon eghwahhy nihhodihhahhodenh.

8 Ne jiyuhhàde ne kayanerenh yaghdehhadiyendèryh; neony yaghdekayádoreghdaghxherà-yen ne ji-niyahho-ne-nonhhatyé: neony nendehhodighsákdanìhhón ne jiyuhhàde; onghkúkiok

eghniyákawe-nonhhatyé ne éthoh yaghtayeyenderháné ne skènnén.

9 Ne kady wahhònny ne kayádoreghdaghxhera inonh yonkwadonhónh, yahhony thaonsayonkwaghnonderane ne yuderighwakwadakwenh: yakwànonghné ne kaghswathegghtserá, nok jatkaghtoh ji-nityonkwákaraonh; né tyuriwa ne kaghswathegghtsera, nok aghsàdakonh idewé.

10 Yádeyonkwaghjadatyése ne jidewaghsenghdode ji-niyught ne deyeronwèkonh, deyonkwaghjadatyese akwah ji-niyught ne yaghtayonkwakara-daghke: tyonkwaghdeekhonnesé nésane ne entyeh nikare akwah kady ji-niyught naghsonthenneh akenhháke; o-nenh káyese yonkwadonhonh ne jikanakde-nyón akwah ji-niyught ne ro-náwendonh ne ronònkwèh.

11 Deyonkwennidonhhareghraghstonh deyakwaghshenthoghs akwèkwèh akwah ji-niyught noghkwarihhokon, yonkwánikonranenghs ony yonkwánikonghranonwax ji-niyught noride: yakwè-sax ne kayádoreghdaghxhera nok yaghkaneká de-káyén; ne adaghskatshera, nok wahhy i-nonh niyore nonkyonhhakeh.

12 Ikenh nonkwayádaghdonghtsera wahhy wáodeghyaghrontyé ne sahhèndonh, neony ne onkwarighwaneráaxhera nenwahhy yuderihhowanaghdonh deyonkwaderihhoghraràkyli nonkyonhhakeh: ásékenh nonkwayadaghdonghtsera nenwahhy enskatneh idewese; nokhony nonkwaderighwadewaghdonghxhera, yakwayendèryh nethoh:

13 Ne ne yakorighwayadaghdonhonh nokhony yonnowenghthá ne Royaner-neh, neony èrenh yonkwe-nonghdonh ne onkwa Niyoh-neh, neony yeyonkwaghthare degghidewarihhoghraràkonh

nokhony eghjhíde wadewendeghdonh, yonkwane-ronhonh nokhony yonkwadadyh tyuyendaghkonh onkweryaneh owennáòkon o-nowendáòkon yaghtòkenghské dekenh.

14 Neony ne kayadoreghdaghxhera yonkwatswade-nyènnuyh wahhy, nokhony ne yuderighwakwadakwenh i-nonh niyòré nitkade: wahhy ne tòkenghske donsénne naah étho jidekanadòkenh, ne nyuderighwakwadakwenh yaghdeyàweght aondaweyáde.

15 Orighwiyú, nene tokenghsketsera wákayádakenhheyé wakenhheyé; neony raonhhá ne ne èrenh wareghde ne jiwahhetken ok raonhhá wahhadade-nonghskàry: neony ne Royaner wahhatkaghthó, neony yaghdeh haweryéndiyoonh nene yaghthádeyutyáadoreghdonh.

16 Neony wahhatkaghthó nene jiyaghkaneka ne ònkweh, neony wahhorighwaneghrakó nene jiyaghkaneká ne rònkweh naaghshakodatyáse aaghshakorighwakwadakwaghse; nekady wahhònny rao-nontshá wákahhewe nadaghskatshera ne raonnhakeh; nokhony ne raotdakwarighsyonghtsera, ne wáthoghsnyé-né.

17 Ikenh yaghàyéne ne atdakwarighsyonghtsera ji-niyught naoghtyake adàkenh rents-kwe-nakeh nene deyónnyadatstha, neony ne entkakwadonkwaghde ne adaghskatshera ne rao-nonjineh; neony ne wahhatyadawide ne karonghyakenghserá ne rotsheronnyadonh, neony ji-niyught naotyádawidon ne ne yúdarìhhenh dethoweyontyonh ji-niyught naoráké.

18 Ne entyuyanenh hawe nene ji-nìhhodiweyennendaónh rodighsón, ne entyuyanenh hawe jien-shakaryáke, shako-nákhwaseh nene ronwaghsh-

wenghsé, ensegshshakorighwáserakwén ne jikanòron nene ronwaghswenghse, ne ji-nonkà neka-weghnòdon ensegshshakokaryáxhé enghshakorigh-wáserakwenh ne jikanòron.

19 Enlhonwatshaghñighseke kady ne raogh-sènna ne Royaner ne ji-nonkà yádewatshothoghs, neony ne raónwesenghtserá ne ji-nonkà ne ende-waderaghkwakarádade. Ne ò-nenli ne yonkhigh-swenghse t'kàkonde enthònné ánentyughdonhhatyé ji-niyught nentyughnodontyé, ne Raó-nikonrá ne Royaner t'kàkonde enwatharádade ne wade-nyádarohharaghk'wá enwade-nyádarohhàren ne denghnighnyòden.

20 Neony ne Seghshakoyádakwaghs Yèsus Keristus t'kàkonde enrawé ne ji-nònweh ne Zion, neony ro-nonhhakeh nene desho-natkarhade-nyonh ne jikayádaghdonghtsera Yakwek-neh sàyenghde, ràdon ne Royaner.

21 Asékenh nìih, ne kén-ikenh ne jideyonkwarihhonde ne ro-nonhhá, ràdon ne Royaner ; Aké-nikonrá ne naah yekàyen nisekeh, nok nakewennàòkon ne wahhy lih yéwakýondonh tshàkonh, nene yaghthádaondakayàkénne ne tshàkonh, yahhony ne eghsakonh thádaondakayàkenne ne sagh-nekwaghsá, yahhony thádaondakayàkenne ne jiye-ghsakaronde ne saghnekwaghsá jiwákaghnekwaghsadatyé, ràdon ne Royaner, ne ji-nondàweghde neony ne ji-niyenhhènwe!

## CHAP. LX.

I *Ne aonwesenghtsera ne o-nonghsadokenghdy enskànaghne ensewatye-nighde dàwé ènwawe ne étho ji-nònweh nyaghdeyakorighwiuyughstonh. 15.*

SATKETSKOH, desaderonwineken'n; ikenh ne saghswathegghtsera ò-nenh iyuh, neony ne raónwesenghtsera ne Royaner ò-nenh dayutdénkwenhatye ne isekeh.

2 Ikenh, jatkaghthoh, ne aghsadakonghtsera ne wahhy enwadérhòroke ne jiyonghwenjàde, neony yudenshaonli naghsadakonghtsera tyakókaraonli ne ònkweh náeyádoden: nok ne Royaner enthatketskó ne isekeh, neony enghsatkaghthó ne raónwesenghtsera ne isekeh.

3 Neony ne yaghdehhodirighwiuyughstonh t'kàkonde enthònné ne jidesaghswathé, neony koraghkawatshón nene daodighswathéne daonderonrònden ne jidaghsatketskó.

4 Sadaghraketskoh ne skaghdekeh thadesaghkwadàsét, nok satkaghthoh: akwèkonh ronderorox enskatneh rontkennisaaghs, enhhònnewe isekeh: nene sheyénhokonhah ne radijin ì-nonh nenthònné, neony ne tyunathonwisen ne sheyénhokonhah wahhy denkonwadighsnyé-né sé-nihhakdá.

5 Ethone nentkàkonde enghsatkaghthó, neony kayènkwire yádewatyeghste, neony densadonhharenrón ne seryaneh, neony entkowanhaghssere, ásékenh en-yutyé-níonhhatyé ne kanyadarákeghkòwah t'kàkonde wahhy densewatkarhadèny ise-

keh, ne okthenthon-nennonghdonse ne nyaghdeh-hodirighwiyughstonh ne t'kâkonde isekeh den-thònneghde.

6 Ne yudityughkwawènenh ne camels ne endi-sàrhòroke, ne dromedaries-òkon ne Midian neony Ephah ; akwèkonh entkondiyenghdaghkwè Sheba ne enkònnewe : enkondihhewe oji-nekwar karistanòron nok nene watsháaghdonh kaserakón ; ne en-yetshinádonhaghse ne rao-nendonghtsera ne Royaner.

7 Odityughkwakwèkonh ne Kedar enkondero-roke enskatneh enkontkennisa isekeh, ne dekanèn-yat deyudinákarondonhah Nebaioth ne ensarighwakwadakwaghse ne isekeh : t'kâkonde enthònné ne naadiyè-ná ne jikyádaraghsthá, neony Enkónwèsaghde ne kanonghsá ne akónwesen-ghtsera.

8 Ongghkaréòkon nekenhenh nene radityé ji-nì-yught notshàda, neony ji-nìyught noride ne jiyudighsenghdakaghròndon ?

9 Orighwìyú ne kaweghnoghlkwáòkon ne en-wakennonná, neony ne kahhonweyákwatshón ne Tarshish ne tyutyerenghdonh, neony ne en-yakodiyathewe ne radijin ne sheyénhokonhah ji-nonkà ì-nonh, raodiristanòron nokhony ne raodijinekwar karistanòron enthadihhàwy, raoghsènnakonh ne Royaner sa Niyoh, neony ne ji-nonkà ne Enskat Royádadokenghdy ne Israel, ne wahhònnny waghýónwèsaghde.

10 Neony ne radijin ronwadiyénhokonhah ne thihho-nonghwenjadeshón ne den-yesanen-yáserhaghse, neony ne raodikoragghkwatshón ne en-yesarighwakwadakwaghse ne isekeh : ikenh nake-



nákhwenghtseràkonh Enkon-yaghdónde Iih, nok ne ji-nidewakerighwayèry Enskòndenre nise.

11 Nekady wahhònny ne jisadenhenghrakaronde ok-yekàkonde kanhodonkwenghjìonh: yaghthaonsahho-nadennhòdonke ne kénwendekeh yakhony naghsontheneh; ne nethoh ne onkweh-hòkon nénaòndon ayesahheghse nisekeh ne nokthaondahho-nennonghdonse ne yaghdehhodirigh-wiyughstonh, neony raodikoraghkowatshón ne-naòndon aonwadiyathewé.

12 Neony ne niyádeyonghwenjàkeh neony kayanertsera nene yaghthayesayúdenghse t'kàkonde enwaghdondón; orighwiyú, nekén-ikenh ne niyádeyonghwenjàkeh t'kàkonde thentkàkwekde enwadeweyennèndáné kàyese enwàdon.

13 Ne raónwesenghtserá ne Lebanon t'kàkonde enwawe ne isekeh, ne otshoghkòdonh karònda, ony oghneghdákòdwah karònda neony ne oròndo yewistaraghk'wá enskatneh, nene enraseghste ne jikànakde ne ake-nakdadokenghdy; neony Iih enkeweyennèndáne ne jikànakde ne kagsikeh onwesenghtsera.

14 Nene ronwadiyénhokonhah ony ne ro-nonh-há nene yesànikonghraronghyakenthá t'kàkonde enhhònnewé denhhontshakede ne isekeh; neony radikwèkonh nene yesawennontyonh t'kàkonde denhhondontshòden eghdakeh étho ó-nonghkwe-neh ne saghsikeh; neony yen-yesanadón Ne raode-nàdá ne Royaner, Ne Zion nene Enskat Royadadokenghdy ne Israel.

15 Wahhy dakwadewendeghdon nokhony daxwenhonh, ne kady wahhònny yakhonghká ne thádayesadonkoghdén, Iih enkon-yádaneghrak-

waghde, en-yondonuharén yawédowànenh ne jikaghnekwaghsadatyé ne ji-niyenhhênwe.

16 Enghse-nónkera ony ne raodinondá ne yaghdèhdirighwiyughstonh, nokhony enghse-nónkerá ne ronmentskwénakeh ue koraghkawatshón : neony ensaderyendaráné nene Iih ne Akyaner Syaghnerenghsyonh nokhony Syayádakwenh, nene Róshatstenghseraneghrakwahl ne Enskat ne ne Yàkwèk.

17 Akenhháke ondaghkhònweh nákaristoden Iih enkhewé oji-nekwar karistanòron, nok akenhháke ne karistajy Iih enkhewé ne karistanòron, nok nene òyende ony ondaghkhònweh nákaristoden, neony nene o-uen-yáðkon ony karistajy : Iih ony enkhèghsáaghsé ne shekowànenghse ne kayanerenh, neony ne yesaghwiswistaroghròky enshonderighwakwarighsy.

18 Yaghshèkonh thaonsayakothònde ne karighwaxhenhhòkon ne jisadonghwenjàde, ne atkaronnyát yakhony ne kenhhèyón ne jiknerenghné : ok sedaghnón ne yenghse-nadón ne jidesade-nen-yáseronnyón desatshenghdode Nadaghskatsherá, neony ne jisadenhenghrakaronde ne kanendonghtsera.

19 Ne karaghkwá yaghshèkonh ne thádaonse-saghswathéde ne eghniserakeh ; yakhony ne aoghswatheghtsera ne eghnida thádaonsakaghswathéde ne isekeh : nok sé daghnón ne Royaner enskatneh enjatyén ne ise ne ji-niyenhhênwe jideyughswathé, neony sa Niyoh són-wesenghtserá ;

20 Ne saraghkwá yaghshèkonh thiyádaonsotshothó ; yakhony ne sadeghnide erenh thaonsesenonghdén : ikenh ne Royaner ne t'kàkonde ne saghswatheghtsera enkenhháke ne ji-niyen-

henwe, neony ne eghniseraðkon ne sarhónkegh-tsera o-nenh enwadókdén.

21 Sonkwedá ony t'kàkonde akwèkonh enjon-derighwakwarighsy : neony t'kàkonde en-yeyè-ná ne jityonghwenjàde ne jì-niyenhhènwe, ne nyun-haghdòndon ne wakyenthonh, ne kesnonkeh, nene aòndon akónwèsaghde.

22 Nene kénnikonah enskat oyèry tewénnyawe yenwàdon, neony ne kénniwaah enskat ro-nongh-wenjowànenh : Iih ne Akyaner denwaxderihhén denxderihháde nene jiyenhhoderighwihheghse.

## CHAP. LXI.

I *Ne jì-nìghshakorighwàwyh ne Kèristus. 4. 7.*

NE raó-nikonrá ne Royaner Niyoh ne wakraonh ; ne tyuriwa ne Royaner rakwen-ye-narhonh nene nakaderighwaghnòdon nekarighwìyuh ne jì-nonkà nakó-nikonghrànetskha : thake-nhaonh iih nene aonsakhe-nerenke ne deyakaweryaghsaghrionh, nene aonderihhòwanaghde ne sayondadewennì-yúne ne jie-naghskwá, neony ne sahbonwadin-hodònkó ne jiradinaghskwayén ne jiradinhòdon-ghkwe ;

2 Nene aonderihhòwanaghde ne kaye-naghtseriyuh ayeyè-ná ne yughseràde ne Royaner, neony ne wegghniseràde ne enghshakoronghyàkende ne onkwa-Niyoh ; nene akwèkonh en-yakaonrishèndáne ne yakó-nikonghrànenghs ;

3 Nene aondeweyennèndane ne ro-nonhhakeh ne nene rodinikonghrànenghs ne Zion-tseràkonh,

ne ne aonwènnon ne ro-nonhhakeh ne yuraseh ne oghsehhará, ne kèn-yé ne adonnharah ne nyakó nikonghrànenghs, ne kanená ne kanendonghsera ne waihònny ne kánikonra ne yuxde; nene aòndon ne aonwadinadonghkwe karòndá ne atdakwarighsyonghtsera, Ne Royenthonh ne Royaner, nene aòndon aaónwèsaghde.

4 Neony ne jienhhonnen-ye-nonny wahhy kàyesé enwàdon, newahhy enhhadiketsko ne enhhonnònny ne ji-nikayádodenh natkaronnyát, neony t'kàkonde wahhy enshadikwadàkó ne kàyesé yudonhonh jikanadowànenh, ne nyakotkaronnihonh ne jikaghnekwaghsade.

5 Neony ne thihhadinakeraghseràde wahhy denhhadìdane neony ne enhhadinonde ne sentyughkwá, neony ne ronwadiyénhokonhah ne thihhadideah newahhy ne en-yesakarhathówihheke, neony ne en-yesánenhharaghseronnyennihheke.

6 Nok t'kàkonde ne en-yesanadonghkwe ne raojìhhenghstá ne Royaner; ne onkwehhòkon ne en-yesanadonghkwe ne raojìhhenghsta ne onkwa-Niyoh: enghseke ne rao-natshókowaghsera ne nyaghdehthadirighwayèry, neony ne rao-nónwe-senghtseràkonh ne ensadatkowánaghdon thenghsewennohhàrake yádeghsyadyh.

7 Ikenh ne sadehhatsera enghsyè-ná yughnet, neony ne deyakó-nikonghrakhaghsyonkwenh ne enhhondonnharén ne ji-nìkonh ronwanàwyh: ne kady waihònny ne rao-nonghwenja enhhadiyèna ne yughnanet; ne ji-niyenhhènwe yaghnonwèndonh thiyeyòdókde enhho-nadonnharáke ne ro-nonhhakeh.

8 Asekenh Iih ne Akyaner ke-noronghk'wá ne kajenhhayenghtsera nadewendeghtsera, Kheghs-

wenghse ne shako-naghseghthá ne ojistakeh ra-di-yenghs ronwennèyonghs; neony lih wahhy en-ke-nhodònkó ne raodiyúdenghsera ne ji-tokenghs-keonweghtseràkonh, neony lih enkònnny ne ji-ni-yenhhènwe den-yakwarihhònden.

9 Neony ne raodighnekwaghsá wahhy enhho-naderyendarane ne kentyughkwakonh ne nyagh-dehhodiyane, neony ne jiwahhadighkwaghsada-tye ne kentyughkwakonh ne onkwehhòkon: ak-wèkonh nene enbhonwadikén wahhy enhhondòn-derené, nene ro-nonhhá wahhy ne kànen ne ne Royaner rayádaderighstonh.

10 Iih wahhy kowànenh enkadonnharen ne Ro-yaner-tseràkonh, akwadonnhets kananonh ne adonnharah ne ake-Niyoh-tserakonh: ikenh ne raxheronnyadonh ne atshennonnyaghtsera, ne sha-kérhorokdonh ne watyádawitseranòron ne atdak-warighsyonghtsera, ji-niyught ne àsé yunyakhé ne yudérhorokdonh ne nyuráseshón, àniyught ji-niyught nene yunyakhé àsé yudaderáseghstonh yutstonh aodéwaghsharanoronshón.

11 Wahhy ji-niyught ne onghwenja entkakhawe ne den-yuwironthaghsé, neony ne nikahheghda-aghnehhah enkarihhònnny ne ji-nahhódenshón nene kayenthonh ne enkanyó, ne kady wahhònnny ne Royàner Niyoh ne enkarihhònnny ne atdakwarigh-syonghtsera neony kanendonghtsera ne aonsa-kanyó ne akohhèndonh ne akaonghwenjakwèkonh.

## CHAP. LXII.

I *Nene rodliyádadokenghdy ro-neryaghsadarih-henh dehho-nadonghwenjònyh aadiweyennen-dane aadishatstenghseron ne o-nonghsadokenghditseràkonh Niyoh ji-nihhorharatstonh. 6.*

**IKENH** ne Zion ne enkarihònny Yaghtádakaddade nakyanerenghsera, neony ne Jerusalem ne enkarihònny Yaghtakadorishén, ji-nènwe ne atdakwarighsyonghtsera etho enwaghdèndy ji-nìyught ne dayughswathetyé, neony ne adaghskatshera ne éthoh, akwah ji-nìyught nene ayaweyennadekhake.

2 Neony ne yaghdehhodirighwiuyughstonh ne t'kàkonde aontkaghthó ne saderighwakwarighsyonghtsera, neony okoraghtserakwèkonh sònwe-senghtsera: neony t'kàkonde ne àsé enje-nadonghkwé, nene jiraghsakaronde ne Royaner ne entyanadon.

3 Ony ne Royaner raonhhá akwah rasnonkeh enghyennonghwaroroke ne ónwesenghtsera, neony ne dekarenghsaron enghyennonghwaroroke ne rasnonkeh ne sa Niyoh.

4 Yaghshèkonh thiyaonsayesanadon Nayesadewèndeghde: yahhony shèkonh ne jisadonghwenjàde ne akonwanadonghkwé kàyesé yaghdeye-nakerédnweh: ok sédaghnón ne en-yesanadonghkwé Hephzi-bah, neony ne sadonghwenjakéh Beulah: ikenh ne Royaner kowànenh rodonnhahhere nisetseràkonh, neony ne songhwenjawahhy en-yunyaké.

5 Ikenh ji-niyught ne ranekenghderonhah aodi-

nyake ne kawinonh, eghkady nen-yàwén ne radi-jin sheyénhokonhah ensewanyake nìse : neony jiniyught ne àsé ao-nyakón rodonnehhere nenase yunyakon eghkady nen-yàwén ne sa Niyoh enghyadonnharén.

6 Khéderon ne enhhontyeghwàden ne jidesadenen-yáseronnyón desatshenghdode, O Jerusalem, nene yaghnonwèndonh thádakonkòdade ne aodiyanerénh kénwènde yahhony naghsontheneh : yásewawennisaghthak ne Royaner toghsa saghk sadadònnyh ;

7 Neony toghsa yaghjhise-nikwaghtstenh, jinenwe enhhaweyennèdane, neony jinenwe ne Jerusalem enghanèndon ne jiwadonghwenjàde.

8 Neony ne Royaner yughnironh rodàdyh ne jiraweyendeghdaghkonh ne rasnonkeh, neony ne ranontshakeh ne raóshatstenghsera, Orighwiyú yaghshèkonh Thádaondakhèyon ne sàuenghste nene raodik'wá aòndon ne yesaghswenghse ; neony ne thihho-nonghwenjadeshón né shakodiyénhokonhah ne radijin yaghwahhy thaadighnekira ne sawine nene jinahhoden saronghyakenghsera :

9 Nok ro-nonhhá nene ro-nadaderoghròkyh ne enhhàdike, neony enhhonwanèndon ne Royaner ; neony ro-nonhhá nene enskatneh rodihheh neki enhhadighnekirá ne jiwaderighwisaaghthá ne Akerighwadokenghdy.

10 Yádesadohhetst, yádesadolihetst ne jiyudenhenghrakaghròndon ; sadenrhàrat ne jiyakohhàde ne onkwehhòkon, yáserorok, yáserorok ne jiyuhlahhakwé-niyú ; dese-nen-yughdarhoh ; sharàdat ne ye-nyádarohharaghk'wá ne onkwehhòkon.

11 Jatkaghtthoh, ne Royaner nenwahhy dehhorighware-nyadonh jinaðeyudonghwenjókdanih-

hón, Yetshiyenhhaghs ne konwayenhah ne Zion, Satkaghthoh, ne sadaghskatshera ònwé, satkaghthoh, dehhorighwanhare rorharatstonh wahhy radikwekonhhatyé, neony ne raoyúdenghsera raohhèndonh.

12 Neony ro-nonhhá yenghshakodironghyenhare, Ne onkwédadokenghdy, Ne seghshakoyá-dakwenh ne Royaner: neony ne en-yesanadonghkwé, Wakesakonhhatyé Ne kanadowànenh ne nyaghdewadewendeghdonh.

### CHAP. LXIII.

I *Keristus waghshako-nádonhaghse onghka ne raonhhá, ne ji-nahhoden ne raodénshennyeghtsera nene ronwaghswenghse, 7.*

ONGHKA ne kenhenh nene dayeyenghdaghkwe ne Edom, ne waghsohhonh nako-ne-ná ne ji-nonkà ne Bozrah? ne kén-ikenh ne nà ne ónwesenghtserá ne rotsheronnyadonh, rathahhíne nene ji-nikowànenh ne raóshatstenghseràkonh? Iih nekén wakadàdyh natdakwarighsyonghtseràkonh, thikáshatste ne ne enjakoyadakó.

2 Ne kady wahhònny isé wahhy no-nekwenghdara nighsaghkwennyodenh, neony ne satyadawy ji-niyugt ne raonhhá nene kénnyaayerhake ne wine-tseràkonh yurésenh?

3 Nenwakeradaonh ne wine ye-nonwenjirogh-rarakthá ne ok yádekayadyh; neony ne onkweh-hòkon yahlenskah deyakwé: ikenh Iih denkhaya-dékhahhaghkwé ne ake-nákhwenghserà, neony



enkheràdâne ne ake-nákhwenghseràkonh ; neony ne raodinekwenghsá denwatstaradonkwaghdon ne akwatyádawineh, neony Iih enkhónjighstanyon akwatyádawitserakwèkonh.

4 Ikenh ne wegkniseràde ne engshkeronghyà-kénde nená nakweryaghsakonh, neony ne yughseràde ne shaknerenghsyonh o-nenh iroh.

5 Nenkady riyádisax naikén, nok yaghkaneká thayonkyè-nawáse ; nok Onke-neghrákó nene ji-yaghkaneká ne ne akonwayè-nawáse ; nekady wahhonny nen-akwah iih ke-nontshakeh wakah-hewé nadaghskatshera ne iih-neh ; neony ne ake-nákhwenghserá, ne wadewaxnyé-né.

6 Neony Iih denkheyaraghsidakenseraghkwe ne onkwehhòkon ne ake-nákhwenghseràkonh, neony enkhe-nonghwaraghdónde ake-nákhwenghseràkonh, neony Iih eghdakeh dendekhàwighde ne raodishatstenghsa ne onghwenjakeh.

7 Iih enkatròry yenwakewennìsaghde ne ji-nithorighwayèry ne Royaner, neony ne rao-nendonghtsera ne Royaner, ne entyuyanenh-hawe ne akwèkonh ne ne Royaner enseghshonkwayèritshe onkyonhhakeh, neony ne kowànenh t'karighwayèry ne ji-nonkà ne jikanonghsode ne Israel, nene raonhhá wahhy seghshakoyerìdyh ne dayuyanenh-hawe ne rao-nidenreghtsera, neony ne entyuyanenh-hawe ne kentyughkwakeh ne ji-nithorighwayèry ro-nidènrónh.

8 Ikenh wahhenron, Orighwiyú ro-nonhhá wahhy akonkwedá, exháokonhah nene yaghthayonnòwenghde : raonhhá kàdy ne Seghshakoyadakwenh.

9 Orighwakwèkonh ne raodironghyakenghsa raonhhá roronghyakenhonh, neony ne karonghyakeghrò-nón ne jienskatneh saghshakoyadakó : ne

rao-noronghkwátseràkonh neony wádeghshakonghyàníke saghshakoghnerenghsy : neony waghshakohhayenghsònnny, neony enghshakohhaweghniserakwèkonh ne waghònnise.

10 Neony ronwarighwarakwènnnyh, nokhony radinákònnnyh ne Raó-nikonghradokenghdy : ne kady waghònnny dehhotkarhade-nyonh dehho-nadatswenhonh, neony ro-naderiyuh dehhodinyode rononhhá.

11 Ethone saghreghyarané ne jiweghniseradenyonghkwé ne waghònnise, Oses neony ne raonkwedá, wahrenron, Ká ne raonhhá nene dedeghshakodiyádinekenhhonh ne kanyadarákeghkòwah rònne ne ratsteristhá ne deyudinákarondonhah ne ji-nihhotyughkwá ? ká ne raonhhá nene eggyehhòyén ne raó-nikonghradokenghdy ne raonhhátseràkonh ?

12 Nene aaghshako-nontshine ne jiraweyendeghdaghkonh ne rasnonkeh ne Oses ne raónwesenghtsera rao-nontshá, wátkaghnekakhaghsy ne raódihhèndonh, nene aaghsennadatyé ne ji-niyenhènwe ?

13 Nene waghshakoghshàrine wáthondohhetste nè o-nákonghjy, rji-niyught ne yakoghsàdenghs ne karhàkonh, ne ne yaghtaondayunaghdéke ?

14 Ji-niyught ne karyú yayutsnenghdonhhatyé ne ji-nonká yonghraghkwenh, ne Raó-nikonrá ne Royaner ne enhharihhònnny ne enhhaonrishèndáne ; egkady nisayèrenh sheyaghsharìnonh ne sonkwedá, nene asadadónwesaghde saghsènná.

15 Dethakanere ne karonghyakeh neony dehha-kanere ne ji-nonká tye-nakere ne sayádadokenghdy neony ne sònwesenghtsera : káneh sanákhwenghsera ne yúdarìhhenh nokhony ne sáshatstengh-

sera, ne jiyurakaghre kawennadatyé ne seryaneh nokhony ne sennidenreghtsera iihneh nonkàdyh? ne wahhy tho-nadironde dehhadidenghstonh?

16 Yahhothè-non deyuderighwaghseghdonh ji-ise Kwánihhah, ethosané Akwerent yaghdeghshonkwàwyh nashonkwayenderhaghstènnny ashonkwarihhonnyènnny nonkyonhhá, nokhony ne Israel yahhó-né deghshonkyondereónh : isé, O Sayaner, isé wahhy Kwánihhah, Seghshonkwayádakwenh, saghsènná, tyuyenghdaghkonh ne ji-nonkà ne jiniyenhènwe.

17 O Sayaner, oghnaah waghskwayádaghdóndé ne ji-nonkà sahhàde, nokhony waghskwànikongh-raghnìrade ne ji-nonkà ne saghderonghtsera? Donsajatkarrhàdènyh ne enkarihhònny ne kenháse, ne kaghwajira ne sarighwiyughstaghk.

18 Ne nonkwèhhòkon ne sheyadadokenghdy ne enhhontyènaawaghste kén ok nikariwes : nene de-yonkhínihhaghròdonghs yonkhighswenghse dehhonaraghsìdakénseraghkwenh ne sanakdadokenghdy.

19 Isé wahhy dakwawennìyú : yaghnonwèndonh thaaghskwahhayenghsònnny sheyatsterist ne ro-nonhhá; yaghwahhy né dehhonwadinádonghkwenh ne saghsènná.

---

## CHAP. LXIV.

I *Ne kentyughkwadokenghdy ro-naderènnayén nene aondahhadennnyeghde ne Niyoh raóshatstenghsera. 9.*

**WEH** nene aaghseghre kerajònkoh ne jikaronghyàde, nene aaghseghre t'katsnenght, neneh ne ji-

yunonde-nyón ne naòndon aonsakawistanawenghdon eghdakeh ne éthoh sahhèndonh;

2 Ne ji-o-nenh ne enskawistanâwen ojire enwatshaaghdé, ne ojire enkarihhònnny ne oghnèkanoghs ne jiden-yughnekòndy; nene aaghsònnny ne saghsènnâ aaghlshedokadén nene yesaghsweughsé, nene niyádeyakaonghwenjàkeh nene ony ayakoyádishonghkwé ne sahhèndonh!

3 Ne ò-nenh eghshaghsyere ne yurighwaneghrakwaghdenyón nene yaghdeyakwàkenghs, isé disatsnenghdonh, ne nyunonde-nyón enskawistanawenghdon eghakeh éthoh sahhèndonh.

4 Ikenh ji-nahhé ne jityudonghwenjadaghsawe onkwehhòkon yaghdehho-naghròkenh, yahhony thiyehho-natdokenh naodínikonghrayendaonh ne rao-nahhonghdá, yahhony ne okará deyudikenh, O Niyoh, shekonh thikàde ne isé, òghnahhoden ne raonhhá rodenrharàdy nene jiró-nonghne.

5 Dendeghtshaderade ne ne rodonnahhere ony royúdenhonh natdakwarighsyonghtsera; notyákeshón nene yeseyaghre ne ji-niyesaderighwìnonh: jatkaghtthoh, sanákhwenhonh wahhy; ikenh yonkwarighwanerén wahhy: ne notyákeshón ne okhònenh ji-nentyonkwayerén, neony ne enjonkwayadakó.

6 Nok dewakwèkonh wahhy ji-nìyught nothènon deyunon-yanight, neony akwèkonh nonkwatdakwarighsyonghtsera akwah ji-nìyught no-nyádaraxhenghskwá yuhhetkenhónh deyunon-yanight; neony yedewakwèkonh nen-yonkwadaghsokwènnnyh ji-nìyught ne o-neraghde; neony ne yonkwarighwayádaghdonhónh yonkwarighwaneren, ji-nìyught ne †jiyaode, ne †yeyonkwayádenhhah.

7 Neony yahhenskat ne ne yayesaronghyenharhere ne saghsèna, nene aadadoryaneron ne-yádehhayadyh nene ayatyè-nawaghste: ikenh wahhy dakwatkonghsaghseghdènnnyh nonkyonhhá, neony dakwatyesaghdonh dakwatshúaghdonh dakwaghdondondh nonkyonhhá, aoriwá ne onkwayádaghdonghtsera onkwarighwaneraaxhera.

8 Nok nonwá, O Sayaner, isé wahhy Kwáni-hah: wahhy ókenrá nonkyonhhá, nok nìsé dakwanájonnyènnny ókenra; neony yakwakwèkonh ne kayúdenghsera ne sesnonkeh.

9 Toghsa aesanàkhwén nakwah aeseryéndanonwake, O Sayaner, yalhony thaseghyaráke ne kayádaghdonghtsera karighwaneren ne ji-niyenhènwe: Tshéh satkagthoh, wákwennidenghden, akwèkonh wahhy isé sonkweda nonkyonhhá.

10 Sanadadokenghdy wahhy ne karhàkonh, karhàkonh wahhy ne Zion, kàyesé yudonhonh ne Jerusalem.

11 Onkwayádadokenghditsera neony onkwanonghsiyughtsera, ji-nònweh ne yakhínihhahhòkon niyesanendonthá, yutshón yudekén: neony akwèkonh nonkwadónweshenghtserákenhhá nakarihhodénse eghkàyese òndón.

12 Ji-nahhé nìsé waghserighwaghtkáwe ne yádegshyadyh nekén-ikenh karighwaòkon, O Sayaner? enghsatyè-nawaghste-kenh ne sayanerenh, neony denghskwaderyéndakaryaghde nakwah yúnikonghranonwakt?

## CHAP. LXV.

*I Ne nyaghdekhodirighwiyughstónh yahhonwadinsonke, nok ne Jews-àka wahhondewennòndy. 17.*

**IIH** kheyadìsax ne ro-nonhhâ nene yaghdehhonkerighwanèndonghs; Iih wakheyádatshèny nene yaghdeyonkyadìsax: Wákiron, Dakwatkaghthoh nìih, dakwatkaghthoh nìih, ji-nonkà ne nàkaonghwenjoden nene yaghthiyeyonke-nadon ne axhènnâ.

**2** Yádewakade-nontshakwarighdonh eghniserakwèkonh ne ji-nonkà ne yonkerighwarakwènyh ne onkwehhòkon, nene eghro-naghdeyonyonhhatye ne jiyuhhâde nene yaghdeyuyanere, ne radighsere nakwah yádehhadiyadyh raodínikonrá.

**3** Ne onkwehhòkon nene yonke-nákònnny nene aonke-nàkhwén ok yekàkonde tyutkonh nene jikkonghsonde; nene ronnèyonghs ne nikahheghdaaghnehah, neony rontshaaghthá kaserakon ne etho jiyeyádaraghsthá neyúdàraryh;

**4** Nene tyakodadèronh etho jityeyádadaryón, neony ne neghye-nakere jiyunondowànenghse; nene yewarax ne kweskwes, neony ne o-nòndara nakwah yúdaraeh ji-niwahhetkén ne karighwaòkon né ikare ne raodikeghràtneh;

**5** Nene ròndon, Desták thásonhháahhák, toghsa thoah kàseght nìih-neh; ikenh Akyadadokenghdy senhhâ ji-nìse nìyught. nene kén-ikenh wahhy yutyénkwardònyh ne ké-nyonghsakonh, ne ojire nene enyudekhaké eghniserakwèkonh.

6 Jatkaghtoh, ne wahhy kaghyàdon nakhèndonh; yaghsaghk Thakadadònny, nok daghnnon enkyèride jienkherighwaserakwén, sháden-yàwen ony jienkheyeritshe enkherighwáserakwén ne etho ronnentskwe-nakonh,

7 Sayádaghdonghtsera, neony ne raódiyádagh-donghtsera ne Shé-nihhahhòkon enskatneh, ràdon ne Royaner, ne ne ro-natshaaghdonh ne kasera-kón étho jiyunonde-nyón, neony yonkerighwaye-saghthá étho jiyonghnyaghrónnyón: ne kady wahhònny lih enkadé-nyèndén ne ji-nihhodiyyu-denghserodenh ne éthoh ronnentskwe-nakonh.

8 Kénnihhoyèrenh ne Royaner, Ji-nìyught ne àsé ne wine ne ná yudetshenryonh ne ji-nònwèh niyutwé-nonniónh yunadeghyaghrontye ok ne shakat, neony enskat ràdón, Toghsa saghdónt; ikenh adonnharaghk naah iwat: étho kady Nenkyeré ne enhhadirihhònny ne khe-nháséòkon, nene Yaghtlakheyaghdonde akwèkonh.

9 Neony Lih wahhy entkyàkenwe nekànéne ne raonhhakeh ne Yàkwek, neony entkyàkenwe ne raonhhakeh ne Judah ne nayondaderakwén ayeyè-ná ayondonnharén ne ake-nondowanenghtsera: neony ne kheyádarakwenh t'kàkonde enhhadiyè-na adonnharah, neony ne khe-nháséòkon etho enh-honnakerade.

10 Neony Sharon t'kàkonde ne ao-nadenhenrá ne deyudinákarondonhah ji-niyudityughkwá, neony ne ji-yonghraghkwanyón ne aontshá kanonghwakdenghsera ne jikànakde ne jiayontkènnisa ne eghdakeh ayontyá tyònnide, né nakonkweda nene yonkyádisax.

11 Nok ne jonhhá wahhy eghjhisewadewendeghdonh ne Royaner ne ne yakó-nikònrhenhonh

nakwade-nondadokenghdy. nene enwadenrharàdon yenkayèride ne adekhwarah ne aoriwa nethoh kentyughkwá, neony nene akayèride ne ayeghnekirá-yonneyonghk'wá ji-nonkà ne tho-ikenh niwaghratsherodenh.

12 Nekady wahhònny Enkon-yarade nisé ji-nonkà násharekòwah, neony t'kàkonde sewakwèkonh eghdakeh denjadontshòden ji-nònweh niyondaderiyughthá: né tyuriwá ne ji-o-nenh Yekwanadon, yaghdedisewadàdighs; ne o-nenh Yákadàdy, yaghdejathònde; nok wahhetkén ji-nisewayèrenh nakhèndonh ne khaghdekeh, neony né sewarakwenh nene ji-nònweh ne yahhothè-non Dewaker-yéndiyughs.

13 Nekady wahhònny kénnihhoyèrenh ràwenh ne Royaner Niyoh, Jatkaghthoh, ne khe-nhásé t'kàkonde denhhontskaón, nok ne jonhhá t'kàkonde ensewadonghkaryáke: jatkaghthoh, ne khe-nhásé t'kàkonde enhhadighnekira, nok ne jonhhá t'kàkonde ensewanyádathén: jatkaghthoh, ne khe-nhásé t'kàkonde enhhondonnharén, nok ne jonhhá t'kàkonde ensewadehhén:

14 Jatkaghthoh, ne khe-nhásé t'kàkonde denhhadiriwaghkwé enhhondonnharén rao-neryaneh, nok ne jonhhá densewaghshenthó ne ó-nikonghranonghwakdane ne seweryaneh, neony t'kàkonde densewabhènreghe ányonh erhar ne ji-nádeyuderyéndakaryah kanonghwakdenghsera ne kánikonrá.

15 Neony t'kàkonde yense-niyén ne se-nighsénna ne adewendeghtsera ne karonghyakenhónh ji-nonkà yewakerakwenh: ikenh ne Royaner Niyoh t'kàkonde enghyaghdonde, neony òya enseghshako-nadonghkwe ne shako-nhásé: 4



16 Nene raonhhá radatyádaderighsthá nyádeh-hayadyh ne jiyonghwenjáde, t'kàkonde radatyádaderighsthá ne Niyoh-tseràkonh ne jítokenghs-keònwèh ; neony raonhha nene yurighwaghnìronh enhhadàdy karighwaxhenh ne jiyonghwenjáde, t'kàkonde Niyoh-neh yahharighwaghnìrade ne ji-wahhadàdy ne karighwaxhenh ne tokenghskéònwèh ; ásékenh ne ji-nikarihodenh ne deyúnikon-rharaghde-nyón wahhy rodínikonrhenhónh, nok né tyuriwa wahhy ro-nadaghseghdènnh ne kha-ghdekeh.

17 Wahhy, jatkaghtoh, àsé Sewakeweyennendaónh ne karon-yá, àsé ony nonghwenja : neony ne ji-nikarighwayèrenh yaghwahhy thaonsakegh-yaráke, yahhony thiyadnsonwé nakwennonghdon-nyonghtseràkonh.

18 Nok daghnnon satshennonnihhák ony sadon-nharák ne ji-niyenhhènwe ne éthoh néne Jidew-akeweyennendaónh : wahhy, jatkaghtoh, Iih wakeweyennendaonh ne Jerusalem ro-naðon-nhahhere, aonkwedá ro-naðonnhahhere.

19 Neony Iony enkadonnharén éthò Jerusalem, neony enkadonnharen ji-nònwèh nakonkwedá : neony ne jiyewennode ne deyonghshenthoghs yaghshèkonh thadaondayuthòndeke, yahhony ne jiyewènnode deyakohhenreghtá.

20 Yaghshèkonh ne étho ne niyexhádaah ne wegghniserade-nyón, yahhony ne roxdèuhah nene yaghdehho-nanonh ne raodeghnisera : ikenh ne exhaah t'kàkonde en-yaihheye ne enskat tewénnyawe niyughseràkeh ji-nentyakòyén ; nok neh yakorighwaneraaxkonh, eghnen-yughdon enskat tewénnyawe niyughseràkeh ji-nenthòyén, nentkà-

konde enhhonwaronghyàkende jidewadonna-hakaryenh.

21 Neony enhhadinonghsonnyanyón, neony éthoh wahhonnakerade; nokhony t'kàkonde enhhadiyenthó nó-nenhhara kahhighk, nokné enhhàdike ne kahhighk.

22 Yaghshèkonh thaonsahhadinonghsònny, ne òya aonsahhonnakerade; yaghony thaonsahhadiyenthó, neony ne shèkonh òya né aonsahhàdike: ikenh ne jiweghniserade-nyón ne karònda ne yakodeghniserade-nyón nakonkwedá, neony ne khe-yádarakwenh t'kàkonde kariwes jienhhondonnharén ne raodiyúdenghsera ne radisonkeh.

23 Yaghdeyàweght nokhoriwakon ne jienhho-diyúden, yaghony ne thaadihhewe ne deyúnikonrhàrah: ikenh ro-nonhhá wahhy ne kànen ne raoyádaderightsera ne Royaner, neony ne rònné ne raodighnekwaghsá.

24 Neony t'kàkonde étho enwaderihhònkoghde, nene arekhó thiyehhonwanadon, Entkadàdy wahhy; neony ji-nìkari-wes shèkonh wahhy nihhodighthare, nok Enkaronké.

25 Ne okwahhó neony ne niyakaah ne deyudinákarondonhah enskatneh den-yunatskáontyeseke, neony ne kenrex deyawennekeraghrionh ènwake ji-nìyught ne deyunakares: neony onghwenja wahhy né aok'wá no-nyare, yaghwahhy thayakodikarewaghdeyaghony thakonghdonde akwèkonh nake-nondadokenghdy-ràdon ne Royaner.

## CHAP. LXVI.

I *Niyoh wahhy eghdakeh enhhadadònny ne jì-nithorighwayèry. 5. 15.*

**KENNIHHOYERENH** nè Royaner, ne karon-yá nená nakwennitskwaghraghxheradokenghdy, nok neh onghwenja nená nakwaraghsídakenserah : káná nikanonghsode nene aaghskwanonghsisaany ne iih-neh ? neony kánònweh nikànakde jiakadorishén ?

2 Wahhy akwèkonh ne kén-ìkenh karighwáðkon iih kesnonkeh yuweyennendaónh, neony akwèkonh ne kén-ìkenh karighwáðkon eghnen-yughdòngháke, ràdon ne Royaner : nok raonhhakeh kén-ìkenh rònkweh Denhhiyatkanerén, shádèyught ony ne raonhhakeh nene ròdenght nokhony nene dehhó-nikonghraghrionh jikarighwanerén, ony royádishonghkhwá nakewennakeh.

3 Raonhhá nene enhharyuke ne deyunakares jì-nìyught ná nedòka onkweh ashakoryuke, raonhhá nene enhhennè-yonghkwé ne niyakaah deyudinákarondonhah, jì-nìyught ne ðòka nónkenh erhar aanyaryáke, raonhhá nene rennèyon ne rarighwánekhá, akwah jì-nìyught ne kweskwes o-nekwenghsá aarighwánèken, raonhha nene ratshaaghtá ne kaserakón, akwah jì-nìyught nene dòka kayáðdònnyh aayádadèrighste : orighwiýú, ne rodirakwenh ne raodínikonrá rodiyerádonhhatyé, neony ne rao-nadonnhets ne ro-nadónweshonghkwenh ne raodihhetkenghsera.

4 Iih ony né enkerákó ne raodirighwayádaghdon-

ghsera, neony enkhewe ne raodighderinghshera ne ro-nonhhakeh; né tyuriwa ji-o-nenh Yekhe-nonx, yahhenskat detyakodàdyh: ne o-nenh Wákadàdy, yaghdehho-nathònde: nok wahhetkén ji-nih-hodiyerenh nakhèndonh ne khaghdékeh, nok ne rodirakwenh nene ji-nahhoden nekowànenh yagh-dewakeryéndiyughs.

5 Jaronk ne raowenná ne Royaner, jonhhá nene sewayádishonghk'wá ne raowennakeh; Sewadadékhènhah nene yesaghsweughsé, nene issy yeyesayádonnyonh né tyuriwá ne axhènná, ràdon, Kinyoh ne Royaner rónwèsaght: nok raonhhá nene entré enhhadadodaghsy ji-nòn ne sadonnharah, neony wahhy enhhonwanadehháde.

6 Ne owènná ne yuràkaghre ne ji-nonkà t'kanà-dayén, ne owènná ne ji-nonkà ne o-nonghsadokenghdy, ne raowènná ne Royaner nene en-yakoráne enjakotkarayèritshe ne ne ronwaghswenghsé.

7 Arekhó shiyudewédon, wákahhewe; arekhó shiyuh naoronghyakenghsera, wádewadohhetste wabhodewédon ràjin.

8 Onghká yakothònde neghnikarihhdodenh? onghká yakotkaghthonh neghnikarihhdénse? T'kàkonde ne onghwenja enkaghsón nene enkahhewe ne ok neh seweghniserat? nedénhens t'kàkonde ne jakaonghwenjah akwah ok enskat jiònkweh en-yòndon? ikenh akwah ne ok ne Zion enwadewédon, enkahhewé nakoyénhokonhah.

9 Iih kenh enkhewé jiònkweh en-yòndón, nok yaghdewakeriwá ne jikahheh? ràdon ne Royaner: wahhy Iih akeriwá ne jikahheh, neony waden-nhòdonh ne jityondeghyaghronghk'wá o-nekwendakonh? ràdon ne sa Niyoh.

10 Jadonnharenh ne Jerusalem, neony jatshen-

nonnihhá ne aonhhá, jonkwedakwèkonh nene konwanoronghk'wá yakodonnahhere ne adonnharah ne aonhhá, jonkwédakwèkonh nene konwà-náse naonhhá:

11 Nene aòndon aesewanónkera, neony aese-weryéndiyú ne wentskwé-nakeh né naodorishen-ghtsera, nene aòndon aesewanóndinekenwe, neony wadonnhaghraghxherowànenh neyaonsontye-uíne neaonhhá aónwesenghtsera.

12 Wahhy kénnihhoyèrenh ne Royaner, Jat-kaghthoh, lih wahhy yádenkdakwarighde nekay-nerenh ne naonhhakeh ji-nìyught ne kayyhonh-hadatye, neony ne rao-nónwesenghtsera ne nyagh-debhodirighwiyughstòn ji-nìyught ne dayugh-nodontyé deyughnekakah : éthone wahhy ensewa-nónkera, ensewadaghkatstade ne kanihhakda, neony denkanonnyaghkwe den-yontshodatyeseke.

13 Ji-nìyught ne enskat ne ro-nistenhhah skon-wayádagniràdonh, isé kady ony Enskon-yádaghnirade, neony dentyesayadagnirade ne Jerusa-lem-tseràkonh.

14 Neony ne ò-nenh ensewatkaghthó nekén-ikenh, sewadonnhets wahhy enwadonnharén, neony ne saghstyén sondákarîdade sondeghyaron akwah ji-nìyught nyuhhondowànenghse ; neony ne rasnonkeh ne Royaner ne nenhho-naderyenda-ráne ne ji-nonkà ne shako-nháse, neony ne raode-ryaghdikhonghtsera ne ji-nonkà ne ronwaghs-wenghsé.

15 Wahhy, jat-kaghthoh, ne Royaner wahhy entre entkenjiraratye, neony ne raósereghdiyuh akwah ji-nìyught ne dentyuweradasehhatye, nene endewaderaajonkohbonné ne rao-nakhwenghsera

ne then-yúshatstatyé, neony ne ne ronwarighwaghstany entyudonghkodatye ne ojire:

16 Ikenh ne ojire nokhony ne raosharékwah wahhy ne Royaner denhharighwake-nhá ne owa-ghrakwèkonh : neony ne Royaner yawédowànenh enghshakoryú enshakoghdonde wahhy.

17 Ro-nonhhá nene sho-nadatyádadokenghdighstonh ne nyádehhadiyádighshón, nokhony shonaderighwaghrakwenh ne jiyuderighwaneren nyádehhadiyádighshón étho kahheghdakoh niwadénhenghraaghnehah, karondakdá ne skaròndah etho shádewaghsènnenh, radíwarax kweskwes, neony ne adatswenhoh ne wahhetkenshón, neony ne oji-nòwenh, ne wahhy enskatneh enwatshaaghdón, ràdon ne Royaner

18 Asékenh kheyúdenghserayendèryh nokhony ne rao-nennonghdonnyonghtsera: t'kàkonde wahhy ênwawe, nene t'kàkonde wahhy Enkheyádaroke akaonghwenjakwèkonh neony awénnaghsonhhòkon ; nokhony t'kàkonde enthònné, nokhony enhhontkaghthó nakónweshenghtserá.

19 Neony Iih enkyerònnitste enwadé-nyenghston ne rao-dityughkwakoh, neony Iih yenkheya-dennyeghde nene shodínyakenhon ne ji-nonkà ne niyádeyonghwenjàkeh ne ji-nonkà ne Tarshish, Pul, ony Lud, nene tho-náennadironde, ji-nonkà ne Tubal ony Javan, ì-nonh niyòre ne ji-nikaweghnòdon, nene yaghdehho-naghrónkaoh ne ji-nikerighwanakere yahhony dehho-díkenh nakónweshenghtsera; neony enhhadirihhòwanaghde nakónweshenghtsera ne kentyughkwakoh ne nyaghdehhodirighwiughstonh.

20 Neony akwèkonh endeghshakodiyádenh-hawe ne sewadékènhah ne naonnèyón ne Royaner-

neh, ne akaonghwenjakwèkonh, yakoghsadenghs-  
neh, enhhonnitskwarén ony kásereghtseràkonh, ne-  
ony en-yondidá ne waghdentyeghthá, neony en-  
yonnitskwarén nene shádewaghsènnenh ne ade-nà-  
dyh, neony en-yonnitskwarén nene deyudiryúda-  
kah, ji-nonkà ony nake-nondadokenghdy Jerusa-  
lem, ràdon ne Royaner, ji-nlyught ne shakoyénho-  
konhah ne Israel radihhàwy kakeghrátseriyuh ne  
jikaratye ne nenhhonwennèyonghkwé étho rao-  
nonghsakoh ne Royaner.

21 Nokhony Iih ony enkheyè-ná enkarihhònnny  
ne rajihhenghstajyh, neony wahby Levites, ràdon  
ne Royaner.

22 Ikenh ji-niyught ne àsé ne karon-yá nokho-  
ny nonghwenja àsé, nene Iih enkeweyennèndáne,  
t'kàkonde né en yudàdenre nakhèndonh, ràdon ne  
Royaner, eghkady nen-yàwen ne saghnekwaghsha  
nokhony ne saghsènná ony en-yudàdenre.

23 Neony étho nen-yàwénne, nene dàweghde  
àsé neghnidá enskat donderade, neony dàweghde  
ne yawendadokenghdoh enskat donderade, t'kà-  
konde ówaghrakwèkonh entkònne nene en-yonke-  
righwánèkén nakhèndonh, ràdon ne Royaner.

24 Neony ro-nonhhá enhhonghdèndy, neony  
enhhontkaghthó denhhontkaneren ne okaryéndàó-  
kon ne onkwehhòkon ne yonkerighwaneráakdèn-  
nyh niih-neh : ikenh ne raodiji-nòwá yaghwahhy  
thakenhheyé, yabhony ne raodijire thaonswá, ne-  
ony ro-nonhha wahby thyaghtao-neryéndiyú ne  
ówaghrakwèkonh.